

699 /
1966/4

საქართველო
ბიბლიოთეკა

ბიბლიოთეკა



1966

12

ბიბლიოთეკა

10.336

12

დეკემბერი

1966

ლიტერატურულ-
მხატვრული და
საზოგადოებრივ-
პოლიტიკური
ჟურნალი

საქართველოს ალკა ცენტრალური კომიტეტისა
და მწერალთა კავშირის ორგანო

თბილისი

ვასო გომიაშვილი,

საზოგადოებრივი სახალხო არბიტრი.

აბა, ესეც ასე. ეს წელიც ხომ ჩავაბარეთ ისტორიას...

თქვენ კარგად იცით, რა ფიქრიც დამტრიალებს თავს. ვთქვა? ვიტყვი!

ჩემს ქვეყანას მრავალჭამიერობა, სიუხვე და ბარაქა, ჩვენს ბავშვებს — ჯანმრთელობა, გაზრდა და დღეგრძელობა; ჩვენს ასულებს, ჩვენს ჭაბუკებს — ყველა კეთილი ოცნების ფრთაშესხმა. ვულოცავ ჩემს სამშობლოს ახალ წელს და ალავერდი თქვენთან!

აბაბი უანიძე,

საქართველოს მეცნიერებათა აკადემიის აკადემიკოსი.

ვულოცავ „ცისკრის“ მკითხველებს ახალ წელს და ვუსურვებ, რომ ქართულ ერს მომავალშიც მრავალი ჰქონდეს ისეთი ბედნიერი და სანეტარო დღეები, როგორც იყო მარად ტკბილად მოსაგონარი ზეიმი — ჩვენი სათაყვანებელი მგოსანთ მგოსნის შოთა რუსთველის იუბილე.

ვივი წითელია,

სოციალისტური შრომის გმირი.

ვინც კი ყოფილა მახარაძის რაიონის სოფელ ნატანებში, უთუოდ შეამჩნევდა სოფ-საბჭოსა და კოლმეურნეობის გამგეობის შენობის კედლებზე გამოფენილ სამამულო ომის მონაწილეთა პორტრეტებს. ბევრი ჩვენი თანასოფელელი იბრძოდა ჩვენი სამშობლოს დედაქალაქ მოსკოვთან, რომლის გმირული დაცვის 25 წლისთავი ფართოდ და საზეიმოდ აღნიშნა საბჭოთა ხალხმა.

ახალი წლის წინ არ შეიძლება სიყვარულითა და მღელვარებით არ მოვიგონოთ მათი რაინდული ბრძოლა და შემართება. სასიხარულოა, რომ მშვიდობიანობის ჟამსაც ჩვენი სოფლის მოსახლეობა თავდადებული შრომის მაგალითებს გვიჩვენებს.

აი ამ სოფლის მშრომელთა სახელით ჩვენს ხალხს მივინდობ მიეულოცო ახალი წელი!

ალექსანდრე ჯავახიშვილი,

საქართველოს სსრ მეცნიერებათა აკადემიის აკადემიკოსი.

მთელი ჩემი სიცოცხლე ახალგაზრდობას ვემსახურებოდი. უფლებაცა მაქვს და მსურს კიდევ განსაკუთრებული სიყვარულით მივესალმო მას. ახალი წლის მიჯნაზე მივინდა ვუსურვო მას ჯანმრთელი და ლამაზი სიცოცხლე, ნაყოფიერი შრომა, დიდი წარმატება მისი მრავალმხრივი მუშაობის სარბიელზე.

მე მჯერა თქვენი! მჯერა და მწამს, რომ კეთილი საქმეებით განამტკიცებთ ქართველი ხალხის სახელსა და ღირსებას.

ალექსანდრე ჯანელიძე,

საქართველოს მეცნიერებათა აკადემიის აკადემიკოსი.

ყველაფერი ძველდება ამ ჩვენს პატარა მიწა-წყალზე, მხოლოდ წლები მოდის ახალი. ეს სიახლე მათში ახალგაზრდობას შეაქვს. ამიტომ ვულოცავ ახალგაზრდობას მთელი გულით ახალს, ამ საუკუნის 67-ე წელს. ეს წელი სახელოვანი საიუბილეო წელიწადიც არის. გისურვებთ ახალი დიდი იმედებით და დაუშრეტელი ენერჯით აღსავსე შეხვედროდეთ მას.

ამხანაგ ლეონიდ ილიას-ძე ბრეჟნეკს

ძვირფასო მეგობარო და ამხანაგო!

სკკპ ცენტრალური კომიტეტი, სსრ კავშირის უმაღლესი საბჭოს პრეზიდიუმი და სსრ კავშირის მინისტრთა საბჭო მხურვალედ მოგესალმებიან და გულითადად გილოცავენ თქვენ, კომუნისტური პარტიისა და საბჭოთა სახელმწიფოს, სერთაშორისო კომუნისტური და მუშათა მოძრაობის გამოჩენილ მოღვაწეს — თქვენი სამოცი წლისთავის დღეს.

მთელი თქვენი შეგნებული ცხოვრების მანძილზე თქვენ იბრძვით ჩვენი ლენინური პარტიის დიადი საქმისათვის, კომუნისტური იდეალების გამარჯვებისათვის. აქტიურად იცავთ რა პარტიის გენერალურ ხაზს, თქვენ განვლეთ დიდი ცხოვრების სკოლა და შეიძინეთ მრავალმხრივი პოლიტიკური გამოცდილება. პირველი ხუთწლიელების წლებში, იყავით რა ხელმძღვანელ საბჭოთა და პარტიულ სამუშაოზე, თქვენ ბევრ ძალას ახმარდით სოციალისტურ მშენებლობას, იყავით ჩვენი ქვეყნის ინდუსტრიალიზაციისა და სოფლის მეურნეობის კოლექტივიზაციისათვის მებრძოლთა პირველ რიგებში.

პიტლერელ დამპყრობთა წინააღმდეგ დიდი სამამულო ომის მძიმე განსაცდელის პერიოდში, მეთაურობდით რა არმიის პოლიტიკურ განყოფილებასა და სამხრეთის და უკრაინის მე-4 ფრონტების პოლიტიკურ სამმართველოს, უშუალო მონაწილეობას იღებდით საბრძოლო ოპერაციების შემუშავებასა და განხორციელებაში, განვლეთ ისეთი ისტორიული ბრძოლები, როგორც იყო ბრძოლა კავკასიისათვის, ყირიმის, უკრაინის განთავისუფლებისათვის. საბჭოთა არმიის მებრძოლები და მეთაურები თქვენ ვიცნობენ როგორც შესანიშნავ პოლიტიკურ მუშაკს, დიდი სულისა და მამაცობის ადამიანს.

ომისშემდგომ წლებში პარტია გაბარებდათ პარტიული და სახელმწიფო მუშაობის უმნიშვნელოვანეს უბნებს. და ყველგან — პარტიის ზაპოროჟიესა და დნეპროპეტროვსკის საოლქო კომიტეტების პირველი მდივნის, მოლდავეთისა და ყაზახეთის კომპარტიათა ცენტრალური კომიტეტების პირველი მდივნის, სკკპ ცენტრალური კომიტეტის მდივნის, სსრ კავშირის უმაღლესი საბჭოს პრეზიდიუმის თავმჯდომარის პოსტებზე — თქვენთვის ჩვეული ენერჯიითა და ბოლშევიკური მგზნებარებით იბრძოდით პარტიისა და ხალხის დიადი საქმისათვის.

მრავალი წლის მანძილზე თქვენ შედიხართ ჩვენი პარტიის ხელმძღვანელი ბირთვის შემადგენლობაში. როგორც აღიარებული პოლიტიკური ხელმძღვანელი პარტიის ცენტრალურმა კომიტეტმა თავის ოქტომბრის (1964 წ.) პლენუმზე, რომელმაც დიდმნიშვნელოვანი როლი შეასრულა პარტიისა და ჩვენი ქვეყნის ცხოვრებაში, აგირჩიათ სკკპ ცენტრალური კომიტეტის პირველ მდივნად, ხოლო პარტიის XXIII ყრილობის შემდეგ — სკკპ ცენტრალური კომიტეტის გენერალურ მდივნად.

პარტიის ცენტრალურმა კომიტეტმა თქვენი უაღრესად უშუალო მონაწილეობით უკანასკნელ წლებში შეიმუშავა და განახორციელა სკკპ XXIII ყრილობის მიერ მოწონებული უმნიშვნელოვანესი ღონისძიებანი პარტიული და სახელმწიფო ცხოვრების ლენინური ნორმების განვითარებისათვის, მუშაობაში კო-

ლექტიურობის პრინციპების დამკვიდრებისათვის, სახალხო მეურნეობის ხელ-
 მძღვანელობის გაუმჯობესებისათვის, ჩვენი ქვეყნის ეკონომიკის შემდგომი
 ზრდისათვის, მშრომელთა კეთილდღეობის გაუმჯობესებისა და კულტურული
 ღირებულებისათვის, ხალხთა მეგობრობის განმტკიცებისათვის, საბჭოთა სახელმწიფოს
 თავდაცვითი ძლიერების გაძლიერებისათვის. ამ ღონისძიებათა განხორციელება კი-
 დევ უფრო განამტკიცებს ჩვენი ლენინური პარტიის როგორც ხალხის პოლიტი-
 კური ბელადის, მასების ორგანიზატორისა და აღმზრდელის ავტორიტეტს.

ცენტრალურმა კომიტეტმა და საბჭოთა მთავრობამ შეიმუშავეს და ახორ-
 ცილებენ ეფექტიან საერთაშორისო პოლიტიკას, რომელსაც მხურვალედ უჭერს
 მხარს მთელი საბჭოთა ხალხი. ჩვენი პარტია და ხალხი დიდად აფასებენ თქვენს
 დიდ წვლილს ამ პოლიტიკის შეიმუშავებაში, რომლის მიზანია სოციალიზმის
 მსოფლიო სისტემის განმტკიცება, იმპერიალიზმის წინააღმდეგ, მშრომელთა
 ეროვნული და სოციალური განთავისუფლებისათვის და მთელ მსოფლიოში მშვი-
 დობის განმტკიცებისათვის ხალხთა ბრძოლის ყოველი ღონისძიებით მხარდაჭე-
 რა, თქვენს მოღვაწეობას საერთაშორისო კომუნისტური და მუშათა მოძრაობის
 შესაკავშირებლად, ყველა ქვეყნის მშრომელებთან რევოლუციური სოლიდარო-
 ბის კავშირის განსამტკიცებლად.

მთელ თქვენს ყოველდღიურ მოღვაწეობაში თქვენ, ლეონიდ ილიას-ძე,
 გვიჩვენებთ მუშაობაში მაღალი მომთხოვნელობისა და საქმიანობის, კადრები-
 სადმი გულისხმიერი და ყურადღებიანი დამოკიდებულების, თავმდაბლობის,
 თვითკმაყოფილებსადმი შეუწყნარებლობის, საშინაო და საგარეო პოლიტიკის
 მომწიფებული საკითხების გადაჭრისადმი ღრმა მიღვამის, მარქსიზმ-ლენინიზმის
 თეორიის სიწმინდისათვის ბრძოლაში შეუთრეგებლობის მაგალითს.

მთელი თქვენი დაუტყრომელი და მრავალმხრივი მოღვაწეობით სამშობ-
 ლოს საკეთილდღეოდ თქვენ მოიხვეჭეთ კომუნისტების, ყველა საბჭოთა ადამიან-
 ნის ღრმა პატივისცემა.

გისურვებთ, ძვირფასო ლეონიდ ილიას-ძე, ჯანმრთელობას, მრავალ წელს
 სიცოცხლეს და ნაყოფიერ შრომას კომუნისზმის გამარჯვებისათვის.

სკკპ ცენტრალური კომიტეტი **სსრ კავშირის უმაღლესი საბჭოს პრეზიდიუმი** **სსრ კავშირის მინისტრთა საბჭო**

ლ. ი. ბრეჟნევის დაჯილდოება

სსრ კავშირის უმაღლესი საბჭოს პრეზიდიუმის ბრძანებულებით
 კომუნისტურ მშენებლობაში, ჩვენი ქვეყნის თავდაცვისუნარიანო-
 ბის განმტკიცებაში კომუნისტური პარტიისა და საბჭოთა სახელმწი-
 ფოს წინაშე თვალსაჩინო დამსახურებისათვის და დიდი სამამულო
 ომის ფრონტებზე გერმანელ ფაშისტ დამპყრობთა წინააღმდეგ
 ბრძოლაში დიდი დამსახურების აღსანიშნავად ამხანაგ ლეონიდ
 ილიას-ძე **ბრეჟნევის** დაბადების სამოცი წლისთავთან დაკავშირე-
 ბით მიენიჭა **საბჭოთა კავშირის გმირის** წოდება და გადაეცა **ლენინის**
 ორდენი და მედალი „**ოქროს ვარსკვლავი**“.



სამორწინო ეტლი...

გივი მფხისაშვილი,

ბავთ „ქუთაისის“ რედაქტორი.

ქორწინება და მასთან დაკავშირებული წეს-ჩვეულება ჩვენში, ისე როგორც მრავალ სხვა ხალხში, უძველესი დროიდან არის დამკვიდრებული. მისი ზოგიერთი ელემენტი ქართველთა წარმართობის პერიოდს უკავშირდება.

ქრისტიანულმა ეკლესიამ, მიუხედავად წარმართულ რელიგიასთან მკაცრი ბრძოლისა, ვერ შეძლო ძირფესვიანად მოესპო ძველი რწმენა-წარმოდგენები და იძულებული გახდა ბევრი რამ მიეღო წარმართული რელიგიისაგან. ეს შეინიშნება „ნათლობის“ ცერემონიის ცალკეულ ელემენტებში, აგრეთვე ქორწინების წეს-ჩვეულების შესრულებისა და სხვა ქრისტიანული საკულტო დღესასწაულების დროსაც.

ქრისტიანობამ დააკანონა ქორწინების ახალი წესები, რომელთა საშუალებითაც ცდილობდა თავისი სარწმუნოებრივი იდეების გავრცელებას.

ქორწინებისათვის სასიძოს უნდა წარედგინა მოწმობა (რეკომენდაცია) იმ მღვდლისაგან, რომლის მრევლის წევრიც იყო. ასეთი მოწმობა ეკლესიას ესაჭიროებოდა, რათა ოფიციალურად გაეფორმებინა ქორწინების აქტი, გაეგო სასიძოს წლოვანება, სარწმუნოება, ასრულებდა თუ არა იგი ქრისტიანულ

წეს-ჩვეულებებს და სხვა. ჯვარს უმეტესად პატარძლის სოფელში იწერდნენ, ამიტომ მისთვის ოფიციალური მოწმობა აუცილებელი არ იყო.

ბატონყმობის დროს ასეთი მოწმობის გარდა საჭირო იყო ბატონის ნებართვა (ყმის ოჯახიდან ქალიშვილის გათხოვების შემთხვევაში). უიმისოდ მღვდელს უფლება არ ჰქონდა ჯვარი დაეწერა ნეფი-დედოფლისათვის. ბატონი ნებართვას აძლევდა ყმის ოჯახს მხოლოდ მაშინ, თუ ყმა მის სასარგებლოდ გადაიხდიდა გარკვეულ თანხას. ქვრივის გათხოვების შემთხვევაში — „საქვრივოს“, ქალიშვილის გათხოვებისას — „საჩექმეს“. სახელმწიფო გლეხები აღნიშნულ გადასახადებს მეფის მოხელეების მეშვეობით უხდიდნენ სახელმწიფოს, საეკლესიო გლეხები — ეკლესიას. ჩვენს ხელთ არსებულ ეთნოგრაფიულ მასალებში და ზეპირ გადმოცემებში „საჩექმე“ ფულადი გადასახადი ჩანს. „საქვრივოს“ კი ახდევინებდნენ როგორც ფულს, ისე საქონელს. ამავდროულად მასალებიდან ირკვევა, რომ მებატონე ქვრივის გათხოვებით ძალზე დაინტერესებული ყოფილა. იგი აიძულებდა ქვრივს გათხოვილიყო, რათა მისგან გამოსაღები მიეღო. ამ ძალმომრეობის

წინააღმდეგ მეფე ვახტანგ მეექვსე თავისი სამართლის 203-ე მუხლში აღნიშნავს: თუ ქალი დაქვრივდეს, მისი მებატონე მას მეორედ ძალად ნუ გაათხოვებს, ვინც უნდოდეს ქვრივს ის შეირთოს, ვისაც არ უნდოდეს გათხოვება, თავის ობლებთან დარჩესო.

საქორწილო წყვილთა შერჩევის დროს უაღრესად მნიშვნელოვანი ფაქტორი იყო მათი სოციალური წარმოშობა. ყველა ვალდებული იყო, შესაბამისი წესდებისა და საზოგადოებრივი უფლებების საფუძველზე, საქორწინო ურთიერთობა ჰქონოდა თავისი ფენის წარმომადგენელთან. მაგალითად, მეფეს აუცილებლად უნდა შეერთო დიდგვაროვანი თავადის ასული, ხოლო მეფის ასული დიდგვაროვან თავადს უნდა გაჰყოლოდა. ამ წესის დარღვევის შემთხვევაში სასიძო ეკლესიის სასარგებლოდ იხდიდა ეგრეთწოდებულ „საკანონოს“, რომელიც კარგა მოზრდილ ფულად თანხას შეადგენდა. თავადს არ შეეძლო წოდებრივად მასზე დაბლა მდგომი ქალის შერთვა. თუ თავადი გლეხის ქალს შეერთავდა, ქალი ხასად, არაკანონიერ ცოლად ითვლებოდა, მისი შვილები — არაკანონიერ მემკვიდრეებად.

არსებობდა თვით წოდებათა შიგნით ეკონომიური უთანასწორობის საფუძველზე აღმოცენებული შეზღუდვებიც, რაც განსაკუთრებით თავს იჩენდა დაბალ წოდებაში — გლეხობაში.

როგორც ცნობილია, იყვნენ თავისუფალი, აზატი გლეხები და ყმები. ყმა გლეხები იყოფოდნენ სახელმწიფო, საეკლესიო და საბატონო ყმებად, ეკონომიური მდგომარეობის მიხედვით — „ლიტრიან“, „ნახევარლიტრიან“, „ჩარეჟიან“ და „ნახევარჩარეჟიან“ გლეხებად. გლეხების ფენებად დაყოფა და ქონებრივი დიფერენციაცია გავლენას ახდენდა საქორწინო ურთიერთობაზე. აზატი გლეხი ცდილობდა დამოუკრებლად უფლებრივად თანასწორ გლეხს, სახელმწიფო და საეკლესიო გლეხი საქორწინო კავშირს არ ამყარებდა სა-

ბატონო გლეხთან, ისე როგორც „ლიტრიანები“ „ნახევარლიტრიანებთან“ და ა. შ.

ბატონყმობის გადავარდნის შემდეგ გლეხების ფენებად დაყოფა შედარებით შემცირდა (მაგალითად, მოისპო აზატი და ყმა გლეხებად დაყოფა), მაგრამ ქონებრივი დიფერენციაცია გაიზარდა. ეს პროცესი განსაკუთრებით შესამჩნევია მეცხრამეტე საუკუნის მეორე ნახევარში, როცა საქართველოს საზოგადოებრივ ყოფაში საგრძნობლად განვითარდა კაპიტალისტური ურთიერთობის ჩანასახები. ახალი კლასი — ვაჭართა ფენა გვარიშვილობით იყო დაინტერესებული და საზოგადოებრივი მდგომარეობის მოსაპოვებლად ცდილობდა თავადებთან დაკავშირებას, დეგრადაციის გზაზე დამდგარ თავადს კი ასეთი ქორწინება ეკონომიურად წელში მართავდა.

ქორწინება ქონებრივ და საზოგადოებრივ ცენზზეა დამოკიდებული, რის გამოც ირდევია ორი პიროვნების შეუღლების მთავარი არსი — ბედნიერი ოჯახის შექმნა და ჯანსაღი თაობის წარმოშობა. უთანასწორო საფუძველზე დამყარებულ ქორწინებას, უსიხარულო, მხოლოდ ანგარებისათვის შექმნილ ოჯახს ზიანი მოაქვს საზოგადოებისათვის.

ამიტომ ქონებრივ და საზოგადოებრივ ცენზზე აგებული ქორწინება ჩვენი სახელმწიფოსა და საზოგადოებრივი აზრის მიერ უარყოფილია და დაგმობილი.

ქორწინებისათვის ასევე უცხოა და მიუღებელი დრომოქმული ტრადიციების ფარად გამოყენება. იშვიათი როლია ისეთი შემთხვევა, როცა ორი ახალგაზრდის ბედნიერებას წინ აღუდგებიან ოჯახის ღირსების ცრუ ტრადიციას ამოფარებული მშობლები ან ოჯახის სხვა წევრები. არ ითვალისწინებენ, რომ ყოველი დრო, თავისი საზოგადოებრივი და ეკონომიური წყობის მიხედვით, შესაბამის ჩვეულებებსა და ტრადიციებს ქმნის და აყალიბებს. თა-

ნამედროვე ადამიანისა და ოჯახის ღირსება სულ სხვანაირად გაიზომება, ვიდრე წარსულში.

საზოგადოებრივი აზრი მკაცრად სჯის ადამიანებს, რომლებიც ოჯახის ღირსების ჭეშმარიტ დაცვას აიგივებენ დრომოქმული ტრადიციების გამოდევნებასთან, ხდებიან პირმოთენეები, ადგებიან დანაშაულის გზასაც. მოიგონეთ, როგორი მწვავე პაროდიით გაუმასპინძლდა იტალიელი რეჟისორი პიეტრო ჯერმი (ფილმში „შეცდენილი და მიტოვებული“) იტალიური საქორწინო წესჩვეულებების მავნე ტრადიციების დამცველებს.

ასევე საყურადღებოა ფილმი „ქორწინება იტალიურად“. იგი გამახატავს ქორწინებისადმი დამოკიდებულებას კაპიტალისტურ სამყაროში.

ჩვენი ეპოქის ადამიანების ცხოვრება და ოჯახი ლაღი, ნათელი და სხივიანი უნდა იყოს.

ქორწინების საეკლესიო შეზღუდვებმა, რაც უმთავრესად წოდებრივი და ეკონომიური უთანასწორობის საფუძველზე იყო აღმოცენებული, თანდათან დაკარგეს თავისი ძალა. სოციალურ-ეკონომიური პირობების შეცვლასთან ერთად, იცვლება ოჯახის ფორმა, მასთან ერთად საქორწინო ურთიერთობაც.

ჩვენს საზოგადოებრივ ყოფაში მტკიცედ დამკვიდრდა ქორწინების ძველი საეკლესიო ტრადიციის ცალკეული ელემენტები, რომლებშიც გამოხატულია წინაპართა მაღალი სულიერი მრწამსი, მორალური და ზნეობრივი სიწმინდე. ძველებურად ძალაში რჩება ქორწინების ძველი შეზღუდვები: ორცოლიანობა, ნაძალადევი ქორწინება და სხვ.

ამ საუკეთესო ტრადიციებთან ერთად ქორწინების ძველი ტრადიციის მავნე გადმონაშთებიც გვხვდება, რაც დაკავშირებულია „ჯვარისწერის“ რელიგიური ცერემონიალის ცალკეულ ეპიზოდებთან.

„ჯვარისწერა“, ისევე როგორც „ნათლობა“ და სხვა საეკლესიო ცერემონიალი, უძველესი დროიდან ხალხის სულიერი ცხოვრების მუდმივი თანამგზავრი იყო.

როგორც წესი, ქრისტიანული საეკლესიო წეს-ჩვეულება მიბაძვითია. მისი ცალკეული ელემენტები უკავშირდება ძველ, წარმართულ რელიგიას.

ქრისტიანული „ჯვარისწერის“ ცერემონიალის დასაწყისში ანთებული სანთლებით სამჯერ ჯვარის დაწერა ჯერ კიდევ წარმართ რომაელებს, უფრო ადრე ებრაელებს ჰქონდათ წესად. ხალხი დიდხანს გაუბოდა ქრისტიანულ ქორწინებას, სავალდებულოდ არ თვლიდა ეკურთხებინა გვირგვინი ქრისტიანული მოძღვრების მიხედვით. ეკლესიამ ბევრი რამ მიიღო წარმართობისაგან და ქრისტიანული რელიგიის საფარით შემოსა. ამიტომ არის, რომ „ჯვარისწერის“ რიტუალში მრავალი მაგიური წეს-ჩვეულებაა შემონახული.

მაგიურია „ჯვარისწერის“ ცერემონიალის დასასრულს ანალოის (საქადაგებლის) ირგვლივ ახლად დაქორწინებულთა სამჯერ შემოტარება, საქორწინო ბეჭდების სამჯერ გაცვლა და სხვა. „სამი“ წარმართულ წინაპრებში ჯადოსნური ძალისა იყო (შორეულ წარსულში ბევრი ხალხი, მათ შორის ქართველებიც, პატივს სცემდნენ ნაყოფიერების სულებს, რომლებიც ძირითადად სამ ნაწილად იყვნენ დაჯგუფებულნი. ერთნი მფარველობდნენ ბირუტყვს, მეორენი — ცხვარს, მესამენი — ნათესებს. მათ რიცხვში იყო აგრეთვე მშობიარობის, დედობის მფარველები. ერთი და იმავე მოქმედების სამჯერ გამეორება ერთგვარი ჯადოსნური „პროფილაქტიკაა“, რის შემდეგაც ადამიანი თითქოს დაცულია ყოველგვარი მოსალოდნელი საფრთხისაგან).

წარმართული ეპოქის გამოძახილია „ჯვარისწერის“ ცერემონიალის სხვა წესებიც. მაგალითად, ეკლესიაში ჯვა-

რის დასაწერად მიმავალ ნეფე-დედოფალს ხელში ბაღდადი უჭირავს, ეკლესიაში ახლობლები გარს ეხვევიან და თვალყურს ადევნებენ ვინმემ ცუდი თვალით არ შეხედოსო. ერთ-ერთი მხარი ამ დროს სამრეკლოზე დგას, დარაჯობს, რომ ეკლესიის ზარი არავინ ჩამორეკოს. ზარის ჩამორეკვა ჯვარისწერის დროს უბედურების მომასწავებელია (ზარის ჩამორეკვა გაიგივებული უნდა იყოს „ზარის“ ტერმინთან, თავ-ზარის დაცემასთან. სულხან-საბა ორბელიანს ზარი განმარტებული აქვს როგორც „საზარელისაგან შიში“. საზარელი — „ზარის დასაცემი სასმენელი ესმას“). ნეფე-დედოფალმა გადაჯვარედინებული ხმლების ქვეშ უნდა გაიაროს, თუ ხმლები არა აქვთ, მეჯვარე ეკლესიის კარებში დგას და ხანჯლით ჯობს თლის. ამ ნათალებზე უნდა გაიაროს ნეფე-დედოფალმა, თორემ „ეშმაკები“ დაჯაბნიან, ერთმანეთს დააცილებენ.

მიუხედავად „ჯვარისწერის“ ამ მაგიური, ჯადოსნური მხარისა, ნიშანდობლივია, რომ მას საზეიმო ხასიათი, შთამაგონებელი ელფერი ჰქონდა. ცხოვრება გვარწმუნებს, რომ ამ სამოქალაქო ცერემონიის საზეიმო ცხოველმყოფელობა აუცილებელია ხალხისათვის ყოველთვის, ყოველ ეპოქაში.

თავდაპირველად რითი შეეცვალეთ „ჯვარისწერა“ — კანცელარიული პროცედურით, რომელსაც ოფიციალურად მოქალაქეობრივი მდგომარეობისა და ქორწინების რეგისტრაციის აღრიცხვის ბიურო ჰქვია (მმაჩი).

ბევრ ჩვენგანს ჰქონდა შემთხვევა საკუთარ თავზე გამოეცადა ბიუროს ოფიციალური ცერემონიალის უფერულობა. ბიურო ვიწრო, ბნელ ოთახშია მოთავსებული. მაგიდასთან ზის სოლიდური მამაკაცი (ან ქალი). ჩვენს აღტაცებულ გამომეტყველებას იგი მოწყენილი შეითხვით ეგებება:

— რა გსურთ?

— ხელის მოწერა, — ვეუბნებით მაცოფილოდ.

წავგიკითხეს ლექცია, რომ ^{გადასწავლის} საჭიროა პასპორტები, ქაღალდების შეკვრა და ა. შ. როგორც იქნა, შეგვივსეს ქორწინების მოწმობა, ხელი მოვაწერეთ.

— მოგილოცავთ, — გვესმის ოფიციალური ტონი, — თქვენგან სამი მანეთი!

ეს იყო ამ რამდენიმე წლის წინათ...

გავიდა დრო, ჩვენს ქვეყანაში მმაჩის ბიუროები მნიშვნელოვნად გადაკეთდა. მათი მუშაობა გამოცოცხლდა, განახლდა. ჩვენ დავესწარით ქორწინების რეგისტრაციის ცერემონიალს მოსკოვში, ლენინგრადში, რიგაში, თბილისსა და ქუთაისში და უაღრესად კმაყოფილი დავრჩით. მაგრამ ყველგან ასე როდია.

მხედველობაში გვაქვს არა ცალკეული მმაჩის ბიუროები. რესპუბლიკის ამ სისტემის დაწესებულებები როგორც ქალაქად, ასევე სოფლად, უკანასკნელ დრომდე ცხოვრებას არ მიჰყვებიან ფეხდაფეხ, კანცელარიული სულისკვეთება იგრძნობა ქორწინების ოფიციალურად გაფორმების დროს.

ახალგაზრდობა ეძებს აღმადგრთობებელს, საზეიმოს, მშვენიერს. უმეტესობა საკუთარი ძალებით ცდილობს, რომ ქორწინება, ეს ყველაზე ლამაზი, მიმზიდველი მოვლენა, დასამახსოვრებელი გახადოს. როგორ უპასუხებენ მმაჩის ბიუროს მუშაკები ახალგაზრდობის ამ მისწრაფებას?

ამას წინათ სოფელ კურსებში (ტყიბულის რაიონი) ასეთი სამარტყინო ფაქტი მოხდა. ორმა ახალგაზრდამ ჯვარი დაიწერა მოწამეთის მოქმედ ეკლესიაში. ამ ახალგაზრდებს დიდხანს ვესაუბრე. რასაკვირველია, მათი მოქმედება გასაკიცხია, დასაგმობია; მაგრამ მათ სიტყვებში ბევრი რამ საგულისხმოა. ახალგაზრდებმა განაცხადეს (მოგვყავს სიტყვა-სიტყვით):

„— იქ (ლაპარაკია სოფლის მმაჩის ბიუროზე) ჩვეულებრივი კანცელარიუ-

ლი პროცედურაა, შეავსებ ბლანკებს, ხელს მოაწერ და მეტი არაფერი. ჩვენ კი ასე უფერულად არ გვინდოდა ხელის მოწერა. გვინდოდა უფრო სხვანაირად გვეგრძნო ჩვენი ცხოვრების ეს მნიშვნელოვანი მოვლენა. „ჯვარისწერა“ ისე როდი გვანტიერებდა, როგორც მორწმუნეებს. ჩვენ მიგვიზიდა ხელის მოწერის მხოლოდ გარეგნულმა მხარემ“.

ეს იშვიათი ფაქტი როდია. ასეთი შემთხვევები სხვაგანაც გვხვდება, თუმცა სოციალურ-ეკონომიური პირობების შეცვლის შემდეგ „ჯვარისწერამ“ დაკარგა თავისი პირვანდელი მნიშვნელობა.

მხატვრული ღირებულებით ძველის ტოლფასოვანი ახალი სახეიმი წესჩვეულებები ჯერ არ შექმნილა. დრო კი არის.

1957-1959 წლებში გაზეთ „ედაზში“ (ესტონეთის სსრ) დაიბეჭდა მრავალი საყურადღებო წერილი ძველი რელიგიური წეს-ჩვეულებების ახალი სამოქალაქო წესებით შეცვლის თაობაზე. წერილის ავტორები — ტარტუს სახელმწიფო უნივერსიტეტის ლექტორები ლაზიკი, მიკი და კალისტი, თეატრ „განეშინეს“ დირექტორი კალმო და სხვები ნათლად და ვარკვევით ესაუბრებოდნენ ახალგაზრდობას, მთელ საზოგადოებრიობას ძველი ტრადიციების შეცვლის გზებზე. მათ წამოაყენეს მრავალი წინადადება, რომელთა შორის საყურადღებო ადგილი ეჭირა ქორწინების ახალი ტრადიციების დამკვიდრებას.

წერილებში დასმულ საკითხებს გამოეხმაურა მმაჩის ბიუროს ახალი გამგე ილმე ტოოტსი. ილმე თვით იყო მოწმე ბიუროს უფერული მუშაობისა: მოდიან ადამიანები, ზოგს უხარია, ზოგი წუხს. ყველას ჩვეულებრივი კანცელარული ბიუროკრატიზმით ხვდებიან.

ბიუროს მუშაკები ყოველთვის როდი არიან დამნაშავენი. მრავალი ღონისძიება ჩასატარებელი, მაგრამ, რო-

გორ, რა გზით გამოიძებნოს თანხები? როგორ შეიცვალოს კაზიონურობა?

ილმე ტოოტსს მრავალი მსაჯულნიერი გამოუჩნდა. იგი ენერგიულად შეუდგა ბიუროს მუშაობის გადაკეთებას. საქალაქო საბჭომ გამოუყო დიდი, ნათელი ოთახი, მას დაეხმარა ადგილობრივი ხელმძღვანელობა, ფართო საზოგადოებრიობა.

და აი, გამოჩნდა პირველი წყვილი. ქორწინებაზე ხელის მოწერის ცერემონია სახეიმი უნდა იყოს, უნდა შეიქმნას სახეიმი განწყობილება. ამისათვის ილმემ გამოიყენა იმ საწარმოთა მხატვრული თვითმომქმედების კოლექტივები, სადაც ახალგაზრდები მუშაობდნენ.

1959 წელს ტარტუს ახალი ტრადიციის ენთუზიასტებმა ახალი სამოქალაქო წეს-ჩვეულებების—სამოქალაქო ნათლობის (ახალდაბადებულთათვის სახელის მიკუთვნების), სრულწლოვანების, ქორწინების და სხვა ცერემონიალების დასამუშავებლად ჩამოაყალიბეს საგანგებო კომისია, რომელსაც სათავეში ჩაუდგა ტარტუს საქალაქო საბჭოს დეპუტატი, ცნობილი ესტონელი პოეტი ფელიქს კოტტა. მეცნიერ-მუშაკების, პოეტების, ეთნოგრაფების, ჟურნალისტების, მმაჩის ბიუროს მუშაკების საერთო ძალებით გამოიკა ბროშურა „რეკომენდაციები სამოქალაქო წეს-ჩვეულებების ჩატარებისათვის“.

ბუნებრივია, უცებ, ხელის ერთი მოსმით საქმე არ გაკეთებულა. ერთი მხრივ, ახალი წეს-ჩვეულებების შემქმნელებმა ვერ გამოიჩინეს სიმამაცე, მძაფრად ვერ შეუტიეს ეამგადასულ ჩვეულებებს. მეორე მხრივ, დასაბამი მისცეს რა ახალს, ბევრი რამ გაუთვალისწინებელი დარჩათ. მაგრამ შემდეგ მათ წამოწყებაში სასარგებლო კორექტივები შეიტანა ცხოვრებამ.

ენტუზიასტების კოლექტიურ შრომას, დიდი თეორიული და პრაქტიკული მნიშვნელობა ჰქონდა. ეს იყო პირველი ცდა, რომ შემოქმედებითად მიდგომოდნენ ახალი სამოქალაქო წეს-ჩვეულებების სისტემას.

როგორ გამოიყურება ქორწინების რეგისტრაციის ახალი ტრადიცია? შევინხედოთ ილმე ტოტის ბიუროში.

დანიშნულ საათს ახალგაზრდა წყვილს მოსაცდელი დარბაზიდან იწვევენ ბიუროს გამგის კაბინეტში და ასრულებენ აუცილებელ ფორმალობას, გარდა ხელმოწერისა. აქედან ილმე ტოტის ისინი მიჰყავს სასტუმრო დარბაზში, სადაც უკვე იციან ახალგაზრდების ნათესავეები, მოწვეული სტუმრები. ისმის მენდელსონის „საქორწინო მარში“. ზოგჯერ წყვილს დარბაზის შესასვლელში უწყობენ ეგრეთწოდებულ „საქორწინო კარებს“ — მათი ამხანაგები, მეგობრები ჩამწკრივდებიან ორ რიგად. ყვავილების თაიგულებით. ასეთი კორტეჟით ისინი შედიან სასტუმრო დარბაზში.

ნეფე-დედოფალს მიაართმევენ სავარძელს. ილმე მიესალმება ახლადშეუღლებულებს. მისალმება არ არის გრძელი, პათეტიკური. ილმე უბრალოდ, სადად ესაუბრება ახალგაზრდებს ოჯახზე, ცოლ-ქმრის პასუხისმგებლობაზე ერთმანეთის, ბავშვების, საზოგადოების წინაშე. შემდეგ გამოაცხადებენ ხელმოწერის ოფიციალურ აქტს. ასახელებენ ახლადშეუღლებულთა გვარებს, ასაკს (ასაკის აღნიშვნა ყოველთვის არაა საჭირო!), მუშაობის ადგილს.

საერთო მხიარულება. ნეფე-დედოფალი ხელს აწერს ქორწინების მოწმობას, ყველანი ფეხზე დგებიან. ილმე ტოტისი საზეიმოდ ამბობს: „ესტონეთის საბჭოთა სოციალისტური რესპუბლიკის სახელით ვაცხადებ: ამ მომენტის შემდეგ თქვენ ითვლებით ცოლ-ქმრად“ და მიაართმევს ქორწინების მოწმობას. თუ წინასწარ მოლაპარაკებული არიან, ახლადშეუღლებულებს გადასცემს საქორწინო ბეჭდებს.

მთელი ცერემონიალი 30-40 წუთს გრძელდება.

ასეთი ცერემონიალი ტარტუს მმაჩის ბიურომ 1958-63 წლებში ათასჯერ ჩატარა. ამ ფაქტმა ფართო გამოხმაუ-

რება პოვა. ქორწინების რეგისტრაციის ახალმა ტრადიციამ ჩვენს რესპუბლიკაშიც მოიკიდა ფეხი. მაგრამ ჩაქვიროა შემოქმედებითად მივუღდეთ ესტონელი მეგობრების კარგ თაოსნობას; შაბლონურად არ ვადმოვიტანოთ მათი წამოწყებები, გავითვალისწინოთ ჩვენი ხალხის საუკუნოვანი ტრადიციები და სახალხო წეს-ჩვეულებებიდან შევარჩიოთ მხოლოდ პროგრესული ფორმები.

თბილისისა და ქუთაისის ქორწინების სახლები ამის საუკეთესო მაგალითია.

მისასალმებელია თბილისის ქორწინების სახლის თაოსნობა. აქ ახალ დაქორწინებულთათვის გამოჰყვეს ეტლი, რაც ეგზოტიკურ სილამაზეს აძლევს ადამიანის ბედნიერების აქტს.

შორეულ წარსულში ჩამოყალიბებული ხალხური ტრადიციები დროთა განმავლობაში გაშალაშინდა, განახლდა. ხალხი კრიტიკულად აფასებდა წარსულის შემკვიდრებობას, ცხოვრების შესაბამისად არჩევდა ყოფა-ცხოვრების ნორმების ახალ ფორმებს.

ძველად ქორწინების აუცილებელ ელემენტს წარმოადგენდა მაყრიონი მღაღეს (მხლებელი ქალის) და ეჯიბის თანხლებით. ამ ტრადიციას დღესაც არ დაუკარგავს თავისი მნიშვნელობა.

ხალხმა დიდი ხანია უკუთავდო ქორწილის დროს საჩუქრების მირთმევის საზეიმო ცერემონიალი. ჩვენში დასაბამი მიეცა კეთილშობილურ საწყისებს — მთელი კოლექტივი თავის წევრს ქორწინების დროს მიაართმევს რაიმე სამახსოვროს, რითაც გამოხატავს მისდამი პატივისცემას, სიყვარულს.

საჩუქრის მირთმევის ტრადიცია არ შეიძლება ხელაღებით, ერთბაშად მოიხსოს. ეს ელემენტი დიდხანს იარსებებს ხალხის ყოფაში. საჭიროა მხოლოდ შევქმნათ დახვეწილი, მიზანშეწონილი ფორმები, რომლებიც ძველ წარმოდგენებს დაუკავშირდება.

ჩვენს თაობას საღი წარმოდგენა აქვს ქორწინებაზე, ოჯახზე, ცოლ-ქმრულ ურთიერთობაზე. მათ ყველა

პირობა უნდა შევეუქმნათ, რომ ქორწინების უაღრესად მნიშვნელოვანი მომენტი ცხოვრებაში შთაგონების, შემოქმედებითი შემართების წყარო გახდეს.

1959 წლის ნოემბერში ლენინგრადში, საბჭოთა კავშირში პირველად გაიხსნა ქორწინების სასახლე ლამაზი, გაჩირადნებული დარბაზით, სადაც ეწყობა ახლადშეუღლებულთა საზეიმო საქორწინო ცერემონიალი.

ბუნებრივია, ქორწინების სასახლე მალე ახალგაზრდობის ყურადღების ცენტრში მოექცა. ამის დამადასტურებელია ისიც, რომ 130-150 წყვილიდან, რომლებიც ლენინგრადში ყოველ დღიურად ტარდება საქორწინო რეგისტრაციაში, უმრავლესობა ახალი ცხოვრების საგზურს ქორწინების სასახლეში იღებს. რელიგიური „ჰვარისწერა“ სრულ დავიწყებას მიეცა, მისი ელემენტები შეიცვალა ახალი ტრადიციებით, რომლებსაც აღფრთოვანებაში მოჰყავს არა მარტო ახალგაზრდობა, არამედ ძველი თაობის წარმომადგენლებიც. ქორწინების სასახლის დირექტორთან საუბარში ერთ-ერთმა მოხუცმა, რომელიც ახალი ცერემონიალის სანახავად მივიდა, გულწრფელად აღიარა: „მე მორწმუნე ვარ, ცხადია, თავის დროზე ეკლესიაში ქრისტიანული წესით დავიწერე ჰვარი, მაგრამ როგორ მინდა, რომ ჩემი შვილიშვილების ბედნიერებას მოვესწრო აქ, ამ ნათელ შენობაში“.

1961 წელს ქორწინების სასახლე პრეკოვშიც გაიხსნა და სულ მოკლე ხანში ისეთი ფართო პოპულარობა მიაღწია, რომ სასახლის მუშაკები მომსახურების მსურველთა დაკმაყოფილებას ორ ცვლაშიც კი ვერ აუღიოდნენ. საჭირო გახდა სასახლეების გახსნა მოსკოვისა და ლენინგრადის ცალკეულ რაიონებში.

ლენინგრადელებისა და მოსკოველების მაგალითს მიბაძეს არა მარტო მოკავშირე რესპუბლიკების დედაქალაქებმა, არამედ ჩვენი ქვეყნის სხვა ქალაქებისა და სოფლების მშრომელებმაც.

ჩვენს რესპუბლიკაში უკვე დიდი ხანია მომწიფდა საზოგადოებრივი აზრი მშაჩის ბიუროების მუშაობის ვარდაქმნის შესახებ. როგორც ზემოთ ვთქვით, თბილისში, ქუთაისში, სოხუმსა და სხვა ქალაქებში გაიხსნა ქორწინების სახლები. მაგრამ ქორწინების რეგისტრაციის ცერემონიალის მხატვრული გაფორმების მხრივ ბევრი რამ გვაქვს გასაკეთებელი, ეს ითქმის განსაკუთრებით რესპუბლიკის ცალკეული რაიონების მისამართით.

რაც შეეხება საქორწინო ზემის აღნიშვნას, ჩვენს სინამდვილეში ამ მხრივაც შეინიშნება გარკვეული ძვრები, ფართოდ ვრცელდება ახალი წამოწყება — „კომკავშირული“, „სტუდენტური“ ქორწინებები, რომელთაც თაოსნობენ საწარმო-დაწესებულებათა კოლექტივები.

ახალგაზრდობა. მისთვის ნურაჟერს ღაჟიშტარკბთ!

ვლადიმერ ბაგუა,

თბილისის კუზაძის სახელობის
კავაზოგობრი ინსტიტუტის დოცენტი.

ჩვენი ცხოვრების ერთი უმთავრესი საკითხი ახალგაზრდობის ხვალინდელ დღეზე ზრუნვა და ფიქრია. არც ერთი თაობის ადამიანისათვის სულერთი არ ყოფილა, თუ როგორი იქნებოდა მისი შემცველი თაობა, რა უნარს, ენერჯი-

ასა და სურვილს გამოიჩენდა იგი წინაპართა მიერ დაწყებული საქმეების განგრძობასა და წინ წაწევაში. მით უფრო მეტი მნიშვნელობა ეძლევა ახალგაზრდობის აღზრდას დღეს, ახალი სოციალური ურთიერთობისა და მომავალი

კომუნისტური საზოგადოების მშენებლობის პირობებში.

ჯერ კიდევ გასული საუკუნის მიწურულში ილია ჭავჭავაძე წერდა: „ქვეყნის მყობადი მდგომარეობა დამოკიდებულია იმ მიმართულებაზე, რომელსაც მისცემენ ახალ თაობას“. ცხოვრების უჩვეულო სისწრაფით განვითარება ახალ მოთხოვნებს უყენებს ადამიანს, ახალ ცოდნასა და გამოცდილებას საჭიროებს. კაცობრიობის მიერ დაგროვილი კულტურული მემკვიდრეობის კვლავ ათვისება რჩება სწავლა-აღზრდის ერთ-ერთ ამოცანად. მაგრამ საკმარისი არ არის მხოლოდ ძველის, მიღწეულის ათვისება, საჭიროა ახლის გაგებისა და ძიების უნარი, სადღეისო ამოცანების სწორი განსაზღვრა, მეცნიერული აზრისა და ტექნიკის პროგრესის დონეზე ყოფნა.

საბჭოთა პრესაში უამრავი წერილი იბეჭდება ჩვენი ახალგაზრდობის აღზრდის ცალკეულ საკითხებზე და, თუ შეიძლება ასე ითქვას, რამდენი ავტორიცაა, იმდენი აზრია გამოთქმული. ეს არც არის გასაკვირი, ჭეშმარიტება აზრთა ჭიდილში იბადება და ყალიბდება. დიდ საქმეზე ფიქრი და, მით უფრო, მისი სწორი გადაწყვეტა შეხედულებათა თავისუფალ გამოთქმას, გაზიარებას მოითხოვს. ამიტომაც გესურს ორიოდ მოსაზრება შევთავაზოთ მკითხველს.

მოზარდი თაობის აღზრდა-განათლების სისტემაში მთავარი ადგილი საშუალო ზოგადსაგანმანათლებლო სკოლას უჭირავს. უახლოეს პერიოდში საშუალო სავალდებულო სწავლებაზე გადასვლა კიდევ უფრო მეტად გაზრდის მის როლსა და მნიშვნელობას. გრანდიოზული ამოცანებია დასახული სკკპ ცენტრალური კომიტეტის ახალ დადგენილებაში სკოლის შესახებ. მასში ნათქვამია, რომ ჩვენი სკოლა, მიუხედავად მისი დიდი წარმატებისა, ჯერ კიდევ მთლიანად ვერ წყვეტს პარტიისა და ხალხის მიერ დაყენებულ ამოცანებს. საქმე ეხება მოსწავლე ახალგაზრდობის ცოდნა-ჩვევების ხარისხსა და დიაპაზონს, რო-

მელიც აშკარად გაუმჯობესებასა და ფართოებას მოითხოვს.

არის ერთი ობიექტური საკითხი რომელსაც ანგარიში უნდა გაეწიოს. მეცნიერებისა და ტექნიკის სწრაფმა განვითარებამ სკოლებისაგან უკეთ მომზადებული ახალგაზრდობის აღზრდა მოითხოვა. საჭირო შეიქნა სასწავლო გეგმებსა და პროგრამებში ცვლილებების შეტანა, რაც ძირითადად, მათი მოცულობის გადიდებაში გამოიხატა. ახლა საჭიროა ვისწავლოთ ბევრად მეტი, ვიდრე 5-10 წლის წინათ. ამას ცხოვრება მოითხოვს. მაგრამ აქვე იბადება კითხვა: მატულობს თუ არა შესასწავლი მასალის მოცულობის გადიდებასთან ერთად ბავშვისა და მოზარდის გონებრივი შესაძლებლობანი? თუ მატულობს, მაშინ ეს ამოცანა გადაწყვეტილია მისწავლის მეტი მოცულობის სასწავლო მასალით დატვირთვით.

სამწუხაროდ, ეს ასე არ არის. ბავშვისა და მოზარდის შესაძლებლობანი განსაზღვრულია ასაკის მიხედვით. იგი არ განიცდის დიდ ცვლილებას მეცნიერული და ტექნიკური აზრის განვითარების ტემპის შესაბამისად, აშკარად ჩამორჩება ამ ტემპს. ექსპერიმენტულად დადგენილია, რომ მოზარდი ორგანიზმის ასაკობრივი შესაძლებლობისა და თავისებურებათა გათვალისწინება სწავლების ეფექტურობის საფუძველია; გაუთვალისწინებლობა კი საზიანო და მავნე როგორც ინტელექტუალური განვითარების, ისე ფიზიკური ჯანმრთელობისათვის. სასწავლო მასალით მოსწავლის გადატვირთვა იწვევს საკუთარი ძალებისადმი რწმენის დაკარგვას, ნერვულ დაძაბულობას და ა. შ. ერთი სიტყვით, მოზარდის გონებრივი შესაძლებლობანი განსაზღვრულია და მისი ფარგლების ხელოვნური გაფართოება შეუძლებელია.

პარადოქსად ისმის ზოგიერთის მტკიცება, რომ პირველი კლასის მოსწავლეს შეუძლია ალგებრისა და გეომეტრიის ელემენტების შეთვისება ან თითქოს 6 წლის ასაკში შეიძლებოდეს სწავლის

დაწყება. დიდი ხანი არ არის მას შემდეგ, რაც პირველ კლასში რვა წლის ასაკის ბავშვებს იღებდნენ. ამჟამად შვიდი წლის ასაკია დადგენილი. ახლა ზოგიერთი 6 წელს მოითხოვს.

მაშ, სად ვეძებთ გამოსავალი? იქნებ სწორი გზა — სწავლების ვადის გადიდება?

საწარმოო სწავლებამ, რაც ჩვენს სკოლებში ბევრგან დაინერგა, ვერ გაამართლა იმედები, პირიქით, მან მნიშვნელოვნად შეაფერხა მეცნიერებათა საფუძვლების დაუფლება და საჭრძობლად დააქვეითა სწავლების ხარისხი. მაგრამ შეცდომა იქნებოდა საწარმოო სწავლებასთან ერთად უარგვეყო შრომით-პოლიტექნიკური სწავლება. აქვე უნდა ითქვას, ბევრ სკოლას არა აქვს სათანადო სასწავლო-მატერიალური ბაზა — კეთილმოწყობილი სასწავლო სახელოსნოები, საცდელი მიწის ნაკვეთები, ცოცხალი ბუნების კუთხე, მოსწავლეთა ასაკის შესაფერისი ინვენტარი და ა. შ. ზოგჯერ შრომითი აღზრდის შეუფასებლობა იქამდე მიდის, რომ ხელგარჯილობისა და შრომის გაკვეთილებს სხვა დისციპლინებს უთმობენ. მართალია, შრომითი-პოლიტექნიკური ციკლის დისციპლინების სწავლება ითვისებისწინებს ჭრა-კერვისა და მეოჯახეობის შესწავლას, მაგრამ მოსწავლეები მათ სათანადოდ ვერ ეუფლებიან. მუშაობა ისე უნდა დავაყენოთ, რომ საშუალო სკოლადამთავრებული ახალგაზრდა სრულყოფილად იყოს მომზადებული დამოუკიდებელი ცხოვრებისათვის. ხშირად ჩვენმა ქალიშვილებმა კარგად იციან ფილმების შინაარსი, იცნობენ კინოვარსკვლავებს, იციან ტანსაცმლის, ფეხსაცმლის, ვარცხნილობის მოდები, მაგრამ არ იციან ის, რაც მომავალ დედას მოეთხოვება: ბავშვის ტანსაცმლის შეკერვა, საჭმლის დამზადება, რეცხვა, ბინის გემოვნებით დალაგება და სხვ. ოჯახური ბედნიერებისათვის კი ყოველივე ეს საჭიროა და აუცილებელიც.

დიდი რუსი პედაგოგი კ. უშინსკი წერდა: „თუ აღმზრდელს სურს ადამი-

ნი აღზარდოს ბედნიერებისათვის, ის უნდა აღზარდოს არა ბედნიერებისათვის, არამედ შრომისათვის“. დასაწყისში ლაც, შრომისათვის აღზრდა ხომ ბედნიერებისთვის აღზრდაც არის. ზედმეტი არ იქნება თუ აქვე მოვიტანთ ჩვენი ეპოქის დიდი პედაგოგის ა. მაკარენკოს სიტყვებსაც. „ბედნიერად გრძნობენ თავს ის ადამიანები, რომლებსაც ყველაფერი ეხერხებათ და ემარჯვებათ“.

შრომის ჩვევების გამომუშავება, შრომისმოყვარეობის აღზრდა ეროვნულ-პატრიოტული თვალსაზრისით მნიშვნელოვანი საქმეა. ბევრ ნიჭიერ ქართველ ახალგაზრდას აკლია ხოლმე ეს თვისება და ამის გამო ზოგჯერ ფართო სარბიელზე ვერ გადის. გამოჩენილი გამომგონებელი ედისონი წერდა: „გენიოსობა არის 95% შრომა და პლუს 5% ნიჭი“. და თუ ჩვენს ნიჭიერ, გონიერ ქართველ ახალგაზრდას სკოლაში სწავლის დროს გამოვუმუშავებთ შრომისმოყვარეობასა და სიბეჯითეს, მაშინ, უეჭველია, ჩვენი ერი საკაცობრიო კულტურის საგანძურში განუზომლად მეტ წვლილს შეიტანს.

სკოლაზე ლაპარაკს ლოგიკურად მოყვება უმაღლესი სკოლის საკითხი. სკოლა და უმაღლესი სასწავლებელი ჩვენი ახალგაზრდობის აღზრდის ერთიანი ჯაჭვია. სკოლის მიღწევებსა და ნაკლს ყველაზე უკეთ უმაღლესი სასწავლებელი გრძნობს. საშუალო სკოლადამთავრებულთა ერთი ნაწილი არც არის სტუდენტობის ღირსი, მაგრამ როგორღაც მაინც შედის უმაღლეს სასწავლებელში და ამთავრებს კიდევ. მართალია, უმაღლეს სასწავლებელს ძალიან უჭირს პირველკურსელი სტუდენტის ცოდნაში იმ ხარვეზის შევსება, რაც სკოლიდან მოჰყვა, მაგრამ ეს არ არის შეუძლებელი და თუ არ მოხერხდა, ასეთი სტუდენტი ვერ უნდა ამთავრებდეს ინსტიტუტს. ერთი ავტორი ამას წინათ გონებამახვილურად წერდა გაზეთ „პრავდაში“: უმაღლესი სასწავლებელი ბევრ შემთხვევაში ჰკავს ტრამეის, რომლის მგზავრს

დამშვიდებით შეუძლია ბოლო გაჩერებადმდე იაროსო. თითქმის ყველა სტუდენტი ამთავრებს უმაღლეს სასწავლებელს. ეს მხოლოდ ფორმალბაა. უნდა გამოინახოს ეფექტური ფორმები ჩვენს უმაღლეს სასწავლებლებში გავრცელებული ყალბი ლიბერალიზმის წინააღმდეგ საბრძოლველად.

ზოგი რამ გაკეთდა უმაღლესი სკოლის სასწავლო ცენტრებისა და პროგრამების სრულყოფის მიზნით. მაგრამ გასაკეთებელიც საკმაოდ ბევრი დარჩა. ამკარაა, არ კმარა ოთხი-ხუთი წელი სრულყოფილი უმაღლესი განათლების მისაღებად, მით უფრო ისეთ პირობებში, როცა სპეციალობის შესწავლას სტუდენტი მთელი დროის მესამედს ან მეოთხედს ანდომებს. მაშ რაღა გასაკვირია, უმაღლესი განათლების მქონე პირი სათანადოდ ვერ იყოს დაუფლებული თავის სპეციალობას, არ ჰქონდეს საკმაო პროფესიული მომზადება. ამ მხრივ განსაკუთრებული ყურადღება სჭირდება პედაგოგიურ ინსტიტუტებს.

ახალგაზრდობის აღზრდაში, მის ყოველმხრივ განვითარებაში სკოლისა და უმაღლესი სასწავლებლის გარდა მნიშვნელოვან როლს ასრულებს ჩვენი სინამდვილე, სოციალური გარემო. სასწავლო-აღმზრდელით დაწესებულებათა კარგი მუშაობა ორგანულად უნდა იყოს შეხამებული იმ გარემომცველ წრესთან, რომელშიც ახალგაზრდა თაობა იმყოფება. კვლავ ილიას მოვუსმინოთ: „იმ წრეს, სადაც ბავშვი პირველი ხანიდანვე ტრიალებს, დიდი ჭავლენა აქვს მთელს ადამიანის მერმისზედ. ბავშვის ნორჩი სული და გული მეტად მგრძნობიარეა და მალე დამჩნევი ავისა და კარგისა, და ამიტომაც წრე, სადაც ბავშვი და მოზარდი სულს იბრუნებს, თავის ბეჭედს ავისას და კარგისას აუცილებლად ზედ დაასვამს ხოლმე... თითონ წრეს ცხოვრებისას დიდი ზემოქმედება აქვს მოზარდის თაობის მერმისზედ“. ამ სიტყვებს კომენტარი არ სჭირდება. ილია ჭავჭავაძე გმობდა საზოგადოების უყურადღებობასა და გულგრი-

ლობას მოზარდი თაობის ბედისაგან, რამაც სასრჩობელამდე მიიყვანა ახალგაზრდა კაცი. ჩამოხრჩობილის შემდეგ ულისწყრომით მიმართავს ხალხს: „ჩვენი ყველასთვის უტყბონი ვიყავით... ჩვენი ცოდვა ყველამ დაიდო კისრად... თქვენ ყველამ გაგვძარცვეთ, თქვენ ყველამ მოგვიღეთ ბოლო“ („სასრჩობელაზედ“). ასეთი გულგრილობა ბოროტებას უღრის და შეუწყნარებელია.

სამწუხაროდ, გულგრილობის ცალკეული შემთხვევები ჩვენს დროშიც შეინიშნება. ქუჩაში ხშირად ვხედავთ, თუ როგორ ეწევა 10-12 წლის მოზარდი პაპიროსს, იქცევა უკულტუროდ, უზნეოდ, არღვევს საზოგადოებრივ წესრიგს და რატომღაც მოქალაქეობრივ მოვალეობად არ მიგვაჩნია, ჩავერიოთ, მივცეთ შენიშვნა, განუშარტოთ საზოგადოებაში თავის დაჭერის ელემენტარული წესები. სწორედ საზოგადოების ასეთი გულგრილობა და ჩაურეგლობაა ზოგიერთი ახალგაზრდის ამორალური ქცევის, უღისციბლიზობისა და ხულიგანობის მიზეზი. საზოგადოებრივი აზრის მობილიზაცია, მთელი საზოგადოების ერთიანი, შეთანხმებული ზემოქმედების სისტემის შექმნა, ჩვენი ახალგაზრდობის ბედისადმი ცხოველი ინტერესის გამოჩენა, — აი რას უნდა ცდილობდეს, რაზე უნდა ზრუნავდეს ყოველი მოქალაქე, ყოველი ჰემმარიტი პატრიოტი, ახალგაზრდობის მეგობარი და პატივისმცემელი.

ახალგაზრდობას მრავალმხრივი ინტერესები, მიღრეკილებანი და ფიქრები აქვს და ისინი სამართლიანად ითხოვენ დაკმაყოფილებას. ავილოთ, თუ გნებავთ, კულტურული მოთხოვნილებანი. კინო, თეატრი, ტელევიზია, კულტურის სახელები და პარკები მხოლოდ ნაწილობრივ ასრულებენ ამ ფუნქციას. თეატრალური სპექტაკლები ხშირად ვერ უპასუხებენ თანამედროვეობის მაღალ ესთეტიკურ მოთხოვნილებებს. არც საკმაოდ რმა-იდუური და მაღალმხატვრული ფილმებითაა განებივრებული ჩვენი ახალგაზრდობა, ტელეგადაცემები, გან-

საკუთრებით სატელევიზიო ფილმები ხშირად ვერ იწვევენ ცხოველ ინტერესს. და ჩვენი ახალგაზრდობის დიდი ნაწილი ქუჩაში გადის. ქუჩა კი, როგორც ამბობენ, სავსეა მოულოდნელობით. ადამიანს, განსაკუთრებით კი ახალგაზრდას, ყოველთვის აქვს მოქმედების სურვილი და თუ ის სასარგებლო საქმით არ იქნა დაკავებული, შეიძლება რამე დაამავოს და გააფუჭოს. საჭიროა მეტი რაოდენობით გვექონდეს ახალგაზრდული კლუბები, პარკები, სპორტული მოედნები, პერიოდულად გაიმართოს ლიტერატურულ-მეცნიერული პაექრობები, კითხვა-პასუხის საღამოები, მწერლებთან, მეცნიერებთან, გამოჩენილ ადამიანებთან შეხვედრები, გართობის საღამოები და ა. შ. ყოველივე ეს ხელს შეუწყობს ახალგაზრდობის ყოველმხრივ განვითარებას, მათი იდეური და კულტურული დონის ამაღლებას, ესთეტიკური გემოვნების განვითარებას, ერთმანეთთან დაახლოება-დამეგობრებას და ა. შ.

კარგი იქნება თუ ყველა უმაღლეს სასწავლებელში შემოვიღებთ სტუდენტთა ერთიან ფორმას ინსტიტუტების განმასხვავებელი ნიშნებით. ეს ხელს შეუწყობს საზოგადოებრივი შეკრებების ადგილებზე სტუდენტთა დისციპლინის განმტკიცებას, სტუდენტის პასუხისმგებლობის გაძლიერებას, საკუთარი უმაღლესი სასწავლებლის ღირსების დაცვის სულისკვეთების გაძლიერებას. ერთიან ფორმას ასევე მნიშვნელოვანი ესთეტიკური მხარეც აქვს. უმაღლეს სასწავლებელში მეტი სილამაზე და ლაზათი დაისადგურებს. ერთიანი ფორმა ბოლოს მოუღებს სტუდენტთა ჩაცმა-დახურვაში ფარულ „შეჯიბრს“ (გულახდილად რომ ვთქვათ: ღია კონკურსს!) და მშობლებს ეკონომიურ შედავათს მისცემს.

ჩვენი ახალგაზრდობის წინაშე დიდ ვალშია კინოსტუდია „ქართული ფილმი“, რომელიც ნორჩი თაობისა და ახალგაზრდობისადმი მიძღვნილ ფილმებს იმეიათად სთავაზობს მაყურებელს.

ხოლო ზოგიერთ მათგანში სერიოზული პედაგოგიური შეცდომაა დაშვებული. ქართულ პედაგოგიურ პრესაში გვხვდება ტიკეს ზოგიერთი კინოფილმის პედაგოგიურ-აღმზრდელითი მხარე. ამ სურათებში არასწორადაა ასახული საბჭოთა ბავშვების სისხლსავსე, მჩქეფარე ცხოვრება.

კინო მხოლოდ გასართობი არ არის. ის მშრომელთა კომუნისტური აღზრდის მძლავრი საშუალებაა და ყოველ სურათს არა მარტო მაღალი მხატვრული ოსტატობა მოეთხოვება, არამედ, და ეს მთავარია, იდეურობა და დამაჯერებლობა.

თქმა არ უნდა, ახალგაზრდობისადმი მიძღვნილი ფილმები მეტი რაოდენობით, მეტი დაკვირვებითა და სიფრთხილით უნდა შეიქმნას. ასეთი ფილმების კონსულტანტებად უნდა მიიწვიონ სპეციალისტები, როგორც ამას სამხედრო და ისტორიული ფილმების გადაღების დროს აკეთებენ ხოლმე.

ორი სიტყვა პედაგოგიურ ლიტერატურაზეც, რომლის დიდი მნიშვნელობაც სრულიად უდავოა. მაგრამ მის გამოცემას სათანადო ყურადღება არ ექცევა. უფრო მეტიც, წინა წლებთან შედარებით მნიშვნელოვნად შემცირდა პედაგოგიური ლიტერატურისათვის განკუთვნილი ფონდები. გამომცემლობათა გამსხვილებამდე პედაგოგიურ ლიტერატურას უშვებდა საქართველოს სსრ განათლების სამინისტრო და მისი მეთოდკაბინეტი, პედაგოგიკის სამეცნიერო-კვლევითი ინსტიტუტი, სახელმწიფო უნივერსიტეტი. ყოველწლიურად გამოცემული ლიტერატურის მოცულობა ათას თაბახს სჭარბობდა. ამჟამად შრომები სწავლა-აღზრდის საკითხებზე გაცილებით ნაკლებად იბეჭდება, რისი გამართლებაც არაფრით არ შეიძლება. თითქმის არ ქვეყნდება ნაშრომები პიონერული და კომკავშირული მუშაობის საკითხებზე და ამ დარგის მუშაკები ამაოდ ელიან მათთვის საჭირო ლიტერატურას. აღზრდის თემებზე ლიტერა-

ტურის გამოცემას თვით ცხოვრების აუცილებლობა მოითხოვს და ეს უნდა გაკეთდეს.

ახალგაზრდობის აღზრდაში დიდია მასწავლებელთა, მშობელთა, უფროსი თაობის ადამიანთა მაგალითის ძალა. „აღმზრდელი თვით უნდა აღიზარდოს“ (კ. მარქსი) და ყოველმხრივ სანიმუშო და მისაბაძი იყოს. ახალგაზრდობისათვის, განსაკუთრებით სასკოლო ასაკში, დამახასიათებელია შთაბეჭდილებათა ადვილად მიღება, მიბაძვა; მოზარდი ბაძავს არა მარტო დადებითს, არამედ უარყოფითსაც. ამიტომ ყოველი ადამიანის, მეტადრე პედაგოგის ვალია, იყოს ზნეობრივად სპეტაკი, განათლებული და კულტურული, ჭეშმარიტი ინტელიგენტი. ჩვენი ახალგაზრდობა განსაკუთრებული ინტერესით ადევნებს თვალ-

ყურს ხელმძღვანელი მუშაკების საქმიანობას და მოღვაწეობას. მათი უბსოლუტური უმრავლესობა შესანიშნავი მშენებელითია ჩვენი ახალგაზრდობისათვის, მაგრამ ის ფაქტი, რომ ზოგიერთი მუშაკის მთელი საქმიანობა პირადი მე-ს კეთილდღეობისკენაა მიჩართული, აშკარად არ ახდენს კეთილყოფელ გავლენას ახალგაზრდა კაცის სულსა და გულზე. ჩვენს მოზარდ თაობას სურს მეგზურებად ჰყავდეს პატიოსანი, უანგარო და უმწიკვლო ადამიანები, რომლებსაც შეიძლება ანდო შენი ფიქრი და ოცნება, ინტერესი და მისწრაფება, ადამიანები, რომლებიც შეიძლება გიყვარდეს და პატივს სცემდე.


ახალგაზრდობა მუდამ და ყოველთვის უნდა იგვაზსოვდეს, მისთვის ნურაფერს დავიშურებთ!



„სილკაჯი“ სკოლისთვის

დაარსების 40 წელთან დაკავშირებით და მოსწავლე ახალგაზრდობის კომუნისტურად აღზრდის საქმეში ნაყოფიერი მოღვაწეობისათვის საქართველოს კომკავშირის ცენტრალური კომიტეტის ჟურნალი „პრონა-რი“ დაჯილდოვდა საქართველოს სსრ უმაღლესი საბჭოს პრეზიდიუმის საპატიო სიგელით.

ჟურნალი „ცისკარი“ მხურვალედ მიესალმება ქართველი პიონერების საყვარელ ჟურნალს, ულოცავს დაბადების ორმოცი წლისთავს და უსურვებს მას ახალ-ახალ შემოქმედებით გამარჯვებებს.



ენციკლოპედია

სიცოცხლის მარილი

10.336

რემა ჰეღია სოფელ ჭალადიდში საუკეთესო მოცეკვავე და მომღერალი იყო. მღეროდა ყველგან: შინ და გარეთ, ყანაში თუ ტყეში; ბუნებას დაეჯილდოვებინა ამ იშვიათი და ლამაზი ნიჭით.

რემა დიდი ხუმარაც იყო, გონებაშახველი და მზიარული კაცი.

1904 წელს სოფელში ასი წლის მოხუცი გარდაიცვალა. შვილებმა ტრადიციული ტირილი მოაწყვეს. ერთი შვილი ორმოცი წლისა იყო, მეორე — ოცდათხუთმეტისა. წესისამებრ, ორივენი სეფის თავში დადგნენ და მოტირალთაგან სამძიმარს ისმენდნენ. მოტირალნი ჯერ სეფაში შევიდოდნენ, მიცვალებულს დაიტირებდნენ, შემდეგ შვილებს მიუსამძიმებდნენ.

ჰოდა, მოვიდა სატირლად რემა ჰეღია. ჭიშკართან ყაბალახი მოიხადა და ისე შემოვიდა ეზოში. სეფის ახლოს ხანჯალი ამოიღო ჭარქაშიდან და ყაბალახთან ერთად მავიდაზე დადო. ასეთი იყო წესი.

მაშინ ათი წლისა ვიქნებოდი. ვდგავარ სხვა ბავშვებთან ერთად სეფის ახლოს და ვუყურებ სეირს. ბავშვებისათვის ეს ამოღენა ხალხი, სეფაში ტირი-

ლი, ხოლო ეზოში სიცილი მართლაც სერი იყო. ასი წლის მოხუცს არავინ ტიროდა. ჰოდა, მიუახლოვდა რემა სეფას. წაიშინა თავში ხელი და დაიწყო:

— ვაი, უბედურო, გიგოია! რა ვუთხრა შენს ობოლ ბიჭებს?

ყველამ იცოდა, რა ხნისა იყვნენ „ობოლი ბიჭები“ და გაეცინათ. გაგვეცინა ბავშვებსაც. „ობლებმა“ წარბები შეიკრეს.

რემა გაბრუნდა. რამდენიმე მოტირალი გამოუშვა და მერე ისევ წამოვიდა. ახლა კი უხმოდ შევიდა სეფაში, მიუტირა კუბოს, მობრუნდა და მივიდა გულხელდაკრეფილ ვაჟიშვილებთან. არაფერი უთქვამს რემას, მხოლოდ თავი დაუკრა ჭირისუფლებს და, ჰოი, საოცრებაე, — ცრემლები ჩამოუგორდა. ამ ცრემლებმაც გააცინა ხალხი. მიცვალებულის შვილებმაც ვერ შეიკავეს თავი, მათაც გაეცინათ.

ასეთი იყო ეს საოცარი კაცი. მუდამ ჯანსაღი სიცილი იცოდა. იყო რაღაც სტიქიური და მიაბიჭური რემას სიცილში. ეს იყო სიცილი... სიცილი მშრომელი კაცისა, სიცოცხლის მარილი...



ერთი სტუმრად ჩამოსული ლამაზი ქალიშვილი მოეწონა რემას. ეს ქალიშვილი უკარება და ამპარტავანი იყო და არავის აქცევდა ყურადღებას. რემასაც ტუჩებაბზეკით უყურებდა. მე ბიჭი არ ვიყო, თუ არ გაყოცეო, შეუთვალა რემამ.

ერთ საღამოს იმ ოჯახში შევეკრიბეთ, სადაც ის ქალიშვილი იყო სტუმრად. აბა ჩონგური, აბა სიმღერები! უკარება იჯდა, ყურს გვიგდებდა; ხმას კი არ იღებდა. რემა არ იყო ჩვენთან, ბოლოს მოვიდა. ყაბალახი ისე შემოეხვია თავზე, სახე არ უჩანდა. თან ჯოხს ეყრდნობოდა, კოჭლობდა, ნამდვილი მოხუცი გეგონებოდათ. სტუმარმა, რასაკვირველია, ვერ იცნო საღამოს ბინდში ასე გადასხვადფრებული რემა. რემამ გასაოცრად იცოდა ხმის შეცვლა. ახლაც ხრინწიანი ხმით იკითხა. ვინ არისო ეს გოგო?

— ანეტას დისწულია, — ვუპასუხებ ჩვენ.

ანეტა ოჯახის დიასახლისი ეყრდნობოდა — ოი, შენი ჭირიმე! რამოდენიმე წელიწადი უკარება, — წამოიძახა რემამ, გაშალა ხელეები და გადაკოცნა სტუმარი ქალიშვილი. ისიც მიენდო რემას და აყოცა.

ცოტაც და რემამ მოიხსნა ყაბალახი, გაისწორა უღვაშები და ქრისტეს სიმღვილით შეხედა სტუმარს. იკვლა სტუმარმა და გავარდა გარეთ. შემოვიდა დიასახლისი, თან ეცინებოდა, თან გაჯავრებას ლამობდა:

— შენი სიკვილი, რემა! ეს რა გიქნია, ბიჭო?

— ქალბატონო ანეტა, — მძიმედ დაუქრა თავი რემამ. — ქალი უკოცნელი და ყანა უთოხნელი არაფრად ვარგა. რას ვაგვირბის? დაჯდეს ჩვენთან და იმხიარულოს. ადამიანმა თუ ახალგაზრდობაში არ გაიცინა, აბა როდისღა უნდა გახსნას შუბლი?! ყველანი მოვესწრებით დარდასა და სიბერეს.

მ მ რ ი ძ ი შ მ

ჯაბა ქაობიამ ქალიშვილი გაათხოვა. დიდი ქორწილი გადაიხადა. შუა ქეიფში თავადმა მეჭი ფაღავამ სურა მოითხოვა. მართვეს. თავადმა აავსო სურა, ექსპრომტად. ირთხელ კიდევ, დალოცა მეფე-ღედოვანი, გამოსცალა და დაიძახა:

— ბატონ ჯაბასთან ვარ ალავერდი!

თამადამ მოუხბო ჯაბას და თავისი ხელით გადასცა სურა. ეს, ძველი წესით, პატივისცემას ნიშნავდა.

ჯაბასთვის ძნელი იყო ორბოთლიანი სურის უეცრად დაცლა. გარდა ამისა, ჯაბა თვითონ იყო ქორწილის თავმჯდვეი, ღვინო არ უნდა დაეღია. რა ექნა, უარს ვერ იტყოდა.

მიიღო ჯაბამ სურა, დადგა შუა სეფაში და დაიძახა:

— რემა ჭედი! ღვინო მოიტა, შვილო! მოგარდა რემა. იმ დღეს იგი სუფრის მერიქიფე იყო. ჯაბამ თვალი ჩაუჭრა და სურა გაუწოდა. რემამ გამოართვა სურა და ჯარასავით დატრიალდა. წამსვე მია-

წოდა ვიღაცის უხილავმა ხელმა თეთრი პურის ფუნთუშა გული. წამსვე ამოგლისა რემამ სურის ყელი და მიაწოდა ჯაბას. ჯაბამ მოწიწებით აიღო სურა ორივე ხელში. რემამ დაიწყო ღვინის ჩასხმა და დაიწყო კომედიაც.

ღვინის ჩასხმას იმდენი დრო მოანდომა, რამდენიც საჭირო იყო სურის ასაესებად. ჯაბამ ასწია სურა, მოიხადა ბოხობი და დინჯად გამოსცალა ცარიელი სურა.

რემა სასოებით უყურებდა ჯაბას და ხმამაღლა იძახოდა:

— თო ჯიმა! რას ნიშნავს მაგარი კაცი! მე წამაქცევდა ეგ სურა!

ბოლოს, ჯაბამ გადმოაპირქვევა სურა და გადასცა რემას. სეფამ ტაში დაუქრა. რემამ გაიტანა სურა, რომ ჩაგლისული პური ამოეყარა. ყველა კმაყოფილი იყო ამ უფარდო სცენით.

1 ოპ. ძმარი — მეგრულად.



რემა მიწის მუშა იყო. ყანიდან დაბრუნებული აგურის ქარხანაში მუშაობდა. ერთ ზაფხულს ფოთიდან ერთი გიმნაზიელი გოგონა ესტუმრა ჩემს ნათესავს ვანოს. გოგონამ გვთხოვა, რემა მაჩვენეთო; ფოთში გაეცნო თურმე. რემას თავი ქალადიდელ ხე-ტყის მრეწველად გაესაღებინა. პოდა, ქალადიდში რომ ჩამოვიდა, ამ ქალიშვილს რემა გაახსენდა.

წავედით რემას სანახავად აგურის ქარხანაში. ვხედავ, რემა გამალეებით მუშაობს, ტალახით მოთხუბნულია. კობტა უღვაშები ცხვირსახოცით აუკრავს, თავზე ფართო ჭილოფის ქუდი ჰხურავს, რომ ლამაზი, ხუჭუჭა თმა მიწითა და ტალახით არ აეცოს. დგას ორმოში და ზელს ტალახს — ალიზს. რომ დაგვინახა, მუშაობა არ შეუჩერებია. მივუახლოვდით და მხიარულად შევძახე:

— გამარჯობა, რემა!

— რემა არაა, ბატონო! — მიპასუხა რემამ. — რემა ტყეშია. დღეს ტივებს

ავზავნის ფოთში და მუშებს ადგას. თავზე... დაბრუნდება საღამოს... გიმნაზიელი

საღამოს კი ჩოხა-ახალუხში ჩაკობტა-ვებული რემა თვითონ ეახლა იმ ქალიშვილს და ასე უთხრა:

— ჩემს აგურის ქარხანაში მობრძანებულხართ დღეს, ქალბატონო! მუშამ მომახსენა. მე კი ტყეში ვიყავი. ტივებს ვავზავნიდი ფოთს...

და მთელი თვე სოფელში იყო ორი რემა: ერთი თავაუღებლივ მუშაობდა ტალახში ამოსვრილი. მეორე კი საღამოობით ლამაზ ჩოხა-ახალუხში ჩაკობტა-ვებული გამოდიოდა რიონის პირად, ხუმრობდა, მღეროდა, სხვებსაც ამღერებდა.

იყო დიდი არტისტიზმი რემას საქციელში. ვინ იცის, სხვა დროს და სხვა პირობებში რა დიდი არტისტი გამოსულიყო მისგან.

მაშინ კი, ძველ დროს, ასეთი „არტისტები“ იყო მიმზიდველი სოფელი.

მოკარული სიყვარული

იყო სოფელში ერთი ლამაზი ქალა, სახელად ტატა. ლამაზები სხვებიც იყვნენ, მაგრამ ტატა იმით გამოირჩეოდა, რომ ძალზე უწყინარი და ჩუმი იყო.

ეს ქალი შეუყვარდა ჩვენივე სოფლის ახალგაზრდას, ნიკოს. ნიკოც უწყინარი და უსიტყვო კაცი იყო, მშრომელი, გულმართალი გლეხი. ძლივს, ძლივს გაუშკადენა ტატას თავისი გრძნობა. ტატამ შორს დაიჭირა: ქვრივი ვარ, სახელი გამიტყდებაო.

ნიკომ რემას, თავის ახლო მეგობარს, გაანდო ეს ამბავი. რემამ უპასუხა: ეგ საქმე ჩემზე იყოს, მოვავგარებო. და აი, რა ჰქნა:

დაიწყო რემამ სიარული ტატასას. ხან ყანა გაუთოხნა, ხანაც შეშა დაუბო. ჩონგურზეც დაუმღერა. შემდეგ რამდენიმეჯერ ახალგაზრდებთან ერთადაც ეს-

ტუმრა. გამოაცოცხლა მიჩუმებული გული ქალისა. რამდენიმე თვის შემდეგ პაემანიც დაუნიშნა. ტატა დათანხმდა: ამაღამ ხულასთან გელიო... რემას მაგივრად კი პაემანზე ნიკო წავიდა.

დაღამდა. ნიკომ მოიხურა ნაბადი, მოიხურა თავი ყაბალახით და ხულასთან გაჩნდა. ნიკოს ბედზე ღამე უმთვარო იყო, მაგრამ ცა — მოწმენდილი. ნიკომ ღობიდანვე შენიშნა, ტატას შავი შალი მოეხურა და კედელს მიყრდნობოდა. ფრთხილობდა, კატის ნაბიჯით მიუახლოვდა ნიკო ლაფაროს, გადაიძრო ნაბადი და ჩაეხვია ტატას.

— დიდუვ, რომელი ხარ? — სულშეგუბულად წამოიძახა ტატამ, — ეს ვისი უღვაშებია?

რემას აბრეშუმით რბილი და ფა-

ვუკო უღვაშები ჰქონდა, ნიკოს მეჩხე-
რი და ხეშეში.

— ჩემი უღვაშებია, ჩემი, — დარწ-
უნებით და ჩუმიდ უთხრა ნიკომ.

გაძლიანდა ტატა, მაგრამ გაძლიან-
და ნიკოც. ბოლოსდაბოლოს, ორმა ჩუმ-

მა ადამიანმა ჩუმიდ გააპარა ზაფხულის
მოკლე ღამე.

და ჩუმიდვე ინახავდნენ <sup>მეჩხე-
რი და ხეშეში</sup> სიყვარულს. კმაყოფილი იყვნენ.

კმაყოფილი იყო რემაც. — დეხმარა
ამხანაგს.

ადამიანი და ძალი

რემა საოცარი იმიტატორი იყო. ისე
კამოაჯავრებდა ცხოველს, ვერაფრით
ვერ მიხვდებოდი.

ერთხელ სოფლის გზაზე მივდივართ
ახალგაზრდები. გადმოყუდებულა ჭიშ-
კარზე დიდი ნაგაზი და გვიყურებს. რე-
მამ ჩაუარა და დაიყეფა. აიწურა ძალი.
ჩიხხედ-მოიხენდა — სხვა ძალი არა
ჩანს. გაუკვირდა. რემამ ისევ დაიყეფა.
ძალი გადმოხტა ჭიშკარზე, დაიწყო
„იმ“ ძალის ძებნა. ვერ ნახა. დაიბნა.

რემამ ეხლა წკმტტუნი დაიწყო. ძალ-
ლი გაბრაზდა. მიტრიალდა, მოტრიალ-
და, მაგრამ „ის“ ძალი არსად ჩანდა.
ძალს ისეთი გამოღენჩებული სახე
ქონდა, რომ სიცილი აგვიტყდა. რემამ

კი განაგრძო; ახლა საცოდავ ყმუილს
მოჰყვა. ნაგაზი დაეშვა მიწაზე და
ატირდა. მართლაც რომ ტირილს გავდა
მისი ყმუილი. ალბათ თუ წარმოიდგი-
ნა, რომ მის მოძმეს უჭირდა და თვითონ
ვერ შველოდა.

— ხედავთ? — თქვა რემამ. — ძალი
რომ ძალია, იმანაც იცის სიბრალული.
ჰგონია, რომ საღდაც სხვა ძალს უჭირს
და შეწუხებულა... ნეტავი ერთი, ეს
დაანახვა ჩვენს ბოჭაულს, სულ რომ
მგელივით იგლიჯება!

მივიდა ძალთან, მოეფერა და მხია-
რულად მიუწკმუტუნა. ძალს გაუხარ-
და, შეხტა და შემოხტა. მხიარულად
აყეფდა.

საკუთარი თავი დაიჭირა

ერთხელ რემამ საკუთარი თავი დაი-
ჭირა.

ფოთიდან მოვდივართ ნავით. რემას
ხარზე ჭაპანი აქვს მოვდებული და ისე
ეზიდება ნავს. ნავში ზის ბახვა აბაკე-
ლია, ესეც ერთი მეტად საინტერესო პი-
როვნებაა ჩვენს სოფელში. ბახვაზე ცალ-
კე მექნება საუბარი. ჰოდა, ნავშია ბახ-
ვა, უჭირავს გრძელი ჭოკი და, ნავი რომ
ნაპირს არ მიაწყდეს, ამ ჭოკით შეაყე-
ნებს ხოლმე. შეაყენებს და ბიძგი-ბიძ-
ვით მიჰყავს წყალღამა. ნავი დიდია,
ძიმე. შრომაც დიდია და ძიმე, მომღ-
ლელი და გულს მომწყვლელი. დრო
ხანტად მიდის. რაც გინდა მოინდომოს
მუშა კაცმა, ვერ აჩქარდება: ფოთიდან
ჭალადიდანვე თორმეტი კილომეტრია,
მაგრამ ნავის ამოყვანას მთელი დღე უნ-
და. ასეთ შემთხვევაში ზოგი მენავე მღე-

რის სევდიანად, ძალზე სევდიანად.

ჰოდა, მღერის რემაც. ის ხომ მუდამ
მღეროდა?

მაგრამ ახლა რემას სიმღერა ტირილს
უფრო ჰგავს. დაეუფდე ყური და... მარ-
თლა ტირის. დასტირის თავის თავს.

— ეოუ, რემა! შე საწყალო კაცო! ასე
ადრე რატომ დაიკრიფე გულზე ხელე-
ბი? ასე ადრე რატომ დატოვე შენი სო-
ფელი? შენი ტოლი ამხანაგები? შენი
ჭამარ-ხანჯალი და ცხენი? ვოუ, რემა!
რა იყავი, შე უბედურო? სიმღერა გიყ-
ვარდა, ახლა რამ დაგიდუმა პირი? ცეკ-
ვა გიყვარდა, ახლა რამ დაგიბორკა ფე-
ნები? უღვაშების აგრეხა გიყვარდა, ახ-
ლა რამ ჩამოგიყვარა უღვაშები! ვოუ,
რემა! შენს ხუჭუჭ თმაში სავარცხელი
ტკაცუნობდა, ახლა რამ მოგიძენდა თმა?
შენი თეთრი ცხენი შავად შორთულა.

ბიჭო! შენი თეთრი ცხენი უკუღმა შე-
კახშულია, ბიჭო! ვოუ, რემა! ჩემო კარ-
გო ბიჭო! სულ შრომობდი, სულ მიწაში
იყურებოდი, შე უბედურო! ახლა ეს
მიწა დაგეყრება გულზე... ვოუ რემა,
ერთი ცირა მაინც გაგეხარებინა, ძმაო!
ერთი ბიჭი მაინც დაგეტოვებინა შენს
სახელზე, შენს სოფელში! ვაი, ვაი! რა
მწარეა უდროოდ სიკვდილი!

ვხედავ, რემას ცრემლები ჩამოსდის.
ბახვა იღიმება და თვალებს იწმენდა.
— რას ტირი რემა? — შევძახე-
— მუდამ სიცილი ჩემი მტრისას, —
მიპასუხა რემა. — ხანდახან ცრემლიც
ამსუბუქებს გულს... ჰოდა, დავიტირე
ჩემი თავი და შემეცოდა კარგი კაცი!
მართლაც და კარგი კაცი იყო რემა.
ქედია. ძველი სოფლის ჯავარი და სი-
ხარული.

გ ა ხ ვ ა

სოფელ ჭალადიდში ცხოვრობდა ერ-
თი მარტოხელა კაცი — ბახვა აბაკელია.
მენავე და მონადირე იყო. ამბობდნენ:
ჭაბუკობაში ვიღაც უყვარდა, ის ქალი
გაუთხოვდა და გულმოკლულს სხვა არ
შეუერთავსო.

ბახვას დიდი ნავი ჰქონდა. ამ ნავით
ეზიდებოდა ჭალადიდიდან ფოთს აგურს.
ცოტოდენ მიწასაც ამუშავებდა და
ცხოვრობდა თავისთვის ტყის პირას,
სოფლის დასალიერს, შემოწნული ნა-
ლიის ქვეშ. შემოდგომა-ზამთარს კი ნა-
დირობდა.

ბახვას კარგი ჩაცმა უყვარდა: ჩოხა-
ახალუხი, ბოხოხი, მოვერცხლილი ქა-
მარ-ხანჯალი ჰქონდა. ტანად აყო დაბა-
ლი, მსხვილი, ჩაქრული. მოკლე წვე-
რებს ატარებდა. ჭკვიანი და სხივიანი
თვალეში ჰქონდა; სიტყვაძვირი იყო და
გულკეთილი.

ფოთიდან რომ ამოვიდოდა, თავის-
დიდი ნავით თეთრ გოგორა პურებს და
ფუნთუშებს ამოიტანდა, ნაპირზე მომ-
დგარ ბავშვებს დაგვირიგებდა. ამ ბავშ-
ვებში კი მისიანი არავინ იყო.

განა მარტო ბავშვებს გვიხაროდა.
ბახვას ამოსვლა ფოთიდან? მთელ სო-
ფელს უხაროდა. და არ მახსოვს, რომ
ვინმეს მადლობა ეთქვას ამ კეთილი კა-
ცისთვის. თავისთავად იგულისხმებო-
და, რომ კარგ კაცს ბავშვები უნდა ყვა-
რებოდა, ადამიანის სიკეთე არავის ეუც-
ხოვებოდა.

ახლაც თვალწინ მიდგას: დინჯი რიო-
ნი, დიდი ნავი, ბავშვების გუნდი ნაპირ-
ზე და ნავში მჯდომარე ბახვა. ბახვას
თეთრი პური უჭირავს და ხშირ, შავ
ულვაშებში ღიმილი უელავს...

წმიდა გიორგის სტუმარი

ჭალადიდი ტყიანი ადგილია და რამ-
დენიმე სოფელს აერთიანებს. სოფლებს
ერთმანეთისაგან მდინარე რიონი ჰყოფს.
რიონი აქ ფართოა, ძალზე ღრმა და
მდორე. განსაკუთრებით ფართოა ორი
მოპირდაპირე სოფლის — საქორჭიოსა
და პატარა ფოთს შუა. ამ ნაპირებზე
ტყე უკან იხევს და სოფელი გაშლილ-
ზეა. ამიტომ, შემოდგომობით, ზენაქა-
რი რომ ამოვარდება, რიონზე ძლიერი
ღელვა ატყდება ხოლმე.

რევოლუციამდე, ყოველ წელიწადს.
ოქტომბრის თვეში, პატარა ფოთში დი-
დი დღესასწაული იცოდნენ. ეს იყო
წმიდა გიორგის დღესასწაული. გიორ-
გობა. გიორგობაზე ყველა ოჯახს ჰყავ-
და სტუმარი. წირვის შემდეგ დიდ
ქეიფი და ლხინი გაიმართებოდა ხოლმე
ოჯახებში. საღამოს კი მთელი სოფელი
გავიდოდა მინდორზე სტუმრებიანად.
გაიმართებოდა ჯარიანობა: ცეკვა-თამა-
ში, დოლი, თარხია... აბა, აქ უნდა გამო-

ქინათ თავი ახალგაზრდებს ქალიშვილების წინაშე.

ჰოდა, ერთხელ გიორგობის წინადლით ძლიერი ქარი ამოვარდა. ტალღებმორეულ რიონს ვერავინ შეებდა ნავით, რომ მეორე ნაპირზე გადასულიყვნენ.

სადღესასწაულოდ გამოწყობილ ხალხს ნაპირზე მოეყარა თავი და ყველა უიმედოდ შეჰყურებდა აბობოქრებულ რიონს. მოხუცებმა თქვეს: გადასვლა არ შეიძლებაო...

მაშინ ბახვამ უთხრა მენავეებს: ორი დიდი ნავი შევეკრათ, ბორანად ვაქციოთ და ვადავალოთ მდინარეზე, ერთი ნავი ჩემი იყოს, მეორე თქვენ მოიყვანეთო.

დატრიალდნენ მენავეები. შეკრეს ორი დიდი ნავი. გაუკეთეს გარდიგარდმო კანჯოები. ნიჩბებთან საუკეთესო მენავეები დადგნენ. მეთაურობა ბახვას დააკისრეს. ბახვა კაპიტნის ადგილზე დადგა. ბოხობი ჩამოიფხატა. ჩოხის სახელოები აიკეცა. დინჯად, ცივი ხმით გასცა განკარგულება:

— სმენა და გაგონება! ჩასხედით! არ აწრილოთ!

და გაიყვანა ნავეები მეორე ნაპირას... ეს ამბავი 1905 წლის რევოლუციამ-

დე მოხდა. მე მაშინ ბავშვი ვიყავი მოწაფეობისას კი, აი, რა გამიგონია სრულფელოში:

არქონული
პინკუროქია

— ვენდეთ ბახვას და გაგვიყვანა მეორე ნაპირს... აბა, სიხარული მაშინ იყო, სტუმარ-მასპინძელი — ორი სოფელი რომ შეხვდა ერთმანეთს! მასპინძლებმა სტუმრები გაინაწილეს, ყველამ თავისი მოყვარე და ნათესავი წაიყვანა შინ.

და გამოირკვა საოცრება: ბახვას პატარა ფოთში ნათესავი არ ჰყოლოდა. დარჩა ნავში.

აი, მაშინ მოხდა, რაც მოხდა! ოცდაათი ოჯახი ცხოვრობდა პატარა ფოთში და ოცდაათმა მოხუცმა მოიხადა ბოხობი და ყაბალახი ბახვას წინაშე. ჩემთან წამობრძანდით ბატონო ბახვა! ჩემი ოჯახი გააბედნიერეო დღეს!

არ ვიცი. ვის წაყვა ბახვა! არ მახსოვს ძველების ნათქვამი. გამოგონილი კი რა საჭიროა! ეს კი ვიცი, რომ იმ დღეს ორი სათაყვანო სახელი ჰყავდა ორ სოფელს: წმიდა გიორგი და ბახვა აბაკელია... იმ დღეს პატარა ფოთში ბახვა აბაკელია წმიდა გიორგისა და ხალხის გულის სტუმარი იყო...



სამოცი წელი

ცნობილ მწერალს ნინო დოლიძეს დაბადების სამოცი წელი შეუსრულდა. ამ თარიღთან დაკავშირებით საქართველოს მწერალთა კავშირის გამგეობამ მას გაუგზავნა მისამება, რომელშიც ნათქვამია:

ჩვენთ ძვირფასო ნინო! თქვენი მეგობრები — ქართველი საბჭოთა მწერლები სულითა და გულით გილოცავენ სახელოვან სამოცი წლისთავს. თქვენ საინტერესო და თავმდაბალი ცხოვრების გზა გაიარეთ. ოცდაცამეტი წლის წინათ სრულიად ახალგაზრდამ გამოაქვეყნეთ პირველი ნაწარმოები და იმ დროიდან მოყოლებული დღემდე პირნათლად ემსახურებით ქართულ საბჭოთა ლიტერატურას. აღსანიშნავია თქვენი მნიშვნელოვანი წვლილი მთარგმნელობით მუშაობაშიც. თქვენ თარგმნეთ და რუს მკითხველს გააცანით ქართული ხალხური ზღაპრები და თანამედროვე პროზის ცალკეული ნიმუშები.

ვისურვებთ ხანგრძლივ სიცოცხლესა და მრავალ შემოქმედებით სიხარულს.

საპარტიულო მხარალოთა
პავლირის გამგეობა.



რომანი

თავი პირველი

1.

ივლისის ადრიაინი დილა იყო. აეროდრომზე თხელი, გამჭვირვალე ნისლი იწვა. უზარმაზარი რეაქტიული თვითმფრინავის კიბესთან მგზავრები ირეოდნენ.

— რიგი დაიცავით, რიგი. ნუ გეშინიათ, ყველანი მოასწრებთ ჩასხდომას! — ამოდ გაიძახოდა ხმაჩახლეჩილი სტიუარდესა და თან მორიგე-კონტროლიორს ბილეთების შემოწმებაში ეხმარებოდა.

ლევან ხიდაშელს რიგში დგომა არ უყვარდა. ახლაც განცალკევებით იდგა, — მოფუსფუსე მგზავრებს გულკრილად მისჩერებოდა, თითქოს მათ ვერც კი ამჩნევდა.

ვერცხლისფერი თვითმფრინავის ვიწრო შესასვლელში მგზავრები ფუტკრებივით ფუსფუსებდნენ და უჩინარდებოდნენ. ბოლოს უკანასკნელი მგზავრიც მიიმალა.

ლევანი ადგილიდან არ იძვროდა.

სტიუარდესამ შევებით ამოისუნთქა და მხოლოდ ახალა შენიშნა განზე გამდგარი წარმოსადეგი ჯაბუკი. ლევანმა ქალიშვილის გამოხედვა დაიჭირა. უნებურად ხელი ჯიბისკენ წაიღო, სიგარეტის კოლოფი მონახა. ერთბაშად გაახსენდა, რომ თვითმფრინავთან მოწვევა არ შეიძლებოდა. ჯიბიდან ხელი ამოიღო და თავის სპორტულ ჩანთას დასწვდა.

— თბილისში მიბრძანდებით? — ჰკითხა სტიუარდესამ და ბილეთი გამოართვა.

ლევანმა არაფერი უპასუხა.

მგზავრების ქათინაურებს მიჩვეული ლამაზი სტიუარდესა ვაყის დუმილმა გაანაწყენა. ბილეთი უკან დაუბრუნა და ცივად უთხრა:

— მიბრძანდით!

ლევანმა კიბე ნელა აიარა, არ ჩქარობდა. იცოდა, თვითმფრინავში ჯერ კიდევ არ იქნებოდა ხალხი დალაგებული. ცოტა ხანს ბაქანზე შეჩერდა, აეროდრომი მოათვალიერა და მერე თვითმფრინავში შევიდა.

მგზავრებს ადგილები უკვე დაეკავებინათ. ლევანმა ბილეთს დახედა და თავი

ვის სავარძელს დაუწყო ძებნა. თვითმფრინავში მხოლოდ ქართული ლაპარაკი ისმოდა. უკვე სამი წელი იყო, ლევან ხიდაშელს ქართული აღარ გაეგონა, გადაჩვეულ ყურს თითქოს ეხამუშა კიდევ. თავისი სავარძელი შორიდანვე დაინახა: მხოლოდ ეს ერთი ადგილია იყო თავისუფალი.

„ნეტავ ვინ იქნება ჩემი მეზობელი?“ — გაიფიქრა უნებურად.

მგზავრობისას ყველაზე უფრო ცუდი თანამგზავრი ეზარებოდა; ბედი კი არასდროს სწყალობდა. ახლაც მისი მეზობელი შუა ხნის, ჩასუქებული, ლოყაწითელი, მელოტი მამაკაცი აღმოჩნდა; პირი მთლიანად ოქროს კბილებით ჰქონდა საგსე.

„აღბათ სავაჭროდ იყო მოსკოვში“, — გაიფიქრა ლევანმა და ჩანთა მალა, გაკიმულ ბადეზე შეადგო, თან მელოტს უსიტყვოდ ანიშნა, გამატარეო.

— მობრძანდით, გენაცვალე! — ფეხზე წამოდგა მელოტი

ლევანმა იცოდა, მისი მეზობელი ახლავე ლაპარაკს გაუბამდა. ამიტომ ზურგი შეაქცია, მრგვალ ფანჯარაში გაიხედა.

— მზე ჯერ არ ამოსულა და უკვე როგორ ცხელა! — თქვა მელოტმა.

„დაიწყო“ — გააქრიალა ლევანს.

თვითმფრინავს უზარმაზარი ავტომანქანა გამოეხა და ასაფრენი ბილიკისაკენ წაიყვანა.

პილოტის კაბინიდან სტიუარდესა გამოვიდა, პირველსავე სავარძელს დაეყრდნო და მგზავრებს თვალი მოავლო. ყველანი მიხვდნენ, რალაც უნდა გამოეცხადებინა. სიჩუმე ჩამოვარდა. ქალიშვილმა მზერა ლევან ხიდაშელზე შეაჩერა, თითქოს მარტო მას ეუბნებოდა:

— გთხოვთ, ყველამ შემოირტყათ სავარძლის ქამარი და არ შეიხსნათ, სანამ თვითმფრინავი არ აფრინდება.

მელოტი კაცი ქამარს ეცა.

— თქვენ არ შემოირტყამთ? — ჰკითხა ლევანს.

თითქოს არაფერი გაუგონიაო, ხიდაშელი ისევ ფანჯარაში იცქირებოდა.

სტიუარდესამ იმარცხენა წარბი ერთნიულად მალა ასწია, ლევანს ელოტი კიდევ გადახედა და თვითმფრინავისკენ დასაკენ გაემართა.

ხიდაშელს ახლა შორიდან ესმოდა ქალიშვილის სიტყვები.

გამაყრუებელი ხმაური თვითმფრინავშიც შემოიჭრა: უზარმაზარი ვერცხლისფერი სხეული თითქოს თრთოლვამ აიტანა, მერე ერთიანად აზრიალდა. ცოტაც და თვითმფრინავი დაიძრა.

ლევანი ბეტონის უზარმაზარ ფილებს დასჩერებოდა. ფილები თავბრუდამხვევი სისწრაფით გარბოდნენ უკან. თვითმფრინავმა სიჩქარეს უმატა. ლევანი ახლა ფილებს უკვე ვეღარ ხედავდა, მხოლოდ მქროლავ ხაზებსა არჩევდა.

თვითმფრინავი მიწას მოსწყდა. ლევანს კენესა შემოესმა. მოიხედა. მელოტი კაცს შუბლზე ცხვირსახოცი დაედო. სახეზე ოფლი ასხამდა; სავარძელი ბოლომდე გადაეწვინა და საცოდავად მოკრუნხხულიყო.

ლევანმა დამცინავად გაიღიმა და ისევ ფანჯრისაკენ მიტრიალდა. თვითმფრინავი თანდათან მალა მიიწვედა, მერე დიდი წრე შემოხაზა და ისევ აეროდრომს გადაუფრინა. თვითმფრინავის ფრთას ამომავალი მზის სხივები მოხედა და ააეღვარა.

ლევანმა დაბლა ჩაიხედა: აეროდრომზე ჩაწოლილ გამჭვირვალე ცისფერ ნისლში თვითმფრინავები მუცლით ამობრუნებულ თევზებს ჰგავდნენ.

მალე აეროდრომი თვალს მიეფარა. ფანჯრიდან ერთხანს კიდევ მოსჩანდა ნაძვნარი, მერე ერთბაშაო დაიწყო სტიუპი, ვრცელი და უსაზღვრო სტები.

ლევანი გვერდზე შემობრუნდა. თვითმფრინავში ყრულ აღწევდა რეაქტიული ძრავების გუგუნნი. მელოტი აღარ კენესოდა, ჩასძინებოდა, პირი ოდნავ დაეღო, ოქროს კბილები უსიამოვნოდ უელავდა. დრო და დრო ხვრინვას ამოუშვებდა ხოლმე, იმავე წუთში თვალს გაახელდა, ირგვლივ მიმოიხედავდა. საათს უაზროდ დააცქერდებოდა და ისევ ჩაიძინებდა.

წინა რიგიდან ვილაც კაცი წამოდგა, თვითმფრინავის ბოლოსაკენ გაემართა. ლევანმა უნებურად თვალი გააყოლა. მერე მოაბრუნებინა მხარეს, ორი რიგის უკან, ქერათმიანი, ლამაზი ქალიშვილი დანახა. მათი თვალები მოულოდნელად შეხვდნენ ერთმანეთს. ლევანს ქალიშვილი მოეწონა, დაჟინებით მიაჩერდა. ქალიშვილმა ჰაბტუკის მხერგას თვალი მოარიდა. მერე შუბლზე ხელი გადაისვა და თმა შეისწორა: გრძნობდა, ჰაბტუკი თვალს არ აშორებდა. მოიხედა. მათი თვალები ისევ შეხვდნენ ერთმანეთს. ისევ ქალიშვილმა აარიდა მხერგა და ფანჯრისაკენ მიბრუნდა. ოღონდ სახეზე ოდნავ შესამჩნევი ღიმილი გამოეხატა. ეტყობოდა, სიამოვნებდა ვაჟის ყურადღება.

ქალიშვილის გვერდით სავარძელი თავისუფალი იყო. ლევანი ხან ქალიშვილს მისჩერებოდა, ხან ცარიელ სავარძელს. ქალიშვილს მისკენ აღარ გამოუხედავს; იგი კვლავ ფანჯარაში იტყობოდა. დროდადრო მის ტუჩებზე ოდნავ შესამჩნევი ღიმილი გამოკრთებოდა ხოლმე.

ლევანმა თვითმფრინავის ბოლოდან მომავალ ახალგაზრდა კაცს მოჰკრა თვალი. მას ხელში „ბორჯომის“ ბოთლი და ქალაღლის ჭიქა ეჭირა.

ლევანი მიხვდა, თავისუფალი სავარძელი ამ ახალგაზრდას ეკუთვნოდა. არც მოტყუებულა. იგი ქალიშვილის გვერდით დაჯდა. ქალიშვილმა მოიხედა. ვაჟმა რაღაც უთხრა. ქალიშვილმა თავი ღიმილით დაუქნია. ვაჟმა „ბორჯომი“ ჭიქაში ჩაასხა და მიაწოდა. ქალიშვილმა ცოტა მოსვა და ჭიქა დაუბრუნა. მერე შავი სათვალე გაიკეთა და რაღაც უთხრა. ვაჟმა ღიმილითვე უპასუხა და ჭიქაში ჩაჩენილი „ბორჯომი“ დალია.

ქალიშვილი იღიმებოდა და ლაპარაკობდა. ლევან ხიდაშელისაკენ ერთხელაც აღარ გამოუხედავს, თითქოს მისი არსებობაც კი დაავიწყდა.

„ქარგი წყვილია“, — გაიფიქრა ლევანმა და რატომღაც თავის მეზობელს დახედა: მელოტს წითელი ლოყები დალურჯებოდა, ტუჩები ჩაშავებოდა, ოქ-

როს კბილები ისევ უსიამოვნოდ უღევდა. ლევანმა თვალი აარიდა. რატომღაც იმ ახალგაზრდა კაცის შემოქმედებულ უეცრად ძალიან მოუნდა გვერდით მოსვლა და ასეთი ლამაზი ქალიშვილი. თვითონაც მიუტანდა „ბორჯომს“. ჭიქას ჯერ ქალიშვილი მოსვამდა, მერე თვითონ დალევდა.

ლევან ხიდაშელს ახლა გაახსენდა. რომ რუსეთში გატარებული სამი წლის განმავლობაში ასეთ რამეზე ერთხელაც არ დაფიქრებულა. ინსტიტუტის დამთავრების შემდეგ მაგნიტოგორსკში გაანაწილეს. უფრო სწორად, თვითონ გამოთქვა სურვილი იქ წასულიყო. იქ ერთი წელი დაჰყო. მერე დონბასში ჩავიდა. ექვს-ექვსი თვე მაკეევკისა და ტავანროგის მეტალურგიულ ქარხნებშიც იმუშავა, მერე ქდანოვის ცნობილ „ახოვსტალიში“ გადავიდა და უკანასკნელი წელი იქ იმუშავა მარტენის უზარმაზარ საამქროში.

ეს სამი წელიწადი ხიდაშელმა სულ მთლიანად სწავლისათვის გადადო, — არც ერთ წუთს არ ჰკარგავდა. სამუშაოდაც ისეთი მეტალურგიული ქარხნები შეარჩია, სადაც ფოლადის დნობა სხვადასხვანაირი გზებით ხდებოდა. ცდილობდა, ყველაფერს დაუფლებოდა, ყოველგვარი მეტალურგიული პროცესის საიდუმლოებას ჩასწვდენოდა. მისი ერთადერთი გასართობი კინო იყო. თუმცა კინოშიაც იშვიათად დადიოდა.

ახლა კი იგრძნო, როგორ სწყუროდა სიყვარული. ყველა გრძნობა და სურვილი, რომელსაც ამ სამ წელიწადში იოკებდა, ერთბაშად შემოაწვია; ლევან ხიდაშელმა „მსხვეპრლი“ უკვე გაიღო. ახლა მას თბილისში ადრინდელი ცხოვრება ელოდა. დაფიქრდა: ცდილობდა მოეგონებინა, ოდესმე უყვარდა თუ არა ვინმე. სიყვარულით არავინ ჰყვარებია, მოწონებით კი ბევრი მოსწონდა. იგი თბილისში ცნობილ ბიჭად ითვლებოდა. ქალიშვილს სათქმელს ჯიქურ ეუბნებოდა. ერთხელაც არ დაფიქრებულა, იქნებ არ მოეწონებოდა. თავისი თავისა უსაზღვროდ სჯეროდა და, რაც მთავარია, ქალიშვი-

ლებს მოსწონდათ კიდეც მისი ოდნავ თავხედური საქციელი.

ლევანი შებრუნდა და ისევ ქერა ქალიშვილს გახედა. მას თავი ვაჟის მხარზე დაედო. ორთავე თვლემდა. დაიწებით მიაჩერდა. ქალიშვილს გაეღიმა. ლევანი მიხვდა, ქალიშვილს არ ეძინა. იგი შავმა სათვალემ და ახალგაზრდა კაცის მთვლემარე სახემ მოატყუა. თავი უხერხულად იგრძნო, ფეხზე წამოდგა.

— მოვედით? — თვალი დააჭყიტა მისმა მეზობელმა.

— გამატარე, თუ კაცი ხარ! — პირველად ამოიღო ხმა ლევანმა.

მელოტმა შუბლი ცხვირსახოცით მოიწმინდა, მეზობელი გაატარა, საათს დახედა და ისევ სავარძლის სახურავზე გადაწვა.

ლევანმა სიგარეტი ამოიღო, დინჯად მოუქიდა და თვითმფრინავის ბოლოსაკენ წელი ნაბიჯით გაემართა.

ქალიშვილმა თვალი გააყოლა. ლევანს სჯეროდა, თვალს გამომაყოლებსო. გაიფიქრა, მოდი, მოულოდნელად შემოვბრუნდებიო, მაგრამ უმაღვე გადაიფიქრა — რალა დროს ჩემი ბავშვობააო.

თვითმფრინავში თითქმის ყველას ეძინა, მხოლოდ თითო-ოროლა თუ კითხულობდა გახეტს. ლევანი თვითმფრინავის ბოლოს, საპირფარეშოებთან გაჩერდა.

ვიღაც ქალი შემოვიდა და უმაღვე უკან გაბრუნდა. ლევანი მიხვდა, ქალს ჩემი შერცხვაო. სიგარეტი ზედიზედ მოქაჩა, მერე ფეხსაცმლის ქუსლზე ჩააქრო, ნამწვავი კედელში დატანებულ საფერფლეში ჩააგდო და სალონში შებრუნდა.

— თუ შეიძლება! — საქმოდ უხეშად უთხრა მეზობელს.

მელოტმა თვალები დააჭყიტა, ხენეშით წამოდგა და გზა უტია...

— აღარ მივედით იმ დასაქცევში?

ლევანმა ფანჯარაში გაიხედა, უკვე მოჩანდა კავკასიონის მთები, უნდოდა ეპასუხნა, საცაა მივალთო, მაგრამ გადაიფიქრა, ლაპარაკს გამიბამსო.

სტიუარდესამ ისევ ჩამოიარა და პატარა ალუმინის ხონჩით პიტნის კამფე-

ტები ჩამოარიგა. მელოტმა მთელი მთქა ჩაბლუჯა, ერთი მაშინვე პირისკენ გააქანა. ლევანს ქალიშვილისკენ ვაჟი გახედავს.

— აფსუს, რა დრო დაგკარგე! ასეთი დაცარიელებული მოსკოვი ჯერ არ მინახავს, — გადაულაპარაკა მელოტმა ლევანს.

„მინც, ბედი არ გინდა, რალა ამის გვერდზე მოგხვდი!“ — გაბრაზდა ლევანი.

ხიდაშელი, საერთოდ, სიტყვადუნწი კაცი იყო. მითუმეტეს, თუ აღამიანი თვალში არ მოსდიოდა. მეზობელი თავიდანვე არ მოეწონა.

— ავეჯს ვინ დაექებს, ფეხსაცმელი რომ ფეხსაცმელია, ისიც ვერ ვიშოვე ხეირიანი...

თვითმფრინავი კავკასიონის თავზე მიფრინავდა. ლევანს მთები ძალიან უყვარდა. სხვა დროს, ალბათ, საუცხოო გუნებაზე დადგებოდა. ახლა კი მეზობლის ლაყბობა ხასიათს უშხამავდა.

— კიდეც კარგი, ჩეხურ ბროლს წავაწყდი, — არ ცხრებოდა იგი.

მერე ერთბაშად დაიხარა და ფანჯარაში გაიხედა, — ოც წუთში თბილისში ვიქნებით, თქვენ ალბათ ფეხბურთზე იყავით მოსკოვში, არა?

— ფეხბურთისათვის სად მეცალა, ავეჯზე დავბოდი! — ხუმრობის ხასიათზე დადგა ლევანი.

— იშოვეთ რამე? — ვერ მიუხვდა მეზობელი.

— ავეჯის მეტი რა იყო!

— კაი, თუ ძმა ხარ, მთელი მოსკოვი შემოვიარე, ვიტრინებშიც კი ვერაფერი ვნახე.

— ხეირიან საქონელს ვიტრინაში ვინ გამოფენს, გამყიდველს უნდა მოელაპარაკო.

— მოველაპარაკე, აბა რა ვქენი...

— ასე ვინ გენდობა, გამყიდველებს თავისი ნიშანი აქვთ, როცა ჰკითხავ, სასადილოს მოწყობილობა ხომ არა გაქვთო, მარცხენა ხელის ორი თითი ნიკაბთან უნდა მიიტანო. მან უკვე იცის, რომ სანდო კაცი ხარ.

მელოტს ხმა ჩაუვარდა, ლევანს თვალებში მიაჩერდა, არ იცოდა, მისი ნათქვამი დაეჯერებინა თუ არა.

ლევანი მიხვდა, მელოტის გულში რა ცეცხლიც დაანთო. უდარდელი გამომეტყველება მიიღო და ჯიბიდან სიგარეტი ამოიღო.

— მოწევა არ შეიძლება! — შემოესმა სტიუარდესას ხმა, — თვითმფრინავი დასაჯდომად ეშვება, გთხოვთ, შემოირტყათ ქამრები.

ლევანმა სიგარეტი ისევ კოლოფში ჩააბრუნა. ქალიშვილს ესაიმოვნა, ვაჟმა რომ მისი ბრძანება უსიტყვოდ შეასრულა და ნიშნისმოგებით გადახედა.

მელოტი ისევ ლევანს მისჩერებოდა, შერე, თითქოს გამოერკვაო, ქამარი სწრაფად შემოირტყა, და შუბლზე დიდი, ჭრელი ცხვირსახოცი გადაიფარა...

თვითმფრინავი თბილისს უახლოვდებოდა და ნელ-ნელა ეშვებოდა. მელოტს ყურები ასტივდა, შუბლზე ოფლმა დასხა. ლევანი შემობრუნდა და მეზობელს დამცინავად მიაჩერდა. იგი ხედავდა, როგორ ნელ-ნელა სველდებოდა ცხვირსახოცი ოფლისაგან. შერე უცებ უკან შემობრუნდა: ვაჟს ქერა ქალიშვილისათვის ხელი მოეხვია, ორივენი ფანჯარაში იცქირებოდნენ.

თვითმფრინავი უკვე მთაწმინდის თავზე იყო. ლევანი გულჩვილი არასოდეს ყოფილა, მაგრამ ახლა, მოულოდნელად აღელდა. მან არ იცოდა, რა იყო ეს მღელვარება, თბილისის სიყვარული თუ პოლოდინი იმ ცხოვრებისა, რომელსაც ამ სამი წლის წინათ გამოეთხოვა.

თვითმფრინავი დაბლა ეშვებოდა. რყევამ იმატა. მეზობელი ხმამაღლა ეგნესოდა. ლევანი ახლა მას ყურადღებას არ აქცევდა, თვითმფრინავის ქვემოთ რუსთავი იყო, თვალთ მარტენის საამქრო მოძებნა. ლევანი რომ რუსეთში წავიდა, მაშინ რუსთავის მეტალურგიული ქარხნის მარტენის საამქროში ექვსი ლუმელი მუშაობდა. ყდანოვში კაიგო, ორი ლუმელი კიდევ ააშენესო, მაგრამ გიგანტური მილები მაინც გადათვალა.

თვითმფრინავმა მხარი იცვალა და რუსთავიც თვალს მიეფარა. სულ მალე იგი ბეტონის ტრასაზე დაეშვა. ზღვარსა და შენებისთანავე კაუჩუკის ბორბლებს ცეცხლი გაუჩნდა და ორი პატარა ღრუბელი მაღლა ავარდა.

2.

აერობორტში დამხვდურებს არ ელოდა. მშობლები სოფელში იყვნენ დასასვენებლად წასულნი. ძმას კი ჩამოსვლის ამბავი არც შეატყობინა.

თვითმფრინავიდან უკანასკნელი გადმოვიდა. სპორტული ჩანთა მხარზე მოიგდო და კიბეზე დინჯად დაეშვა. ქერათმიანმა სტიუარდესამ მეგობარს თვალთ ანიშნა, ერთი ამ ვაჟბატონს დამიხედო.

ლევანმა კიბე ჩაათავა თუ არა, ერთბაშად შემობრუნდა და სტიუარდესას ხელი ღიმილით დაუქნია. ქალიშვილი ამას კი აღარ მოელოდა, თვითონაც გაუღიმა, ხელი აუწია და თითები აათამაშა.

ლევანს უკან აღარ მიუხედავს, გასასვლელისაკენ გაემართა. ქალიშვილმა დაიკმაყოფილა ვაჟის უყურადღებობით შელახული თავმოყვარეობა. ერთხანს ასე იდგა, შერე სახეზე ღიმილი თანდათან გაუქრა და თვითმფრინავში შებრუნდა.

ლევან ხიდაშელმა აერობორტის წინ ისევ დაინახა ნაცნობი წყვილი: დამხვდურები შემოხვეოდნენ და ყველანი ერთად ელაპარაკებოდნენ. ქალიშვილს ხელში მიხაკები ეჭირა და იცინოდა.

„აღბათ საქორწინო მოგზაურობაში იყვნენ“, — გაიფიქრა ლევანმა.

მგზავრები ბარგს ელოდნენ, პავილიონთან გრძელი რიგი გაეჭიმათ.

ლევანს ბარგი არა ჰქონდა. წიგნები და ტანსაცმელი თბილისში წინასწარ გამოგზავნა. დანარჩენი ავლადიდება კი ერთ სპორტულ ჩანთაში ჩასტია.

ტაქსების ვაჩერებაზე ჩანთა ელექტრონის ბოძთან მიავდო და ჯიბიდან სიგარეტი ამოიღო.

— ლევან! — მოესმა უეცრად.

შებრუნდა. მისკენ მსუქანი, ახალ-

გაზრდა კაცი მოდიოდა. ვერ იცნო, გაიფიქრა, ვილაცაში ავერიეო. ბენზინის კეისი ამოიღო და პაპიროსს მოუქიდა.

— ვერ მიცანი? — ახალგაზრდა კაცი დიმილით გადაეხვია.

— გამარჯობა, გივი! — ლევანმა იცნო თავისი სკოლის ამხანაგი, გივი მიქაძე.

— რაღას მიცნობდი, ხუთი წელი მაინც იქნება, რაც დამეკარგე. როგორ გამეხარდა შენი ნახვა. მოსკოვიდან ჩამოხვედი?

— ჰო, — მოკლედ მოუჭრა ლევანმა, თან გაიფიქრა, — ჩემი ბედი... რაღა ეს კრეტინი შემხვდა პირველიო.

— საბოლოოდ ჩამოხვედი თუ ისევ წახვალ? — ჰკითხა გივიმ. — რაღაც კარგ პაპიროსს ეწევი.

ლევანმა სივარეტის კოლოფი გაუწოდა. გივიმ ერთი ცალი ამოაძვრინა.

ლევანმა თავი დაუქნია, საბოლოოდ ჩამოვედიო და მერე ხმამალა დასძინა.

— გქონდეს, მე კიდევ მაქვს.

— გმადლობ. კარგი გიქნია, სულ ჩამოსულხარ...

— რას დამსგავსებხარ, როგორ გასუქებულხარ? — სიტყვა ბანზე აუგდო ხიდაშელმა.

— რა ვქნა, ყოველდღე მიწვევს სმა.

„ბიჭოს! სმაც დაუწყია!“

— ვინმეს ხომ არ ხვდები? — ჰკითხა ლევანმა.

— არა, კაცო, წუხელ ცოტა მეტი მომივიდა და ამ დილით აეროპორტის რესტორანში ნასმურევეზე გამოვედი. მოდი, ბარემ შეგებრუნდეთ და მამაპაპურად შევუბეროთ.

— არა, თუ ძმა ხარ, სხვა დროს იყო!

— რას ამბობ, ხუთი წლის უნახავ კაცს, ახლა ასე გაგიშვებ! — შეიცხადა გივიმ, ჩანთას დასწვდა და ლევანს ხელმკლავი გამოსდო.

— ახლა ბევრი საქმე მაქვს, საღამოს შევხვდეთ, არა სჯობია? — ჯიუტობდა ლევანი.

— თითო ჭიქა დავლიოთ. დავილოცოთ, სულ ნახევარი საათის ამბავია. ამდენი ხნის უნახავი მეგობარი შემხვდეს და ისე დავშორდე, ერთი ჭიქა მაინც არ მიუტყახუნო?! — არ ეშვებოდა გივი.

„მეგობარი“, — გაელიმა გულში ხიდაშელს, — ნეტა, როდის აქეთ გავხდები ამის მეგობარი?“ — წაყოლია მისი მხრეები წაპყვა, გრძნობდა, გივი მართალი იყო.

— მობრუნდი? — ჰკითხა გივის გაკვირვებულმა მეგარდერობემ.

— რა ვქნა, ძია ანტონ, რუსეთიდან მეგობარი ჩამომივიდა, — უთხრა გივიმ და ლევანის ჩანთა გადააწოდა, — ნომერი არ გვინდა!

გივიმ დიდ სარკესთან თმა გადაივარცხნა და რესტორანში შევიდა.

— ისევ მოვედი! — შორიდანვე დაუძახა ახალგაზრდა ოფიციანტს.

ალამ გაუღიმა.

ფანჯარასთან დასხდნენ. მალე ალამ მოვიდა. ლევანს თავი დაუქნია და გივის ყურში რაღაც ჩასჩურჩულა.

— არ გამაგიჟო! — ჩაიხიბითთა გივიმ და ყური ისევ ტუჩებთან მიუტანა.

— დედას გეფიცები! — ხმამალა თქვა ალამ. მერე ისევ ჩურჩულზე გადავიდა.

ლევანი სკოლის ამხანაგს მისჩერებოდა და გაოცებას ვეღარ მალავდა.

გივი მიქაძე სკოლაში ურიგო მოწაფედ არ ითვლებოდა. არავის ახსოვდა, როდესმე წესრიგი დაერღვიოს ან გაკვეთილი გაეცდინოს. ლევანმა იცოდა, გივის თავისი ბეჯითობა რა ენერჯის ფასადაც უჯდებოდა. ეს ბიჭი მალე გამოთაყვანდებო, — ამბობდა ხშირად.

გივი მაშინ ერთი დალეული, ბევრი კითხვისაგან თვალეზიყვენილი ბიჭი იყო. ამხანაგები დასცინოდნენ, თუმცა მის ენერჯიას პატივისცემა სცემდნენ. სკოლა დაამთავრა და სწავლა ფილოსოფიის ფაკულტეტზე განაგრძო.

ლევანს გივი მიქაძე თავის მეგობრად არასდროს ჩათვლია და მისი ამბებიც არასდროს დაინტერესებულა. იცოდა კი, სტუდენტობის დროს გივი ძველებურად ცხოვრობდა. მისი სმა ვერავის წარმოედგინა, — ბიჭები ლაღობის წყლების ლოტს ეძახდნენ. ამიტომაც გივი სკოლის ამხანაგებს ერიდებოდა.

ლევანი ყველაფერს იფიქრებდა, მაგრამ გივი მიქაძე თუ ასე გასუქდებოდა.



გამოიცვლებოდა და გალოთლებოდა, — ამას კი ვერა, ამხანაგის დაქლაქა ლოყებსა და ღვინისაგან ჩაწითლებულ თვალებს გაოცებული მისჩერებოდა.

— ალა გვიცის ისევ ყურში ეჩურჩულე-ბოდა. გივი ხითხითებდა და დროადრო ისევ წამოიძახებდა ხოლმე:

— არ გამაგიყო!

— ალა ჩურჩულს მორჩა, თავი მალდა ასწია და ხმამალა თქვა:

— აბა!

— გახსოვს, მე რომ ვითხარი, მაგის ბოლო ეგ არის-მეთქი? — ამაყად თქვა გივიმ.

ჭიბიდან ლევანის ნაჩუქარი სიგარეტი ამოიღო, ერთი ცალი პირში გაიჩარა და კოლოფი მაგიდაზე დააგდო.

— ჯერ სადა ხარ, ცირკი აწი იქნება!

„პაპიროსის წვევაც ალბათ ღვინის სმასთან ერთად დაიწყო“.

— ალა, ეს კაცი ჩემი მეგობარია. რუსეთში მუშაობდა და დღეს ჩამოვიდა. ჩვენი პურმარლის მადლი დავიწყებული ექნება. ისეთი რამე მოგვიტანე, ჯიგარს რომ მოხვდეს.

— ალამ ლევანს გაუღიმა.

ხიდაშელს მისი ღიმილი არ ესიამოვხა. მიხვდა, გივი ამ რესტორნის ხშირი სტუმარი იყო. თავის თანამეინახებებში იგი, ალბათ, ყოველთვის პირველაცობდა.

— „მერედა, ვინ იცის, რა ხალხთან ქეიფობს ეს ვაქაბათონი, ან ახლა ვინ ვგონივარ ამ შეღებულ ოფიციატს — ფიქრობდა ლევანი, — ახია ჩემზე, რესტორანში რას მოვეყვებოდი ამ გამოთავყანებულს“.

— კარგი სიგარეტია! გერმანულია, არა? — ჰკითხა გივიმ და კოლოფი შეათვალიერა, — პაპიროსს რუსეთში მიეჩვენე?

ეს უკვე მეტისმეტი იყო. ლევანმა გადაწყვიტა, შეცდომა სასწრაფოდ გამოესწორებინა.

— ღვინოს რომელს დალევთ? — იკითხა ალამ.

— კონიაკი რომელი გაქვთ? — შეუბრუნა კითხვა ლევანმა.

— „გრემი“.

— მოიტანე ას-ასი და ცოტა ხინჯი ლალა.

— კონიაკსაც რუსეთში მიეჩვენე? — დამცინავად ჰკითხა გივიმ და ალას მიუბრუნდა, — შენ მე დამიჯერე, „გურჯაანი“ მოიტანე, — მერე ლევანს შეხედა, — თუ ქეიფია, ქეიფი იყოს.

— რასაც გეუბნები, ის მოიტანე! — ისე უთხრა ლევანმა ოფიციატს, რომ გაოცებულმა ქალმა ხმის ამოღება ვეღარ გაბედა და უხმოდ მიტრიალდა.

გივიმ ხიდაშელს შეხედა, მაგრამ მის მხერას ვეღარ გაუძლო და ჩუმად თქვა:

— შეილებს ვეფიცები, შენი ნახვა გამეხარდა. გულით მინდოდა, შენთან პური გამეტეხა.

მის ხმას დარდიმანდული რიხი დაეკარგა. მიხვდა, ღრმად შეტოპა. ლევან ხიდაშელს უწინ იოლად ვერაფერს უბედავდა. ახლა კი ზედმეტი მოინდომა.

გივის ახლადშემქნილ მეგობრებში მოქეიფე კაცისა და კარგი თამადის სახელი ჰქონდა გავარდნილი. მისი სკოლის მეგობრებს კი გივის ქეიფზე ისევ ძველებურად ეცინებოდათ. მიქაძეს გული სტკიოდა, ვერ იქნა და ბიჭებს ვერ გადაავიწყა ძველი აშბები. სულ ცდილობდა, სკოლის ამხანაგები როგორმე რესტორანში შეეყვანა. სადღეგრძელოებს თავიდანვე ორი ჭიქით იწყებდა, პაპიროსს პაპიროსზე ქაჩავდა და მთელ ფულს ოფიციატ ქალებში ფლანგავდა. მერე ბიჭებს სახლებში ჩამოარიგებდა. მანამ არ მოიხვეწებდა, სანამ უკანასკნელ მეგობარსაც შინ არ მიიყვანდა, ეშინოდა, მარტო რომ დარჩებოდა, ჩემზე ცუდი არაფერი თქვანო.

— ახლა სად მუშაობ? — მოულოდნელად ჰკითხა ხიდაშელმა. იგი მიხვდა, მიქაძე ფილოსოფიას კაი ხნის გამოთხოვებული უნდა ყოფილიყო.

— რა ვქნა, ძმავ, პროფესიის ვულატი, სახლმმართველობაში ვმუშაობ. ცოტა ფულს ვშოულობ და ისევ ძმაბიჭებში ვხარჯავ.

— ალამ კონიაკი და ხინჯილა მოიტანა. ამ სიტყვებში კონიაკი არც ლევანს სია-

მოვებდა, მაგრამ უნდოდა, ყველაფერი ერთი ჭიქით მოეთავებინა.

— ეს შენ გაგიმარჯოს, გიგო! — ჭიქა ჭიქაზე მიუჭახუნა ლევანმა, — შენგან რომ დიდი ხვითო არ გამოვიდოდა, თავიდანვე ვიცოდი. მაინც შევედი. ის კაფანდარა და გალუული ბიჭი თუ საქმოსანი ვახდებოდა, თანაც ასე ჩასუქდებოდა და გალოთდებოდა, ამას კი ვერც ვიფიქრებდი, კარგად იყავი. იქეიფე და სვი. მოასწარი, სანამ წაგასწრებენ.

ლევანმა კონიაკი გადაკრა და ერთი ლუკმა დააყოლა. გიგის აღარ დაელოდა, ფეხზე წამოდგა. სკოლის ამხანაგს აგრძნობინა, ხომ არ დაგაეწყდა, მე ლევან ხიდაშელი ვარო.

— სინდისს გეფიცები, შენი ნახვა ძალიან გამეხარდა. რაც არ უნდა იყოს, სკოლის ამხანაგები ვართ... — ჭიქა ხელში აიღო გიგომ. „მეგობრებს“ თქმა უკვე ვეღარ გაბედა, — გაგიმარჯოს, შენს ჩამოსვლას გაუმარჯოს, ღმერთმა ხელი მოგიმართოს.

ლევანმა ოფიციალტს ხელით ანიშნა, ანგარიში მომიტანეო.

— ექვსი მანეთი! — ცივად თქვა ალამ. იგი მიხედა, უცნობი ჭაბუკი გიგის დანარჩენ მეგობრებს არა ჰვავდა.

ლევანმა ათმანეთიანი დადო მაგიდაზე. გივი გალახულივით წამოდგა და უკან აედევნა.

— ასე მალე მიდიხართ? — გაიოცა ანტონმა და ჩანთა გიგის მიაწოდა.

ჩანთა ლევანმა გამოართვა, მხარზე მოიგდო და გარეთ გავიდა.

— ჩაჯექი, ჩემი მანქანით წაგიყვან! — უთხრა გივიმ.

— გვალაია?

გივიმ ხელი ჩაიჭნია, საქმე დაიცდისო და მანქანის კარი გამოაღო.

ლევანი გვერდით მიუჯდა. მანქანა დაიძრა. ლევანი ხან წინ იყურებოდა, ხან ამხანაგს აკვირდებოდა. გიგის ლაპარაკის ხასიათი დაჰკარგვოდა. ერთხანს ასე იარეს. დუმილი ისევ გივიმ დაარღვია.

— ერთ წუთს გადაუხევე, ობიექტს დახედავ.

მანქანამ ვიწრო, ანგრეულ და გადა-

თხრილ ქუჩაზე გადაუხვია. მალე ხარხოებში ჩასმული სახლიც გამოჩნდა. მუშები ფიცრებზე ჩამომსხდარიყვნენ ხელში მაწონი და ბური ეჭირათ, მადიანად ილუკმებოდნენ.

— გამარჯობათ! — გადასძახა მუშებს გივიმ.

— გაგიმარჯოს! — გაისმა აქა-იქ.

ფეხზე არავინ წამომდგარა, — ისევ ძველებურად ისხდნენ და ჭამას განაგრძობდნენ.

— ჟორა სად არის? — იკითხა გივიმ.

— რა ვიცი, წელან აქ იყო! — უპასუხა ერთმა მუშამ. ტუჩები საბელოთი მოიწმინდა, ბოთლი ხის ძირას მიაგდო და პაპიროსი ამოიღო.

— უთხარი, დღეს აღარ ამივალ, ხუთ საათზე სახლმმართველობაში დაველოდები.

მუშამ არაფერი უპასუხა. პაპიროსს მოუკიდა და ფიცარზე გადაწვა.

მანქანა დაიძრა. ფანჯარაში მტკერი შემოიჭრა. ლევანმა მინა ამოსწია. როცა გზატკეცილზე გავიდნენ, ფანჯარა ისევ გააღო.

ცხელოდა. ქალაქი კაცს დაცარიელებული ეგონებოდა. ქუჩაში კანტი-კუნტად თუ გამოჩნდებოდნენ ქოლგიანი ქალები. ლევანმა რამდენ კაცსაც მოჰკრა თვალი, ყველას საზამთრო ეჭირა ხელში.

— შინ მივიყვანო, არა?

მანქანა პეკინის ქუჩაზე, ხუთსართულიან სახლთან გაჩერდა. ლევანს კარგად ახსოვდა, მისი სახლი თითქმის ქალაქის განაპირას იდგა. ახლა, ირგვლივ უზარმაზარი შენობები წამოჭიმულიყო.

„ვოლგიდან“ ცოცხლად გადმოხტა გივიც გადმოვიდა და ამხანაგს ღიმილით დაემშვიდობა.

ლევანმა ქუჩის მოპირდაპირე მხარეს უზარმაზარ საათს ვახედა. თორმეტი სრულდებოდა. მერე თავის საათს დახედა. გაეღიმა. საათი მოიხსნა და ისრები თბილისის დროზე გადაიყვანა.

3.

კარი შეაღო თუ არა, ცხელი, დაგუბებული ჰაერი ეცა. სპორტული ჩანთა შე-

სასვლელში მიაგდო. ფანჯრები გამო-
აღო. ოთახებში ორმხრივი ქარი დატ-
რიალდა. ირგვლივ ნაფტალინის სუნი
იღვა. ყველაფერს მტვერი ედო. პიანი-
ნოს, სერვანტსა და ტელევიზორს ნაც-
რისფერი მატერია ჰქონდა გადაფარე-
ბული.

მშობლები ორი კვირის წასულები
იყვნენ სოფელში. ლევანს იქ მიელოდ-
ნენ. დედა ურჩევდა, ჯერ სოფელში ჩა-
მოდო, დაისვენე და სამუშაოზე მერე
იზრუნეო. ლევანსაც ასე ჰქონდა გადა-
წყვეტილი, მაგრამ, როცა საქმე საქმეზე
მიდგა, დასვენება გადაიფიქრა, აჯობებს,
ჯერ სამსახურს მივხედოო.

ძმა და რძალი თბილისში იყვნენ. თენ-
გიზის წერილით იცოდა, პატარა ბავშ-
ვები სოფელში გაეგზავნათ, თვითონ ჯერ
შვებულება არ ერგებოდა და ცოლიც
თბილისში დარჩენილიყო.

ოთახში მაინც ცხელოდა. ლევანმა
ვენტილატორი ჩართო. პერანგი ბოლო-
მდე ჩაიხსნა. მკერდი ნიაღვს მიუშვია.
მერე სავარძელი ვენტილატორის პირ-
დაპირ მიაჩოჩა და მოღლილი ჩამოჯდა.

ჰაერი გაიწმინდა, სიცხეს მაინც არა-
ფერი ეშველა.

ოთახი მოათვალეირა. ყველაფერი
ისევ ისე იყო, როგორც სამი წლის წი-
ნათ დატოვა. თითქოს ამ სამ წელიწადს
აქ არც კი გაველოს.

პიანინოს თავზე მისი სურათი ეკიდა.
მოპირდაპირე მხარეს კი — ძმისა. სუ-
რათის გადაღება არ უყვარდა. ფოტო-
გრაფთან მხოლოდ საბუთების სურათე-
ბისათვის თუ მივიდოდა. ეს სურათი კი
ძალიან მოსწონდა. იგი ინსტიტუტის გა-
ზეთის ფოტორეპორტიორმა გადაუღო
სტადიონის გასაზღვლში. მაშინ დედა-
ქალაქის უმაღლესი სასწავლებლების
პირველობა ტარდებოდა ფეხბურთში.
სურათში ლევანს მუქხოლებიანი მაი-
სური ეცვა. ფოტორეპორტიორს ფირზე
აღებებდა მომენტი, როცა ტაიმის შემ-
დეგ დადლილი ლევანი გეტრებს ისწო-
რებდა. სურათი ძალზე ბუნებრივი იყო
და ყველაზე უფრო ეს მოსწონდა.

მერე ძმის სურათს შეხედა.

თენგიზი მასზე ექვსი წლით უფროს
იყო. ლევანი მესამე კურსზე რომ გადა-
ვიდა, თენგიზმა ცოლი მაშინ მოიყვინძა
მას მერე ცალკე ცხოვრობდა. ძმას ის-
ტორიის ფაკულტეტი ჰქონდა დამთავ-
რებული და მუზეუმში მუშაობდა; უკე-
თეს ადგილს ვერც ინატრებდა, ძალზე
წყნარი კაცი იყო.

ლევანს ძმა ძალიან უყვარდა, თუმცა
სიყვარულის გამოხატვა არ ეხერხებო-
და, და ამაზე თავს არც იწუხებდა. პირი-
ქით, ძმასთან ყოველთვის უხერხულო-
ბას გრძნობდა. მასთან ერთად კინოში
არ დადიოდა. სტადიონზეც ცდილობდა,
ბილეთები ყოველთვის ცალ-ცალკე აე-
ღო. როცა თენგიზი ლევანის მეგობრებ-
ში ზუმრობდა ან სადღევარძელოებს ამ-
ბობდა, ლევანი იშუშუნებოდა, თითქოს
შიში იპყრობდა, რაიმე სისულელე არ
წამოროშოსო.

ძმის სურათი ათი წლის წინათ შინც
იქნებოდა გადაღებული. თენგიზი მაშინ
ულვამებს ატარებდა.

ლევანი წამოდგა, სამუშაო ოთახის კა-
რი შეაღო. აქაც ყველაფერი ძველებუ-
რად იყო, თუმცა წიგნის თაროების რაო-
დენობა საგრძნობლად გაზრდილი ეჩვენე-
ნა. ლევანის წიგნები მარცხენა მხარეს.
გასასვლელ კართან მიმაგრებულ თა-
როებში ინახებოდა. ყდანოვიდან გამოგ-
ზავნილი წიგნები მამამისს უკვე თარო-
ებში მოეთავსებინა.

ძველებურ ხის კარადაში მხატვრული
ლიტერატურა იყო ჩამწყრივებული.

ლევანს თითქოს ახლა გაახსენდა. ამ
სამი წლის განმავლობაში ხუთი-ექვსი
წიგნი თუ ექნებოდა წაკითხული. გაახ-
სენდა და გული ეტკინა: წიგნის კითხვა
უყვარდა. ადრე ბევრს კითხულობდა,
ხშირად ღამეებსაც ათენებდა. კითხუ-
ლობდა განუჩივლად — კარგსა და სა-
შუალოს, ცუდსა და საშინელებას. მერე
თანდათან უკლო, უფრო ცნობილ მწერ-
ლებს ეტანებოდა. ბოლოს იგრძნო, წიგ-
ნი აღარ იზიდავდა. ეს იქნებ პროფესიის
ბრალი იყო? იქნებ დრო აღარ ჰყოფნი-
და ან გემოვნება გაეზარდა?

ამაზე არასდროს დაფიქრებულა ხი-

დაშელი. ახლა კი დაფიქრდა და გული ეტკინა. სამწუხაროდ თუ საბედნიეროდ, ახლა ცოტა წიგნი მოსწონდა. ზოგს მხოლოდ იმიტომ კითხულობდა, რომ საზოგადოებაში პირი არ დაეღო და უვაცი არ გამოჩენილიყო. ერთხანს ბავშვობაში წაკითხული წიგნები ხელახლა გადაიკითხა, — ზოგი სასაცილოდ მოეჩვენა, ბევრი კიდევ უფრო მოეწონა.

ლევანმა კარადიდან რაღაც წიგნი გამოიღო.

მოულოდნელად მოპირდაპირე ოთახში სარკეს მოჰკრა თვალი. სარკიდან თითქოს უცნობი ჰაბუკი იყურებოდა. წიგნი ისევ კარადაში თავის ადგილზე მოათავსა, მეორე ოთახში გავიდა და სარკის წინ დადგა. სარკიდან მაღალი, წარმოსადგეი ჰაბუკი შემოსცქეროდა.

სამი წელია თავის სახეს თითქმის არ დაჰკვირვებია. ახლა შეცვლილი ეჩვენა. სახეზე გამხდარიყო. ძალზე მოკლედ შეკრეპილი სქელი თმა სწორ ნაკვთებიან. ბრინჯაოსფერ სახეს უფრო ვაჟაკურ და ოდნავ უხემ იერს აძლევდა.

ლევანი ინსტიტუტში კარგ ფეხბურთელად ითვლებოდა. მერე რატომღაც ფეხბურთს თავი დაანება, — ცურვაზე დაიწყო სიარული. კვირაში ორჯერ კი კრივში მეცადინეობდა. სექციაში არ ჩაწერილა. იცოდა, გამოცდილ მოკრივეებს ვერ აჯობებდა და ცალკე ვარჯიშობდა.

გაეღიმა. გაახსენდა, კრივში მეცადინეობა როგორ დაიწყო.

ერთ საღამოს, ცურვის შემდეგ შინ რომ ბრუნდებოდა, უნებურად კრივის დარბაზში შეიხედა. იქ ერთ ცნობილ მოკრივეს სპარინგ-მატიჩი გაემართა. იგი საშუალო წონაში გამოდიოდა. მოწინააღმდეგეებზე კი ქვემდომე წონის მოკრივეები გამოჰყავდათ. ისინი მხოლოდ თითო რაუნდს უძლებდნენ გამოცდილ სპორტსმენს.

ლევანი დარბაზში შევიდა, კედელს მიეყრდნო და მოკრივეს ხარბად მიაჩერდა.

სამი რაუნდის განმავლობაში მოკრივემ სამი სპორტსმენი დაამარცხა.

ლევანი წვრთნის დამთავრებას დაელოდა. როცა ყველანი დაიშალნენ, მწვრთნელთან მივიდა.

— შეიძლება? თქვენთან საქმე მაქვს! — უთხრა ლევანმა და ჩქიქურ შეხედა.

მწვრთნელს ლურჯი სპორტული შარვალი, კედები და ჩინური ჯემპრი ეცვა. ჯემპრზე რაღაც იეროგლიფები იყო გამოსახული, გულზე სასტვენი ეკიდა.

— რა გინდა? — ჰკითხა მან ლევანს და თავიდან ფეხებამდე ჩაათვალიერა. მერე სახეზე უფრო კმაყოფილება იერმა გადაჰკრა, ჰაბუკი თვალში მოუვიდა. პასუხს აღარ დაელოდა:

— აბა ხელი მაჩვენე? ლევანმა ხელი გაუწოდა.

— მოწყვეტილად დაიჭირე! — მწვრთნელმა მისი ხელი ისე აათამაშა, თითქოს წონისო, — რამდენი წლისა ხარ?

— ოცის.

— აქ ცურვაზე დადიხარ?

— დიახ.

— შე კაი კაცო, ამხელა ვაჟაკი ცურვაზე ცდები? შენი წონის მუტრუკისაგან, აბა, რა მოცურავე უნდა გამოვიდეს. ხვალ ოთხ საათზე მოდი და სექციაში ჩაგწერ.

— მე ჩაწერა არ მინდა, ცალკე უნდა მავარჯიშო.

მწვრთნელმა ისე შესედა, თითქოს ეუბნებოდა, ხომ არ გაგაყდიო.

— მერე შენს წვრთნაში ფულს ვინ გადამიხდის?

— ეგ ნუ გედარდება.

გაოცებული მწვრთნელი ერთხანს ჩუმად იყო, ასეთი რამ ცხოვრებაში პირველად ესმოდა. ლევანს ერთხელ კიდევ ახედ-დახედა და ბოლოს ხმადაბლა თქვა:

— კარგი, ხვალ ვარჯიშის შემდეგ მოდი.

მეორე დღიდან ლევანი ვარჯიშს შეუდგა. მწვრთნელი დიდი ვერაფერი შეიღი იყო, მაგრამ მისი გამოცდილება ლევანისთვის სავსებით კმაროდა: გულში ეციენებოდა, როცა მის ბრძულს დარიგებებს ისმენდა:

— იცოდე, რინგზე რომ გადიხარ. ერ-

თი რამე უნდა გახსოვდეს — კრივი არც ფეხბურთია და არც ბალეტი. მოწინააღმდეგემ პირველი მოგარტყა, არა? — გაუძელი. მეორეც მოგარტყა, არა? — გაუძელი. მესამეც მოგარტყა და ყბა მოგინგრია, არა? — გაუძელი. საბოლოოდ ბრძოლა შენია.

ლევანი ძალიან მოსწონდა.

— შენ რომ მარცხენა ხელი კარგად დაიყენო, ერთ წელიწადში საქართველოს ჩემპიონს გაგხდი, — ეუბნებოდა იგი, — ხომ ხედავ, გრძელი ხელები გაქვს და სწრაფი რეაქცია. კაცი ახლოს არ მოუშვა, შორიდან იმუშავე. მაინც რატომ არ გინდა კრივს გაჰყვე? სამ წელიწადში ქვეყანას აალაპარაკებ.

— ეჰ, ჩემო სერგო, მე უფრო სხვა გეგმები მაქვს! — ღიმილით ეუბნებოდა ლევანი.

— შენი საქმისა შენ იცი, ისე მე გულისთ გეუბნები.

უკვე ოთხი წელი იქნებოდა, ლევანს კრივში არ ეგარჯიშა. სარკის წინ მოკრივის პოზა მიიღო. მარცხენა ხელი ორჯერ სწრაფად მოიქნია და შერე მარჯვენათი ერთი გრძელი დარტყმა მიაყოლა. ბოლოს სარკეში თავისი თავი ერთხელ კიდევ შეათავალიერა და შემოსასვლელში გავარდა, თითქოს ახლა გაახსენდა ჩანთა.

ჩანთა საწოლ ოთახში შემოიტანა და ტანსაცმელი ამოყარა. პერანგები დაჭმუჭნულიყო. უთოს დაუწყყო ძებნა, ვერ იპოვა.

— რა ვქნა ახლა! — წამოიძახა და პერანგებს დააჩერდა.

„მოდი, სიმონს გამოვართმევ, — გაუელვა თავში, — ახლა მისი ლაყბობის თავი ვისა აქვს“, — უმაღვე უარყო თავისი იდეა, მაგრამ როცა მეტი გამოსავალი ვერ იპოვა, ხელი ჩაიქნია და სიმონს ყანჩაველს მიაშურა.

4.

სიმონ ყანჩაველი მოპირდაპირე ბინაში ცხოვრობდა. იგი ფილარმონიის მსახიობი იყო, მომღერალი, ლირიული ტენორი. ორმოცდახუთ წელს გადაცილ-

ბული სიმონი მარტო ცხოვრობდა, არც ცოლი ჰყავდა, არც შვილი. რამდენჯერმე შინამოსამსახურე აიყვანა, მაგრამ ყველა შეეგუა და გააგდო. სარეცხს თვითონ რეცხავდა, ოთახებსაც თვითონ ჰკვიდა, ბაზარშიც თვითონ დადიოდა. სულ იმას სწუხდა, პომიდორი და კარტოფილი ყოველდღე ძვირდებოდა. სიმონი რომ ბინის საფუძვლიან დასუფთავება-დალაგებას იწყებდა, ყველამ კარგად იცოდა, იგი საგასტროლოდ მიემგზავრებოდა. მისი საგასტროლო გეოგრაფია მხოლოდ საქართველოთი ამოიწურებოდა, რაიონებიდან ყველით, სულგუნითა და ცოცხალი ქათმებით დატვირთული ბრუნდებოდა.

სიმონ ყანჩაველს ყოველთვის სიძველისაგან განხილი და ხშირი უთოობისაგან აპრიალეებული შავი კოსტუმი ეცვა. ქვეყანა რომ სიცხისაგან იწვოდა, კოსტუმს მაშინაც არ იხდიდა. თეთრ პერანგს თეთრხალეებიანი შავი ბანტი უმშვენებდა.

მეზობლებმა სიმონ ყანჩაველის რეპერტუარი ზეპირად იცოდნენ. უკანასკნელი ათი წლის განმავლობაში მხოლოდ ორ რომანსს ასრულებდა „ოდესაც გიქეპრ“ და „ლერწამი ხარ“.

სიმონი, როგორც კი სახლის მილაგებას მორჩებოდა, ძველ როიალს მიუჯდებოდა და იწყებოდა გაუთავებელი „ა-ა-ა“.

ლევანმა ზარის ღილაკს თითი დააჭირა. ფეხის ხმა შემოესმა.

„შინ ყოფილა“. — გაიფიქრა და შესახვედრად მოემზადა.

კარი გაიღო. ლევანმა გაცეცხისაგან პირი დაალო. მის წინ ლამაზი, თმაშეღებილი, ოცდაათიოდე წლის ქალი იდგა.

— უკაცრავად... — დაიბნა ლევანი.

გვერდზე გადაიხარა და ელექტროზარის ღილაკთან მიკრულ პატარა წარწერას შეხედა, კარი ხომ არ შემეშალაო.

— არ შეგშლიათ, — მიუხვდა ქალი, — სიმონი აქ ცხოვრობს, მე მისი მეუღლე გახლავართ.

„მეუღლე!“ — კინდამ წამოიყვირა ლევანმა.

თავი დროზე შეიკავა. მალე გამოერკვა და ქალი შეათვლიერა, მოეწონა.

ქალს ძალზე მოღეღილი კაბა ეცვა. ჰაბუკს ჟრუანტელმა დაუარა. მუჟი-მოწითალო თმა ძალიან შვეწოდა. გამობერილი ქვედა ტუჩი ვაბუტული ზავშვის იერს აძლევდა, თუმცა შეღებილი წამწამებიდან უფრო ხნიერი, მოღლილი ქალის თვალები იყურებოდა.

ქალმა იგრძნო, ვაჟს მოვეწონეო და კმაყოფილი ღიმილი ველარ დამალა. უცებ შენიშნა, მოპირდაპირე ბინის კარი ღია იყო.

— ლევან ხიდაშელი ბრძანდებით?

— დიახ, საიდან მიცნობთ?

— დედათქვენმა ისე დამიხატა თქვენნი თავი, ალბათ, ქუჩაშიც კი გიცნობდით.

— რაო, ლამაზია ჩემი შვილიო?

— კი, ძალიან ლამაზიაო! — გაიცინა ქალმა.

— თქვენ, ალბათ, უკეთესს ელოდით, არა?

— დაახლოებით ისეთს, როგორიცა ხართ. შემობრძანდით.

— გმადლობთ, უკაცრავად რომ შეგაწუხებთ. მე სიმონის ნახვა მინდოდა.

ლევანს არ უნდოდა, უცნობი ქალისაგან უთო ენათხოვრებინა. საერთოდ ვერ იტანდა, კაცი რომ ტანსაცმელს აუთოვებდა. ახლა მეტი გამოსავალი არა ჰქონდა, მაგრამ ქალთან ამის გამხელა მაინც ესირცხვილებოდა.

ქალი მიხვდა, ლევანს რაღაც სჭირდებოდა.

— შემობრძანდით, მითხარით, რა გნებავთ.

— მაშინ, თუ არ შეწუხდებით, უთო მათხოვეთ.

— ამ წუთში, — გაიღიმა ქალმა, — მობრძანდით.

ლევანი ოთახში შევიდა.

სიმონ ყანჩაველის ბინის მოწყობილობა მთლიანად შეცვლილი ეჩვენა. დიდი, მოძველებული რთიალი აღარსად ჩანდა. მის ნაცვლად ოთახს პატარა, ღია ყავისფერი ვერმანული პიანინო ამშვენებდა. უზარმაზარი ლომისფეხებიანი

ნი მაგიდაც საღდაც გამქრალიყო. პატარა, წვრილფეხებიანი მაგიდაზე მიხაკებიანი შავი ქოთანია იდგა. საერთოდ, საერთო ლეული კერამიკას შეეცვალა, ძველებური რეპროდუქციებიც ჩამოეხსნათ. კედელზე მხოლოდ ერთი იაპონური გრავიურა ეკიდა.

— თქვენ უკვე გცოდნიათ ჩემი სახელი, მე კი არ ვიცი, როგორ მოგმართოთ, — თქვა ლევანმა.

— იზა! — შეაგება ქალმა.

— იზა, სხვათა შორის, უნდა გითხრათ, რომ სიმონ ყანჩაველის გემოვნებაში არასდროს ეჭვი არ მეპარებოდა.

ქმრის სახელის გავონებაზე იზა შეკრთა და ლევანს თვალებში შეხედა. ერთბაშად ვერ მიხვდა, ეს ქათინაური იყო თუ დაციწვია.

ლევანი ქალს ღიმილით მისჩერებოდა.

— ღმერთო ჩემო, რა შტერი ვარ, სკამიც კი ვერ შემოგთავაზებთ, — დაიბნა ქალი, — გთხოვთ დაბრძანდით.

— სამწუხაროდ, ძალიან მეჩქარება.

— ნამგზავრი იქნებით, იქნებ საჭმელს მიირთმევედით?

— რას ბრძანებთ, ამდენს როგორ შეგაწუხებთ.

— ყავას მაინც აო დალევთ?

— დიდი სიამოვნებით დავლევდი, რომ არ მეჩქარებოდეს.

ლევანმა ჯიბიდან სიგარეტი ამოიღო და ქალს გაუწოდა.

— გთხოვთ!

იზამ სიგარეტი გამოართვა და თითქოს უცებ გამოერკვა:

— კი, მაგრამ თქვენ საიდან იცით, რომ ვეწევი?

ლევანს გაეღიმა.

იზამ იგრძნო მამაკაცის დამკინავი ღიმილი. აღარ იცოდა, რა ექნა.

— უთოს ახლავე მოგართმევთ! — დაბნეულად თქვა მან, მეორე ოთახში გავიდა და უთო გამოიტანა.

ლევანმა უთო გამოართვა, ბოდიში ერთხელ კიდევ მოიხადა. იზამ კარებამდე მიაცილა.

— ახლავე დაგიბრუნებთ, — დაიწყო ლევანმა და იზას ფეხებზე დახედა. მე-

რე თვალი ნელ-ნელა ამოაყოლა და მზე-
რა მოშიშვლებულ მკერდზე შეაჩერა.
ბოლოს ცალი თვალი მოჭუტა და და-
მარცვლა:

— ბატონ სიმონს გადაეცით, რომ
თქვენ ღირდით ამდენ ლოდინად.

5.

ლევანი აბაზანაში შევიდა. ცივი წყა-
ლი მოუშვა. უეცრად საშინელი შიმში-
ლი იგრძნო. ტანი სწრაფად დაიბანა და
წასასვლელად მოემზადა. სახლიდან გას-
ვლის წინ სარკეში ჩაიხედა, ხელი ლო-
ყაზე მოისვა. პერანგი სასწრაფოდ გაი-
ხადა და ელექტროსაპარსი მონახა. გა-
პარსვის მერე პირი ისევ დაიბანა. სწო-
რედ მაშინ გაიფიქრა, ძმისათვის დაე-
რეკა.

ყურმილი თენგიზმა აიღო.

— გამარჯობა, თენგიზ! — თქვა ხმა-
დაბლა ლევანმა.

— ჩამოხვედი, შე მაიმუნო? — ძმის
ხმა იმავე წუთში იცნო თენგიზმა, —
რატომ არ შემატყობინე, დაგხვედბოდი
მაინც.

ლევანს „შე მაიმუნო“ არ ესიამოვნა.
არ უყვარდა, როცა ძმა უფროსობდა და
ლევანს პატარა ბავშვივით ექცეოდა.

— აღარ შეგაწუხებ ცოლშვილიანი კა-
ცი, ხომ კარგად ხარ?

— რა შორიდან კითხულობ, ახლავე
ჩემთან წამოდი. ციალაა ცოტა შეუძ-
ლოდ, გუშინ გამიცვიდა.

„გამიცვიდა“, — ლევანს არ მოსწონ-
და, როცა კაცი ასე ლაპარაკობდა. არც
ძმის ძალიან კეთილი ხასიათი მოსწონ-
და. მისი მფარველური, შურუნველი კი-
ლო აგოყებდა. ყველაზე უფრო მაშინ
ცეცხლდებოდა, როცა ძმა ჭკუის სწავ-
ლებას დაუწყებდა.

ერთხელ, მაშინ ლევანი ჯერ კიდევ
სკოლაში სწავლობდა, თენგიზმა თავში
წაუთაქა. ლევანმა ხელი შეუბრუნა, თენ-
გიზი უმცროსი ძმისაგან ხელის შემობ-
რუნებას არ ელოდა და საცემად გაიქა-
ჩა, მაგრამ როცა მის ანთებულ თვალებს

შეხედა, გაჩერდა — მის წინ დასრუ-
ლებული მამაკაცი იდგა.

მან შემდეგ ძმაზე ხელი არ მოუწვი-
ჭკუის დარიგება და უფროსობა კი მა-
ინც ვერ მოიშალა.

— ბავშვები როგორ არიან?

— სოფელში გავგზავნე. დედაჩემი
იწერება კარგად არიანო. ახლავე წამო-
დი, დანარჩენი აქ ვილაპარაკოთ, ერთად
ვისადილოთ.

— კარგი, მოვდივარ! — ლევანმა ყურ-
მილი დაკიდა.

„ბარემ მარინესაც დავურეკავ, — გაი-
ფიქრა და ყურმილი ისევ აიღო, — იქ-
ნება კი ახლა თბილისში?“

— ალო! — მოესმა უცნობი ხმა.

— მინდაძის ბინაა?

— დიახ.

— მარინეს სთხოვეთ.

— გისმენთ!

— გამარჯობა, მარინე!

— გავიმარჯოს, რომელი ხარ?

— შენი ლევან ხიდაშელი.

— ვაიმევე, ლევან! დედიკო, ლევანი
ჩამოსულა! როგორა ხარ, სადა ხარ, ახ-
ლავე ჩვენთან წამოდი. იცოდე, მეტს
აღარ გელაპარაკები. ახლავე მანქანა
დაიჭირე და ჩვენთან გაჩნდი. — მარინე
მე ყურმილი დაკიდა.

ლევანს სიამოვნებისაგან სახე გაებად-
რა, გაიზმორა და პერანგი სასწრაფოდ
გადიცვა.

თავი მეორე

1.

მეტალურგია მძიმე, ვაჟკაციური დარ-
გია და მეტალურგები კაცის ფიზიკურ
ძალას დიდ პატივს სცემენ. რუსთავის
მეტალურგიული ქარხნის მთავარ ინჟი-
ნერს, მიხეილ გიორგაძეს, თავიდანვე
მოუვიდა თვალში ლევან ხიდაშელი.
მთავარი ინჟინერი თვითონ მაინცდამა-
ინც როდი ჩამოჰვავდა მეტალურგს. ორ-
მოცდათხუთმეტ წელს გადაცილებული,
ჩასუქებული კაცი გულს უჩიოდა, მძი-
მედ სუნთქავდა. ექიმები დიდი ხანია

დასვენებას ურჩევდნენ. შეშინებული ექიმებს სათოფეზე აღარ ეკარებოდა.

პოლიტექნიკურ ინსტიტუტში კათედრას სთავაზობდნენ, მაგრამ მეტალურგის მკაცრ ცხოვრებას მიჩვეულ კაცს ქარხანასთან გამოთხოვება ეძნელებოდა. კი არ ეძნელებოდა, ქარხნიდან წასვლა ლალატად მიაჩნდა.

მიხეილ გიორგაძე სპეციალობით მებრძმედ იყო. ერთხელ ინსტიტუტში რამდენიმე ლექციის წაკითხვა სთხოვეს თუჯის მეტალურგიაში. მიხეილი დათანხმდა. ორი დღის შემდეგ კი ინსტიტუტიდან გამოიქცა. ახლაც კარგად ახსოვს, ნერვები როგორ ეშლებოდა, შესვენების დროს ლექტორების მხიარულ, უდარდელ საუბარს რომ ისმენდა. მასზე განსაკუთრებით ჭადრაკის თამაში მოქმედებდა. ჭადრაკი უსაქმური ხალხისათვის მოგონილ თამაშად მიაჩნდა.

თვითონ შესვენების დროს ერთ ადგილზე ვერ სძლებდა. ერთი სული ჰქონდა, ზარი როდის დაირეკებო.

კაცის ჩაცმულობაზეც თავისი აზრი ჰქონდა, კოპწია კაცებს ვერ იტანდა, საამქროში მუშებს რომ ხელზე საათს დაუნახავდა, გულზე სკდებოდა. იმ კაცზე გული არასდროს მოუბრუნდებოდა.

— იწყინერი რომ საამქროდან სუფთა გამოვა, ის მეტალურგად არ გამოდგება, — ამბობდა ხოლმე იგი.

თეთრი პერანგი ჭირის დღესავით ეზარებოდა, თუმცა ამ ბოლო დროს თვითონ სულ თეთრ პერანგს იცვამდა.

— ეპ, მეტალურგის სულიდა შემრჩა, — ამბობდა ხოლმე მთავარი იწყინერი და თავის ღიბს სინანულით დასცქეროდა.

მთელი თავისი ცხოვრება მეტალურგულ ქარხანაში გაატარა. რუსთავში რომ ვადმოვიდა, ქართული ხეირიანად აღარც კი ახსოვდა.

თეატრში და წვეულებებზე იშვიათად დადიოდა. არ უყვარდა როცა გამოპრანკული კაცები ქალებს ეკეკლუტებოდნენ. სადღეგრძელოები ნერვებზე შლიდა.

„მინც საიდან იგონებენ ამდენ სისუ-

ლეღს“, — ფიქრობდა იგი და თვლიდა ვაქცევზე ეჭირა.

მეტალურგის მკაცრმა ცხოვრებამ ზედმეტ ლაპარაკს, სინახესა და გრძობების უხვად დაღვრას გადააჩვია.

სმა უყვარდა, თუმცა, ბოლო დროს, იშვიათად სვამდა. ღვინოს არაყს ამჯობინებდა. ელოდე, ღვინო როდის მოგეკიდებაო, — იტყოდა ხოლმე. შოფერს თევზს აყიდვინებდა და ქალაქგარეთ რომელიმე ლუდხანას მიაღებოდა.

ერთხელ საბრძმედ საამქროს ცვლის უფროსმა, ელდარ სიხარულიძემ, ქორწილში დაპატიჟა.

ელდარის მამა კინორეჟისორი იყო. დიდებულ სუფრას უმთავრესად ელდარის მეგობრები და ცნობილი კინომსახიობები უხსდნენ. მთავარი იწყინერი ამ, როგორც თვითონ ამბობდა, ენაგატლექილ ხალხში თავს უხერხულად გრძობდა. დაელოდა, სანამ ნეფე-დედოფლის სადღეგრძელო შეისმებოდა, მერე ბიჭებს გადაულაპარაკა:

— ელდარს ურჩიეთ ქარხანას თავი დაანებოს და სადმე სამეცნიერო ინსტიტუტში მოეწყოს, ამ სერვისზე გაზრდილი კაცი მეტალურგად არ გამოდგება.

მერე ბოდიში მოიხადა და წავიდა. მართლაც სულ ორი თვის შემდეგ ელდარ სიხარულიძემ ქარხანა მიატოვა, მეტალურგის ინსტიტუტში უმცროს მეცნიერ-მუშაკად გადავიდა. ინსტიტუტის თანამშრომლებს კი მიხეილ გიორგაძე მეტალურგებად როდი თვლიდა.

— ხომ გითხარით, მაგისაგან მეტალურგი არ გამოვა-მეთქი, — თქვა მთავარმა იწყინერმა, როცა ელდარის წასვლის ამბავი გაიგო, — ნიჭიერი და მონდომებული კაცი მეცნიერი ადვილად გახდება, მეტალურგობისა კი რა მოგახსენოთ, მეტალურგი პირველ რიგში ვაყ-კაცი უნდა იყოს.

ლევან ხიდაშელი პირველი შეხედვისთანავე მოეწონა.

ლევანს შავი ფეხსაცმელები, უხეში შარვალი და უბრალო ნაცრისფერი ქსოვილის სპორტული პერანგი ეცვა. სახე-

ლოები იდაყვებამდე ჰქონდა წამოწეული. ბრინჯაოსფერი დაკუნთული მკლავები და ენერგიული სახე მის დიდ ძალაზე მეტყველებდა. თავისუფლად იდგა, მაგრამ ტანსაცმლის ქვეშ მისი ჩამოსხმული სხეული იგრძნობოდა.

მიხეილმა ლევანის შრომის წიგნაკი გადაათვალიერა.

— ბიჭოს, შენ კარვად ვიხედავდი.

— მე რუსეთში კარიერისთვის არ წავსულვარ, სწავლა მაინტერესებდა.

— გეტყობა, ყმაწვილო, გეტყობა. კონვერტორზეც გიმუშავია. საბოლოოდ, „აზოვსტალში“ ყოფილხარ. მის ხუთასტონიან მერხვე ღუმელებთან ჩვენი მარტენის ღუმელები სათამაშოდ მოგეჩვენება. დაბრძანდი! — მხოლოდ ახლა შესთავაზა სკამი მთავარმა ინჟინერმა.

— გმადლობთ, — ლევანი სკამზე ჩამოჯდა.

— იქ საამქროს უფროსი ისევ ბესპალოვია?

— დიას!

მიხეილი ჩაფიქრდა, ჩაიცინა, ეტყობოდა, რაღაც მოავონდა. შრომის წიგნაკს ერთ ადგილზე ჩასჩერებოდა. მერე თითქოს რაღაც გაახსენდა. შრომის წიგნაკი დაკეცა და ლევანს დაუბრუნა.

— კუჭის ტკივილს უჩიოდა, ახლა როგორ არის?

— არ ვიცი, ჩვენთვის არასდროს შემოუჩივლია.

— პო, ბესპალოვი სიტყვაძენწი კაცია, წუწუნის არ უყვარს...

ტელეფონმა დარეკა. მიხეილმა ყურმილი აიღო.

— გიორგაძე გისმენთ!

მიხეილი ლაპარაკს კარგა ხანს დუმით ისმენდა. თანდათან შუბლი ეკუმუნებოდა. ლევან ხიდაშელი მიხვდა, მთავარ ინჟინერს რაღაც უსიამოვნო ამბავი შეატყობინეს. იგი ხან გიორგაძეს მისჩერებოდა, ხან კაბინეტს ათვალეფრებდა.

სეიფის თავზე გიორგი ნიკოლაძის სურათი ეკიდა. გიორგის სპორტული ფორმა ეცვა და დაჭიმული იდგა. მიხეილ გიორგაძეს ისევ ტელეფონის ყურმილი

ეჭირა ხელში და ლაპარაკს ისმენდა. მაინც შეამჩნია, რომ ლევანი გიორგი ნიკოლაძის სურათს მისჩერებოდა. მისი მხარე რად თვალი თვითონაც სურათისაკენ გააპარა, მერე ლევანს შეხედა, მერე ისევ სურათს.

ეს ბიჭი გიორგის როგორ ჰგავსო, — გაიფიქრა მთავარმა ინჟინერმა და ლაპარაკი განაგრძო.

— მოვდივარ, ათ წუთში მანდ ვიქნები, — მიხეილმა ლაპარაკი დაამთავრა, ყურმილი დაკიდა და ზარს თითი დააქირა.

ოთახში მდივანი ქალი შემოვიდა.

— მანქანა გამოიძახეთ!

— შოფერი აქ გელოდებოთ, ბატონო მიხეილ.

მთავარ ინჟინერს ახლა გაახსენდა, წელიდან შოფერს რომ უთხრა, აქ დამელოდეთო. ფეხზე წამოდგა და ლევანს თვალებში შეხედა.

— ძალიან მომეწონე და შენ იცი, აზრს თუ არ შემაცვლევინებ. მარტენის საამქროდან მომავალ კვირას ერთი ცვლის უფროსი გადადის ქარხნის ცენტრალურ ლაბორატორიაში, მე საამქროს უფროსს მოველაპარაკები და, ალბათ, იმის ადგილზე დავნიშნავთ.

ლევანმა მადლობის ნიშნად თავი დახარა. გიორგაძემ რაღაც ქალაღებებს ხელი წამოავლო და გარეთ გავარდა. ლევანმა კაბინეტის კარი გაიკეტა და დერეფანში გავიდა. ახალგაზრდა მდივანმა ქალმა მრავალმნიშვნელოვანი მხერვა გააყოლა.

2.

ლევან ხიდაშელმა უმაღლესი რომ დამთავრა, მამამ „ვოლგა“ უყიდა. ლევანი მალე რუსეთში გაემგზავრა. მას შემდეგ მანქანისთვის ხელი არავის უხელია.

ჩამოსვლისთანავე ლევანმა მანქანა პროფილაქტორიაში წაიყვანა. „ვოლგა“ სულ ახალთახალი იყო, სამი ათასი კილომეტრიც კი არ ჰქონდა გავლილი, მის მორჯულებას მაინც დიდი შრომა დასჭირდა.



მთავარი ინჟინრის კაბინეტიდან რომ გამოვიდა, ლევანმა გადაწყვიტა, ბარემ მარტენის საამქროში შევივლიო, მაგრამ გადაიფიქრა. ქარხნის ტერიტორია დატოვა, ტაქსი დაიჭირა და თბილისში დაბრუნდა. პროფილაქტორიაში მანქანა მზად დაახვედრეს.

იმავე წუთში შინისაკენ გასწია. მანქანა სადარბაზო შესასვლელთან დააყენა და კიბე აირბინა.

სიმონ ყანჩაველის ბინიდან გააფთრებული კვიცილი ისმოდა.

ლევანმა წრიბინა ხმაზე იცნო ფილარმონიის მომღერალი. სიტყვები ვერ გაარჩია, თუმცა მიხვდა, მარტო სიმონი ყვიროდა.

ლევანმა კარი შეიკეტა და აბაზანას მიაშურა. ცივი წყალი გადაივლო. ტანი სწრაფად შეიმშრალა და ტელეფონს მივარდა, პირსახოცი ისევ კისერზე ჰქონდა გადაკიდებული.

„დროა, ბიჭებს დავურეკო“, — გაიფიქრა მან და რეზო ქავთარაძის ტელეფონის ნომერი აკრიფა.

რეზო ლევანის სკოლის მეგობარი იყო. მეტალურგიის ფაკულტეტზეც ერთად სწავლობდნენ. სწავლის დამთავრების პირველი დღიდანვე რეზო რუსთავის მეტალურგიულ ქარხანაში მუშაობდა.

- ქალმა გაავონა.
- მერი ბრძანდებით?
- დიახ, ვინ ლაპარაკობს?
- აბა თუ მიცნობ?
- ვერ ვიცანით?
- ლევანი ვარ.
- რომელი ლევანი?

— ეს უკვე მეწყინა, ლევან ხიდაშელი კი უნდა გეცნო, ქალბატონო მერი! — სიცოლით თქვა ლევანმა.

— ლევან, გამარჯობა შენი, როდის ჩამოხვედი? რეზო, ლევან ხიდაშელი რეკავს. ლევან, რა კარგია რომ დარეკე... მოიცა, ბიჭო, ველაპარაკო... ლევან, შენი ძმაცაი ლაპარაკს არ მაცლის.

ლევანმა იგარძნო, რეზომ მეუღლეს ყურმილი როგორ წაგლიჯა ხელიდან.

— ლევანს გაუმარჯოს.

- გამარჯობა რეზო!
- როგორ ხარ, სად ხარ, ერთხელ შეილი მიინც მოგეწერა.
- რეზო, ახლა ტელეფონში ლაპარაკი არ ღირს. შენ ეს მითხარი, დღეს გცალა?
- დღესაც მცალა და ხვალაც, ცვლა მეცვლება.
- ძალიან კარგი. მე ახლა ბიჭების ტელეფონის ნომრები აღარ მახსოვს, ვინსაც მისწვდები და ვინც ღირსია, ყველას დაუკავშირდი, ამ საღამოს, შეიღ საათზე, მთაწმინდაზე შევხვდეთ ერთმანეთს. მერისთან ბოდიში მომიხადე. აბა, კარგად იყავი.

ლევანმა ყურმილი დაკიდა და სამუშაო ოთახში გავიდა. პერანგი გაიხანდა, ფეხზე კედები ჩაიცვა და წიგნების დახარისხებას შეუდგა. საწერი მაგიდის უჯრები გამოაღო. ბევრი რამ ამოალაგა და დახია. ბევრი ახალი ფურცელი, კონსპექტი და ჩანაწერი დააბინავა. როცა საქმეს მორჩა, წამოდგა და გაიზმორა. მერე ადგილზე ხტუნაობა დაიწყო. გასასვლელში კედელზე ჩამოკიდებული ესპანდერი ჩამოხსნა და წაივარჯიშა.

მზე გადასულიყო. მაინც ცხელოდა. ლევანმა ფანჯრები გამოაღო, მაგრამ ქუჩიდან კიდევ უფრო ვავარვარებული ჰაერი შემოიჭრა. საათს დახედა. ისრები ხუთს უახლოვდებოდა. წვერი გაიბარსა, მერე ისევ აბაზანაში შევარდა, ცივი წყალი გადაივლო და წასასვლელად მოემზადა. ლევანს მარინე მინდაძის ოჯახში ელოდნენ.

3.

მინდაძეების ოჯახი თბილისში შეძლებულ ოჯახად ითვლებოდა. მარინეს მამა, პლატონ მინდაძე, მსხვილი სამშენებლო ობიექტის უფროსი იყო. ქალაქში ფულის მშოვნელი კაცის სახელიც ჰქონდა გავარდნილი. მინდაძეები მართლაც მდიდრულად ცხოვრობდნენ. ამას თავდაპირველად ისინი პლატონის ძმას, აწ გარდაცვლილ პროფესორს გედევან მინდაძეს უმადლოდნენ.

გედევანი უშვილო კაცი იყო. ცოლი

ადრე გარდაეცვალა და მთელი ავლადი-
დება ძმას დაუტოვა. მანამდე მინდაძე-
ებს ცხოვრება უჭირდათ. ძმის მემკვიდ-
რეობის მიღების შემდეგ პლატონმა სუ-
ლი მოითქვა. საბურთალოში უზარმაზა-
რი სახლი ააშენა. „ვოლგა“ შეიძინა.
პლატონ მინდაძე მანქანაში თითქმის
არც ჯდებოდა. „ვოლგა“ ქალბატონ თი-
ნათინისა და მისი ქალიშვილის განკარ-
გულებაში იყო.

მინდაძეებს თითქმის ყოველდღე სტუ-
მრიანობა ჰქონდათ. ოჯახი ყველას ხელ-
გაშლილად ზღვებოდა. ნაცნობებში უკ-
ვე ხმები დადიოდა, ასეთ ცხოვრებას
მხოლოდ პროფესორის დანატოვარი ვერ
გასწვდებოდათ. ამ ხმებმა ქალბატონ
თინათინის ყურამდეც მიაღწია.

— ნეტავ რა უკვირთ, — ამბობდა
იგი, — გედევანმა ამოდენა ქონება დაგ-
ვიტოვა, ჩემი ქმარი კი უზარმაზარი სამ-
შენებლო ობიექტის უფროსია, ერთი
შვილის მეტი ქვეყანაზე არავინ გაგვიჩ-
ნია, ვითომ კარგად რატომ არ უნდა
ვცხოვრობდეთ?

პლატონ მინდაძე გულჩათხრობილი
კაცი იყო. ოჯახურ საქმეებში არ ერეო-
და. სამუშაოდან ყოველთვის გვიან
ბრუნდებოდა. უკანასკნელ წლებში შინ
თითქმის ყოველ დღე სტუმრები ზღე-
ბოდა. სტუმრებთან იშვიათად გადიოდა
ხოლმე, თავის კაბინეტს მიაშურებდა ან
ძინებდა. სტუმრად არც თვითონ და-
დიოდა, არც იმ ხალხს იცნობდა, მის
სახლში რომ ყოველდღიურად იკრიბე-
ბოდნენ. არც ის იცოდა, ვინ იყვნენ, რას
აკეთებდნენ, რას წარმოადგენდნენ. არც
აინტერესებდა. პლატონ მინდაძე კარ-
გი სპეციალისტი იყო და შინ ყოველ-
თვის დადილი ბრუნდებოდა, როგორც
კი პლატონი გამოჩნდებოდა, თინათინი
მხოლოდ ორ სიტყვას იტყოდა:

— პლატონი მოვიდა.

ხმაური თანდათან მინელდებოდა. ეგ-
როპულ ცეკვებს ვერ ეწყობოდა. როცა
შინ გაჯავრებული ან მოდილი ბრუნ-
დებოდა, მისი შემოსვლისთანავე მაგნი-
ტოფონს გამორთავდნენ ხოლმე.

მარინემ უცხო ენების ინსტიტუტი

ერთი წლის წინ დაამთავრა და სკოლა-
ში მუშაობდა. სულ რამდენიმე საათი
ჰქონდა, მაგრამ ეს მაინც დაეძინა
აღარდებდა — ასპირანტურისათვის ვემ-
ზადებო.

მარინე ლამაზი, მაგრამ ქარაფშუტა
გოგო იყო. მეგობრებიც თავისი ჭკუისა
ჰყავდა. ისინი თითქმის ყოველ სალა-
მოს მარინეს სტუმრები იყვნენ. მეგო-
ბარს პირში ეფერებოდნენ, ზურგსუკან
კი ლანძღვდნენ — იყო დრო, მინდა-
ძეები შიმშილით იხოცებოდნენ, ახლა
კი ფულში ბანაობდნენ.

მინდაძეების ხშირი სტუმრები იყვნენ
მოქეიფე ბიჭები, მომღერლები, კალთ-
ბურთელები, უმეტესობა კი უსაქმურე-
ბი. პლატონს შვილის მეგობრები არ
მოსწონდა, მაგრამ მაინც არაფერს ამ-
ბობდა, ერთად ერთს ლევან ხიდაშელს
აფასებდა — კაცი მარტო ამისგან გა-
მოვო.

თინათინი ქმრის აზრს არასდროს იზი-
არებდა, მაგრამ ლევანი მასაც ძალიან
მოსწონდა. უფრო სწორად, უკვე სასი-
ძოდაც თვლიდა. თინათინს მხოლოდ ის
არ ექაშნიკებოდა, ლევანი რომ ქარხა-
ნაში მუშაობდა, თუმცა იცოდა, თავის
დროზე ასპირანტურაზე რომ თქვა უარი.
არც მისი ქმარი იყო მეცნიერ-მუშაკი,
მაგრამ კარგ სპეციალისტად ითვლებო-
და და ყველა პატივს სცემდა. თინათინს
სჯეროდა, ლევანს დიდი მომავალი ჰქონ-
და, მაინც უნდოდა სიძე მეცნიერ-მუშა-
კი ჰყოლოდა.

თინათინი ლამაზი ქალი იყო, თუმცა
მის სახეს უკვე სიბერე შეჰპარვოდა.
მთელი ახალგაზრდობა ხელმოკლეობა-
ში გაატარა. სიმღიდრის პატრონი კი მა-
შინ გახდა, როცა შუბლსა და საფეთ-
ქლებზე ნაოჭები შეეპარა. მოსკოვში
პლასტიკური ოპერაცია გაიკეთა. ყო-
ველდღე კოსმეტიკის კაბინეტში დადიო-
და. თმას ახალგაზრდულად ივარცხნიდა.
თავისი ასაკისათვის მეტიხმეტად შეუ-
ფერებლად ეცვა. ისეთ კაბებს იკერავ-
და, ახალგაზრდობაში რომ ოცნებად
ჰქონდა გადაქვეული. შინაც ყოველთ-
ვის მდიდრულად იცვამდა. თითებზე

ბრილიანტის თვლებიანი ბეჭდები ეკეთა. მკერდსა და მკლავებს ძვირფასი სამკაულები უმშვენებდა. სიღარიბეში გატარებული წლების ანაზღაურებას ცდილობდა. საშინლად სწყინდა, როცა მარინეს მეგობრები დეიდა თინათინს ან ქალბატონ თინათინს დაუძახებდნენ ხოლმე. ეს ყველამ კარგად იცოდა და თინიკოს ეძახდნენ.

თინათინი თავისი ქალიშვილის მეგობრებთან ტოლივით კამათობდა, პრემიერებსა და კონცერტებზე მათთან ერთად დადიოდა.

მაშინ თბილისში კალათბურთი განსაკუთრებულად შემოვიდა მოდამი. ეს უკვე ქალიშვილების დამსახურება გახლდათ. უნივერსიტეტის კალათბურთელ ვაჟთა გუნდში ერთი ბიჭი თამაშობდა — ჯემალ თევზაძე. შესახედავად ტარზანს ჩამოჰგავდა. ქალიშვილები მისი ეშხით დადიოდნენ კალათბურთის საყურებლად.

თინათინ მინდაძეც ჯემალ თევზაძის თაყვანისმცემელთა სიაში ეწერა.

— ღმერთო ჩემო, რა ფლეგმა! — ამოიძახებდა ხოლმე ქალბატონი თინათინი, როცა ჯემალ თევზაძე ბურთს ძალზე მშვიდად მოათავსებდა ხოლმე კალათში.

ეს უკვე მარინეს და მისი მეგობრების გავლენა იყო.

საერთოდ, თინათინს სმენა ძალიან გამახვილებული ჰქონდა. ცდილობდა, ახალგაზრდებისათვის დამახასიათებელი ფრაზები დაეჭირა და პირველსავე შემთხვევაში გამოეყენებინა. „დაითარსა“, „საწყალი ბიჭი! ხელი არ წაუვიდა“, — იტყოდა თინათინი, როცა ჯემალს თამაში არ გამოუვიდოდა. „ფილმი დიდი არაფერია, მაგრამ ამერიკელებმა იციან გაკეთება“, — ისეთი ტონით ამბობდა ხოლმე, თითქოს ბავშვობიდან ასეთი ფრაზებით ელაპარაკოს.

ლევან ხიდაშელი კიდევ ერთი რამის გამო უყვარდა თინათინ მინდაძეს — კამათის დროს ლევანი ყოველთვის მხარს უჭერდა.

ხიდაშელმა ქალის ფსიქოლოგია კარ-

გად იცოდა, არასდროს არ ეშლებოდა, როგორ უნდა მოქცეულიყო. მარინეს კი ლევანი ბევრი რამის გამო მისწონდა. უმთავრესი ის იყო, რომ მისი მეგობარი ქალიშვილები ლევანზე ჰკუთას ჰკარგავდნენ.

მარინე ძალიან განებივრებული გოგო იყო. იცოდა: რასაც მოისურვებდა, მისი მშობლები ჰქვას გახეთქავდნენ და მაინც უეუსრულებდნენ.

ახლა მას ლევანი მოსწონდა, თუმცა ერთხელაც არ დაფიქრებულა, ლევანსაც მოსწონდა თუ არა იგი. ლევან ხიდაშელს მისთვის სიყვარული გადაკრულადაც კი არ უგრძნობინებია. მარინეს ეს არც აღარღებდა. აწრადაც არ მოსდიოდა, იქნებ ლევანს არ ვუყვარვარო.

მარინეს ლევანი შესახედავად ძალიან მოსდიოდა თვალში. უფრო კი ის სიამოვნებდა, რომ მას ყველა იცნობდა და პატივს სცემდა. მართალია, მინდაძეების ოჯახს დიდი სტუმრიანობა და ფართო ნაცნობობა ჰქონდა, მაგრამ ეს ნაცნობები უკანასკნელ წლებში შეიძინეს და ისინი უფრო სტუდენტობასა და ახალგაზრდობას წარმოადგენდნენ.

ლევან ხიდაშელმა კი მინდაძეების ოჯახს ბევრი ცნობილი პიროვნება დაუახლოვა. მარინეს სიამაყეს ჰგვრიდა, რომ ლევანი მწერლებსაც იცნობდა და ფეხბურთელებსაც, მსახიობებსაც და შეცნიერებსაც.

მარინე საზოგადოებაში გასვლას ისწრაფვოდა და ლევან ხიდაშელი ამიტომ უფრო უყვარდა.

ლევანი კი მინდაძეების ოჯახს მხოლოდ ირონიულად უყურებდა, — მემჩინი და კუდაბზიკა ხალხი არ ეხატებოდა გულზე. უეცრად გამდიდრებული და თავბრუდახვეული ხალხი ეზარებოდა. მინდაძეებთან კი მაინც დადიოდა. იქ შრომის შემდეგ მოდიოდა, ლაზღანდარობაში ისვენებდა. ლევანი მარინეს და მის ქარაფშუტა მეგობარ გოგონებს დასცინოდა, თოჯინებივით ათამაშებდა. მინდაძეები ყოველთვის გულგახსნილი ხვდებოდნენ, ეფერებოდნენ.

ხიდაშელი სიმდიდრის მოყვარული

არ იყო. მამამისი შეძლებული კაცი გახლდათ და ლევანმა სიმდიდრის ფასი არ იცოდა. იგი მარინეს თუნდაც იმიტომ არ ითხოვდა, არავის ეთქვა, ცოლი სიმდიდრის გულისთვის მოიყვანაო.

ლევანს მარინე მინდაძე სხვა მხრივაც არ მოსწონდა. მათი სულიერი სამყარო ერთმანეთისგან საგრძნობლად განსხვავდებოდა. ლევანი მარინეს ლაქუცი ერთობოდა. თავისი მომავალი მეუღლე კი სულ სხვანაირად ჰყავდა წარმოდგენილი, თუმცა გარკვევით არც თვითონ იცოდა, ეს „სხვანაირი“ რას წარმოადგენდა.

მარინე მინდაძის გემოვნებას, მოთხოვნილებებსა და ფილოსოფიას უცხოური კინოფილმები და ჟურნალები აყალიბებდა. ლევანი კი ქალში უფრო შინაგან სილამაზეს, სიღრმესა და ნიჭსა სცემდა თავყვანს, დუმცა ძალზე ჰკვიანი და პრაქტიკული ქალები არ უყვარდა.

ლევანს, რაც დრო გადიოდა, დარჯახების სურვილი უფრო უქრებოდა. ამ ბოლო დროს მოწონებითაც კი ცოტა მოსწონდა.

მეხუთე კურსზე იყო, დედა რომ ეხვეწებოდა, ცოლი მოიყვანო. ლევანი ყოველთვის ერთსა და იმავეს უპასუხებდა, ცოლისთვის ჯერ არა მცალიაო. ცოლისთვის მართლაც არ ეცალა. იგი ბევრს მუშაობდა, სწავლობდა, დღე და ღამეს ასწორებდა. ხანდახან, მეცადინეობით რომ მოიღლებოდა, მინდაძეების ოჯახს მიაშურებდა. ნაცნობ-მეგობრები თბილისში უთვალავი ჰყავდა, ყველაზე კარგად მაინც მინდაძეებთან ისვენებდა. მთელი ქალაქის ჭორებსაც ამ ოჯახში იგებდა. თინათინს ფარულად დასცინოდა, თითქოს ეკეკლუცებოდა კიდევ, ერთხელ მთვრალმა ჩუმად ისიც კი უთხრა, მე უბედური კაცი ვარ, თქვენი სიყვარულის უფლება რომ არა მაქვსო. თინათინი ამ სიტყვებზე კინაღამ გადნა და ხელი საკოცნელად გაუწოდა. მას შემდეგ ლევანი კიდევ უფრო შეუყვარდა.

მინდაძეების ოჯახში მეხივით გავარდა ლევანის რუსეთში წასვლის ამბავი.

თინათინს ვერ წარმოედგინა ნორმალური აღძვირის ასპირანტურაზე უარგონიერად უნდა ეთქვა, ისიც ლევანს ხელშეწყობდა მთელ ფაკულტეტზე პირველ სტუდენტს. თინათინმა იცოდა, რომ კათედრის გამგემ ასპირანტის ადგილი მხოლოდ მისთვის გამოითხოვა.

მხოლოდ პლატონმა ჩაილაპარაკა დინჯად — ეგ ახალგაზრდა ძალიან შორს წავაო და დედა-შვილს ესლა დარჩათ სანუეგმოდ.

მარინე ლევანს წერილებს ხშირად სწერდა, თინათინი უფრო იშვიათად, ლევანი მათ მოკლედ უპასუხებდა ხოლმე. უფრო თავაზიანობის გულისათვის, თორემ წერილების წერა დიდად არ ეპიტნავენებოდა.

ლევანის თბილისში დაბრუნებას მინდაძეები ზარზეიმით შეხვდნენ. დღესაც დიდი სიხარულით ელოდნენ, სტუმრებიც საგანგებოდ დააბატყეს, მაგრამ ლევანს ახლა მათთვის არ ეცალა. იგი მთაწმინდაზე მეგობრებს უნდა შეხვედროდა. გადაწყვიტა, მინდაძეებთან გაევილო და მარინეც თან წაეყვანა.

ლევანმა მიხაკები იყიდა და მანქანა მინდაძეების ალაყაფის კარს მიაყენა.

ერთი გრძელი და ერთი მოკლე სიგნალი მისცა. მინდაძეებმა იცოდნენ, ეს ლევან ხიდაშელი იყო. მარინე ჭიშკარში გამოეგება, თინათინი კიბეზე დაელოდა.

ლევანმა თინათინს ხელზე აკოცა და მიხაკები მიართვა.

— გმადლობთ, ლევან! შინ შემობრძანდით! — ნაზად უთხრა თინათინმა.

— არა, ქალბატონო თინათინ, მე მხოლოდ ერთი წუთით შემოვიარე. კარგი იქნება, თუ პატივს დამდებთ და მარინეს ჩემთან გამოუშვებთ.

ლევანი თინათინს ყოველთვის თქვენობით ელაპარაკებოდა, თითქოს განსაკუთრებით აგრძნობინებდა ხოლმე, მიუხედავად თქვენი თავაზიანობისა, მე ჩემს თავს უფლებას მაინც არ ვაძლევ თქვენი კეთილშობილებით ვისარგებლო და ჩვენს შორის მანძილი არ დავიცივაო.

თინათინი ლევანის დაცინვას ვერ

ხვდებოდა, ჭაბუკის მოკრძალებას თავის კდემამოსილებას აწერდა და ლევანს კიდევ უფრო ეალერსებოდა.

— შინ შემობრძანდით, აქ ლაპარაკი უხერხულია, — თინათინი სტუმარს წინ წაუძღვა.

ისინი მისაღებ ოთახში შევიდნენ.

— ახლა ბუხარი უნდა გაგვეჩაღებინა, სტუმრებს ველით! — ღიმილით თქვა თინათინმა და სავარძელში ჩაჯდა.

— ოო, აბა ცუდ დროს მოვსულვარ! — შეწუხდა ლევანი.

იგი თინათინის მოპირდაპირე სავარძელში მოკალათდა. ჯიბიდან სივარეტი ამოიღო.

— შეიძლება, არა? — მან თინათინს სივარეტის კოლოფი დაანახვა.

— მოსწიეთ, ლევან, ერთი მეც მომაწოდეთ.

მარინემ საფერფლე მოიტანა. ლევანი ფეხზე წამოდგა, თინათინს სივარეტი მიაართვა, მერე ბენზინის კვესი აანთო და გაუწოდა.

— გმადლობთ, — თქვა თინათინმა, სივარეტის ბოლი შეისუნთქა და სავარძელზე გადაწვა.

თინათინ მინდაქმე პაპიროსის წვევაც ამ ბოლო დროს დაიწყო. გაიგო, ახლა ქალიშვილებიც ეწვევიანო. თინათინს უფრო ის მოსწონდა, როცა ვაჟი პაპიროსსა და ცეცხლს სთავაზობდა. სივარეტს საჩვენებელი და შუა თითით იჭერდა. ფერფლის დარეკვის დროს შუა თითს ცერს მიაშველებდა და განთავისუფლებულ შუა თითს პაპიროსს ნახად დაჰკრავდა. ესეც კინოში ნახა პირველად, მოეწონა და იმავე წუთში გადმოიღო.

— თუ საიდუმლო არ არის, მითხარით, სად მიგყავთ ჩემი ქალიშვილი?

— ჩემს მეგობრებს უნდა შეგხვდე. არ მინდა მათთან დიდხანს დავრჩე. მარინესაც გაეასიერნებ და მეც უფრო იოლად გაეთავისუფლდები.

— კარგი იქნება, თუ მალე მოხვალთ, სტუმრებსაც მოუსწრებთ. მარინე, ლევანს მობართვი რამე.

— არა, ნუ წუხდებით, — შეიცხადა

ლევანმა. მერე მარინეს მიუბრუნდა: — შენ ცოტა იჩქარე, დროს ნუღარ დავკარგავთ.

გ. კონიანი
გ. მელიქიძე

— გუშინ პოლიტექნიკური ინსტიტუტის ჯანოორექტორს მოვუსმინე ფილარმონიაში. ღმერთო ჩემო, როგორ მღერის თემურ გვრიტიშვილი! — თქვა თინათინმა, როცა მარინე ტანსაცმლის გამოსაცვლელად გავიდა.

— შესანიშნავად, ქალბატონო თინათინ, შესანიშნავად! — ლევანი როგორც ყოველთვის, ახლაც დაეთანხმა თინათინს.

— თქვენ ხომ არ იცნობთ თემურ გვრიტიშვილს?

— როგორ არა. თუ მიბრძანებთ, გაახლებთ კიდევც.

— ძალიან გამახარებთ. კვირას ვახშამი გვაქვს, ძალიან ვიწრო წრე ვიქნებით, კარგი იქნება თუ მაშინ მოიყვანთ. ხომ მოვა?

— მოვა, ქალბატონო თინათინ, თვალებს კი არ დაითხრის! ის თვითონ ცდილობს თქვენისთანა ხალხთან დაახლოებას, — ორაზროვნად უბასუხა ლევანმა.

კარი გაიღო და ოთახში შემოვიდა ახალ კაბაში გამოპრანჭული მარინე. კაბა რაღაც ძვირფასი და უცნაური მატერიისაგან იყო შეკერილი. უფრო თეატრალურ კაბას წაგავდა. გულზე მსხვილი ვერცხლის ჯაჭვით უზარმაზარი მედალიონი ეკიდა. ორივე ხელზე იდაყვებამდე შავი ხელთათმანები ჰქონდა წამოცმული.

— როგორ გშვენის! — წამოიძახა აღტაცებულმა თინათინმა და ფეხზე წამოდგა.

— მართლაც მშვენიერი ქალიშვილი გყავთ, ქალბატონო თინათინ! — თითქოს აღტაცება ვერ დამალა ლევან ხიდაშელმა.

ისიც უშალ წამოდგა და მარინეს ხელი შეაშველა.

მარინე ამაყად იდგა და იღიმებოდა.

— ჩვენ წავალთ, თინიკო! — უთხრა მან დედას.

მარინე დედის ახალგაზრდობით ამა-

ჟობდა და ზშირად თვითონაც თინიკოს ეძახდა.

გამოთხოვებისას ლევანმა თინათინს ზელზე აკოცა.

— გმადლობთ ნდობისათვის! — დინჯად თქვა მან და მადლობის ნიშნად თავი დახარა.

თინათინმა სიამოვნებისაგან რაღაც სიცილისმაგვარი ბგერები ამოუშვა და ლევანს ალერსით ხელი ლოყაზე მოუთათუნა.

ლევანმა მანქანა დასძრა. ნაცრისფერი „ვოლგა“ დიდი სისწრაფით მიჰქროდა. ლევანი დროდადრო მარინეს შეხედავდა. მარინე ამას გრძნობდა და ილიმეზობლა.

— მინდაძეების ფერიავ, — დაიწყო ლევანმა, როცა მანქანა თბილისს გასცდა და კომკავშირის ხეივანს შეუყვავა. — აბა, ეგ ხელთათმანები გაიძრე!

— რა თქვი! — გაოცებისაგან პირი დაალო მარინემ.

— ხელთათმანები გაიძრე-მეთქი! — ისე თქვა ლევანმა, ქალიშვილისაკენ არც მოუხედავს. პირიქით, თავი ფანჯარაში გაპყო და ვილაცს მიიძახა, თვალეები შინ ზომ არ დაგრჩა, მანქანას რომ ქვეშ უვარდებიო.

მარინე გათამამებული ქალიშვილი იყო. ასეთ რამეს მამაც კი ვერ უხედავდა, ლევანთან კი მოტყდა. სიამოვნებდა კიდევ ლევანის ასეთი საქციელი. მომავალი ქმრის ჯიუტობასა და მტკიცე ხელს გრძნობდა, მომავალი ოჯახური სცენების წინასწარი განცდა ერთგვარ სიამოვნებასაც ჰგვრიდა. მიუხედავად ამისა, ხელთათმანების გახდას სრულებითაც არ აპირებდა. ერთხანს ლევანს მისჩერებოდა. ვაჟი მისკენ არც იხედებოდა და არც არაფერს ამბობდა, ჯიუტად სდუმდა. მარინემ ჯერ მარცხენა ხელთათმანი წაიძრო, მერე მარჯვენა და უკანა სავარძელზე გადაყარა.

— ძალიან კარგი! — თქვა ლევანმა. მარინესკენ არც ახლა გამოუხედავს. — აბა ეგ ჯაჭვიც მოიხსენი!

ახლა კი გაცეცხლდა მარინე:

— შენ ცოტა თავს გაგივიდა!

ლევანმა მანქანა მოულოდნელად დაუღებოდა, მარინე კიხილამ წინა მინას შეასკდა თავით. ლევანმა ქაღალდით მარცხენა ხელი ნიკაპში მოაგლო, თავისკენ შემოაბრუნა და თვალეებში ჩახედა. მარინემ თვალი ვერ გაუწერა. ვითომ გაბრაზდა, თავი გაინთავისუფლა და წინ ვაიხედა.

ლევანმა მედალიონი თვითონ შეხსნა და უკან მოისროლა.

— მე ბევრჯერ გითხარი, როცა ჩემთან მოდიხარ, სადად და სპორტულად ჩაიცვი-მეთქი. კარგად მოვეხსენება, მე მასკარადები არ მიყვარს! გასაგებია?

ლევანმა საკინძე ჩაიხსნა და მანქანა დაძრა.

4.

სუფრა აივანზე გააშლევინეს. მოაჯირთან ლევან ხიდაშელი და ნოდარ ერგაძე ისხდნენ. მარინე მინდაძე ლევანმა მეორე მხარეს, თავის პირდაპირ დასვა ვაჟა დვალისშვილის გვერდით. სუფრის ერთ თავში რეზო ქავთარაძე იჯდა, მეორე მხარეს — ბიძინა ართმელაძე.

— როცა თბილისში ვიყავი, მთაწმინდაზე ამოსვლა ფიქრადაც არ მომდიოდა! — თქვა ლევანმა.

— ჩვენი მეტიჩრობის ბრალია, თორემ კაცმა რომ თქვას, ზაფხულში ამაზე უკეთეს ადგილზე სად წახვალ? — თქვა ნოდარ ერგაძემ.

ნოდარი ლევანზე საკმაოდ მომცრო ტანის ბიჭი იყო, მაგრამ ძალზე ღონიერი და ჯანმრთელი კაცის შესახედაობა ჰქონდა. ჯიუტი თმა შუბლზე ჩამომოდიდა. თავლისფერი მოუსვენარი თვალეები ცოტა ნერვიული და ფიცხი კაცის გამოხედვას აძლევდა.

ნოდარ ერგაძე მარტენის საამქროს ცვლის უფროსად მუშაობდა რუსთავის მეტალურგიულ ქარხანაში. ვაჟა დვალისშვილი კი საჩაბოსხმო მალის უფროსი იყო. მას, ნოდარისაგან განსხვავებით, ძალზე უდარდელი და მშვიდი გამომეტყველება ჰქონდა. საქმის კეთების დროს ცოტა ნერვების მომშლელი სიზანტე ახასიათებდა, სინამდვილეში კი

საქმე საათივით ჰქონდა აწყობილი. ჯგუფშიც ერთ-ერთ მოწინავე სტუდენტად ითვლებოდა და ქარხანაშიც საუკეთესო სპეციალისტად იყო აღიარებული.

ბიძინა ართმელაძე ყველასაგან განსხვავდებოდა. დანარჩენი ბიჭების გამოხედვაში ძალა და ტემპერამენტი იგრძნობოდა. ბიძინას უფრო კანცელარიული ტიპის სახე ჰქონდა. ცივი, ღია თვალები კედელზე გაკრულ დათვის ტყავზე მიმაგრებულ შუშის თვალებს მიუგავდა. ამ თაკარა სიცხეში პიჯაკი ეცვა და ჰალსტუხს ეკეთა. თეთრი მანქეტები საგანგებოდ გამოეჩინა. ბიძინა ართმელაძე მეტალურგიის ინსტიტუტში მუშაობდა. მან პირდაპირ ასპირანტურაში ჩააბარა. ქარხანაში ერთი დღეც არ უმუშავნია. დისერტაცია უკვე მზად ჰქონდა და ხარისხის დასაცავად ემზადებოდა.

ლევანმა ბიჭებს გადახედა. სახეზე ყველა შეცვლილი ეჩვენა. უწინდელი უდარდელი გამომეტყველება სადღაც გამქრალიყო. მათ თვალებში უფრო მეტი ზრუნვა ჩანდა, მეტი სიღინჯე იგრძნობოდა. მარტო ბიძინა ართმელაძის სახე იყო უცვლელი, ძველებურად ცარიელი. არავითარი შინაგანი ძალა მის გამოხედვაში არ იგრძნობოდა, თუმცა გარეგნულად ყველაზე შეცვლილი გამოიყურებოდა. უწინ ჩუმ და გაუბედავ ახალგაზრდას ახლა მეტი რწმენა და თავისუფალი საქციელი ჰქონდა.

ლევანი ამ ბიჭებს შორის მხოლოდ ბიძინას არ აფასებდა. მისი არაფერი სწამდა. ბიძინა საშუალო ნიჭის კაცი იყო და უმაღლესში ხუთიანის მეტი არაფერი მიუღია. ეს მხოლოდ დიდი ენერგიისა და შრომის შედეგი იყო.

როცა ხიღამელმა ასპირანტურაში შესვლაზე უარი თქვა, ბიძინა ართმელაძეს მხოლოდ მაშინ გაუღვივდა გულში დიდი ხნის ჩამქრალი ნაპერწკალი. მანამდე იგი ასპირანტურაში შესვლაზე ვერც იოცნებებდა. იცოდა, ლევანს ვერ შეეცილებოდა და თავისი მიზანი მომდევნო წლებისათვის გადადო. როცა ლევანმა მაგნიტოგორსკში წასვლის სურვილი განაცხადა, ბიძინას იმედი ისევ ჩაესახა.

ვაჟა დვალისშვილი და რეზო ქავთარაძე ასპირანტურაში სწავლის გაგრძელებას არ აპირებდნენ. დანარჩენებს კი, მათ მალე შეეძლო შეტოქებოდა.

ლევანს იგი არ უყვარდა და თავის გრძნობებს არც უმაღავდა. ბიძინა კი სულ ცდილობდა, მისი მეგობრების სიაში მოხვედრილიყო.

ლევანს სიყვარულით არც დანარჩენები უყვარდა, თუმცა მათ მეგობრულად პატივს სცემდა და ანგარიშს უწევდა.

ყველაზე უფრო მაინც დვალისშვილი მოსწონდა. შინაგანად გრძნობდა, ვაჟა მასზე ნიჭიერი ბიჭი იყო, თუმცა ისიც კარგად იცოდა, დვალისშვილს თავისი ნიჭის გამოქვავება მაინცდამაინც არ ეხერხებოდა.

ლევანი თავის უპირატესობას ყოველთვის გრძნობდა. ადამიანებთან ურთიერთობის ნიჭიც ჰქონდა და საერთო განათლებითაც ვაჟა მასთან ვერ მოვიდოდა.

ხიღამელმა ისიც იცოდა, მეცნიერული აღლო ვაჟა დვალისშვილს უფრო ჰქონდა. როცა რამეს ხსნიდა, ან ლაპარაკობდა, ყოველთვის ვაჟას უყურებდა. თითქოს მარტო მას ელაპარაკებოდა.

ვაჟა დვალისშვილი არასოდეს ყოფილას ხუთიანის. ართმელაძეს რცხვენოდა კიდევ, როცა ვაჟა რომელიმე საგანში სამიანს მიიღებდა, თვითონ კი ხუთიანს. კარგად იცოდა, იმ საგანში იგი ვაჟას ვერ შეედრებოდა. დვალისშვილი ნიშნებზე არასდროს არ წუწუნებდა. ისე იქცეოდა, თითქოს არც ადარდებდა, რას დაუწერდნენ. სულ ერთია, სტიპენდიას ჩვენს ფაკულტეტზე მაინც იძლევიან, ნიშანს კი მეტი დანიშნულება არა აქვსო, — ამბობდა იგი.

ხიღამელს პირველად ეგონა, ვაჟა ორიგინალობს, თითქოს ამით უნდა ხალხს თავისი უპირატესობა აგრძნობინოსო, მაგრამ მალე დარწმუნდა, ვაჟა ნამდვილად უშუალო კაცი იყო: არავითარი თამაში და მაიმუნობა არ შეეძლო.

იგი დამაჯერებლად ვერასდროს ვერა ლაპარაკობდა. ბევრი ლექტორი კი სტუ-

დენტის კილოსა და რიხსაც დიდ ანგარიშს უწევდა.

— ჩემი აზრით, ნიშნების ორბალიანი სისტემაც საკმარისია, — ამბობდა ვაჟა, — დამაკმაყოფილებელი და არა დამაკმაყოფილებელი. დამაკმაყოფილებელი სტუდენტს მაშინ უნდა დაუწერო, როცა საგანი კარგად იცის, მასზე სრული წარმოდგენა აქვს. დანარჩენ მის უნარს და ნიჭს კი მომავალი მუშაობა გამოაჩენს.

ერთხელ ვაჟამ მეტალურგიულ პროცესებში სამიანი მიიღო, ბიძინამ — ხუთიანი. თუმცა წინა დღით მიღებში აირების მოძრაობის დინამიკაში დვალის შვილმა ამეცადინა.

ვაჟა ჩაბარების დროს ჩვეულებისამებრ იღებებოდა, ლექტორი თითქმის არც უსმენდა.

— დამთავრეთ? — ჰკითხა ბოლოს მან, როცა ვაჟა გაჩუმდა.

— დიახ! — უპასუხა ვაჟამ.

ლექტორმა ფურცლებს გადახედა. ყველაფერი ზუსტად იყო დაწერილი. მაინც სამიანი დაუწერა.

— ნიშანი რატომ ჩააწერინე, გადააბარებდი! — უთხრა დერეფანში ართმელაქმე.

— რა მნიშვნელობა აქვს! — გეცინა ვაჟას.

— რატომ უნდა ეგონოს, რომ საგანი არ იცი?

— არ მაინტერესებს, მაგას რა ეგონება.

— მაინც, ყველაფერს თავისი მნიშვნელობა აქვს, — არ გატყდა ბიძინა.

— ეჰ, მე და შენ სულ სხვადასხვა სიბრტყეებში ვართ, ჩემო ბიძინა. შენ სირცხვილად ის მიგაჩნია, კაცმა თუ საგანში ხუთიანი ვერ მიიღო. მე კი ის მიმაჩნია, ვილაღ უტერს დავუმტკიცო, რომ საგანი ხუთიანზე მაქვს მომზადებული. ეგ რომ ნორმალური ლექტორი იყოს, ადვილად მიხვდებოდა, საგანი ვინ როგორ იცის. ყველაფერი სწორად მეწერა, ყველაფერი ვუპასუხე, მეტი რა უნდოდა. მე მეტალურგი ვარ, თეატრალუ-

რი ინსტიტუტის სტუდენტი ხომ ვარ, ნიშანი დიქციაში ან მანერაში მიმატონ. მე ხომ ვიცი, ხუთიანი მნიშვნელობა არაფერი ფასი არა აქვს, ეს რომ დოცენტმა ბერიშვილმაც იცოდეს.

ლევანს სჯეროდა, ვაჟა პატიოსანი და ცოტა ფანატიკოსი ბიჭი იყო. ლევანს ბევრჯერ შეუმჩნევია, ვაჟას სახე როგორ გაებადრებოდა, რაიმე რთულ ამოცანას რომ ამოხსნიდა. იგი მეტალურგიაზე შეყვარებული კაცი იყო და კვლევით ინსტიტუტში მუშაობა ვერც კი წარმოედგინა.

ვაჟას შემდეგ ლევანი ყველაზე დიდ პატივს რეზო ქავთარაძეს სცემდა. რეზო მისი სკოლის მეგობარი იყო. ხიდაშელს არ უყვარდა, როცა ვინმე მის მიზნებს ან გრძნობებს ჩასწვდებოდა, იგი თავის ფიქრს არასდროს სხვას არ უზიარებდა. რეზოსთან კი რამდენჯერმე გაუშხელია თავისი მიზნები, მართალია, ბავშვობის დროს, მაგრამ მაინც გაუშხელია და ამიტომაც მასთან თავს ყოველთვის უხერხულად გრძნობდა. ქავთარაძეს მაინც დიდ ანგარიშს უწევდა, მისი ნიჭისა სჯეროდა, თანაც იცოდა, ჯგუფის ამხანაგებში ყველაზე ვაჟაკაძური ბუნებისა იყო. უსამართლობას ვერ იტანდა, ფიცხი ხასიათი ჰქონდა.

ნოდარ ერგაძე მეგობრებს ნიჭით ჩამოუვარდებოდა. თუმცა იგი მოწოდებით ნამდვილი ინჟინერი ვახლდათ. ქარხანა ერგაძეს თავის სტიქიად მიაჩნდა.

ლევანს კარგად ახსოვდა, როგორ გაიცნო ნოდარი. იგი სოფლიდან ჩამოსული ბიჭი იყო და სხვებზე მოკრძალებულად იქცეოდა. როცა ბიჭებს სპორტულ სექციებში სწერდნენ, ხიდაშელი ინსტიტუტის ფეხბურთელთა გუნდში ცენტრალურ თავდამსხმელად ჩაეწერა. მასთან ნოდარი მივიდა და ჩუმად უთხრა:

— მე შენი დუბლი ვიქნები.

ხიდაშელმა ნოდარს ზემოდან გადახედა. არ უყვარდა, როცა კაცი სხვის უპირატესობას ასე იოლად აღიარებდა. სულ მალე ნოდარზე აზრი შეიცვალა. იგი გაცილებით ძლიერი და მეტრძოლი აღმოჩნდა, ვიდრე მას ეგონა.

ლევანმა ბიჭებს ერთხელ კიდევ მო-
ავლო თვალი.

„კარგი უქნიათ, ბიძინაც რომ წამო-
უყვანიათ, — ვაიფიქრა მან, — რალ-
ცით ხომ უნდა გავიროთოთ თავი“.

ლევანმა ბიძინას დამცინავად შეხედა.
ბიძინა დაიბნა და გაუბედავად ჰკითხა:

— ლევან, ახლა რას აპირებ, ჩვენთან
მოხვალ მეტალურგიის ინსტიტუტში თუ
პოლიტექნიკურ ინსტიტუტში იმუშა-
ვებ?

ბიჭებმა ხიდაშელს შეხედეს; ყველას
აინტერესებდა, მათი მეგობარი მომ-
ვალში რა გზას დაადგებოდა. ეს კაცი
მათთვის რალაც ამოუხსნელი ამოცანა
იყო. ვერავის გაეგო, რა სურდა, რისკენ
ისწრაფვოდა.

მარინემაც ცქვიტა ყურები. ლევანი
მასთან სერიოზულად არასდროს ლაპ-
რაკობდა. იქნებ ახლა მაინც გაეგო,
რას აპირებსო, — ფიქრობდა იგი.

— ოქტომბერში ასპირანტის ადგილი
მოგვლის, ბარემ ჩვენთან ჩააბარე, —
არ ცხრებოდა ართმელაძე.

მას თავისი თავი მეგობრებთან შედა-
რებით ყველაზე უფრო გზამონახულად
მიაჩნდა და ოდნავ მედიდური კილოთი
ლაპარაკობდა.

ლევანს გაეღიმა. ყველაზე უფრო ბი-
ძინას ერთმა სიტყვამ გააოცა — ჩვენ-
თან ჩააბარეო. სხვა დროს ბიძინა რჩე-
ვის მიცემას ვერ გაუბედავდა. მან კარ-
გად იცოდა, ლევან ხიდაშელი ჰქუთას
არავის ეკითხებოდა.

„დისერტაციას დიდი ძალა ჰქონია“, —
გაიფიქრა ლევანმა.

იგი მიხვდა, მეგობრებს მისი პასუხი
ძალიან აინტერესებდათ. „ბორჯომი“
მოსვა, მერე, მარჯვენა ხელი ბიძინას ნი-
კაპში ამოსდო და დამცინავად უთხრა:

— თქვენთან (ლევანმა ამ სიტყვას გან-
საკუთრებით გაუსვა ხაზი), მეტალურგი-
ის ინსტიტუტში, მოსვლას არ ვაპირებ.
ცოტა უხერხული მეჩვენება, შენ კანდი-
დატი იყო და მე — ასპირანტი. გაიგე,
საყვარელო?

მოულოდნელად ბიძინას ხელი უშვა,

საქმიანი გამომეტყველება მიიღო და ბი-
ჭებს მიუბრუნდა.

— რუსთავეში ვიწყებ მუშაობას. მთა-
ვარ ინჟინერს უკვე მოველაპარაკე, მგო-
ნი, თქვენთან ცვლის უფროსი გადადის
ცენტრალურ ლაბორატორიაში. არა? —
მიუბრუნდა იგი რეზოს.

— კი, თხუთმეტიდან! — მიუგო სახ-
ტადღარჩენილმა რეზომ.

— საქმეზე სხვა დროს ვილაპარაკოთ,
ახლა ერთი ჰქია ღვინო დამალევინეთ, —
ლევანმა მარინეს ჰქია შემანაურით შე-
უესო.

ბიჭები ერთბაშად გამოცოცხლდნენ.
ნოდარმა ღვინო ჩამოასხა და პირველი
ჰქია აილო.

— არ გეგონოთ თამადობას ვაპირებ-
დე. თამადა, როგორც ყოველთვის, ლე-
ვანი იქნება. მე მხოლოდ ერთ სადღეგრ-
ძელოს ვიტყვი. ლევანის ჩამოსვლას
გაუმარჯოს. ვინ იცის, სად არ ვიყავით
დაფანტული, ბოლოს ყველამ თავი სა-
ქართველოში მოვიყარეთ. შენ ყველაზე
გვიან ჩამოხვედი, ალბათ ამიტომ, შენი
ჩამოსვლა ყველაზე უფრო გაგვეხარდა.
გაგიმარჯოს, კარგად იყავი! — ნოდარი
ალავერდს ვაქასთან გადავიდა; ჰქია-
სწრაფად დასცალა და მარინეს მიუბ-
რუნდა, — მარინე, მაპატიე, რომ პირ-
ველად შენი სადღეგრძელო არ შევცვით.

— როგორ გეკადრებათ! — გაიცინა
მარინემ.

რეზო ქავთარაძე:

ახლა რომ უმადლეს სასწავლებელში
შევდიოდე, ნამდვილად მეტალურგიის
ფაკულტეტს ავირჩევდი. მაშინ კი ეს
სპეციალობა რატომ ავირჩიე, არ ვიცი.
ბავშვობაში ბევრ რამეზე მიოცნებია,
ხან მფრინავობა მინდოდა, ხან რკინიგზა
მიტაცებდა. უნივერსიტეტი ერთხელაც
არ გამხსენებია.

რკინიგზა ბავშვობაში მიყვარდა. შე-
მეძლო მატარებლის დერეფანში მთელი
დღე ვმდგარიყავი. ვიდექი და ბორბლე-
ბის რიტმს ყურს ვუგდებდი. მინდოდა
უსასრულოდ შემოგზაუთრა. განსაკუთრე-

ბით მომწონდა. მატარებელი რომ რკინის ბლოკებიან ხიდებზე გადადიოდა. ფანჯარაში რკინის რთული ფერმების საოცარი, ფანტასტიური ნახაზები ელავდა; ყურში კი მძლავრი, რიტმული ხმა გუგუნებდა.

მგონი პირველად მაშინ შემეყვარდა ფოლადი და მისი კონსტრუქციები. უზარმაზარ მშენებლობებს, მაღალი ძაბვის ფოლადის ბოძებს გულგრილად ვერ ჩავეუვლიდი ხოლმე. მათ რთულ, დახლართულ კონტურებში თავისებურ ძალასა და სილამაზეს ვხედავდი. მე ძალიან მიყვირს, როცა რკინის კონსტრუქციებს ხალხი სიმასინჯეს ეძახის, — განა მატარებელსა და ლიანდაგს საოცარი განწყობილება არ შეაქვს კინოფილმებში?

განსაკუთრებით მომწონდა, როცა მატარებელი გვირაბში შევიდოდა. კედლებზე მიმაგრებული ნათურები ზღაპრულად ელავდნენ. ისინი თავბრუდამხვევი სისწრაფით მოჰქროდნენ და უჩინარდებოდნენ. სინათლე და სიბნელე ერთმანეთს რიტმულად ენაცვლებოდა. ყურში ბორბლების მოგუდული გუგუნის ჩამესმოდა. თითქოს რკინა-ბეტონის გვირაბში გამოკეტილი ხმა კედლებს აწყდებოდა და გასასვლელს ვერ პოულობდა. მატარებელი გვირაბიდან რომ გავიდოდა, განთავისუფლებული მოგუდული ხმაც შევებას პოულობდა და სივრცეში გაიფანტებოდა.

მატარებელი ამ დროს თითქოს წყალში ჩაყვინთულ კაცსა ჰგავდა, რომელიც წყლის ზედაპირზე ამოსვლის შემდეგ შევებით ამოისუნთქავს ხოლმე.

კაცმა რომ თქვას, რა იყო აქ მოსაწონი? ეს ცოტა ძნელი ასახსნელია. განა ადვილი ასახსნელია, რად უყვარს კაცს იარაღი?

მე განსაკუთრებით სამხედრო აღლუმები მიყვარდა; ახლაც არანაკლებ მიყვარს. კრეისერებისა და სახაზო გემების სურათები კედლებზე მქონდა გაკრული. მათი თუჯის ზარბაზნების მრისხანე ლულების ცქერას არაფერი მერჩია. ალბათ იმიტომ, რომ ამ დროს ძალას ვგრძნობ-

დი. ეს ძალა მიმორჩილებდა და მხრულავდა.

სკოლა რომ დავამთავრე და საქმიანობაზე წავიყვანე, მისივე მიზნით, — მედალოსნები. ცუდია, რომ სკოლაში მოსწავლეებს არ ესაუბრებიან სხვადასხვა სპეციალობების თავისებურებებზე. უმრავლესობა თითქმის ბრმად ირჩევდა მომავალ პროფესიას. ზოგი მშობლების კვალს გაჰყვა. ჩვენი კლასიდან ერთი ბიჭი სამშენებლო ფაკულტეტზე იმიტომ შევიდა, რომ მამამისი მშენებელი იყო. მეორე კი იმიტომ არ შევიდა, რომ... მამამისიც მშენებელი იყო. შეიძლება იმის მიხედვითაც გემსჯელა, ცხოვრებაში ვის როგორ გაუმართლა.

იმ დროს მოდაში ორი ფაკულტეტი იყო — ფიზიკო-ტექნიკური და მეტალურგიული. ფიზიკო-ტექნიკური ფაკულტეტი სწორედ იმ წელს გახსნეს, როცა სკოლა დავამთავრეთ. მაშინ გარკვევით თვითონ ლექტორებმაც არ იცოდნენ, ამ ფაკულტეტის სტუდენტები რა უნდა გამოსულიყვნენ. ხმებიც კი დადიოდა, ეს ფაკულტეტი საგანგებო მნიშვნელობისაა და იქ მისაღებად მხოლოდ განსაკუთრებული ნიჭის ახალგაზრდებს არჩევენო.

ამან ფაკულტეტი საკმაოდ რომანტიულ ბურჟსში გაახვია. საკმარისი იყო კაცს ეთქვა. ფიზიკო-ტექნიკურ ფაკულტეტზე შევდივარო, რომ მას უკვე სხვანაირი თვალთ უყურებდნენ და ნიჭიერი კაცის სახელს მიაკერებდნენ. ქალიშვილები ასეთ ბიჭებს განსაკუთრებულ ყურადღებას აქცევდნენ და მათ ნიჭზე ერთ მითქმა-მოთქმას ტეხდნენ.

ბევრი ჩემი თანაკლასელი ამჩატდა, სპეციალობაზე უბრალო წარმოდგენაც კი არ ჰქონდა და საბუთები მაინც ამ ფაკულტეტზე შეიტანა.

საღამოობით ქუჩებში ვსეირნობდით, ერთმანეთს ვხვდებოდით, ფიზიკო-ტექნიკური ფაკულტეტის ბიჭებს თავი ყველაზე ამაყად ეჭირათ. როდესაც ჰკითხავდნენ, რომელი ფაკულტეტი აირ-

ჩიეო, ისინი ასჯერ ნათქვამ და გაზეპირებულ სიტყვებს იმეორებდნენ:

— ეპ, ვადავდე თავი და შევედივარ ფიზიკო-ტექნიკურზე.

მე მგონი, არჩეულ ფაკულტეტზე უფრო ამ სიტყვებით გამოწვეული რეაქცია მოსწონდათ. რუსთაველის პროსპექტზე განგებ დასვირნობდნენ, იქნებ ვინმემ გვკითხოს, რომელ ფაკულტეტზე შედიხარო.

სადამოობით ვიკრიბებოდით და ჩვენს მომავალზე ვლაპარაკობდით. თავი უკვე დამოუკიდებელ ადამიანებად მიგვაჩნდა. ყველა თავის არჩეულ პროფესიას აქებდა, თავის ნაბიჯს ამართლებდა.

ჩუმაღ მხოლოდ მე და ხიდაშელი ვიყავით. მე ჯერ კიდევ ვერ გადაწყვიტა, რომელ ფაკულტეტზე გამეგრძელებინა სწავლა. ლევანს ვატყობდი, ყველაფერი გადაწყვეტილი ჰქონდა, თუმცა არაფერს ამბობდა.

ბევრი ფიქრის შემდეგ მეტალურგიის ფაკულტეტი ავირჩიე. ეს მოდის გულისთვის არ გამიკეთებია. რუსთაველი მხოლოდ ერთხელ ვიყავი ექსკურსიაზე; მას შემდეგ ჩემი მეხსიერებიდან არ გამქრალა ეს უზარმაზარი ქარხანა. მახსოვს, ხუთას ტონიან ხიდურ ამწეებს თვალი ვერ მოვწყვიტე.

ბრძმელში იმ დროს შევედი, როცა ქუროებს ცვლიდნენ. მაშინ არ მესმოდა, რას აკეთებდნენ. საქმენები დახსენეს; მაღალმა წნევამ ცეცხლი გარეთ გამოავლო. საქმენებიდან ცეცხლი ისეთი გრილით გამოიჭრა, გეგონებოდათ, ზარბაზნები ავტომატურად ისვრიანო. წნევა ჯერ კიდევ არ იყო გათანაბრებული, როცა ქუროების გამოცვლა დაიწყეს. ცეცხლის ალი მუშებს სახეში სცემდა. ყველაზე წინ ოსტატი იდგა. მხარზე უზარმაზარი ქუროს თავი ედო და ისე მუშაობდა. გვერდზე დამხმარე მუშები იდგნენ. ისინი რეზინის შილებით ოსტატს სახეზე წყალს ასხამდნენ. გამაოცა მათმა ვაჟაკობამ. პირველად მაშინ მივხვდი, მეტალურგი მართო ცოდნით შორს ვერ წავიდოდა, თუ იგი ნამდვილი ვაჟაკი არ იქნებოდა.

ის ექსკურსია ბევრჯერ გავიხსენებ. ერთ დღეს რუსთაველი ისევ ჩვენი და ქარხანა დავათვალიერე.

„გადაწყდა, — დავასკვნენ მე, — მეტალურგი უნდა გავხდე, მხოლოდ მეფოლადა“. — მარტენის საამქრო ყველაზე უფრო მომეწონა.

როცა ჩემი გადაწყვეტილება შინ განვაცხადე, დედაჩემმა ერთი ისეთი იკივლა, მეზობლები შეყარა. მეტალურგიულ ქარხანაში, ბიჭო, უწინ ტყვეებსა და პატიმრებს ამუშავებდნენო.

— გაჩერდი, თუ ქალი ხარ, ნუ სულელობ! — გაბრაზდა მამაჩემი.

ამ თემაზე მეორე დღემდე აღარ გველაპარაკია. დილით, ახალი გამოღვიძებული ვიყავი, როცა მამაჩემი საწოლზე ჩამოჯდა და მკითხა:

— შენი გადაწყვეტილება საბოლოოა?

— საბოლოო.

— კარგად იფიქრე და ყველაფერი აწონ-დაწონე?

— ყველაფერი!

— რას მიბრაზდები?

— როდის გიბრაზდები!

— რა ვიცი, ისე ცივად და მოკლედ მელაპარაკები...

მამაჩემი გაჩუმდა, ერთხანს ხმა არ ამოუღია. მერე წამოდგა და წავიდა. თვალი გაუაყოლე. უეცრად იგი მოტრიალდა და მითხრა:

— კარგი, იყოს ნება შენი. მხოლოდ რაკი მეტალურგობა საბოლოოდ გადაგიწყვეტია, სხვა სპეციალობაზე აღარ იფიქრო. აღარც სხვის ლაპარაკს დაუგდო ყური. შენი ხელობა ახლავე, დღევანდელი დღიდანვე უნდა შეიყვარო. მეტალურგია მძიმე ღარგია და მეტად რთული მეცნიერებაა. ცანცარა კაცი მეტალურგი ვერ გახდება.

მამაჩემი წავიდა.

— ბოლოსდაბოლოს, გადაწყვეტა, სად შედიხარ? — მკითხა, საღამოს ერთმა ამხანაგმა.

— მეტალურგიის ფაკულტეტზე, — დაუდევრად ვთქვი მე.

ბიჭებმა მოწონების ნიშნად თავი დააქნიეს.

— მეტალურგიულზე? — ფიცხლად მომიბრუნდა ხიდაშელი.

— ჰო, — ისევ უღარდელად ვთქვა და ლევანს გამომცდელად შევხედე.

— აბა, ისევ ერთად გვისწავლია, მეც მეტალურგიის ფაკულტეტზე შევდივარ, — თქვა მან და ჯიბიდან სიგარეტი ამოიღო.

— შენც მეტალურგიულზე შედიხარ? აქამდე რატომ არ ამბობდი? — შემოეხვივნენ ბიჭები.

ვატყობდი, ლევანი მართლაც ნანობდა, აქამდე, რომ არაფერი უთქვამს. ხომ ვიცოდი, მას ყველაფერი დიდი ხნის გადაწყვეტილი ჰქონდა. ლევანს არ სიამოვნებდა, როცა სხვის გზას გაჰყვებოდა, სხვის რჩევას დაუჯერებდა.

კიდევ კარგა ხანს ვისეირნეთ. ხიდაშელს მეტი აღარაფერი უთქვამს, მთელი საღამო სდუმდა. ის იყო, დაშლას ვაპირებდით, ლევანმა ჩემად მიიხრა, ნუ წახვალ, შენთან საქმე მაქვსო. მარტონი დავრჩით. ლევანმა „ინტურისტში“ შემოიპატიჟა. მე ფული არა მქონდა, თავი ცოტა უხერხულად ვიგრძენი. მაინც შევყვეო.

„ინტურისტის“ გაჩირადდნებულ დარბაზში ცოტა დავიბენი. რესტორანში პირველად ვიყავი. ლევანს ყველაფერში ეტყობოდა, რესტორანი მისთვის ახალი ხილი არ იყო. განაპირა მაგიდა აირჩია ქუჩის მხარეს. ოფიციანტს ხელით ანიშნა, ჩემთან მოდიო.

ლევანმა სიგარეტი მომაწოდა, თუმცა კარგად იცოდა, არ ვეწეოდი. კოლოფიდან სიგარეტი ამოვიღე. იმავე წუთში ვინანე, ვიგრძენი, თავს ვერ ვიმორჩილებდი. სიგარეტს ვილაცის ან რაღაცის გულისთვის ვეწეოდი. იმ წუთში მე თითქოს სხვა ადამიანს ვთამაშობდი, სხვა ბიჭი ვიყავი. პაპიროსი ჩავაქრე და საფერფლეში ჩავაგდე.

— რას მიბრძანებთ? — ცალყბად გვითხა ოფიციანტმა, ეტყობოდა, თვალში არ მოვუყვდით; ორთავეს ძალზე ბავშვური გამოხედვა გვქონდა.

— რა გაქვთ ხეირიანი? — გამოცდილი კაცივით ჰკითხა ლევანმა.

— რაც გავგებარდებათ! — ისევ ახლებულად თქვა ოფიციანტმა.

ლევანმა იმდენი რამე შეუქვეყნა ოფიციანტი ერთბაშად დატკბა და მეტისმეტად თავაზიანი გახდა:

— სამზარეულოდან რას ინებებთ?

— სუკი გაქვთ?

— თქვენთვის გავაჩენ.

— აბა შენ იცი, ოღონდ არ გამოაშრონ, ბროწეული ბლომად მოაყოლონ.

— ლენოს რომელს მიბრძანებთ? — სულ ჩაშაქრდა ოფიციანტი.

— შენი სახელი?

— გაბრიელი, ბატონო.

— ჩემო გაბრიელ, მოდი, ჯერ ორი ბოთლი „გურჯაანი“ მოგვიტანე. იცოდე, ცივი იყოს.

— ბატონი ბრძანდებით.

— ძალიან გამეხარდა, მეტალურგიის ფაკულტეტი რომ აგირჩევია, — მომიბრუნდა ლევანი და თითები მაგიდაზე აათამაშა, — ერთად ვისწავლით, მერც ერთად ვიმუშავეთ, ამას რა სჯობია... — უცებ იგი მუხობელ მაგიდაზე ვილაცის მიესალმა და ფეხზე წამოდგა, — ერთი წუთით დაგტოვებ. არ მოიწყინო!

ლევანი წავიდა. თვალი გავაყოლე. ჩვენს უკან ვილაც ხანშიშესულ კაცებს ორი მაგიდა გაეერთიანებინათ. სუფრას რვა კაცი უსხდა, მე ჩვეულებად მქონდა ყველაფერი დამეთვალა. ამას რატომ ვაკეთებდი, თვითონაც არ ვიცოდი. არც კი დაფიქრებულვარ, ის ხალხი რატომ დავთვალე. ახალა გამახსენდა; რესტორანში რამდენი მაგიდა იდგა, — უკვე დათვლილი მქონდა. ორკესტრშიც შვიდი კაცი უკრავდა. დარბაზში სამი ჭადი ეკიდა, თითოეულზე ოცდაათი ნათურა ენთო...

საერთოდ, ყველაფრის გამოთვლა მიყვარდა. მატარებელი დაიძვრებოდა თუ არა, უკვე მისი სიჩქარის გამოანგარიშებას ვიწყებდი. ჯერ საათს დავნიშნავდი და გავიგებდი. რამდენ წამში გადიოდა მანძილს ელექტრონის ერთი ბოძიდან მეორემდე. მერე დაახლოებით ავიღებდი მანძილს ამ ორ ბოძს შორის და გამოვთვლიდი მატარებლის სიჩქა-

რეს. ასეთი ანგარიში მიყვარდა კიდევ, მაგრამ კინოში ნათურებს, რიგებსა და სკამებს რატომ ვითვლიდი, არც კი ვიცოდი.

გამეცინა და თვალი ისევ მაგიდისკენ გავაპარე: ერთი სქელი კაცი განსაკუთრებით გამოირჩეოდა. თეთრი კიტელი ეცვა. ჩასუქებულ კისერზე ცხვარსახოცი ჰქონდა შემოდებული. მან ლევანს მხარზე ხელი გადახვია, თან ამხანაგებს რაღაცას უხსნიდა. ალბათ ლევანის ვინაობას აცნობდა. დანარჩენები ილიმებოდნენ და ლევანს მისჩერებოდნენ. ბოლოს ჩასუქებულმა კაცმა ჭიქა მიაწოდა. ლევანმა საკმაოდ მოზრდილი სადღეგრძელო თქვა. ფეხი ფეხთან ჰქონდა მიდგმული, გაჭიმული ლაპარაკობდა. ხმაურში არაფერი მესმოდა, თუმცა ისინი საკმაოდ ახლოს ისხდნენ. დროდადრო იცინოდნენ და მოწონების ნიშნად ლევანს თავს უქნევდნენ. ჩასქელებული კაცი ლევანს წელზე ხელს უტყაპუნებდა, თან მეინახებებს ანიშნებდა, ხომ ვითხარით, რა ბიჭიაო.

ლევანმა ჭიქა ბოლომდე დაცალა. ვიღაცამ მწვადის ნაჭერი მიაწოდა. ლევანმა მადლობა გადაუხადა და წამოსვლა დააპირა. მსუქანმა კაცმა სკამი ისევ შესთავაზა, დაბრძანდიო. ლევანმა ჩემზე რაღაც ანიშნა, ალბათ უთხრა, ამხანაგი მგლოდებაო. მსუქანმა კაცმა გამოიხედა. მე თვალი ავარიდე. ვიცოდი, ლევანს ეტყოდნენ, ამხანაგიც მოიყვანეო. ტანში გამცრა. იმ ხალხთან მისვლა არაფრად მეჭაუბნიებოდა: შემეშინდა, ვაითუ დამიძახონ-მეთქი. კინალამ გამეცინა: რაკი ხიდაშელმა აქ შემომიყვანა, ესე იგი, ჩემთან ლაპარაკი სურდა... ის კი სანამ თავისას არ გააკეთებდა, არავის ნებავსურვილს არ აპყვებოდა.

ოფიცინატმა საუზმე მოიტანა. მე ანგარიში დავიწყე, ეს პურმარილი რამდენი დაჯდებოდა. მაშინ ჩემს ბიუჯეტს მხოლოდ ტრანსპორტისა და კინოს ბილეთების ფული შეადგენდა. ამ სუფრის ღირებულება ასტრონომიულ ციფრად მომეჩვენა. ერთ ვახშამში ამდენი ფულის დახარჯვა წარმოუდგენელი მეგონა.

— ბოდიში, დიდხანს მიგატოვებ, ცოტა გამიგრძელდა ლაპარაკი, — მითხრა ლევანმა და მაგიდას მიუჯდა.

— ვინ არიან? — ვკითხე მე.

— ნაცნობები არიან. აბა, თევზი გადაიღე.

ლევანმა ღვინო დაასხა.

— გაგვიმარჯოს! — თქვა და ერთბაშად დალია.

— გაგვიმარჯოს! — ვთქვი მე და ლევანს მივბაძე.

მეოთხე ჭიქაზე ალკოჰოლს შეუჩვენევილი ორგანიზმი ღვინომ ადვილად დაიმორჩილა; კარგ ხასიათზე დავდექი. მიხაროდა რესტორანში ჯდომა. სითამამეც მომემატა. ცოტა გავიჭიმე კიდევ და დარბაზი მოვათვალიერე. რატომღაც მინდოდა, ვინმე ნაცნობი დამენახა, მასაც შევემჩინე. უკვე ვგრძნობდი, პატარა ბიჭი აღარ ვიყავი, ახლა მე რესტორანში სიარულიც თავისუფლად შემიძლო.

— რომელ სპეციალობაზე შეგაქვს საბუთები? — მკითხა მოულოდნელად ლევანმა.

— ფოლადის მეტალურგიაზე, მარტენის საამქრო ყველაზე უფრო მომწონს, — გულწრფელად ვუთხარი მე.

— სწორად გადაგიწყვეტია, — დამეთანხმა ლევანი, — მეც ფოლადი ვამჯობინე. ნამდვილი მეტალურგია ბრძმედი და მარტენია, გლინვა მე მეტალურგიად არ მიმაჩნია. გლინვის სპეციალობაზე შესვლას სჯობია მექანიკის ფაკულტეტზე შეხვიდე.

— არ მეგონა თუ საინჟინრო დარგზე შეხვიდოდი, ისიც მეტალურგიის ფაკულტეტზე, — ვუთხარი მე.

— ვითომ რატომო? — გაიცინა ლევანმა და ჭიქებში ღვინო დაასხა.

— შენ უფრო მეცნიერული და თეორიული მუშაობა გიტაცებდა.

— მერე ვინ ვითხრა, რომ ახლაც ბრძმედი გიტაცებს?

— მაშინ სხვა დარგზე შესულიყავი, თუნდაც ფიზიკურზე.

ლევანმა ისევ გაიცინა, თითქოს მითხ-

რა, რა გულუბრყვილო კაცი ყოფილხარო. მერე სიგარეტი ამოიღო. დიდხანს თითებით სრისა, არ ჩქარობდა, რაღაცას ფიქრობდა, ბოლოს ასანთი გაპკრა, სიგარეტს მოუყიდა. ანთებული ასანთი ერთხანს ხელში ეჭირა, როცა ასანთი ბოლომდე დაიწვა, მხოლოდ მაშინ გამოერკვა. სული შეუბერა, ჩააქრო და ნამწვავი საფერფლებზე დააგლო.

ფიცხლად მომიბრუნდა:

— სხვა დარგზე! — ვაიმეორა ჩემი სიტყვები. — იცი კი რა მდგომარეობაა სხვა დარგებზე? მეცნიერები თავგესაყრელად არიან, დოცენტები ნახევარ შტატზე მუშაობენ. მთელი შენი ახალ-გაზრდობა უფროსების ლაქუსს უნდა შეაღიო. ისე ვერაფერს მიაღწევ. შენ კი კარგად იცი ჩემი ხასიათი: სხვების თვალეში ყურება არ შემოძლია, სხვების მოწყალებას ვერ დაველოდები. ყველაზე ცუდ დღეში მაშინა ხარ, როცა გრძნობ, რომ შენს უფროსზე ათი თავით მაღლა დგახარ. იცი ხანდახან კაცი რატომაა შენი უფროსი? იმიტომ, რომ შენზე ადრე დაიბადა. აი, იმ სქელ კაცს ხედავ, რომელთანაც წიდან მე მივედი? ყველანი ისინი საკმაოდ ცნობილი ადამიანები არიან. კარგი თანამედებობებიც უკავიათ. აბა მიდი და მაგათ ლაპარაკს დაუგდე ყური, მაგათ მისწრაფებებს გაეცანი. იდეალები, მუსიკა, ლიტერატურა, ფერწერა, მთელი ლამაზი სამყარო მაგათ მიღმა რჩება. რაღაც ამაღლებული რომ თქვა, შეიძლება დაგცინონ კიდევ. გონებით, ნიჭით, ინტელექტით ისინი შენზე დაბლა დგანან, მაგრამ შენზე ადრე დაიბადნენ; რაღაც სავალდებულო საქმის გაკეთება მოასწრეს და ახლა შენი უფროსები არიან. მეტი რაღა დარჩენია, მაგათ დუღუკზე უნდა იცეკვო. გაივლის წლები, როლები შეიცვლება. მერე შენი წარსულის უნდა შეგერცხვეს. მე ინსტიტუტში დარჩენას ვაპირებ. იქაც ბევრი იქნება ასეთი ხალხი. სანამ არ დაბერდები, ვერაფერს მიაღწევ. აბა, ბიჭი ხარ და თავი გამოიჩინე! როგორც შამპანურის საცობს, ისე გისვრიან ინსტიტუტიდან.

— ყველა ხომ ასეთი არ არის. ხომ არიან ნამდვილი, დიდი მეცნიერებიც.

— არიან, როგორ არ არიან, მაგრამ, სამწუხაროდ, ურთიერთობა მათთან როდი მოგიხდება.

— მაშინ მამამენის დარგი რატომ არ აირჩიე?

— მაგას შენ სერიოზულად მეუბნები? — მკითხა გოცებულმა ლევანმა. — მე ხალხს იმას ვათქმევინებ, ხიდაშელს გზა თავის პროფესორმა მამამ გაუკვალაო? გეტყობა, ცუდად მიცნობ.

ლევანმა ღვინო ისე დალია, სადღეგრძელო არ უთქვამს. მივხვდი, უტაქტოდ მოვიქეცი, ამხანაგს ვაწყენინე. ჭიქას ხელი მოვკიდე და დავღლიე. მერე ორივე ჭიქა შევაგსე. ჩუმად ვიყავი, არ ვიცოდი, რა მეთქვა.

— მე რომ საკუთარი თავისა არ მჯეროდეს, არ გავიქაჩებოდი, — დაარღვია დუმილი ლევანმა, — მეტალურგიის ფაქულტეტი ჩემი მიზნებისთვის ზედგამოჭრილია. ახალი დარგია, საქართველოში ორი ხეირიანი მეცნიერიც კი არ მეგულება. თუ კაცს თავი გაბია, მალე გამოაჩენ, რა ბიჭიც ბრძანდები.

— თვითონ მეტალურგის სპეციალობა გიყვარს? — ვკითხე მე.

ვაიცინა. ერთხანს ჩუმად იყო. მერე ცალი თვალი მოჭუტა და მითხრა.

— სიყვარული გამარჯვებას მოჰყვება ხოლმე. შენ გგონია, მე მუსიკა არ მიყვარდა? არცთუ ცუდად ვუძრავდი. მუსიკოსობას არ ვაპირებდი, სასაცილოც იქნებოდა მუსიკოსობაზე მეფიქრა. თვითონ მუსიკა უსაზღვრო სიამოვნებას მგვრიდა. შენ თუ იცი, მუსიკა განსაკუთრებით როდის გატკობს? როცა შენ თვითონ უძრავ. მე უკვე მეცხრე კლასში ვიყავი. ერთ წელიწადში მუსიკალურ ათწლედს დავამთავრებდი, როცა კაცი მუსიკას მხოლოდ საკუთარი სიამოვნებისათვის სწავლობს, ათწლედი სავსებით საქმარისია, მე კი თავი დავანებე. იმიტომ, რომ სიყვარულისა და სიამოვნებისთვის აღარ მეცალა. მეორე უცხოენის სწავლა დავიწყე. როცა კაცს დიდი

რამე გაქვს ჩაფიქრებული, სიყვარული გვერდზე უნდა გადასდო!

ლევანი ჯიქურ მომჩერებოდა. მე ვხედავდი მის ალგზნებულ თვალებს, ბოლოს იგი დაჯდრა, გაიცინა და ჭიქას ხელი წამოავლო.

— შევეშვათ ამ საუბარს, ეს ჩვენს პროფესიას ვაუმარჯოს!

ჭიქა მომიჭახუნა. არაფერი მითქვამს, საღღერძელო ისე დავლიე.

მისმა საუბარმა გამაოცა, თავბრუ დამახვია, დამაბნია კიდევ. მე, ალბათ, ნამდვილი საინჟინრო კაცი ვიყავი. ამდენ ამბებზე არ ვფიქრობდი. შეიძლება ლევანი მართლს ამბობდა? არ ვიცი, მაშინ ამდენი ანალიზის თავი არ მქონდა. მხოლოდ ერთი რამე ვიცოდი — იგი პატიოსანი კაცი იყო. თუმცა ხანდახან ისეთ რამეს ვაკეთებდა, მის პატიოსნებაში ეჭვი მეპარებოდა. მასსოვს, ალგებრის გაკეთილზე რადენჯერ უთქვამს მასწავლებლისთვის, — გუშინ ერთ ამოცანას ვეწვალე და ვერაფრით ვერ ამოვხსენიო.

კლასის ამხანაგები, განსაკუთრებით უსაქმურები და ჩამორჩენილები, ლევანს პირდაღებულები უყურებდნენ. ისინი საშინაო დავალებასაც არ ასრულებდნენ, თორემ ზედმეტი ამოცანის ამოხსნა მათ ფანტაზიას აღემატებოდა.

— აბა, გამობრძანდი! — ეტყოდა მასწავლებელი ლევანს.

ხიდაშელი დაფასთან გადიოდა და ამოცანას ისე თავისუფლად ამოხსნიდა ხოლმე, ეჭვიც არ მეპარებოდა, შინ რომ უკვე ამოხსნილი ჰქონდა.

მე ახლაც ვერ მივხვდარავარ, ლევანს ასეთი ამბები რისთვის სჭირდებოდა. იგი სკოლაში ყოველთვის პირველ მოწაფედ იყო აღიარებული. ახლა კი მამის კვალს იმიტომ არ მიჰყვებოდა, ხალხს არ ეთქვა, გზა მამამ გაუკავაო. თანდათან ვერწმუნდებოდი, ამ კაცისა არაფერი მესმოდა.

ლევანმა ორი ბოთლი ღვინო კიდევ შეუკვთა. ერთი გვეყოფოდა-მეთქი — ვუთხარი მე.

— რა გენაღვლება, დავლიოთ მითხრა ლევანმა.

როგორც გინდა-მეთქი, ხელი.

უკვე მავარი მთვრალი ვიყავი. ლევანი კვლავ წარბშეუხრელად იჯდა და დროდადრო სიგარეტს ეწეოდა. აღარ ლაპარაკობდა. ვინ იცის, იქნებ იმასაც ნანობდა, რაც ილაპარაკა. ლევანთან ერთად ექვსი წელი ვსწავლობდი. ამ ექვსი წლის განმავლობაში პირველად ილაპარაკა ჩემთან ასე გულახდილად.

ესტრადაზე ორკესტრი რაღაც სისულელეებს უკრავდა. ასე, ორმოცდაათ წელს მიღწეული, ჩასუქებული მომღერალი ქალი საშინლად იჭაჭებოდა; კისრის ძარღვები განსაკუთრებით მამინებებოდა, როცა მაღალ ნოტას აიღებდა ხოლმე. მოტიტვლებულ გულზე მძივები ეკიდა. იმდენი პუდრი ეყარა, სუნს მაგიდასთან ვგრძნობდი. სიმღერის დროს სულ ჩვენ მოგვჩერებოდა.

რატომღაც მომინდა მასთან მივსულიყავი და კისერზე სული შემეებერა. მაინტერესებდა, პუდრი როგორ გაბღვივრებოდა.

ესტრადის წინ სუფრას სამი კაცი უხსნდა. ეტყობოდა, სოფლიდან ჩამოსულები იყვნენ.

მომღერალს პირდაღებული მისჩერებოდნენ. დროდადრო ერთმანეთს თვალით ანიშნებდნენ, ნახე რა ქალიაო. მათ ალბათ მომღერლის მოშიშვლებული მკერდი უფრო მოსწონდათ, ვიდრე მისი სიმღერა და შეკვეთას შეკვეთაზე აძლევდნენ.

— მოეშვი, თუ ძმა ხარ, აქეთ მოიხედდე! — მითხრა ლევანმა და ჭიქა მომიჭახუნა.

ის ორი ბოთლი ღვინოც გამოვცალეთ. საშინლად დავთვერი. ფეხზე რომ წამოვდექი, ყველაფერი დატრიალდა. მხოლოდ ერთი ფრაზა დამამახსოვრდა. ოფიციალტმა ლევანს უთხრა, უკვე გადახდილიაო. ალბათ იმ ჩასუქებულმა კაცმა გადაიხადა.

შინ როგორ მივედი, არ მახსოვს. მეორე დღეს ცუდ ხასიათზე გამეღვიძა. ხი-

დაშელის ნალაპარაკები გამახსენდა. ვგრძნობდი, სხვისი სიხარულით არ ცხოვრობდა. ვგრძნობდა და მწყინდა, მენახებოდა ასეთი ნიჭიერი და ენერგიული კაცი.

მას შემდეგ ლევანს ყოველთვის ვაკვირდებოდი. ინსტიტუტში გატარებული წლების განმავლობაში ცუდი არაფერი შემომჩნევია. პირიქით, ჯგუფში ყველას უყვარდა და ყველა პატივსაცემდა. როცა მე მისი კაი ბიჭობის ამბავს გავიგებდი, მიხაროდა. ქიასავით შემოჩენილი ეჭვის ვაჟანტვას ვცდილობდი. ლევანი რუსეთში წავიდა. ასპირანტურაზე უარი თქვა. ეჭვი მაინც შემომჩნა გულის სიღრმეში, თუმცა იგი არავისთვის გამომხელია. იქნებ მაშინდელი საუბარი იმ პატარა ბიჭის ფილოსოფია იყო, რომელიც ცხოვრებასთან შებმას იწყებდა? მას მერე წლები გავიდა. ლევანი გამოიცივალა, დადინჯდა. იქნებ გეგმები შეიცივალა. ან იქნებ რუსეთში იმიტომაც წავიდა, რომ ცოდნა პრაქტიკულად გაეღრმავებინა? ჩემი აზრი ამხანაგებს, ჯერ კიდევ მაშინ ვუთხარი, როცა ხიდაშელის მოულოდნელ გადაწყვეტილებაზე კამათობდნენ. მაინც არა მჯეროდა, რომ თავის გეგმებს ასე იოლად დაივიწყებდა.

ახლა კი ეჭვი სამუდამოდ გამეფანტა. იგი ისევ ქარხანაში იწყებს მუშაობას. იქნებ... ჩემს თავზე გული მომივიდა. ეჭვიანი კაცი დასანახად მეზარება, მე კი ისევ რაღაცას ვეჭვიანობ, რაღაცას ვეძებ. კაცი ქარხანაში მოდის — მორჩა და გათავდა.

თითქოს თავისუფლად ამოვისუნთქე და ლევანს შეეხედე. იგი რაღაცას ჰყვებოდა და ხმამაღლა იცინოდა.

არ მეგონა თუ ლევანი ასე მიყვარდა.

ნოდარ ერგაძე:

კურსზე სამოცდათხუთმეტი კაციდან სამოცდაათი მედალოსანი ვიყავით, ორი ფრონტიდან დაბრუნებული გვერია. ისინიც უგამოცდოდ ჩარიცხეს. მხოლოდ სამი კაცი იყო კონკურსგამოვლილი.

ერთმანეთს სახეზეც არ ვიცნობდით: მახსოვს, პირველ სექტემბერს როგორ ველავდი. ახალ ცხოვრებას ვიწყებდი, სულ სხვა ცხოვრებას. გარკვეული წარმოდგენა არც კი მქონდა, როგორი იქნებოდა ეს ახალი ცხოვრება. თუმცა შინაგანად ვგრძნობდი, ჩვენი ცხოვრების უფრო კარგი პერიოდი იწყებოდა, ასე თუ ისე, უკვე დამოუკიდებელი ადამიანები ვიყავით. მოზობლებიც უფრო სხვანაირად მექცეოდნენ, რაღაც უპირატესობას მაძლევდნენ. მამაჩემმა საათი მიყიდა. ომი სულ ხუთი წლის დამთავრებული იყო. მაშინ საათი ბევრ რამეს ნიშნავდა. შალის საკოსტუმეც მიყიდეს. საშვიდნემბროდ თბილისში შეაკერინე, ფულს იქ გამოგივზავნითო, — მითხრა დედაჩემმა.

ინსტიტუტში მთელი ორი საათით ადრე მივედი. გული აჩქარებით მიცემდა. ნაცნობი ვერავინ დავინახე.

ცხრილი ერთი კვირით ადრე გადავიწერე. პირველ დღეს მხოლოდ ორი ლექცია გვექონდა — უმაღლეს მათემატიკასა და ხაზვასში. გული დამწყდა, არ მინდოდა, პირველი დღე ასე მალე დამთავრებულიყო.

დერეფანში უამრავი ხალხი ირეოდა. მაინტერესებდა, ჩემთან ერთად ჯგუფში ვინ იქნებოდა, მაგრამ სანამ ლექცია არ დაიწყებოდა, ამდენ ხალხში აბა ვის გავარჩევდი. წინასწარ მხოლოდ ის ვიცოდი, რომ კურსზე არცერთი გოგო არ გვერია. აბა, ამ დარგზე რომელი ჰკუთმყოფელი გოგო შემოვიდოდა.

ზარის დარეკვას მოუთმენლად ველოდი.

ჩვენი აუდიტორიის მახლობლად ბიჭები შეჯგუფულიყვნენ.

ალბათ ესენი არიან მეტალურგები-მეთქი, — ვფიქრობდი.

მათ შორის ერთი ჭაღარა კაცი იდგა. ალბათ ესაა ფრონტიდან დაბრუნებული, ნეტა ამხელა კაცს რა სწავლა აუტყვდა-მეთქი? — მიკვირდა და ჭაღარას თვალს ვერ ვაცილებდი. იგი ასაკით და შესახედობით ჩვენს შორის ისე გამოირჩეოდა, თავი უხერხულად ვიგრძენი.

როგორც იქნა, ზარი დაირეკა. უზარ-
მაზარი აუდიტორია მთლიანად გაივსო.
კურსზე სამი სპეციალობის ხალხი ვიყა-
ვით: მეფოლადეები, ჩამომსხმელები და
მგლინავეები. საერთო საგნებში გაერთიან-
ებულნი ლექციები გვიტარდებოდა.

ყველანი ერთმანეთს ვათვალიერებ-
დით.

აუდიტორიაში ჭადარა, კოჭლი კაცი
შემოვიდა. იგი წყნარად მოგვესალმა და
კათედრასთან მივიდა. ეს იყო დოცენტი
კვერნაძე.

სამარისებური სიჩუმე ჩამოვარდა.
კვერნაძემ ჯიბიდან სათვალე ამოიღო,
გაიკეთა და ყურნალი გადაშალა. პირველ-
ად მგლინავეების ყურნალი შეხვდა. სი-
ას დინჯად კითხულობდა. გვარებს მარ-
ცვლავდა. ფეხზე წამომდგარ სტუ-
დენტს ყურადღებით მისჩერებოდა. აღ-
ბათ ცდილობდა, მისი სახე დაემახსოვ-
რებინა. არც ჩვენ ვაკლებდით ხელს.
როგორც კი სტუდენტი დაიძახებდა
„ვარ“ და ფეხზე წამოდგებოდა, ყველანი
მისკენ მივბრუნდებოდით და თვალით
ავზომ-დავზომავდით.

მეორე ჩვენი ყურნალი იყო. კვერნაძე
სიას კვლავ ნელა კითხულობდა. ბიჭებს
ახლა უფრო ყურადღებით ვაკვირდებ-
ოდით, ვცდილობდით, გვართან ერთად
მათი სახეებიც დამემახსოვრებინა.

— ხიდაშელი ლევანი! — ამოიკითხა
ლექტორმა.

სიჩუმე არავის დაურღვევია. ყველამ
აქეთ-იქით მიმოვიხედეთ. ფეხზე არავინ
წამომდგარა.

— ხიდაშელი ლევანი! — გაიმეორა
კვერნაძემ, სათვალე მოიხსნა და აუდი-
ტორიას გადახედა.

— არ არის, პატივცემულო ლექტო-
რო! — დაიძახა ჩემს უკან ერთმა ბიჭმა.

როგორც მერე გავიგეთ, ეს ბიჭი, რე-
ზო ქავთარაძე, ხიდაშელის სკოლის მე-
გობარი ყოფილა.

ჯერ რეზოს შევხედეთ, მერე კვერნა-
ძეს. გვეგონა, რაღაც საშინელი მოხდებ-
ოდა. ვაგიგონიათ? კვერნაძემ სათვალე
ისევ დინჯად გაიკეთა, ყურნალში რაღაც
ჩანჩინა და სიის ამოკითხვა განაგრძო.

„უბედური, — ვფიქრობდი მე, — რა-
ღა პირველ დღეს გახდა ავად!“

სხვანაირად ვერც ვიფიქრებდი. რე-
ზოვად, პირველი ლექციის გაცდენა რო-
გორ შეიძლებოდა.

— ავად არის? — ჰკითხა ვიღაცამ
რეზოს.

მე ყურები ვცქვიტე და რეზოსკენ სა-
ნახევროდ მივბრუნდი.

— ავად რა გახდის, ლომივით ბიჭია,
გაგრაშია დასასვენებლად! — ჩურჩუ-
ლით უპასუხა რეზომ.

ჩემს გაოცებას საზღვარი არ ჰქონდა.

ლექტორმა სიის ამოკითხვა დაამთავ-
რა. სათვალე ჯიბეში ჩაიღო. დაფასთან
მივიდა, ცარცი აიღო და ჩუმად დაიწყო:

— მე წაგიკითხავთ უმაღლესი მათე-
მატიკის კურსს. წინასწარ უნდა გაგა-
ფრთხილოთ, მათემატიკა ძალიან ადვი-
ლი საგანია თუ ყოველდღიურად იმე-
ცადინებთ. თუ იზარმაცებთ, არაფერი
ვაშეგვივით. პატარა ბავშვები აღარა
ხართ, ყოველწუთს რომ ჰქუთა დაგარი-
გოთ. ეს ერთხელ და სამუდამოდ დაი-
მახსოვრეთ.

კვერნაძემ სათვალე ისევ გაიკეთა და
დაფისკენ მიბრუნდა.

— ჩვენი დღევანდელი ლექციის თე-
მაა: ვექტორი.

რვეულები სწრაფად გადავშალეთ და
კონსპექტების წერა დავიწყეთ. კვერნაძე
ლექციას ნელა კითხულობდა, თითქმის
გვეკარნახობდა. ყოველ სიტყვას ყურად-
ღებით ვიწერდით, თუმცა ხასიათი გამი-
ფუჭდა. პირველი დღე, პირველი ლექ-
ცია სულ სხვანაირად მქონდა წარმოდ-
გენილი. რატომღაც მეგონა, ყველაფერი
უფრო საზეიმოდ იქნებოდა: მოგვილო-
ცავდნენ ინსტიტუტში შესვლას, გვესა-
უბრებოდნენ ჩვენს არჩეულ სპეცია-
ლობაზე.

რამდენიმე თვის შემდეგ მე მივხვდი,
რომ კვერნაძეს მეტალურგიაზე ძალზე
ბუნდოვანი წარმოდგენა ჰქონდა. იგი მა-
თემატიკოსი გახლდათ და უკვე ოცდა-
მეშვიდე წელი იყო ერთსა და იმავე,
საინჟინრო პროგრამით გათვალისწინე-
ბულ კურსს კითხულობდა. ხოლო ის სა-

ზემო დღე, როდესაც ჩვენს ცხოვრებაში რაღაც ახალი და ამაღლებელი იწყებოდა, მისთვის იყო ჩვეულებრივი და შეიძლება მოსაწყენი სამუშაო დღეც.

შესვენებაზე თავი უკვე ჯგუფების მიხედვით მოვიყარეთ. მე ჩუმად ვიდები და ლაპარაკში არ ვერეოდი. ბავშვობიდანვე ასეთი ხასიათი მქონდა, სხვებივით იოლად ვერ ვახერხებდი უცნობებთან გაშინაურებას.

ბიჭებს ვაკვირდებოდი და ვრწმუნდებოდი, ჩვენს საუკუნეში ჯერ კიდევ რამოდენა პატივს სცემენ ადამიანის ფიზიკურ ძალას. უფრო მეტად შოსული და ტანადი ბიჭები ლაპარაკობდნენ. სუსტები და გამხდრები ჩუმად იყვნენ და მათ საუბარს უსმენდნენ. ყველაზე მეტ ხალხს გიორგი ქარსაულიძესთან მოეყარა თავი. გიორგი ძალოსანი იყო, სპორტის ოსტატი. მე მას ვაზეთებიდან ვიცნობდი. იგი საბჭოთა კავშირის ჩემპიონიც გახდა ჭაბუკთა შორის. ეს უკვე კმაროდა იმისათვის, რომ მხოლოდ მას ელაპარაკა და სხვებს ესმინათ.

პაპიროსს ყველა ეწეოდა. დიდი არაფერი დაკვირვება უნდოდა, ბევრს პაპიროსი პირველად ეჭირა ხელში, ისინი ბოლს არც კი ულაპავდნენ. ხანდახან მაინც ვადაუცდებოდათ ხოლმე, ხველა აუტყდებოდათ და უხერხულობისაგან წითლდებოდნენ. ერთ პაპიროსს გაათავებდნენ თუ არა, იმავე წუთში პირში მეორეს იჩრიდნენ.

დერეფანში მორიგე ლექტორები დადიოდნენ. ბიჭები მოსაწყევად განკუთვნილ დერეფანში პაპიროსს ლექტორების გვერდით ეწეოდნენ. ეს ძალიან მოსწონდათ. გრძნობდნენ, რომ ახლა უკვე დამოუკიდებელი ადამიანები იყვნენ. პაპიროსის წევას აღარავინ დაუშლიდათ. ბევრი სულ მთლად ბავშვივით გამოიყურებოდა. ისინი ყველაზე მეტს ჩაჩავდნენ. ცდილობდნენ პაპიროსით მიეღოთ დასრულებული მამაკაცის იერი.

ბიჭები უფრო თავის სპეციალობაზე ლაპარაკობდნენ. მგლინავეები გლინვას აქებდნენ, მეფოლადეები მარტენს. ზოგიერთები კამათში ჩაბმას ვერ ბედავ-

დნენ და უმიზეზოდ ილიმებოდნენ. ^{საქ-}ტორებზეც ბევრ ყურმოკრულ ამაღს ^{აქვე}პყვებოდნენ.

— კიდევ კარგი მათემატიკას კვირანძე გვიკითხავს. აბა ზარიძე ყოფილაა! — დაიწყო ერთმა, — ერთხელ თურმე, შუალამისას, ოთხი ჩაჭრილი სტუდენტი ჩაუსაფრდა ქუჩაში. სტაცეს პალტოში ხელი და უთხრეს, ნიშნები აქვე ჩაგვიწერე, თორემ ცოცხალს არ ვაგისვებთო. მომეცით მატრიკულებო, უთქვამს ზარიძეს. ბიჭებმა მატრიკულები მიაწოდეს, ზარიძემ თურმე მატრიკულები ჯიბეში იტაცა და ის ოთხი ბიჭი ისე ახილა, ერთმანეთს ველარ სცნობდნენ. მეორე დღეს ოთხივე დაუბარებია და უთქვამს: წაიღეთ თქვენი მატრიკულები, თქვე მათხოვრებო, ამ სემესტრში კი დაგიწერეთ სამადლოდ სამიანი, მაგრამ, იცოდეთ, ამ სემესტრში მიფრთხილდითო.

ბიჭები სიცილით იჭაჭებოდნენ.

მეხუთე დღე გავიდა, რაც სწავლა დაიწყო. ხიდაშელი მაინც არ გამოჩენილა. როცა ლექტორი ლევანის გვარს ამოიკითხავდა, რამდენიმე კაცი ერთად იძახდა, არ არისო.

— რა ეჩქარება! — იტყოდა ერთი.

— ხვალაც ამ თვისა! — დაუმატებდა ამხანაგების სიცილში მეორე.

გამოუცდელ სტუდენტებს იმდენად უჩვეულოდ გვეჩვენებოდა ლექციების გაცდენა, რომ ხიდაშელზე რაღაც რომანტიკული აზრიც კი შეგვექმნა. მის გამოჩენას უცნაური ინტერესით ველოდით.

ბიჭებმა ამ ხუთ დღეში ერთმანეთიც კი ვერ გავიცანით ხეირიანად. ლევან ხიდაშელი ჯერ თვალთაც არავის ენახა, მისი სახელი და გვარი კი მთელმა კურსმა იცოდა.

მეექვსე დღეს ხიდაშელმა აუდიტორიის კარი შემოაღო. იგი თავის დროზე მაინც არ მოსულა, ათი წუთი დაგვიანა. ყველა მიხვდა, დაგვიანებული სტუდენტი ლევან ხიდაშელი იყო.

რატომღაც მეგონა, მის გამოჩენაზე აუდიტორიაში ხარხარი ატყდებოდა. ბიჭები მერე გამოტყდნენ, ჩვენც ასე გვე-

გონაო. ყველა სიცილის მოლოდინში ყოფილა, ხმის ამოღება კი ვერავინ გაბედა: კარებში იდგა მალალი, ვაჟკაცური გამომეტყველების ჭაბუკი. მისი ბრინჯაოსფერი სახე და დაკუნთული სხეული თითქოს გვეუბნებოდა, ბიჭებო, არაფერი შეგეშალოთო.

სტუდენტები ხან ლევანს მისჩერებოდნენ, ხან ლექტორს. თითქოს რალაცას ელოდნენ. კვერნაძემ ხელით ანიშნა, დაჯექი, ხელს ნუ მიშლიო.

ლევანმა აუდიტორიას გადახედა, რეზონს თვალი ჩაუკრა, ხელის აწევით მიესალმა და ჩემს გვერდით დაჯდა.

— არ ჩაიწერ? თუ გინდა რვეულს მოგცემ, — უთხრა ერთმა სტუდენტმა უკანა მერხიდან.

— ჩაო, ახალი აღმოვაჩინე რამეო? — გულუბრყვილოდ იკითხა ლევან ხიდაშელმა.

— ახალი რა უნდა აღმოეჩინა.

— აბა ეს ამბები წიგნში უკეთ სწერია.

ლევანი წამოიწია, უკან მოტრიალდა და ბიჭები ჩაათვალიერა.

— ქალიშვილები არა გვყავს, კაცო? — იკითხა ხმაშალა.

ბიჭებს გაეცინათ.

— სიწყნარე, რა ამბავია? — მოიხსნა სათვალე კვერნაძემ.

— უკაცრავად, მპატიეთ! — ფეხზე წამოიჭრა ლევანი.

შესვენებაზე ხიდაშელს თვალი ვეღარ მოკვარი. მეორე საათზე აღარ შემოსულა, სადღაც გაიპარა.

— ეს რა კარგი ვინმე ყოფილა! — იძახდნენ ბიჭები.

ჯერ თურმე სად ვიყავით!

არაორგანული ქიმიის ლექციაზე მოხუცმა პროფესორმა რუსუდან ალავიძემ გამოგვიცხადა: ჩვენს კათედრასთან სტუდენტთა წრე მუშაობს, ვისაც სურვილი გაქვთ ჩაეწერეთო. ორი თემაც შემოგვთავაზა: მენდელეევის სისტემა და ფუძე-ტუტეები. ვის სურს ამ ორი თემიდან ერთ-ერთის დამუშავებაო, დასძინა ბოლოს და აუდიტორიას თვალი გადაავლო.

ყველანი ჩუმად ვიყავით. თემის დამუშავების სურვილი დიდი მქონდა, მაგრამ მეშინოდა, ხმას ვერ ვიღებოდი. ბათ სხვა ბიჭებიც ჩემს დღეში იყვნენ. სტუდენტნი და ერთმანეთს მისჩერებოდნენ.

— ნუთუ არავინ არის მსურველი? — იღიმებოდა რუსუდან ალავიძე.

— მე დავამუშავებ პირველ თემას, — ფეხზე წამოდგა ხიდაშელი.

ყველამ პირი დაალო, ამას არავინ ელოდა.

— ძალიან სასიამოვნოა, — თქვა მოხუცმა პროფესორმა, — მამ თქვენ მენდელეევის სისტემასა და ვალენტობას აიღებთ, არა?

— დიახ!

— რა გვარი ბრძანდებით? — ჰკითხა პროფესორმა და თავისი პატარა უბის წიგნაკი გადაშალა.

— ლევან ხიდაშელი, ფოლადის ჯგუფიდან.

— რეფერატს რომელი რიცხვისათვის წაიკითხავთ?

— პირველსავე პარასკევს.

— დრო გეყოფათ? იცოდეთ, საჩქარო არაფერია.

— მეყოფა, პატივცემულო პროფესორო.

მეორე პარასკევს არაორგანული ქიმიის წრის მეცადინეობას მთელი კურსი დაესწრო. რუსუდან ალავიძე ამას კი არ მოელოდა, სიხარულს ვეღარ მალავდა. მე გულში მეცინებოდა, რა იცოდა მოხუცმა პროფესორმა, სად იყო ძალის თავი დამარხული.

ლევანი დაფასთან გავიდა და რეფერატი ზეპირად წაიკითხა. იგი დინჯად მსჯელობდა, გადმოცემის საოცარი უწყინარი და სუფთა დიქცია ჰქონდა. ხმადაბლა ლაპარაკობდა, მაგრამ არც ერთ ბგერას არ ჰკარგავდა. აუდიტორიას ისე ელაპარაკებოდა, თითქოს რეფერატს მხოლოდ ერთ კაცს უკითხავსო. შეკითხვებზეც მოხდენილად უპასუხა. შემდეგ მებელ სიტყვაში რუსუდან ალავიძემ თქვა, ასეთი სიამოვნება დიდი ხანია არ მიმიღიაო.

იმ დღიდან ლევანს სულ სხვა თვალით ვუყურებდით. ხიდაშელი სულ მალე კურსზე საუკეთესო სტუდენტად ითვლებოდა. საკურსო მოცემულობებს ყველაზე რთულს არჩევდა. კონფერენციებზე ყოველთვის ურთულეს რეფერატებს ამუშავებდა. ვერ იტანდა, როცა სხვისი მოხსენება უფრო მეტ ხმაურსა და კამათს გამოიწვევდა. პირველობა უყვარდა, მაგრამ სხვას არასდროს არ აწყენინებდა, თავის უპირატესობას არ აგრძნობინებდა. არც თავის მოჩვენება იცოდა. რა საქმეშიც პირველობას ვერ მოიპოვებდა, ყველაფერს თავს არიდებდა.

მე და ლევანი ინსტიტუტის ფეხბურთელთა ნაკრებ გუნდში ერთად ჩაგვირიცხეს. რაიონის ნაკრებში ცენტრში ვთამაშობდი. როცა ეს მწვრთნელს ვუთხარი, კინაღამ სიცილით მოკვდა — შენისთანა პატარა ტანის კაცს ცენტრში რა უნდაო და პირველსავე წვრთნაზე მარჯვენა გარემარბის ადგილზე გამომიყვანა. ცენტრში ორი თავდაპირველი გვყავდა, ლევან ხიდაშელი და ოთარ გორდაძე, გეოლოგიის ფაკულტეტის მესამე კურსის სტუდენტი.

თბილისის პირველობაზე უნივერსიტეტის წინააღმდეგ ცენტრში ლევან ხიდაშელი დააყენეს. მხოლოდ ერთი ტაიმი ითამაშა. მერე მწვრთნელმა გამოცვალა. ლევანი თითქმის სულ გარღვევაზე თამაშობდა, თავისი ძლიერი მხრებისა და სირბილის იმედი ჰქონდა. მაშინ უნივერსიტეტის გუნდში ცენტრალურ მცველად დაბალი, ვერცხლისწყალივით მოძრავი ბიჭი ჰყავდათ. ლევანი რამდენჯერაც გაექცა, იმდენჯერ უკანიდან ფეხებში ჩაუვარდა და ბურთი აართვა. ხედავდა, არ გამოსდიოდა. მაინც ჯიუტობდა და ისევ გარღვევაზე გასვლას ცდილობდა.

ოთარ გორდაძემ ვაცილებით უკეთ ითამაშა. ლევანს ბოღმა ახრჩობდა, მაგრამ არ იმჩნევდა.

მეორე შეხვედრა ფიზკულტურის ინსტიტუტის გუნდთან გვექონდა. მწვრთნელს თხოვა, — მაშინ თამაში არ გამო-

მივიდა, ახლა გამომიყვანე, მჯერა ვეცლებით უკეთ ვითამაშებო. მწვრთნელმა უარი როდი უთხრა. პირველ ცენტრში ისევ ლევანი დააყენა, მეორე ტაიმი კი ოთარ გორდაძე. ლევანმაც კარგად დაინახა, გორდაძემ ახლაც უკეთ ითამაშა. მას შემდეგ ვარჯიშზე აღარ მოსულა. მწვრთნელმა და ბიჭებმაც ბევრჯერ ჰკითხეს, ფეხბურთს თავი რატომ დაანებებო. ლევანი ყველას ერთ პასუხს აძლევდა, მაგისი დრო აღარა მაქვსო.

მე პირველად მჯეროდა ლევანის ნათქვამი. იგი მართლა ბევრს მეცადინებოდა. ორ უცხო ენას სწავლობდა. მაგრამ ერთმა შემთხვევამ თითქოს თვალი ამიხილა.

სავაზაფხულო სესიების წინ მოსკოვიდან ცნობილი პროფესორი ნესტოროვი გვეწვია და მეტალურგიულ პროცესებში ლექცია წავვიკითხა. პირველ კურსზე სპეციალურ საგნებს არ ვავდიოდით. ლექციას მაინც დავესწარი, თუმცა პროფესორის ლაპარაკიდან ბევრი ვერაფერი გავიგეთ. უფროსი კურსელები პროფესორს შეკითხვებს აძლევდნენ, თვითონაც ლაპარაკობდნენ.

პირველკურსელები უკან ვისხედით და ხმას არ ვიღებდით.

— არა უშავს, ჩვენი დროც დადგება! — ჩაველაპარაკა მოულოდნელად ლევანმა, ფეხზე წამოდგა და აუდიტორია გამოიწვევად დატოვა.

მივხვდი, უნდოდა ეთქვა „ჩემი დროც დადგებაო“, მაშინ იმასაც მივხვდი, ფეხბურთს თავი რატომ დაანებდა. ყველას გვაცოცხებდა მისი ნიჭი და ენერჯია. მაგრამ რისკენ ისწრაფვოდა, რა უნდოდა, არც მაშინ ვიცოდი და ახლა მისმა ქარხნებში ხეტიალმა სულ თავგზა ამიბნია.

ერთი კი მჯერა, ლევანს ალბათ უფრო დიდი რამე აქვს ჩაფიქრებული, ვიდრე ბიჭებს ჰგონიათ.

ჯუა დვალიშვილი:

ჩვენი გამოშვების წელს ასპირანტურაში მხოლოდ ერთი ადგილი მოვიდა. ყველა დარწმუნებული იყო, ვხ ადგილი

ლევან ხიდაშელს დარჩებოდა. ამას კათედრის გამგეც არ მალავდა, კარგად იცოდა, ლევანთან მეტოქეობის ვერაფერი გაბედავდა.

ასპირანტურაში შესვლაზე არასდროს არ მიოცნებია. ქარხანა მიზიდავდა და საამქროში მუშაობა ყველაფერს მერჩია. ასპირანტურა და ლაბორატორიებში ფუსფუსი რომ მდომოდა, მაშინ სხვა ფაკულტეტს ავირჩევდი.

მე თვითონ მეტალურგიული ქარხნის სილამაზე მიტაცებდა. ამ სილამაზეს კი, სამწუხაროდ, თვითონ მეტალურგებიც ცოტანი ხედავენ.

ერთხელ საავადმყოფოში ვიწექი. ავადმყოფების კვნესას ყურს ვუგდებდი და ვფიქრობდი, ექიმობა ყველაზე კეთილშობილური პროფესიაა-მეთქი. მაგრამ მე ჩემი სიცოცხლის ერთ საათსაც კი არ დაუთმობდი ამ დიდებულ საქმეს. ექიმი ყოველდღე ავადმყოფებს, მომაკვდავებს, ჩალურჯებულ და მისუსტებულ ადამიანებს ხედავს. იგი ყოველდღე რწმუნდება, რა უმწეოა ადამიანი. იგი ვერ გრძნობს მათ ძალას, ფანტაზიას, მისწრაფებებს, ოცნებას. იგი ხედავს მხოლოდ მკვდარ უჯრედებს, მოღლილსა და უმწეო ორგანიზმს.

ჩემს პალატაში ერთი ცნობილი პროფესორი, მიხეილ მაღლაკელიძე იწვა. უნივერსიტეტელი მეგობრებისაგან ხშირად გამეგონა ამ კაცის ქება. იგი დიდებული ორატორი ყოფილა. მისი ლექციების მოსასმენად თურმე სხვა ფაკულტეტების სტუდენტებიც კი შედიოდნენ აუდიტორიაში. მსმენელებს აოცებდა და ატყვევებდა მოხუცი პროფესორის ნათელი გონება, დახვეწილი ლოკია და ფანტაზია.

სტუდენტებს პროფესორი მაღლაკელიძე უძლეველ, ღვთაებრივ ადამიანად ჰყავდათ წარმოდგენილი. ახლა იგი ჩემს გვერდით იწვა და არაფრით არ განირჩეოდა დანარჩენი ავადმყოფებისაგან. ექიმებისათვის იგი ჩვეულებრივი ავადმყოფი ორგანიზმი იყო, უძლური და უმწეო. ისინი იოტისოდენადაც კი ვერ გრძნობდნენ პროფესორის ძალას.

მეტალურგიული ქარხანა კი სულ სხვა საქმეა. იქ ყოველი ბრძმედი თუ მარტენის ლუმელი, ბლუმინგი თუ ხუცასტონი ნანი ხილური ამწეები ადამიანის ძალაზე და მისი გონების უსაზღვროებაზე მეტყველებენ. როცა ათას შვიდას გრადუსზე აღუღებულ ფოლადს შესცქერი, გაოცებს, თუ რა შეუძლია ადამიანს.

მე სწორედ ქარხანა მიტაცებდა, მძლავრი ქარხანა და მეტალურგიის ფაკულტეტიც იმიტომ ავირჩიე. ელექტრომექანიკურ ქარხანაში ვერ ვიმუშაებდი. იქ თითქმის ყველაფერი გარკვეულია, ყველაფერი ნათელია. იქ ყველა მანქანა ცნობილ პრინციპებს ემყარება. შემოქმედებაც უფრო ნაკლებია.

მარტენის საამქროში კი ყოველი დნობა ქადრაკის პარტიასა ჰგავს. ერთი და იგივე დნობა არასდროს არ გამეორდება. რამხელა სიამოვნება მიგრძენია, როცა მარკას აცილებული ფოლადი ისევ მარკით გათვალისწინებულ ნორმებში მომიქცევა. განა შემოქმედება არაა, როდის მოახდენ განყანგვას, ფრიშირებას, როდის მოახდენ აწიდვას, რა დოზით შეიყვან განმყანგველებს.

შეიძლება მე ზომაზე მეტად მიყვარს ჩემი პროფესია. იქნებ ელექტრიკოსი ან მექანიკოსი დაზგების ავტომატიკაში დიდ ჰარმონიას ხედავს. ან იქნებ ექიმი, რომელმაც სიკვდილს გამოსტაცა ადამიანი, იმ დღეს თავს ყოვლისშემძლე და უბედნიერეს ადამიანად თვლის? ამაში ეჭვი არ მეპარება. ალბათ, თავის პროფესიაში ყველა ხედავს დიდ სილამაზეს, ვისაც კი მომავალი ხელობა სიყვარულით აურჩევია.

რატომღაც ყოველთვის მჯეროდა, ლევან ხიდაშელი მხოლოდ ქარხანაში იმუშაებდა. იმხელა ენერჯის მქონე კაცი ლაბორატორიაში ფრთებს ვერ გაშლიდა.

მახსოვს ჩვენმა დეკანმა და კათედრის გამგემ პირი როგორ დაადეს, როცა ლევანმა მაგნიტოგორსკში მუშაობის სურვილი გამოთქვა. პირველად მათ ეს ხუმრობა ეგონათ. როცა დარწმუნდნენ, ხი-

დაშეღი არ ხუმრობდა, დეკანმა ირია-
ნიულად ჩაიციხა:

— დიდხანს იფიქრე, სანამ ამ გადა-
წყვეტილებას მიიღებდი?

— როგორ, თქვენ არ მოგწონთ ჩემი
გადაწყვეტილება? — იმავე ტონით ჰკი-
თხა ლევანმა.

— რატომ, პირიქით! — დაიბნა დე-
კანი.

— მომავალ წელს სტუდენტებს რომ
ჩამოიყვანთ, იქ დაგხვდებით. სტუდენ-
ტებს მე თვითონ ვუხელმძღვანელებ.

— არა მგონია მომავალ წელს კიდევ
გინილოთ ქარხანაში.

— რატომ, თქვენ საკმაოდ ჯანმრთე-
ლად გამოიყურებით.

ლევანს აღტაცებული მიეჩერებოდი.
მიხაროდა, რომ წინასწარმეტყველება
გაპიმართლდა. წარმოდგენილი მქონდა,
ქარხანაში როგორ დატრიალდებოდა.
მეტალურგიულ ქარხნებს სწორედ ხი-
დაშელისთანა ბიჭები შეეფერება.

ერთხელ, მგონი მეორე კურსზე, პრაქ-
ტიკის შემდეგ დონეცკიდან თბილისში
ვბრუნდებოდი. აგვისტო იყო. მთელი
ქვეყანა აყრილიყო და შავი ზღვისკენ
მიემგზავრებოდა. ბოლშევიზის შოვნაზე
ფიქრიც კი ზღაპარსა ჰგავდა. ჩვენ ექვს-
ნი ვიყავით. ყველას გვაოცებდა ხიდა-
შელის შეუპოვრობა და ენერგია. იგი
სადღურის უფროსებთან ჯიქურ შედიო-
და. არ ვიცი, მათ რას ეუბნებოდა, მაგ-
რამ ექვსი ბოლშევი ყოველთვის გამოჰ-
ქონდა. დონეცკიდან ილოვასკში ჩავე-
დით. იქიდან როსტოვში, როსტოვიდან
ტუაფსეში, ტუაფსედან სოხუმში. მატა-
რებელში შესვლაზე მთელი ომი უნდა
გადაგვეხადა. ლევანი ხალხს მკერდით
მიპობდა, გზას გვინთავისუფლებდა...

სოხუმში, მატარებელში წინ ვილაც
თმახუჭუჭა ჩაფსკვნილი ბიჭი გადაგვიდ-
ვა. ხომ ხედავთ, ადგილი არ არის, სად
მიძვრებითო, — გვითხრა ავადებულად.
აბა თუ ადგილი არ არისო და ლევანმა
იგი თავისუფალ კუთხეში მიაგდო. ბიჭი
გაჭაგრდა და გაარტყა. გამწარებული
ლევანი ყელში სწვდა. ბიჭი გაფართხალ-
და, ხელიდან გაუძვრა, ტამბურის კარი

მიუტეკა და დანა ამოიღო. ლევანმა მარ-
ჯვენა მოსხლეტილად მოიქნია, შუშა გა-
ამტვრია და ბიჭს ხუჭუჭა თმებზე ჩაეჭრა
ჩაავლო. მარცხენა ხელით კარი შეაღო,
დანა გამოგლიჯა და გადაუმტვრია. მერე
შუშის ნამსხვრევებისაგან დასერილი და
სისხლში ამოსვრილი მარჯვენა ყბაში
ისე ამოარტყა, გონდაკარგული ბიჭი
ნახევარ საათს ვეღარ მოვებრუნეთ. ვი-
ლაცამ ლევანს ხელი ოდევკოლონით გა-
დააბანინა და ცხვირსახოცი თუ შეუხვია.

ლევანს გაოცებული მიეჩერებოდი.
იგი იმ წუთში მენავეს ჰგავდა, რომელ-
საც აღელვებულ ზღვაში ხუთი ადამიან-
ის ბედი ებარა. მე მგონი, ეს ლევანს
ხიდაშელს ძალზე სიამოვნებდა, ამით
ალბათ, უზარმაზარ ენერგიას იშოშმი-
ნებდა.

ჩემი წინასწარმეტყველების პირველი
ნაწილი გამართლდა, იგი არ გაჰყვა მეც-
ნიერებას, მაგრამ რას აპირებს მომავ-
ალში?

ლევან ხიდაშელი ჩემს თვალში მრავალ-
ვალუტეობიან განტოლებას ჰგავდა.

5.

ლევანმა თითქმის ყველა სადღეგრძე-
ლო ჩამოათავა.

— ახლა შევჯამოთ. თქვენ რა გენაღ-
ვლებათ, მე ხვალ დილით ცვლაში გავ-
დივარ, — თქვა ერგაძემ.

— ჰო, სჯობია! — გამოცოცხლდა
ბიძინა.

— შენ ხომ აღარ ვადიხარ ცვლაში,
სად მიგეჩქარება? — ჰკითხა ბიძინას ხი-
დაშელმა.

— მე რა მენაღვლება, თუნდაც ხვალ
დილაშდე ვისხდეთ. მარინემ მოიწყინა
და იმიტომ ვლაპარაკობ, — იმართლა
თავი ბიძინამ.

ლევანმა მარინეს გადახედა და ოდნავ
ავდებულად უთხრა:

— მართლა მოიწყინე? ნუ მოიწყენ,
თორემ ბიჭები შემიწუხნენ.

მარინემ ხმა არ გასცა, ოღონდ ისე
შეხედა, თითქოს უთხრა, კმარა დაცი-
ნავო.

— აბა, თითოც დავასხათ! — ბრძანა ლევანმა.

რეზომ ოფიციალტი მოიხზო და ყურში უთხრა, ანგარიში მომიტანეო.

ლევანი ოფიციალტს მიუბრუნდა.

— გენაცვალე, შენი სახელი?

— ბაგრატი, შენი ჭირიმე.

— ბაგრატ ჩემო, თვალში ხომ არ გეპატარავენბი?

— როგორ გეკადრება, შენი ჭირიმე! — გაიღრიჯა ბაგრატი.

— აბა, ჩემთან მოდი, — მერე რეზოს მიუბრუნდა, — შენ მაიმუნობას თავი დაანებე.

— რეზო მართალია, დღევანდელ დღეს ჩვენი რიგია, — გაიქაჩა ვაჟა.

— შენ მანდ დაჯექი, თვალი კარგად გაახილე! — ხელი დაუქნია ლევანმა, — თუ ფული ასე გაწუხებს, ხვალაც ამ თვისაა.

ლევანი ისევ ბაგრატს მიუბრუნდა:

— ხომ ხედავ, ბიძაჩემო, მილიონერები ვქეიფობთ, კომბინატორები. რამდენიც გინდა მოგვატყუე, ოღონდ ანგარიში მე მითხარი ყურში.

— როდის იყო, ბატონო, ვინმეს ვატყუებდი, — საცოდავად ამოიკენესა ოფიციალტმა.

— აბა, ბიჭო, აბა! ფრთები ამოგვვლია მხრებზე? — შეიცოდა ლევან ხიდაშელმა და ბიჭებს ღვინო დაუსხა.

ბიძინამ მარინეს ჭიქა შამპანურით შეუღესო.

ლევანმა ბოთლი ძირს დადო.

— არა, ეს სადღეგრძელო ყველამ შამპანურით დავლიოთ. ბაგრატ, მოდი აქ! ბაგრატი მობრუნდა.

— რას მიბრძანებ, შენი ჭირიმე.

— ეს ყველაფერი წაილე, ოთხი ბოთლი შამპანური და შოკოლადი მოგვიტანე.

— ბატონი ბრძანდები.

სუფრა სასწრაფოდ განაახლეს.

ლევანმა ტანწერწეტა ჭიქებში შამპანური ჩამოასხა.

— მე ხელმეორედ მინდა ვადღეგრძელო მარინე მინდაძე.

— ლევან, ნუ იცი გვარით, ლეონიძე! — გაბრაზდა მარინე.

— აბა, ნუ მიჯავრდები, შენ ხომ იცი, ნერვიული ხალხი არ მიყვარს.

რეზოს არ მოსწონდა, რომ ლევანი მარინეს ოდნავ აგდებულად ექცეოდა. ერგაძეს კი ვერ გაეგო, ლევანი მარინეს დასცინოდა თუ ბიძინას.

— ბიჭებო, მე მგონი, თანახმა იქნებით, მარინე რომ ხელმეორედ ვადღეგრძელოთ. რა იქნებოდა დღევანდელი ჩვენი სუფრა, მარინეს გარეშე? შენ ხომ იცი, — მიუბრუნდა მარინეს, — მაგიდასთან ატომგულივით იჯექი. ჩვენ ელექტრონებივით და პროტონებივით შენს ირგვლივ დავბორიალობდით, ოღონდ ყველა საკუთარ ორბიტზე. ასე არ არის, ბიძინა? — ვადახედა ლევანმა ართმელაძეს.

— დიახ! — დაეთანხმა ბიძინა.

— აი, ხომ ხედავ! — ლევანმა მარინეს შეხედა და მარცხენა ხელის ცერა თითი ბიძინასკენ გაიშვირა, — ბიძინაც მეთანხმება. ყველანი შენს ირგვლივ ვმოძრაობდით, ყველანი შენ გეპარანტუბოდით. საწყალმა ბიძინამ, ნიჭიერმა და იმედისმომცემმა მეცნიერ-მუშაქმა, ამ ჯოჯოხეთურ სიცხეში პალსტუხით დაიხრჩო თავი.

ბიძინა დაცინვას გრძნობდა, მაგრამ ხმას არ იღებდა. ღვინისაგან გაწითლებული კიდევ უფრო წითლდებოდა. ოფლი ასხამდა. ლევანმა იცოდა, ბიძინა ღვინოს ვერ ეგუებოდა. მაინც აძალეზდა, არცერთი ჭიქა არ შეარჩინა.

მარინე ყველამ მოკრძალებით ადღეგრძელა. ქალღმვილი გაბრაზებული იჯდა. ბიჭებს სადღეგრძელოზე ნაძალადევი ღიმილით უპასუხებდა, — გმადლობთო. ლევანის საქციელი არ მოსწონდა. თუმცა გულის სიღრმეში ზიამოვნებდა მისი სითამამე.

ჯერი ლევანის სადღეგრძელოზე მიდგა. ხიდაშელი ფეხზე წამოდგა:

— თუ ჩემი ხათრი გაქვთ, ნუ გააჭრელებთ, მოდი, ყველას ერთად გაგვიმარჯოს და აქედან წავიდეთ.

მანქანაში მარინე წინ ჩაჯდა, ლევანის

ვევრდით. ბიჭები უკან მოკალათდნენ.

— ლევან, ნელა იარე! — გააფრთხილა გზაში ბიძინამ.

— მაგაზე გაწყენინებ! — უთხრა ლევანმა და სისწრაფეს მოუმატა.

— ლევან! — იკვილა შეშინებულმა მარინემ.

— მართლა, ბიძინა, შენი ბოთე პროფესორი როგორ ბრძანდება? — სიტყვა ბანზე აუვლო ლევანმა. — მახსოვს ფუნის თითებზე კოყრები ჰქონდა, ფეხსაცმელი ნეკებთან ისევ ამოჭრილი აქვს?

— ლევან, კარგი, არ გრცხვენია! — ჩუმად უთხრა მარინემ.

— კი, კბილებიდან ოფლი მდის! — გაიცინა ლევანმა. — სჯობია სიგარეტი მონახო, აქ სადღაც მივაგდე.

მარინემ სიგარეტის კოლოფი მიაწოდა. ლევანმა მარჯვენა ხელით ერთი ცალი სიგარეტი ამოაძვრინა და კოლოფი უკან დაუბრუნა.

— შენ არ მოსწევ?

მარინემ სიგარეტი ამოიღო. ართმელაძემ ბენზინის კვესი აანთო და მიაწოდა.

— აი, ხომ ხედავ, რა ჯენტლმენები არიან მეტალურგები, — თქვა ლევანმა ისე, რომ მარინესკენ არც მიუხედავს. მერე ცალი ხელი უკან ვადასწია, ბიძინას ბენზინის კვესი გამოართვა, სიგარეტს მოუკიდა და უკანმოუხედავად დაუბრუნა.

ლევანმა მოსახვევში სიჩქარეს მოუკლო, როგორც კი სწორ გზაზე გავიდა, მარინეს შეხედა. მარინე ფანჯრისკენ მიყუყუდიყო და სიგარეტს აბოლებდა.

— ბიძინა, — დაიწყო ისევ ლევანმა, — ხომ ხედავ, ახლა ყველა კულტურული ქალიშვილი პაპიროსს ეწევა.

გაბრაზებულმა მარინემ სიგარეტი ფანჯრიდან გადააგდო.

ლევანი მაინც არ ცხრებოდა.

— მიხვდება ამას შენი პროფესორი? ცხოვრებას კვალში უნდა მისდიო, ბიძია. სიმონ დობოროჯინიძეს კი, ჩვენებმა რომ ქერჩი აიღეს, მას შემდეგ დახეთი არ წაუკითხავს. ასე ჰგონია, ომი მაშინ დამთავრდა.

— მე დობოროჯინიძესთან არ ვაზრობ.

— აბა, ვისთან ხარ?

— გრიგოლ სანებლიძესთან.

— ოო, ბოდიში, ჩემი სიტყვა უკან მიმაქვს. გრიგოლ სანებლიძე პროფესორ დობოროჯინიძესთან შედარებით ნამდვილად პროგრესული მოვლენაა. ყოველ შემთხვევაში, ფეხბურთს რომ ფეხით თამაშობენ, ის მაინც იცის.

— გეყოფა, ლევან! — გააფრთხილა კიდევ მარინემ.

— მოდი, ჯერ მარინე და ბიძინა მივიყვანოთ, მერე თქვენ რუსთავში ავიყვანოთ, — ვითომ ვერ გაიგონა ლევანმა.

— როგორ გეკადრება! — იყვირა ერთგაძემ, — ახლა გვიანაა, შენც ნასვამი ხარ. სჯობია, ტაქსების გაჩერებამდე დაგვიყვანო.

ლევანი აღარ გადალიანებულა. ტაქსების გაჩერებაზე ვაჟა, ნოდარი და რეზო ჩამოვიდნენ.

— შენ სადღა მიდიხარ. ხვალ ხომ თავისუფალი ხარ? — ჰკითხა ლევანმა რეზოს.

— თავისუფალი კი ვარ, მაგრამ...

— არავითარი მაგრამ, ჩემთან დარჩი. მერის ბიჭები დაუტყვევეს.

რეზოს წინააღმდეგობა აღარ გაუწყვიდა. სიმთვრალე შეეპარა და გამხიარულდა: სტუდენტობა გაახსენდა. გიჟობის ხასიათზე დადგა.

ლევანმა მანქანა მანამდე არ დასძრა, სანამ ბიჭები ტაქსში არ ჩასხდნენ. მერე ართმელაძე გაიყვანა ვაკეში.

— კარგად იყავით! — ძლივს ამოღერდა ბიძინამ.

— რამ დაათრო, ეს დეგენერატი? — გაიცინა ლევანმა.

გმირთა მოედანზე გავიდნენ.

— ერთი საათით რომ ჩვენთან წამოხვიდე, ქალბატონი თინათინი ძალიან გაგვიჯავრდება? — ჰკითხა ლევანმა მარინეს.

— დაცინვას თავი დაანებე, გეყო, დღეს რაც მამამიუნე.

— ნუ მიბრაზდები, — დაუყვავა ლევანმა და თმაზე ხელი გადაუსვა.

მარინემ ვაჟის ხელი მოიშორა.

— შინ მიმიყვანე, შენ სადაც გენებოს, იქ წაბრძანდი.

— მე რომ შენთან ყოფნა მინდა?

მარინემ ვაჟს თვალებში შეხედა, ხომ არ დამცინისო. ლევანი მშვიდად მისჩერებოდა, მარინემ წინ ვახედა.

— რომელი საათია? — მოლბა ქალიშვილი.

— ზუსტად თორმეტის ნახევარია.

— თუ პირობას მომცემთ, რომ ერთ საათში შინ მიმიყვანთ, წამოვალ.

ლევანმა მანქანა დასძრა.

— სად წავიდეთ? — მიუბრუნდა რეზოს.

— რა ვიცი, ახლა სად იქნება ღია რესტორანი.

— ისეთ ადგილზე წავიდეთ, სადაც ყავას მოგვიხარშავენ.

— მაშინ ვაგზლის რესტორანში გავიდეთ. აეროდრომი შორსაა, ბევრი დრო დაგვეკარგება.

ხუთ წუთში სადგურში იყვნენ. ლევანმა მანქანა ფიროსმანის ქუჩაზე დააყენა. მერე ქუჩა გადაჭრეს და რესტორანისაკენ წავიდნენ. მოედანზე ცარიელა ტრამვაი მირაზრახებდა. ლევანს რაღაც გაახსენდა, მანქანასთან მიბრუნდა და პატარა, იაპონური ტრანზისტორი წამოიღო.

რესტორანის შესასვლელთან ორი მთვრალი კაცი იდგა.

— იცანი? — ანიშნა წითურ კაცზე რეზომ.

— როგორ არ ვიცანი! — გაედიმა ლევანს.

ის მაღალი, წითური კაცი მთელს თბილისში ცნობილი მოქიფე — არეშიძე იყო.

— ეგ უბედური თურმე ყოველდღე სვამს, — თქვა მარინემ.

— შენ საიდან იცი? — ჰკითხა ლევანმა.

— მირანდას მეზობელია. მის დაპირ ცხოვრობს.

— რას შელაპარაკები! აქამდე მსგავსა, რომ რესტორანში ცხოვრობდა.

6.

უზარმაზარ დარბაზში ქაჭანება არ იყო. ოფიციატები დახლთან მიმსხდარიყვნენ და ლაპარაკობდნენ, ყველამ ახალშემოსულებს შეხედა.

ლევანმა მყუდრო მაგიდა შეარჩია. ოფიციატებს მაღალი, მსუქანი ქალი გამოეყო და მათთან მივიდა.

— თქვენთან ყავას თურქულად ხარშავენ? — ჰკითხა ლევანმა.

— თურქულად არა. თუ გნებავთ, შავს მოგართმევთ.

— აბა თქვენს მზარეულს გადაეცი, ამბაკოვიჩმა შემოგითვალა, თურქული ყავა მოგვიხარშეთქო.

— ბატონი ბრძანდებით. კიდევ რას მიირთმევთ?

— სამარკო კონიაკებიდან რომელი გაქვთ?

— გრემი, ვარციხე, ენისელი.

— ერთი ენისელი და შოკოლადი.

— ხილს არ ინებებთ, არაჩვეულებრივი გორული ატმები გვაქვს.

— რაკი არაჩვეულებრივია, რა გავწყობა. ბორჯომიც მოიტანეთ! — შიდახა ლევანმა ოფიციატს.

— ამბაკოვიჩი ვინ არის? — ჰკითხა გაოცებულმა მარინემ.

— ვიცი და არ გეუბნები? — გაიცინა ლევანმა.

ნოდარმა ტრანსზისტორი ჩართო, სიჩუმე მშვიდმა ჯაზურმა მელოდიამ დაარღვია. უზარმაზარი დარბაზი თითქოს უფრო მყუდრო გახდა.

— სტენკენტონი! — თქვა ლევანმა, — მოგწონს სტენკენტონი? — მიუბრუნდა რეზოს.

— მაინცდამაინც არ მომწონს, უფრო სწორად, არ მესმის. ალბათ, ძალიან ჩამოვრჩი.

გრიგოლ ტყეშელაშვილი

მთელი არსებით

I

ვინც ყოველ დილას ეგებება კეთილი ზრახვით,
ხარობს, ნეტარებს გაღიმებულ მოყვასის ნახვით;
ხელოვანია, კოსმონავტი თუ მეცნიერი, —
ცდილობს მომავალს გაუკაფოს გზა ბედნიერი;

მხვნელ-მთესველია, მეფუტკრეა თუ მევენახე,
ალალი შრომის ნაყოფს იმკის, უბრწყინავს სახე, —
გული მიღელავს მასთან ტკბილად გაბაასებით, —
არ შემიძლია, არ მიყვარდეს მთელი არსებით.

II

ვინც ბოროტ ზრახვით ეგებება განთიადის შუქს,
კეთილი კაცის ღიმილი და წარმატება შურს;
მუხანათია, კაცთმოძულე და წამგლეჯელი, —
მუდამ მზად არის თავის ძმაზეც აღმართოს ხელი;

არავინ უყვარს, არც თავისი მშობელი მხარე,
ავკაცობაზე ფიქრობს მხოლოდ ყოველ ცისმარე;
ვის გულშიც თითქოს ბუდე არის ბილწ უნასების, —
არ შემიძლია, რომ არ მძულდეს მთელი არსებით.





ოთხი ლექსი

სახურავები შუადღისას

სახურავებქვეშ ღელავს ცხოვრება...
 მზე გაწოლილა სახურავებზე,
 იგი გასცქერის შემთავორებას
 და თეთრ მწვერვალთა უვალ ტრავერსებს.

გაცხლებულა წვიმის წყურვილით
 ცხელი თუნუქი, ცხელი შიფერი.
 არის ქალაქი შემობურვილი
 გავარვარებულ შუქით შვიდფერით.

დაბლა ვნებების ვულკანებია, —
 სახურავები ამოზნექილან.
 ზამთარს ბუნრები უკვამლებია,
 მზეზე ბუნრები მთლად დახეთქილა.

გაცხლებულა ზემართული
 ანტენები და მეხამრიდები.
 სანაპიროზე მაღალ სართულთა
 ახლოს გრილდება წყალში ხიდები.

სახურავებქვეშ ღელავს ცხოვრება...
 ბავშვი ზღაპრებში ეძებს თილისმას.
 სიყვარულს დასდევს განუშორებლად
 ცბიერი ჭინკა სიძულვილისა.

მზეზე ამური ფრთას შლის კეთილი,
 ჩრდილს ეფარება ძველი მითები.
 და სახურავებს ღრუბლის მკვეთელი
 ხელში უპყრიათ მეხამრიდები.

ჩრდილები მღერიან

ჩრდილები მღერიან გრილ სიმღერებს,
ჩრდილები მღერიან.
ველზე სახაგამშრალ ჩალის ღერებს
შუადღის ფერი აქვთ.
ჩრდილში გამოხვეულ მაგ სითეთრეს
დიდ ზღვასთან ელიან.
ჩრდილის წნული ფაცხა გავიკეთე,
მივაღგი თელიანს.
ქოხში შევაფარებ ჩემ წყნარ ფერებს,
ჩემ ცხელ კერას.
ჩრდილები მღერიან გრილ სიმღერებს,
ჩრდილები მღერიან.

ჰარძიის ჰაზები

ლუმბავს თქორი ღრუბლის რძისა
ვაზებს ძველი ვარძიისას.
ვაზო, მასვი სანათლავი
ღვინო ოქროს ბარძიმისა.
აღმართები ავათავე
ამ შორეულ მანძილისა.
აბრეშუმის ტომრით მომაქვს
შუქი ტაო-ტანძიისა.
ჰე, სოფელო, დრო სადა მაქვს
დაქანცვისა ან ძილისა.
მთას ფარდავი ჩამოვგლიჯე
ქარბუქისა, ქარწვიმისა.
ვაზო, რტოზე ჩამოვიჯენ
მართვეს ლექსის არწივისას,
ოღონდ მასვი ტკბილზედაშე
თაძარ მეფის ვარძიისა.

უსამართლება

საუკუნეებს შენ მოჰყვები განუშორებლად,
მღვრიე თვალებით აცქერდები სულში ცხოვრებას.
მონებად ჰყიდდი უცხოეთში ადამიანებს,
ალალმართალთა გულზე რისხვით გადაიარე.
არაკაცებში, კაცუნებში სახიერდები,
კაცობრიობას უკვირს, ქვეყნად რომ არ ბერდები.
მოგიხვეჭია ოქრო-ვერცხლი, ყალბი დიდება,
ციხეებამდე იშვერ მაცდურ მკლავებს ხიდებად.
მრავალმა ბრძენმა ჯვარზე გაცვა და შეგაჩვენა,
დედამიწაზე მაინც შესძელ დღემდე დარჩენა.
მაგრამ ამქვეყნად ალალ პოეტს ლექსს ვერ წაართმევ.
ერთი დღეც მოვა, უკვდავება გაგასამართლებს.



ზაქარია ზეკელიძე

ახალი რვეულიდან

წლებმა განსაჯოს

ჰო, არაფერი მიპოვნია, ძმებო, იოლად.
დრომან სიკეთე მომანიჭა ფიორ-ფიორად.

და მეც ვბუხუნებ: — ასე ცოტა როგორ ვიკმარო?! —
დამიდასტურე, დიდო მზეო, სუფთა ცისკარო!

ბედმა მარგუნა ბევრი დელვა და გადარევა
და განა დუნე, მოშაქრული დროის ტარება.

კვლავაც მზადა ვარ, რომ გავუძლო ყველა სიმძიმეს,
მამულზე ზრუნვას ვერა ძალა ვერ მიმიძინებს.

კვლავაც ფეხზე ვარ და ვეწევი უღელს იქეთკენ,
სადაც მეგულვის ჩემი ხალხის დიდი სიკეთე.

ვეძიებ სიმართლეს ამ მიწიდან მაღლა ზეცამდე,
მჯერა იმისი, რაც ვაკეთე, რასაც ვეცადე.


მშობლიურ ჰაერს არა ვხარჯავ უქმად, იოლად,
წლებმა განსაჯონ — ვინ დიოდა მტკვრად და იორად!

გ ა ნ ა ჩ ე ნ ი

სიყვარული — მეტი დედას,
მამას? — მეტი მორიდება.

განა შენი, განა ჩემი,
ასეთია განაჩენი!

უმცროსს ერგოს უმცროსისა,
უფროსს — მისი საუფროსო,
გაუმარჯოს ფერსა ცისას
და სიცოცხლის საუფლოსო!





ბაბრძილვა. მასაჟისი №. 23-მ 83.

— არასდროს აღარ გაიმეორო ეგ სიტყვა. რას ჰქვია ჩამორჩი?! ახლა ნიპილიზმის ეპოქაა. რაც არ გესმის, უნდა თქვა — სისულელეა, არ ვარგა-თქო. დღეს გულწრფელად საუბარი პროვინცილობად ითვლება. მერე და შენ იცი, ვინ არიან დღეს ნიპილისტები? უნიკოები და უსაქმურები. ისინი შურით სკდებიან და ყველაფერს დასცინიან. რასაც იტყვი, საწინააღმდეგოს გეტყვიან. გულწრფელად თუ რამეს ურჩევ, ეპვით შეგცქერიან, ხომ არ დამცინისო. ალბათ გახსოვს, მე ცურვაზე დავდიოდი. იქ ერთი ჩემი ნაცნობი ბიჭიც დავდიოდა, გვარი არ მახსოვს. უცნაური გვარი ჰქონდა. ვხედავდი, „ქროლს“ სწორად არ ცურავდა. გულწრფელად ავუხსენი, ხელის მოსმის დროს წყლიდან ზომაზე მეტად ამოდინარ მეტქი. პასუხად იცი, რა მითხრა:

— ?!

— სამაგიეროდ, შენ ფეხების რიტმი არ გივარგაო.
რეზომ გაიცინა.

— აბა რა გგონია, ჩემო ბიჭიკო. მე ჟურნალისტებსაც ბევრს ვიცნობ, ისტორიკოსებსაც. ისინი აინშტაინის ფარდობითობის თეორიაზე ისე თავისუფლად ლაპარაკობენ, გაცეცხისაგან შეიძლება თმები დაგიხუჭუჭდეს. მე და შენ უბრალო ნახშირბადიან ფოლადებზე ვერ გავბედავთ ასე დარწმუნებით ლაპარაკს.

მართლა, აეროდრომზე იცი, ვინ შემხვდა?

— ?!

— ცივი მიქაძე.

— ალბათ ველარც იცნობდი, — გაიცინა რეზომ, — ასეა, ძმაო, ხალხი შეიცვალა.

— მე ცოტა არ იყოს, დავიბენი. მიხვდი, რასაც გეუბნები, არა? საერთოდ, ცხოვრებაზე დავიბენი. კაცი თურმე ყველაფერს უნდა მოელოდე.

ოფიციალტმა კონიაკი, ყავა, შოკოლადი და ატმები მოიტანა.

— ბიჭოს, მართლაც არაჩვეულებრივი ატამი ყოფილა! — თქვა ლევანმა.

რეზომ ერთი ატამი გაფცქენა, თეფშზე დაკრა და მარინეს მიაწოდა. ლევანმა კონიაკი დაასხა.

— მე ცოტა დამისხი! — წყნარად თქვა მარინემ.

ლევანმა სიგარეტი ამოიღო და მარინეს გაუწოდა.

— მოდი, სამთავეს გაგვიმარჯოს, — თქვა ლევანმა და კონიაკი დალია.

— გაგვიმარჯოს, — თქვა რეზომ. მარინემ უხმოდ მოსვა.

— რატომ არ სვამ? — ჰკითხა ლევანმა.

— არ მინდა.

— ევროპაში ახლა ყველა სვამს...

— ისევ დაიწყე?

— არა, მე მინდოდა მეტქვეა, ცივილიზირებული ქალიშვილი მგონიხარ-მეთქი.

— ლევან, გაჩუმდი, თორემ წავალ!

— ჰო, კარგი, გავჩუმდები. ოღონდ, ცოტა დალიე, — ლევანმა ყავა მოსვა, — ეს თუ ყავა და...

— კარგი თუ გინდოდა, ჩვენთან ავსულობაყავით.

— ახლა არა მქონდა დედაშენის ცერემონიების თავი.

— ლევან!

— ბოდიშს ვიხდი, ოღონდ დალიე. ორი კაცი ხომ არ დავლევთ ამდენ კონიაკს.

მარინემ დალია.

— აი, ასე! ახლა შენ რადიოს მოლუზინე, მე და რეზო ცოტახანს საქმეზე ვილაპარაკებთ.

ლევანმა ჭიქები ისევ შეავსო.

— თქვენი საამქროს უფროსი რა გვარია? — სხვათაშორის ჰკითხა რეზომ.

— ხუნდაძე.

— რა კაცია?

— ძველი მუშაა. კარგი კაცია, მაგრამ უმალესდამთავრებული ხალხი გულზე არ ეხატება. მათი არაფერი სწამს.

— ეგ ძველი სიმღერაა.

— არც გაემტყუნება. ოცი კაციდან ქარხანაში სამი ინჟინერი თუ რჩება. საამქროში ცვლის უფროსობას ინსტიტუტში ლაბორანტად მუშაობა ურჩევნიათ.

— ხვენი პრაქტიკის დროს ლუმენებს დინასის თალი ჰქონდა. ახლაც ისე?

— ახლა ყველა ლუმელი ქრამიონაგ-ნეზიტის აგურითაა ნაგები.

— აირზე გადახვედით?

— არა, ისევ მახუთზე ვმუშაობთ. სამი წელია აირზე გადასვლაზე ლაპარაკობენ, საშველი მაინც არ დაადგა.

— მოიცა, მე რომ უნდა შეეცვალო, რა გვარია? — სხვათაშორის ჰკითხა ლევანმა.

— ოთარ რამიშვილი.

— ვინ არის, მე არ ვიცნობ?

— საიდან გეცოდინება, მოსკოვში დაამთავრა, ფოლადის ინსტიტუტი.

— რატომ მიდის მარტენიდან?

— მუშებთან ვერაა კარგად, — რეზომ უქანასკნელი ნაფაზი დაარტყა და სიგარეტი საფერფლეზე დააგდო, — ნამეტანი წვრილმანი კაცია, უბრალო რამეზე ჯაჭღანებს. მეტალურგებს, ხომ იცი, არ უყვართ წვრილმანი კაცი. ისე, ნამდვილად კარგი ინჟინერია.

— ხომ არ მოგეწყინა? — მიუბრუნდა ლევანი მარინეს.

მან უკვე გაიგო, რისი გაგებაც სურდა. დაახლოებით წარმოიდგინა, როგორი კაცი უნდა შეეცვალა.

— დაამთავრეთ საიდუმლო სერობა? — იკითხა მარინემ.

— ჯერ არა, ოღონდ დალიე.

— ახლა მე ვიტყვი სადღეგრძელოს! — თქვა რეზომ.

— სიამოვნებით.

— ჩვენს საქმეს გაუმარჯოს! — რეზომ სულმოუთქმელად დალია.

ლევანმა ჭიქა მარინეს მიუტახუნა.

— შენ თუ არ მოგვეშველე, ძალიან დავფრებთ.

— მეტი აღარ მინდა, პაპიროსი მომეცი.

კოლოფში სიგარეტი აღარ აღმოჩნდა. ლევანმა ოფიცინანტს ანიშნა, ორი სიგარეტი მოგვიტანეო.

— ინსტიტუტში ხომ არ ყოფილხარ? — ჰკითხა რეზომ.

— ასეთი გულჩვილი გახსოვარ?

— მე მინც მეგონა, ქარხანას აღარ დაუბრუნდებოდი.

— ვითომ რატომაო?

რეზოს ხმა აღარ ამოუღია. ფინჯანი აიღო და ყავა მოსვა.

— სულ მთლად გაცივებულა.

— ახლავე მოვატასინებ. მაინც რატომ გეგონა, რომ ქარხანაში აღარ ვიმუშავებდი.

— რა ვიცი, ასე მეგონა.

ორივენი გაჩუმდნენ. რეზოს კარგად ახსოვდა ლევანის საუბარი ინსტიტუტში შესვლის წინ. ლევანი კი გრძნობდა, რომ ყველაზე კარგად მას რეზო იცნობდა.

— ჩემო რეზო, იცი, რას ამბობენ ძველი მთავარსარდლები? მთავარი ის კი არ არის მოიგო მეორეხარისხოვანი შეტაკება, მთავარია მოიგო გენერალური ბრძოლა.

ლევანმა უკანასკნელ სიტყვაზე გაიცინა.

— ვხუშრობ, ჩემო რეზო, ერთ ღროს მართლაც ვოცნებობდი მეცნიერებაზე. უკვე დიდი ხანია ამ სურვილმა გამიარა. ჩემი საქმე არ არის ლაბორატორიაში ჯდომა და ცდების ჩატარება. აბა, დავლიოთ!

— ეს ვის გაუმარჯოს! — იკითხა რეზომ.

— ვისაც შენ გინდა, იმას გაუმარჯოს, — უთხრა ლევანმა და ოფიციალტი მოიხმო, — ყავა კიდევ მოგვიტანე.

— მეტი აღარ შეიძლება, სამზარეულო იკეტება.

— შენ რომ არ იყავი ასეთი ნერვიული?

— რა ვქნა, რა ჩემი ბრალია.

— აბა, წადი და ჩემი სახელოთ სთხოვე.

ოფიციალტი წავიდა.

— რაო, ვის გაუმარჯოს? — იკითხა ლევანმა.

— მარინეს რიგია, ახლა მარინემ თქვას სადღეგრძელო.

— მარინე, აბა ამოშაქრე.

— მე სადღეგრძელოების თქმა არ შემიძლია, — გაინაზა მარინე.

— მაშინ გუნებაში ჩაიფიქრე.

— ჩაიფიქრე! — ეშმაკურად თქვა მარინემ და ლევანს შეხედა.

— შენს ჩაფიქრებულს გაუმარჯოს! — რეზომ დალია.

— შენ რატომ არ სვამ? — ჰკითხა მარინემ ლევანს.

დარწმუნებული იყო, ხიდაშელი მიუხედა, რაც ჩაიფიქრა.

ლევანმა ჩუმად დალია, ყავის უკანასკნელი ყლუბი დააყოლა და ფინჯანი გადააბრუნა.

— იცი მკითხაობა? — თვალები გაუბრწყინდა მარინეს.

— მერე და როგორი! ღონბასში ერთმა ბერძნის ქალმა მასწავლა.

მარინემ თავისი ყავაც დასცალა და ფინჯანი გადააბრუნა.

ლევანი ტრანზისტორს მიუბრუნდა. ერთხანს აწვალა, ხეირიანი ვერაფერი დაიჭირა და გამოთიშა.

— რატომ გამოთიშე? — ჰკითხა მარინემ და საათს დახედა; — ახლა დაიწყება კარგი კონცერტები.

ლევანმა ტრანზისტორი ისევ ჩართო და მარინესაკენ მიაჩოჩა.

ოფიციალტმა ყავა მოიტანა.

— წასვლის დროც მოვიდა, — თქვა მარინემ.

— ბარემ ანგარიშიც გეითხარი, — უთხრა ოფიციალტს ლევანმა.

— ამას მე გადავიხდი, — ჯიბეს ხელს გაიჭრა რეზომ.

— აბა, ტექნიკამენტი დაიოკე! — გაბრაზდა ლევანი და მჯავზე ხელი წაავლო, — ბიჭო, ეს სამი წელი ბორშჩისა და არაყანის მეტი არაფერი მიჭამია. ფული მაქვს ჩეჩქევით.

რეზოს ხმა აღარ ამოუღია. ბოთლს ხელი მოავლო და დარჩენილი კონიაკის განაწილებას შეუდგა.

— მე აღარ მინდა! — მარინემ ჰკიქას ხელი დააფარა.

კიბეზე წყნარად ავიდნენ.

— ბიჭოს, ფეხი მეშლება. სმას გადაეჩვეულვარ! — გაეცინა ლევანს.

— ამ ხუმრობა-ხუმრობაში კარგად დავლიეთ. — დაამშვიდა რეზომ.

ყანჩაველების ბინიდან ისევ ისმოდა ჩხუბის ხმა. ლევანმა საათს დახედა, პირველი სრულდებოდა.

— ვინ ჩხუბობს? — ჰკითხა რეზომ.

— სიმონ ყანჩაველი გახსოვს? — კარი შეაღო ლევანმა.

— ფილარმონიის მსახიობი? როგორ არ მახსოვს, — რეზო სავარძელში მოწყვეტილი დაეშვა.

— ლამაზი ცოლი მოიყვანა, ასე ოცდაათი წლის.

— თვითონ, თუ არ ვცდები, ორმოცდახუთის მაინც იქნება.

— იქაც შენი შვილი!

— ოო, გასაგებია, ალბათ, რქები ეფხანება. მე სად დავწვე?

— აგერ დივანზე დაწევი, ბალიშს და ზეწარს ახლავე გამოგიტან. აბაზანაში არ შეხვალ? ცივი წყალი მოგნათლავს.

— მაგის თავი აღარა მაქვს.

ლევანმა ბალიში და ზეწარი გამოიტანა. თვითონ გაიხადა და საბანაოდ მოემზადა. რეზო დივანზე წამოწვა.

— ამ უახლოეს დღეებში გასტროლებზე ხომ არ მიბრძანდება ბატონი სიმონი? — იკითხა რეზომ.

— თუ გინდა, გაგიგებ.

— აქამდე არ გაგიგია? დაგიგვიანებია, ჩემო ძმობილო.

ლევანმა მალეძარა საათი მომართა და კარადის თავზე დადგა.

— კარადის თავზე რა უნდა საათს? — გაოცდა რეზო.

— ეჰ, ერთი ისეთი ამბავი გადამხდა, მას მერე სულ კარადის თავზე ვდგამ მალეძარა საათს: დილით შეიდ საათზე ქარხანაში უნდა ვყოფილიყავი. საათი დავაყენე და თავთან სკამზე დავდგი. დამშვიდებულმა დავიძინე. დილით, ზარს ხმამ გამომაღვია. საერთოდ, ზარის ხმაზე ტანში მაქრიალებს. უსიამოვნო

შევიშმუშნე. ღილაკს, თითი დავაჭირე და საათს ხმა ჩავუწყვიტე. მერე ერთი გემრიელად გავიზმორე, ვერც ვიხსენებ, გე, ხელახლა როგორ ჩამეძინა. ეტყობა, მთლად ვერ გამოვფხიზლდი. შენ კარგად იცი, ქარხანაში რაც მოხდებოდა. მას მერე საათს კარადის თავზე ვინახავ. სკამი აუცილებლად მეორე ოთახში გამაქვს. როცა საათი დარეკავს, იძულებული ვარ ფეხზე წამოვდგე, მეორე ოთახში გავიდე, სკამი გამოვიტანო, კარადის თავზე ავძვრე და საათი ისე გავაჩერო. ჩაძინების საშიშროებაზე ლაპარაკიც კი ზედმეტია.

— თუ ასეთი ნიჭიერი იყავი, რესტორნიდან „ბორჯომი“ რატომ არ წამოიღე?

— მაცივარი სავსეა „ბორჯომით“ და ლუდი.

— გნებდები! — იყვირა რეზომ და ხელები მალა ასწია.

— თუ ჰქვიანად იქნები, მაცივარში სხვა სასმელებიც შეგულება, უფრო სერიოზული განხრით.

— ეჭვი აღარაფერში მეპარება! დამემშვიდობისა! — რეზომ ზეწარი წაიფარა და კედლისკენ გადაბრუნდა.

— აბა, ჰე! — უპასუხა ლევანმა და სააბაზანოში შევიდა.

თავი მისამე

1.

მარტენის საამქროს უფროსი, ელიზბარ ხუნდაძე, ორმოცდაათმეტს მიღწეული ჯმუხი კაცი იყო, სიტყვაძუნწი და მკაცრი. სახე ერთთავად ჩამოსტიროდა. ძველმა მუშამ მარტენის საამქროს უფროსობამდე გზა თავისი გაპქრიახობითა და შრომისმოყვარეობით გაიკვალა. ცხოვრებაში მარტენის ლუმელების მეტი არაფერი აინტერესებდა და არც იცოდა. დილიდან დაღამებამდე ლუმელებს არ სცილდებოდა. სამსახურის დამთავრების შემდეგ შინ წავიდოდა, ისაღილებდა, ცოტას დაისვენებდა და ისევ საამქროში ბრუნდებოდა. შეგებულება რა იყო, არ იცოდა.

ჯერ კიდევ პატარა ბიჭი რუსეთში წავიდა და მეტალურგიულ ქარხანაში შავ მუშად მოეწყო. თითქმის მთელი რუსეთი შემოიარა. რუსთავში მეტალურგიული ქარხანა რომ ამუშავდა, რუსეთში გაფანტული ქართველი მეტალურგები მოიწვიეს. მაშინ ელიზბარი ოსტატი იყო. ბევრი ქართველი მეფოლადე გამოზარდა, თვითონ ჯერ ცვლის უფროსად დანიშნეს, მერე საამქროს უფროსის მოადგილედ. ბოლოს მარტენის საამქროც ჩააბარეს. ელიზბარმა იცოდა, იგი უკვე თავის ცხოვრების მწვერვალზე იყო ასული. ამაზე წინ წასვლის საშუალებას არც ცოდნა აძლევდა და არც ასაკი; არცა სურდა. საამქროს უფროსობაც კი ზედმეტად მიაჩნდა. მარტენის გაძღოლა სადღა შემოძლია, მაგრამ ერთი ზეირიანი ინჟინერი არ მეგულება ამხელა საამქროშიო.

როცა რუსთავის მეტალურგიული ქარხანა ამუშავდა, ქართველი ინჟინერ-მეტალურგები თითზე ჩამოსათვლელნი იყვნენ. საინჟინრო თანამდებობების ნახევარზე მეტი შრომაში დაწინაურებულ პრაქტიკოს სპეციალისტებს ეჭირათ. ელიზბარი მაშინ უკვე საამქროს უფროსი იყო, როცა რუსთავში ქართველი მეტალურგების პირველი თაობა მოვიდა. თავიდანვე აითვალისწინა უმაღლესდამთავრებული ინჟინრები. გემოვნებით ჩაცმულ ლამაზ ბიჭებს ავადებულად უყურებდა, „თეთრხელა მეტალურგებს“ ეძახდა, მათი არაფერი სწამდა.

ბევრი ინჟინერი ქარხანას ვერ უძლებდა, ისინი ათასგვარ ლაბორატორიებსა და კვლევით ინსტიტუტებში გარბოდნენ, მძიმე შრომას თავს არიოდებდნენ. როცა ელიზბარი მათი განთავისუფლების ბრძანებას სწერდა, გულმოსული თავისთვის ბუტბუტებდა:

— ლაწირაკები, ძუძუმწოვრები. მიეჩვივნენ ლუქის პირში ჩადებას, ხელის განძრევა აღარ უხდათ.

ქარხანაში ახლად მოსულმა ახალგაზრდა, გამოუცდელმა ინჟინრებმა თავიდან ბევრი წვრილიანი რამე არ იცოდნენ. ელიზბარი ყოველთვის ცდილობდა,

ისინი რაიმეს უცოდინარობაში გამოეჭრა და დაეცინა, ინსტიტუტისთვის კბილი გაეკრა.

ელიზბარი იმასაც ხედავდა, ახალგაზრდა ინჟინრები რა მალე ერკვეოდნენ ყველაფერში. სულ რამდენიმე თვე და ფოლადის დნობის ყველა პრაქტიკული საიდუმლოება იცოდნენ. ამ საიდუმლოებათა ჩაწვდომას კი ელიზბარმა ათეული წლები მოანდომა. არც ეს მოსწონდა: ყველაფერს იოლად აღწევენ და შრომის ფასი არ იციანო. ელიზბარმა არ იცოდა, ინსტიტუტში სწავლის დროს სტუდენტის თავში რამდენ ფორმულასა და თეორიას უნდა გაეელო, შემდგომში რომ ყველაფერს ადვილად ჩასწვდომოდა.

ახალგაზრდა ინჟინრებმა მეტალურგიის ისეთი ამბები იცოდნენ, რასაც ელიზბარი, ალბათ, ველარასოდეს გაიგებდა. იგი მეცნიერულად ვერ ერკვეოდა იმ ურთულეს პროცესებში, რომლებიც მარტენის ლუმენში ფოლადის დნობისას მიმდინარეობს.

ყველანი ზოდი გარბოდნენ. ბევრი მართლაც კარგი ინჟინერი იყო. ხუნდაც გრძნობდა, ზოგიერთები საამქროს მასზე უკეთაც გაუძღვებოდნენ, მაგრამ მაინც არა ტყდებოდა: ჯერ ვნახოთ, წლები გავიდეს, მერე ვილაპარაკოთ, რა ბიჭებიც არიანო.

ელიზბარი პატიოსანი, მშრომელი და სამართლიანი კაცი იყო. სიყვარულით საამქროში მაინცდამაინც არ უყვარდათ. პატივს კი ყველა სცემდა.

გააფუჭებდი რამეს და შავ დღეს დაგაყრიდა, კარგს კი არასდროს მოგიწონებდა. ხმას იშვიათად ამოიღებდა, მხოლოდ საქმეზე ლაპარაკობდა. სიცილი რა იყო, არ იცოდა. ახლა ირგვლივ ახალგაზრდა ინჟინრები ეხვია. ისინი ათას რამეზე საუბრობდნენ და კამათობდნენ: ლიტერატურაზე, მუსიკაზე, სპორტზე. ელიზბარს ამისი არაფერი გაეგებოდა. არც მათ საუბარში ერეოდა. ინჟინრები მეტალურგიის ამბებზეც ხშირად ლაპარაკობდნენ. რაღაც რთულ ფორმულებს სწერდნენ, დიაგრამებს ხაზავდ-

ნენ. ელიზბარს არც ეს თეორიული საკითხები ესმოდა. ამ დროს მათთან საუბარს ერიდებოდა.

ელიზბარი საკუთარ ძალას მხოლოდ მარტენის საამქროში გრძნობდა. იქ ყველა კუნჭული, მოქლონი და კრონშტიინი ხუთი თითივით იცოდა. ტოლს არავის უღებდა, არაფრის არ ეშინოდა, არაფერი არ აწუხებდა. როგორც კი საამქროს დასტოვებდა, სხვა ხალხში გაერეოდა, სხვა საქმისა და პრობლემის წინაშე დადგებოდა, თავი უმწყო ბავშვი ეგონა. იმავე წუთში ხოჭოსავით თავშესაფარს ეძებდა. ეს თავშესაფარი კი მარტენის საამქრო იყო. იგი მხოლოდ აქ ცხოვრობდა, ლაღად სუნთქავდა. მის გონებამღე ამიტომაც არ მოდიოდა, თუ მეტალურგს, მეფოლადეს, მარტენის საამქროს ვარდა რაიმე სხვა გატაცებანი და მიზნები უნდა ჰქონოდა.

კიდევ ერთი წელიწადი და ელიზბარს პენსია უწევდა; ტანში უსიამოდ აერყოლებდა. ვერც კი წარმოედგინა, ქარხნის გარეშე სიცოცხლე თუ შეიძლებოდა. ახალგაზრდობას კი საქმის ასეთ სიყვარულს ვერ ამჩნევდა.

აი, ახლა მის წინ ლევან ხიდაშელი იდგა, — მაღალი, ჩამოსხმული ჭაბუკი, იგი ქარხნის მთავარმა ინჟინერმა გამოუგზავნა, მიხეილ გიორგაძემ. თან ძალიან უქო, კარგი ბიჭიაო.

„ბიჭად ბიჭი, მართლაც კარგი ჩანს.“ — ფიქრობდა ელიზბარი და ხმის ამოღებას არ ჩქარობდა. სკამიც კი არ შესთავაზა.

ლევან ხიდაშელი ერთ ხანს ელოდა, ან ახლა შემთავაზებს სკამს, ან ახლაო. ხმის ამოღებას რომ ვერ ეღიროს, სკამი ჯიქურ გამოსწია და მაგიდას მიუჯდა.

ელიზბარი გაბრაზდა, მაგრამ არაფერი უთქვამს:

„ერთი ამ ძუძუმწოვარას დამიხედე!“

— გიმუშავენიათ სადმე? — ამოიღო ბოლოს ხმა საამქროს უფროსმა.

— უფრო მეტი, ვიდრე თქვენ გგონიათ! — გამოამწვევად უპასუხა ლევანმა.

პირველი შთაბეჭდილება ძალზე ცუდი დარჩა ელიზბარ ხუნდაძეს, მომავალი ცვლის უფროსი არ მოეწონა. ლევანმა

თავიდანვე აგრძნობინა, მართლაც საამქროს უფროსი ხარ, მაგრამ არ გგონოს ჩემზე მეტი რამე იცოდნის.

აინტერესებდა, საქმეში გამოეცადა ხიდაშელი. მის ხელში ბევრ ახალგაზრდას გაუვლია, მაგრამ ეს არცერთს არ ჰგავდა, რალაც სხვანაირი ბიჭი იყო. ელიზბარი ვერ მიხვდა, მაინც „რანაირი“ იყო ლევან ხიდაშელი.

„თუ სადმე წაიტეხე ფეხი, მერე ვნახოთ, რა რიხით ილაპარაკებ“, — ფიქრობდა ელიზბარი და რალაც განსაკუთრებული მოუთმენლობით ელოდა, ახალი ინჟინერი ცვლაში როდის გავიდოდა.

ის დღეც დადგა. ლევანს დილის ცვლაში მოუწია მუშაობამ. მას ნოდარ ერგაძე უნდა შეეცვალა. ლევანმა ცვლაში გასვლამდე ორი დღე სამილე ფოლადის მარკების დნობის ტექნოლოგიის შესწავლას მოანდომა. ამ მარკის ფოლადი მას არასდროს გამოედნო. ორჯერ ცვლაშიც გაყვა ნოდარს. ერთხელ იგი ცვლის ვალდებარებასაც შეესწრო და ოთარი რამიშვილი შეათვალაიერა.

მუშებმა იცოდნენ, ოთარი ქარხნის ცენტრალურ ლაბორატორიაში გადაპყავდათ. იგი ახალ ინჟინერს უნდა შეეცვალა. ისინი სიხარულს ვეღარ მალავდნენ. მოეწონათ უფროსი. ერთმანეთს ანიშნეს, მაგარი ბიჭი უნდა იყოსო.

ლევანი ამჩნევდა, მისი მომავალი ხელქვეითები თვალით რომ ზომავდნენ. არაფერს იჩინებდა; მხოლოდ, როგორც კი ხელსაყრელ მომენტს იპოვიდა, რამიშვილს მალულად თვალს შეავლებდა.

ოთარი დაბალი, გამხდარი, სათვალაინი ბიჭი იყო; ოცდარვა-ოცდაათი წლისა თუ იქნებოდა. ლურჯი სატინის ხალათი ეცვა. ზედა ჯიბეები ათასგვარი ინსტრუმენტებით ჰქონდა გამობერილი. ამ ინსტრუმენტებისა და უბის წიგნაკებს შორის პატარა ლოგარითმულ სახაზავსაც მოუჩანდა თავი.

ცვლაში გასვლისას ლევანი ქარხანაში შუალამისას მივიდა. ერგაძე თავის ოსტატს ელაპარაკებოდა.

— ამ შუალამისას რამ მოიყვანა! — ჩაილაპარაკა მან, როცა ლევანი დაინახა.

— ახალი ცოცხი კარგად ჰგვის, ძველი მოატანს ქვიშასაო, — გაიცინა ოსტატმა.

— არაა ისე საქმე, შენ რომ გგონია! — მრავალმნიშვნელოვნად უთხრა ნოდარმა და ლევანის შესაგებებლად წავიდა.

— გათენებამდე ვერ გასძელი? — ჰკითხა შორიდანვე.

ორივენი ხელსაწყობის ჯიხურში შევიდნენ.

— შენ ხომ არა გგონია, ვლელავ? ეგ პერიოდი დიდი ხანია გავიარე. რაც არ უნდა იყო, პირველი დღეა. მინდა, თავიდანვე კარგად ვიცოდე, რომელ ღუმელში რა პროცესია. რამდენი დნობა გამოუშვი?

— ხუთი.

ორივენი გარეთ გავიდნენ და ღუმელებს ჩამოუარეს.

საამქროში ლაპარაკი თითქმის შეუძლებელი იყო. ღუმელების ახლოს ხანს ამოღებას, საერთოდ, არ ჰქონდა აზრი. საწვავად ბუნებრივი გაზისა და მახუთის კარბონაციის ნარევის ორთქლით აფრქვევდნენ თერთმეტ ატმოსფერო წნევაზე. ამას საამქროში შემოსული ორთქლმავლები კვილი და ხილური ამწეების ხმაური ემატებოდა. მთელი საამქრო ისე ზანზარებდა, ყურთასმენა აღარ იყო. მუშები ერთმანეთს ხელებით ელაპარაკებოდნენ. ოპერატორებს და მემანქანეებს ბრძანებასაც ხელებით აძლევდნენ. აი, ახლაც, როცა ნოდარი და ლევანი პირველ ღუმელთან მივიდნენ, მეფოლადე ხილური ამწეს მემანქანეს „ელაპარაკებოდა“. მან ლოყაზე ხელი მოისვა, — ეს ნიშნავდა, კირი ღუმელთან მოიტანეთ.

ხიდაშელს გაეღიმა, მას მახუთის საწვავიან მარტენის საამქროში არასდროს ემუშავა და პირობითი ნიშნებიც დაიწყოებული ჰქონდა. მეხსიერებას ძალა დაატანა და გონებაში ყველაფერი აღადგინა. ხელისგულების ერთმანეთის პარალელურად, ოღონდ საწინააღმდეგო მიმართულებით მოძრაობა განმეანგველების მოტანას ნიშნავდა. მომუშტულ ცალ ხელს მალა თუ ასწევდი, მემან-

ქანემ უკვე იცოდა, ციციხის აწვეას იტხოვდი. ცერის დაბლა დაშვება თუჯის ჩამოსხმას ნიშნავდა, საჩვენებელი თუჯის ბრუნვა — ფეროსილიციუმის მოტანას, თვალის ქვეშ, დაწვზე თითის დადება — შემოწმებას...

— აირზე გადასვლას აღარ აპირებთ? — ყვირილით ჰკითხა ლევანმა მეგობარს.

— ჰა? — ვერ გაიგო ნოდარმა.

— აირზე არ გადაღიხართ? — ახლა ხელებით ანიშნა.

ნოდარმა თავი დააქინა და ხელები გაშალა, თითქოს ამბობდა, ვაპირებთ, მაგრამ ღმერთმა იცის — როდისო.

ყველა ღუმელი შეამოწმეს. მესამე, მეოთხე და მეშვიდე ღუმელებში კაზმს ტვირთავდნენ. მეშვიდე ღუმელზე ჩატვირთვას ოსტატი ხელმძღვანელობდა. ლევანი ოსტატთან მივიდა და რაღაც შენიშვნა მისცა. ნოდარმა იცოდა, მისი ოსტატი გაშოცდილი კაცი იყო და არაფერი შეეშლებოდა. ახლა სახის გამომეტყველებაზე ატყობდა, ოსტატი ლევანს დაეთანხმა. თვითონ საქმეში აღარ ჩაერია. ჩატვირთვას ახლა ლევანი ხელმძღვანელობდა. ოსტატმა მემანქანეს ანიშნა, თხევადი თუჯი მოიტანეთ. როცა ხიდაშელი და ოსტატი ღუმელს მოსცილდნენ, ნოდარი ერთ-ერთ ფანჯარასთან მივიდა, შავი სათვალე აიფარა და ღუმელს ჩახედა. მან უკვე იცოდა, ლევანმა ოსტატს რაც მიუთითა: ჯართი ალაგ-ალაგ გამდნარიყო, თხევადი თუჯის ჩასხმა დაეგვიანებინათ.

ოსტატმაც კარგად იცოდა, ცივი ჯართზე თუჯის დასხმა არ შეიძლებოდა. თუჯი ღუმელში მაშინ უნდა ჩაასხა, როცა ჯართი კარგად გახურდება, ზუსტად მაშინ, სანამ ლითონი გადნობას დაიწყებს. თუ ჯართმა გადნობა დაიწყო, ლითონის გუბეები დგება, თუჯის ჩასხმას შემდეგ ქიმიური რეაქციები მძაფრად მიდის და ამ დროს სამუშაო მოედანზე წილა და ლითონი იღვრება ხოლმე. ეს კი ძალზე სახიფათოა და ღუმელთან მისვლაც საშიშია.

ნოდარმა ოსტატს ხელით ანიშნა, ეს როგორ მოგივიდაო, მანაც ასევე უპა-

სუბა, სამ ღუმელში ერთდროულად მოგვიწია კაზმის ჩატვირთვამ და ახა რა უნდა მექნაო.

ნოდარი ახლა მეფოლადეს მიუბრუნდა და ანიშნა, ფრთხილად იყავითო.

ორთქლმავალი მეშვიდე ღუმელის წინ გაჩერდა, თუჯი მოიტანეს.

ლევანი ღუმელთან ახლა ისე ტრიალებდა, თითქოს მეფოლადე ყოფილიყოს. ნოდარს ეღიმებოდა და ხმას არ იღებდა. უშნო ფხუკიანობა არ უყვარდა. არ სწყინდა, ლევანი რომ მის საქმეებში ჩაერია. თუმცა თვითონ იცოდა, ლევანს ამას ვერ გაუბედავდა.

ნოდარს ცვლა ლევანისთვის უნდა გადაებარებინა. ეს მისი პირველი დღე იქნებოდა რუსთავის მეტალურგიულ ქარხანაში; პირველი შეხვედრა და პირველი შთაბეჭდილება მუშებთან და უფროსებთან. პირველი შთაბეჭდილება კი ბევრ რამეს ნიშნავს, განსაკუთრებით — მეტალურგიულ ქარხანაში. ლევანს პირველად უნდა გამოედნო უცნობი მარკის ფოლადი. სხვის საქმეებშიც ამიტომ ერეოდა, უნდოდა, ახლავე ყველაფერი სცოდნოდა, რომელ ღუმელში რა მდგომარეობა იყო, რა პროცესი მიდიოდა.

ნოდარი იმასაც კი ფიქრობდა, ლევანის ცვლაში დავრჩები, მოვეხმარები, რაც არ უნდა იყოს, საამქროში კაცი პირველად გამოდის, ვაითუ რამე გაუჭირდესო. ეს აზრი უმაღვე უარპყო. ჯერ ერთი, მუშებს არ უნდა დაენახათ, რომ ცვლის ახალ უფროსს დანაშარება სჭირდებოდა; მეორეც, თვითონ ლევანი განაწყენდებოდა.

როცა ოპერატიული შეკრების დრო დადგა, ლევან ხიდაშელმა უკვე კარგად იცოდა, მარტენის საამქროს რვავე ღუმელში რა ხდებოდა, სად რა პროცესი მიდიოდა.

ოპერატიულ შეკრებას ლევანის ცვლის ოსტატები და მეფოლადეები გახსაკუთრებული მღელვარებით მოელოდნენ. ერთი ვნახოთ, ახალი უფროსი რა ბიჭიაო.

იმ დღეს ოპერატიული შეკრება საამქროს უფროსთან ჩატარდა. ლევანი ყვე-

ლაზე ბოლოს შევიდა კაბინეტში მეფოლადეები ფეხზე წამოდგნენ.

— გაციანით, თქვენი ახალი ცვლის უფროსი ლევან ხიდაშელი, — მიმართა შეკრებილთ ელიზბარ ხუნდაძემ.

ლევანმა მეფოლადეებს თავი დაუკრა და გაუღიმა. იგი თავისი ახოვანი ტანით ყველასგან გამოირჩეოდა, უხეში ტანსაცმელი და მძიმე ბათინკები უხდებოდა, ვაჟაკურ იერს აძლევდა.

ელიზბარი ახლა ლევანს მიუბრუნდა და მაგიდასთან მდგომი დაბალი კაცი წარუდგინა.

— ეს გახლავთ საამქროს ობერ-ოსტატი გიორგი მელაძე.

ლევანმა დაბალ, დიდთავა და დაკუნთულ კაცს ხელი ჩამოართვა.

— ესენი თქვენი ცვლის ოსტატები არიან — არჩილ და ვასო ხარაიძეები. ძმები გახლავან, ჩემო ბატონო, და ძალიან კარგი ბიჭები არიან.

შემდეგ ელიზბარმა მეფოლადეები წარუდგინა. ლევანმა ყველას ხელი ჩამოართვა. თან ცდილობდა მათი გვარები და სახელები დაემახსოვრებინა.

— თქვენი წინა ცვლის ბიჭებს ალბათ ნოდარი გაგაცნობდათ, — უთხრა ელიზბარ ხუნდაძემ, — გავიგე წუხელ შუალამისას მოსულხართ საამქროში. ალბათ, ღელავთ, არა?

ლევანს ეწყინა, საამქროს უფროსმა ასეთი სიტყვები ხელქვეითების თახდასწრებით რატომ მითხრაო.

— დროულად შოუხანენებიათ წუხანდელი ამბები, ბატონო ელიზბარ.

საამქროს უფროსი შეკრთა, ლევანს შეხედა. ხიდაშელი იღიმებოდა. სათქმელი უკვე უთხრა და ახლა აღარ უნდოდა საქმე გაემწვაეებინა.

— მერე რა არის აქ საწყენი? ვინც ეგ მითხრა, თქვენი შექება ჰქონდა განზრახული. განა საქრახისია მარტენის საამქროში სამუშაოდ გასვლისას პირველ დღეს კაცი რომ ღელავდეს?

ეს სიტყვები ელიზბარმა მშვიდად წარმოთქვა. არც მას უნდოდა, ხალხის თვალში ისეთი შთაბეჭდილება შეექმნა,

თითქოს თანამშრომელთან წალაპარაკე-
ბა მოუვიდა.

— პირველ დღეს თქვენს საამქროში,
ბატონო ელიზბარ! — გაუსწორა საამქ-
როს უფროსს ხიდაშელმა. — თორემ ეს
ხალხი იფიქრებს, კაცი ქარხანაში პირ-
ველად ყოფილა და პირდაპირ ცვლის
უფროსად გვინიშნავენო. რუსეთის ოთხ
ქარხანაში მიმუშავია და თითქმის ყველა
მარკის ფოლადი გამომიდგნია.

ახლა კი ჩამოუშვა ცხვირი ელიზბარ-
მა. ჟურნალს ჩააჩერდა და ფანქარს და-
უწყო წვალება.

— გეხუმრეთ, ბატონო ელიზბარ, სა-
წყენად არაფერი მითქვამს, — ღიმილით
ლაუმატა ლევანმა და დანარჩენებს გა-
დახედა.

არავის სახეზე არ წაუკითხავს უკმა-
ყოფილება.

ხოდარმა თვალიც ჩაუკრა და გაუღი-
მა. ლევანი მიხვდა, არ გადაუჭარბებია.
თავისი სათქმელი კი თქვა, ყველას აგრ-
ძნობინა, ხელს იოლად არავის წამოაკე-
რევიანებდა.

მხოლოდ გიორგი მელაძის გამოხედ-
ვა არ მოუწონა. გიორგი მარტენის ღუ-
შელების საუკეთესო მცოდნედ ითვლე-
ბოდა. იგი მთელს კავშირში სახელგან-
თქმული ობერ-ოსტატი იყო. ხშირად
სხვა ქარხნებიც კი იწვევდნენ ღუმელე-
ბის შესაკეთებლად. თეორიისა მასაც
ბევრი არაფერი გაეგებოდა, ტექნიკური
ჰქონდა დაქთავებული. ჯერ სავსებით
ახალგაზრდა კაცი იყო, ოცდახუთმეტი
წლისა არც იქნებოდა. სწავლის გაგრძე-
ლების სურვილი არასდროს არ ჰქონია.
იკოდა, თავისი საქმის პროფესორს
ექაზხდენ. ობერ-ოსტატისათვის ესეც
კმაროდა. მასაც არ უყვარდა, როცა
ახალგაზრდა ინჟინრები მეცნიერული
ცოდნით ამაყოფნდნენ.

„მივხვდი, რა ჩიტიც ყოფილხარ“, —
დაასკვნა ელიზბარ ხუნდაძემ.

ღუმელი მანაც არ დაურღვევია. ერთ-
ხანს ისევ მაგიდას დასჩერებოდა.

— აბა, დავიწყოთ, — მოულოდნე-
ლად თქვა მან და ფოლადის დნობის
პასპორტები მოითხოვა.

ოპერატიული შეკრება დაიწყო.
ელიზბარ ხუნდაძე ცვლის უფროსებს
ყურს თითქმის არ უგდებდა: ^{არაფერი}
^{გველმოქმედა}
„ეს როგორ გამიბედა ამ ძუძუმწოვარ-
რამ! — არ ასვენებდა ბოღმა საამქროს
უფროსს. — ისე ეტყობა, მაგარი ბიჭი
უნდა იყოს. მაგრამ ძალიან ნუ გათამამ-
დები, შვილოსა, თორემ ვნახავ, ბევრჯერ
წაიტებს კისერს. მერე გაგახსენდება, ბე-
ბერი ხარის რქანიც ეწვეიანო, მაგრამ
გვიან იქნება“.

ელიზბარს გული თავის თავზე უფრო
მოსდიოდა. სიტყვა როგორ მომიჭრა, რა
ენა დაძებო. თუმცა კარგად იცოდა, ვე-
რაფერი შვილი მოლაპარაკე გახლდათ...
გულბოროტი კაცი არ იყო, მაგრამ ძუ-
ძუმწოვარას დაცინვა როგორ შეეკარჩი-
ნო, ამაზე ჯავრობდა.

როცა შეკრება დამთავრდა, ელიზბარი
ლევანს მიუბრუნდა.

— თუ თქვენი სურვილიც იქნება, მე
ვთხოვ ნოდარს ცვლაში ორი საათით
მანაც დარჩეს და ცოტას წაგეხმაროთ.
წილან გაფიცხდი, მაგრამ, რაც არ უნდა
იყოს, მანაც პირველი დღეა. — საამქ-
როს უფროსმა ლაპარაკი თქვენობით
დაიწყო და „შენობით“ დაამთავრა. რო-
გორც თვითონ ამბობდა, მარტენის სა-
ამქროში ჰიპოპოტილ და დაბერებულ
კაცს არ ეხერხებოდა ტყლარჭვით ლა-
პარაკი.

— მე თქვენ ამას არ გაკადრებდით,
ბატონო ელიზბარ! — ხიდაშელს ამ სი-
ტყვებზე წედანდელივით აღარ გაუღი-
მია, იგი სიბრაზეს აღარ მალავდა.

ნოდარმა გულში ვაიფიქრა, რა კარგი
ვქენი, წედან ლევანს დარჩენა რომ არ
შეეთავაზეო.

— ძალიან კარგი! — ფეხზე წამოდგა
ელიზბარი. — მაშინ ყველანი წაბრძან-
დით და საქმეს მიხედეთ.

ძმები ხარაიძეები კარგი ოსტატები
იყვნენ, მაგრამ ხიდაშელი ფოლადის
დნობას ყველა ღუმელში თვითონ ხელ-
მძღვანელობდა. არჩილი ძმაზე მთელი
თორმეტი წლით უფროსი იყო. მეტა-
ლურგიული ტექნიკური ჯერ კიდევ რუს-
თავის ქარხნის ამუშავებამდე დაამთავ-

რა და ურალში მუშაობდა. როცა რუსთაში გადმოვიდა, იმ დროს ვასომატ მოიხანა სამხედრო ვალდებულება და შოფრობას აპირებდა.

— ბიჭო, ქარხანაში გამომყევი, შოფრობას ყოველთვის მოასწრებ, — ურჩია უფროსმა ძმამ.

ვასო ძმის რჩევა ჭკუაში დაუჭდა და ქარხანაში წაპყვა. დამხმარე მუშიდან დაიწყო მისი კარიერა და ოსტატობას მიადწია. სოფელში გაზრდილ კაცს პირველად ქარხანა არ მოეწონა. ლითონის უზარმაზარ ფერმებზე და კონსტრუქციებში, ცეცხლსა და გუგუნში რომ მოექცა, თავი გალიაში გამომწყვდეული ეგონა. აქეთ-იქით ეხეთქებოდა. ბევრჯერ გაპარვაც დააპირა, მაგრამ ძმა გადაუდგა წინ.

— რა ვქნა, ქარხანა ჩემი საქმე არ არის, სხვა ხელობა უნდა ვისწავლო! — წუწუნებდა ვასო.

— არსად წახვიდე, შე მამაძაღლო, ბიჭებში თავი არ მომჭრა! — ბრძღვინავდა არჩილი.

ვასო ნამუსიანი ბიჭი იყო და ძმის შერცხვენა არ უნდოდა. მეტალურგიის ტექნიკუმი დაუსწრებლად დაამთავრა. მალე მეფოლადედ დააწინაურეს. პირველი დნობა რომ თვითონ გამოუშვა, მეტალურგობას გემო მაშინ გაუგო. ადრე ყველაფერი იოლი ეგონა. იგი ღუმელს ისე უყურებდა, როგორც გარეშე კაცი მისჩერებია დაფასთან მიმსხდარ მოჭადრაკეებს. საქადრაკო დაფას თვითონ რომ მიუჭდა, მაშინ მიხვდა, ყოველი სვლა რა ძნელი გასაკეთებელი ყოფილა.

ახლა რომ მოგეკლათ, ქარხნიდან ვეღარ გააგდებდით. ძველი ცვლის უფროსი არ მოსწონდა, ამბობდა — უგერგლო და უნდილი კაცი. უფროს ძმას სხვაზე ძვირის თქმა არ უყვარდა, მაგრამ რამიშვილზე ისიც ხშირად ამბობდა — უღდეურია, ეს მამაძაღლო.

ოთარ რამიშვილის ცვლის უფროსობის დროს გეგმას წელიწადში სამჯერ თუ ასრულებდნენ. ძმები კარგი ოსტატები იყვნენ, მაგრამ რამიშვილი ხალხს ვერ იმორჩილებდა და მეფოლადეებმა თავი

აიშვეს. სხვა ცვლის მეფოლადეებიც გათამამდნენ. თითქმის ყოველთვის ციხეც კუდად გაწყობილ ღუმელებზე ცხვარებდნენ; ბალებით შეფასებამაც სტყუოდნენ. ოთარს იბრიყვებდნენ. მეფოლადეები ჩხუბობდნენ, მაგრამ სხვა ცვლის მუშები რაკი ერთხელვე გათამამდნენ. ლაგამი ველარავინ ამოსდო.

თვითონ ოთარის ხელქვეითებმაც აიცრუეს მუშაობაზე გული. ღუმელების ჩაბტირთვა ვერასდროს რეგინად ვერ ხერხდებოდა. რამიშვილი უფროსებს ვერაფერს უბედავდა. საკაზმე ეზოდან ყველაზე ცუდ ჯართს ყოველთვის მის ცვლას უგზავნიდნენ ხოლმე. თვითონ კი ნერვიულობდა, წვრილმან ამბებზე ჩხუბობდა.

ღვეანი ყველას მოეწონა. იგი მოსული, ღონიერი ბიჭი იყო. ეს კი მარტენის საამქროში ბევრ რამეს ნიშნავდა. ახლა ყველას აინტერესებდა, მუშაობაში როგორი იქნებოდა. ოპერატიული შეკრების შემდეგ მუშები ძმებს შემოეხვივნენ. როგორი ბიჭიაო, კითხულობდნენ ერთხმად. ბიჭად ბიჭი კარგიაო, მოკლედ მოჭრა არჩილმა. ვასომ კი ტუჩები მოპრუწა და მარჯვენა ცერი თითი მალსასწია, ოქრო ბიჭიაო. ოთარ რამიშვილს კი არა ჰგავს, უფროსების დანახვაზე რომ კანკალებდაო.

ვასო ჯარში ნამყოფი კაცი იყო და ძლიერ აღამიანებს პატივს სცემდა.

არჩილ ხარაიძეს არ ეკაშნიკა, როცა მისი გასაკეთებელი საქმეც ცვლის უფროსმა გააქეთა. ცხვირი ჩამოუშვა, მაგრამ არაფერი უთქვამს. იფიქრა, პირველი ღღეა და ალბათ ყველაფერს თვითონ იმიტომ დაჰკანკალებსო.

ვასოს კი თავიდანვე გული მოფხანა ცვლის ახალმა უფროსმა, გოგია ნემსაძეს რომ ამოსდო ლაგამი.

გოგია მეორე ღუმელზე მეფოლადის თანაშემწედ მუშაობდა. ამოდენა მუტრუკი მთელი დღე ლაზღანდარობის მეტს არაფერს აკეთებდა. ოთარი ვერაფერს უბედავდა. ვასოც ბევრჯერ ეჩხუბა, არაფერი გამოუვიდა. გოგიას მეფოლადე წყნარი კაცი იყო და ხმას არ იღებდა.

ჩხუბსა და აყალმაყალს, მირჩევნია, მისი საქმეც მე გავაკეთოო, — იტყოდა იგი და ხელს ჩაიქნევდა ხოლმე.

„ქარხანაში ფულის გასაკეთებლად არის მოსული!“ — ბრაზობდა ვასო.

ლევანმა თავიდანვე შეამჩნია უსაქმური მუშა, მაგრამ არაფერი თქვა. არ უნდოდა, პირველსავე დღეს ვინმესთვის შენიშვნა მიეცა. როცა მეორე ღუმელთან კიდევ ჩაიარა და მეფოლადის თანაშემწე ისევ ნიჩაბზე ჩამოკიდებული დანახა, ვეღარ მოითმინა, ხელსაწყოების ჯიხურში შევიდა და ვასოს დაუძახა:

— ვინ არის ეგ ბიჭი?

— რომელი? — ჰკითხა ვასომ და მეორე ღუმელისაკენ გაიხედა.

— აი, ის მაღალი ბიჭი, ღუმელის ფანჯარაში უსათვალოდ რომ იყურება.

— მეფოლადის თანაშემწეა, გოგია ნემსაძე.

— აბა, ერთი დამიძახე!

ოსტატი გარეთ გავიდა და გოგიას ანიშნა, უფროსი გეძახისო.

მეფოლადის თანაშემწე ერთხანს ისევ ისე იდგა, ნიჩაბზე ჩამოკიდებული. ვითომ ოსტატის ნათქვამი ვერ გაიგო. მერე ნიჩაბი იქვე უგულოდ მიავლო და ზღაზენით წამოვიდა. გზაში სიგარეტი ამოიღო, ვიღაც მუშასთან შეჩერდა, ანიშნა, ასანთი მომეციო. მუშამ ხელი გაუქნია, არა მაქვსო. გოგია ჯიხურში შევიდა, ჯერ ვიღაცას ასანთი გამოართვა, სიგარეტს მოუკიდა და მერე ღიმილით თქვა:

— გისმენთ, უფროსო!

ლევანმა მეფოლადის თანაშემწე თავიდან ფეხებამდე ჩათვალა. მაღალი, ჯანიანი მწითური ბიჭი იყო. გრძელი, დაკუნთული მკლავები და ნიჩბისოდენა მტევნები ჰქონდა.

— შავი სათვალე თუ გაგიტყდა, რატომ ოსტატს არ უთხარი? — ჰკითხა მშვიდად ლევანმა.

— არ გამტეხია, აგერა მაქვს ჯიბეში, — გოგიამ ჯიბიდან სათვალე ამოიღო და ლევანს დაანახა.

— ღუმელში როცა იყურები, რატომ არა ხმარობ?

— არ მინდა და არა ვხმარობ — მკვახედ მიუგო ნემსაძემ.

— მართალია, თუ არ გინდა და იხმარო! — ისევ მშვიდად უთხრა ლევანმა.

მეფოლადის თანაშემწე ასეთ პასუხს არ ელოდა. იგი ფიქრობდა, უსაფრთხოების ტექნიკის დარღვევისათვის ახალი უფროსი ამიყვირდებო და დასახვედრად იყო გამზადებული. ახლა ეს ახმახი კაცი დაიბნა, აღარ იცოდა, რა ეთქვა და უხერხულად იგრიხებოდა.

— გატყობ, ხსენითზე ვერა ხარ, თავს ცუდად ხომ არა გრძნობ? — ისევ წყნარად ჰკითხა ცვლის უფროსმა.

— არა, უფროსო, ავადმყოფს რა მიგავს!

— იქნებ შინ გაქვს რაიმე უსიამოვნება ან გადაუღებელი საქმე, მიტხარი და გაგიშვებ. შენ საქმეს როგორმე მოუუვლით.

გოგიამ იფიქრა, ხომ არ დამციინისო. ცვლის უფროსს ყურადღებით შეხედა. მსხვდა, ხიდაშელი არ დასციინოდა. ამას ცვლის უფროსის წყნარი სახე და მშვიდი კილო მოწმობდა. საქმის ასე შემობრუნებას აღარ ელოდა. ოსტატმაც პირი დაადო, ლევანს გოაცებული მიაჩერდა.

— არაფერი უსიამოვნება არა მაქვს, უფროსო, მაღლობელი ვარ.

ლევანი ფეხზე წამოდგა. გოგია ნემსაძე სიმაღლეში სჭარბობდა კიდევ, მაგრამ ისე შეხედა, თვალებით მოტეხა ამოდენა ვაყკაცი.

— თუ არაფერი გტკივა და არაფერი გიჭირს, გადი და ისე იმუშავე, კაცს რომ შეფერის. იცოდე, მე ბევრი გაფრთხილება არ მიყვარს.

მეფოლადის თანაშემწე ახლა ამას აღარ ელოდა. თითქოს ერთბაშად გამოფხიზლდა. უფროსს პირდაპირ შეხედა, ინჟინრის მრისხანე თვალებს ვერ გაუძლო, თავი დახარა და გარეთ გავიდა.

ვასომ სიამოვნებისაგან ლოყა მოიფხანა.

„აბა გეგონა ყველასთან გაგივიდოდა? ვერ მოგართვეს“, — ვინ იცის, მერამდნედ ამბობდა გულში ოსტატი.

ახალი ცვლის უფროსი მას უკვე უყვარდა.

ლევანი ერთი შეხედვით მიხვდა, ოთარ რამიშვილი რა კაციც იყო. რეზო ქავთარაძისაგან ისიც გაიგო, მუშებს რატომ არ უყვარდათ ძველი ცვლის უფროსი. ლევანმა იცოდა, მუშები ახლა მას ოთარ რამიშვილს ადარებდნენ. იცოდა და ყველაფერს საწინააღმდეგოდ აკეთებდა.

მეექვსე დღემლთან ფოლადის გაშვების წინ ღარი შეამოწმა. მუშას ანიშნა, ჯერ შეიციადე, ფოლადის გამოსაშვები ხვრელი არ გახვრიტო.

მეფოლადეს სქელი ხელთათმანები გამოართვა და ღარის გაწმენდა დაიწყო. ღარს კედლებზე ხვრელის ამოსავლები მაგნეზიტური ფხვნილის ნარჩენები მიხმობოდა. ლევანმა ღარი გულდასმით გაწმინდა და ფაქიზად ამოასუფთავა.

არჩილი გაწითლდა, მეფოლადეს გაბრაზებულმა შეხედა, ეს როგორ მოგივიდაო. ლევანი საქმეს მორჩა. ხელთათმანები გაიხადა და მეფოლადეს დაუბრუნა. ვაჟკაცი კაცი აიწურა, იფიქრა ახალი უფროსი საყვედურს მეტყვისო. ლევანმა გაუღიმა და ანიშნა, ასე არ სჯობიაო. დარცხვენილმა მეფოლადემ ხელები გაშალა და უსიტყვოდ მიუგო, რასაკვირველიაო.

ლევანმა ოსტატს ანიშნა, ხვრელი გახვრიტეთო.

მარტენის დუმელში ფოლადი ათას ექვსას—ათას შვიდას გრადუსზე დღეს. დუმელის ახლოს ისეთი სიცხეა, შეუჩვეველი კაცი ათ ნაბიჯზე ახლოს ვერ მივა. თუ დუმელის ერთი ფანჯარა მაინც არის ღია, მაშინ ხომ თავი საკირეში გეგონება.

მეფოლადეები ამ სიცხეს მიჩვეულნი არიან. დუმელთან ისე ახლოს და თავს სუფლად მუშაობენ, თითქოს სიმბურვალის შეგრძნება დაუკარგავთო. ტანზე სიმსუქნის ნატამალი არსად ამჩნევიათ, მათ გამოხედვაში ძალა და სიმსუბუქე იგრძნობა.

მეფოლადის ტანსაცმელი სამ დღეში მარილის ლაქებით თეთრდება. ერთი

ცვლის განმავლობაში, თითოეულ მუშაზე ოცდაექვსი ლიტრი მარტენის წყალი გაანგარიშებული. პირველად, როცა ლევანმა მაგნიტოგორსკში ოსტატად დაიწყო მუშაობა, ცვლაში, ალბათ, ორმოც ლიტრა წყალს მაინც სვამდა. ყოველ წუთში გაზიანი წყლის ჯიხურთან ეყუდა.

მერე თანდათან მიეჩვია. ლევანმა იცოდა, მუშები როგორ დასცინიან ახლადგამომცხვარ ინჟინრებს, დუმელს ორ მეტრზე ახლოს რომ ვერ ეკარებიან. იცოდა და სიმბურვალეს არ უშინდებოდა. პირველი დღიდანვე დუმელთან ახლოს ტრიალებდა. ნებისყოფას ძაბავდა, საშინელ დღეში ვარდებოდა, მაგრამ არ უნდოდა მეფოლადეების სახეზე დამცინავი ღიმილი დაენახა. ერთი თვის შემდეგ სხვა მეფოლადეებივით პაპიროსს ისიც საანალიზოდ აღებული გამდნარი ფოლადიდან უკიდებდა.

გოგია ნემსაძე გაკეცილებული იყო, ცვლის უფროსის დამამკირებელი სიტყვები როგორ გადაყლაპეო. თავის თავზე გული მოსდიოდა, რა ენა ჩამივარდა, სიტყვა ვერ შევუბრუნეო. ერთი თვითონაც ვნახო რა ბიჭია, ისე რომ იქაჩებო. გოგიას უნდოდა, ხიდაშელი რაიმეში გამოეჭირა და სამაგიერო მიეზღო.

შემთხვევაც მალე მიეცა: დუმელთან საანალიზოდ სინჯი აიღეს. ლევანი ამ დროს მივიდა მათთან. გოგიამ ჯიბიდან სიგარეტი ამოიღო და ცვლის უფროსს მიაწოდა. ხიდაშელს პაპიროსი ახალი მოწეული ჰქონდა, მაგრამ მეფოლადის თანაშემწე არ გააწილა და სიგარეტი მაინც გამოართვა. არ იფიქროს, წედანდელი ლაპარაკის შემდეგ ვებუტებო. გოგია რკინის კოვზთან მივიდა და პაპიროსს გამდნარ ფოლადზე მოუკიდა. ლევანს ასანთის ამოსაღებად ჯიბისკენ წაღებული ხელი გაუშეშდა. მიხვდა, გოგია სადაც უმიზნებდა. მუშები ცვლის უფროსს მისჩერებოდნენ. ხიდაშელი არ დაბნეულა: მუშებს არც აგრძნობინა, გოგია ნემსაძეს მივუხვდი და მისი გამოწვევა მივიღეო. ჯიბიდან შავი სათვალე ამოიღო. ვითომც აქ არაფერიყო,

ლუმელს ფანჯრის სარკმლიდან ჩახედა. მერე სიგარეტი სარკმელთან დინჯად მიიტანა და მოუყიდა. საშინელმა სიმხურვალემ სახე დასწვა, მაგრამ არაფერი შეიმჩნია. ორი ნაბიჯი გადადგა და ჯიხურში მუშას ანიშნა, ეს ფანჯარა სახანჯეკროდ გააღეო. მერე გოგიას მიუბრუნდა, აქ მოდიო.

გოგია ცვლის უფროსთან ახლოს მივიდა. ორივემ სათვალე მოიმარჯვა. ლევანმა უკანა კედელი დაანახვა, ანიშნა, ცუდად არის შეკეთებული, დოლომიტი კარგად ვერ მოგიფრქვევიაო.

ლუმელში ლითონი დუღდა. ცეცხლის ალი გამდნარი ლითონის ზედაპირზე გრიალებდა.

მეფოლადის თანამემწე სიცხეს ველარ უძლებდა. ცვლის უფროსს თავი სასწრაფოდ დაუქნია, — მართალი ბრძანდებითო და უკან გადახტა. ლევანი ადგილიდან არ დაძრულა, მუშას ხელით ანიშნა, ფანჯარა დახურეო:

უზარმაზარი ლითონის ფანჯარა დაბლა დაეშვა. ლევანმა შევებით ამოისუნთქა. ცეცხლი ისევ ლუმელში მოემწყვდა. გალიაში ახლადშეგდებული ლომივით ბღღვინავდა და კედლებს ასკდებოდა. ცოტა კიდევ და ალბათ ამ ჯოჯოხეთურ სიცხეს ლევანიც ველარ გაუძლებდა. ნებისყოფა დაძაბა. მიხვდა, ნემსაძე აქაც დაამარცხა. სიგარეტი ერთხელ კიდევ მოქაჩა, ნამწვავი მოისროლა და მესამე ლუმელზე გადაინაცვლა.

მეორე ლუმელის მეფოლადემ დაუსტვინა, ეს რა ბიჭი ყოფილაო. ვასომ ხელით ანიშნა, აბა რა გეგონაო.

დარცხვენელმა გოგიამ შუბლზე მომსკდარი ოფლი მოიწმინდა და უზარმაზარ ვენტრილატორთან მივიდა. თითქმის ზედ გადააჯდა. ერთმა მუშამ შუბლთან თითი მიიტანა, ჰკუპაზე აფრაკად ხომ არა ხარ, გაცვივდებიო. გოგიამ შეუკურობა, შენ მაინც მოგიგრებს კისერს, ვინ გკითხავს, ჩემს საქმეში რას ერევიო.

— კისერიც გიტეხია, — ხმამაღლა თქვა მუშამ.

უზაროდა, გოგია ნემსაძე რომ წამოა-

ჩოქეს, მერე ლევანს გახედა და გულში თქვა, — შენი მამა ვაცხოწე, ამ კაცის ქაჯერი რომ ამომყარეო.

მეექვსე ლუმელიდან ფოლადი გამოუშვეს. ლითონი თითქოს ლუმელში ვერ ეტეოდა, ერთბაშად გადმოხეტქვას ლამობდა. ციციხე ნელ-ნელა იგებოდა. ირგვლივ სილიციუმის უთვალავი მოციმციმე ნაპერწკალი იფრქვეოდა.

ლევანი ღარის შორიახლოს იღვა და მომსკდარ ფოლადს ხარბად მისჩერებოდა. ეს იყო მისი პირველი გამოდნობილი ფოლადი რუსთავის მარტენის საამქროში. დაფიქრდა. ცდილობდა გარკვეულყოფი, ლელოდა თუ არა. დარწმუნდა, სრულებით არ ლელავდა. დარწმუნდა და ესიაშვანა.

ოსტატმა ხიდური ამწის მემანქანეს ანიშნა, განმეანგველები მოიტანეო. ლევანმა ლუმელს წინიდან შემოუარა. უკანა კედლის გაწყობა ფოლადის გამოშვებისთანავე დაიწყეს. მანქანა დოლომიტს უკვე მესამე ფანჯრიდან აფრქვევდა. ლევანმა მუშას ანიშნა, მანქანასთან მიმიშვიო. მუშა ჩამოეცალა. ლევანმა მანქანას ხელი მოჰკიდა. მძლავრი მკლავებით ბავშვივით დაიმორჩილა.

არჩილი შემობრუნდა. ლევანი უკანა კედელს დოლომიტს ისე ოსტატურად აფრქვევდა, ილტაცება ველარ დაშალა. როცა მანქანა შემდეგ ფანჯარასთან გადაანაცვლა, მუშას ანიშნა, ახლა შენ განაკრძეო.

ლევანს განსაკუთრებით მესამე ლუმელის მეფოლადე მოეწონა, — ლექსო არჩემაშვილი. რაღაც გულჩათხრობილი კაცი ჩანდა და ცვლის უფროსის ყურადღება თავიდანვე მიიქცია. ხარივით მუშაობდა, ერთი წუთით არ დაუსვენია. მისი ხელქვეითები თავისუფალ წუთს რომ ნახავდნენ, პაპიროსს ეწეოდნენ, იცინოდნენ და ლაზღანდარობდნენ. ლექსო ყოველთვის ცალკე დგებოდა. თითქოს რაღაც სევდა აწუხებდა, ნიჩაბს დაეყრდნობოდა და ისევ ლუმელს მიჩერდებოდა. კახშის ჩატვირთვა ყველაზე ნაკლებ დროში მოასწრო. ლევანმა შეაქო და გაუღიმა. ცვლის უფროსი გა-

ოცდა, მეფოლადის სევდიან სახეზე ერთი ძარღვიც კი არ შეტოკებულა.

ლევანს წყალი მოსწყურდა და ჯიხურთან მივიდა, იქ მახუთის მფრქვევანების გუგუნის ნაკლებად ისმოდა. ოსტატი უკან გაჰყვა.

— მგონი, საქმე კარგად მიდის! — უთხრა არჩილმა.

ლევანმა გაზიანი წყალი მოსვა, პირში გამოივლო. დანარჩენი გადაღვარა, ცარიელი ჭიჭა დახლზე გააცურა და ოსტატს მიუბრუნდა.

— საშუალოდ, ჩემო არჩილ. აბა ის რა ცვლავა, თუ ექვს ჩქაროსნულ დნობას მაინც ვერ გამოუშვებ.

„გაშენა ღმერთმა!“ — გაიღიმა გულში არჩილ ხარაიძემ.

შორს თეთრხალათიანი ქალიშვილი გამოჩნდა. ლევანმა იცნო ექსპრესლაბორატორიის ქიმიკოსი — დღეს უკვე მესამედ ხვდებოდა. ქალიშვილი ვილაცხს ეძებდა. მუშებმა გაზიანი წყლის ჯიხურისკენ მიანიშნეს. იგი შემობრუნდა და პირდაპირ მათკენ გამოემართა. მეხუთე ღუმელის ანალიზი მოიტანა. ქიმიკოსი დაიბნა, წესით ანალიზი ოსტატისთვის უნდა მიეწოდებინა. ცვლის უფროსი რომ დაინახა, შეეყოყმანდა — ვაითუ ეწყინოსო. ხიდაშელი მიხვდა ქალიშვილის გასაჭირს და ანიშნა, ოსტატს მიაწოდეთ.

არჩილს უფროსის საქციელი ესიაშოვინა. ქალაღდს დახედა და შეიკუმუნა.

— მოხდა რამე? — ლევანმა შენიშნა, ოსტატს რაღაც არ ეჭაშნიკა.

— გოგირდი მომატებულა! — ოსტატმა ქალაღდი ცვლის უფროსს მიაწოდა.

— არაფერია, — გაიღიმა ლევანმა, — მადანი მოაზადეთ, პოლირებამდე ღუმელში წიდა დაყავნოთ.

ღუმელში მადანი ჩატვირთეს. მაღალი ფუძიანობის მქონე აქტიური წილები ლითონის დუღილამდე დააყენეს. საწვავი მოუმატეს და ლითონი 1650 გრადუსამდე გადაახურეს. გოგირდი ამოწვეს, მაგრამ ამ რთული პროცესის დროს ლითონში მანგანუმის შემცველობა შემცირდა. დაყვანის დროს მწვანე წილიდან

აღდგენის ხარჯზე მანგანუმის შემცველობა ნორმით გათვალისწინებულ დონემდე აიყვანეს.

გინელოქიმიკა

ხუთ ღუმელში საქმე კარგად მიდიოდა. საათნახევარს უკვე ლითონის წმინდა დუღილამდე იგებდნენ. კიდევ იყო შესაძლებლობა მეექვსე ღუმელიდანაც ჩქაროსნული დნობა გამოეშვათ. ეს ობერი გოგირდი რომ არ გამოჩხერილიყო. ლევანმა გადაწყვიტა ლითონის განყენება მეექვსე ღუმელშიც აბაზანის ნაცვლად ციცხვში მოეხდინა. მაშინ ექვს ჩქაროსნულ დნობას გამოუშვებდა. ცვლის უფროსს კი როგორ უნდოდა ყველა ღუმელში ჩქაროსნული დნობა ჩაეტარებინა.

„ჯანდაბას, ექვსიც კარგია“. — დაიმშვიდა თავი.

მერე ოსტატს მიუბრუნდა და თავისი გადაწყვეტილება გაუხიარა.

არჩილი გამოცდილი კაცი იყო, მიხვდა, ეს უკვე ბრძანებას ნიშნავდა.

— მე წავალ, ფეროსილიციუმს შემამოწმებ! — თქვა ლევანმა და წავიდა.

ფეროსილიციუმის ნატეხები ცვლის უფროსს არ მოეწონა. უამრავი მსხვილი ნატეხი მოხვდა თვალში. წესით კი თითოეული ნატეხი ორკილონახევარზე მეტი არ უნდა ყოფილიყო.

ლევანმა ორი მოზრდილი ნატეხი შეარჩია და საკაზმე ეზოს ბრიგადირთან წაიღო.

ვალიკო აზარაშვილი მაგიდას უჭდა. კაბინეტში რომ ვილაც შემოვიდა, დანახა, მაგრამ თავი არ აუღია, რაღაც ქალაღდებს ჩასჩერებოდა.

ლევანი განაწყენდა, ამოღენა კაცი შემოვიდა, ბავშვი ხომ არ ვკონივარო და ფეროსილიციუმის ორი უზარმაზარი ნატეხი მაგიდაზე ცხვირწინ დაუგდო.

— რა ამბავია, ამხანავო! — აზარაშვილი შეხტა და ხიდაშელი შეათვალიერა.

„ალბათ ეს არის ახალი ცვლის უფროსი“, — მიხვდა ბრიგადირი.

— დახედე და მიხვდები! — მოკლედ მოჭრა ლევანმა, — იცოდე, მეორედ

არ მომიყვანო, ნახევარ საათში ყველა-
ფერი რიგზე იყო.

ხიდაშელი წავიდა. ზუსტად ნახევარი
საათის შემდეგ მან პირველი ღუმელის
მეფოლადეს დაუძახა:

— ბორის, ჩემთან მოდი.

მეფოლადეს გაუკვირდა, ასე უცებ
ჩემი სახელი როგორ დაიმასსოვრათ.

— გისმენ, უფროსო.

— აბა, ერთი წადი და ფეროსილი-
ციუმში შეამოწმე, წელან იქ ყველაფერი
რიგზე ვერ იყო.

მეფოლადეს გულში გაეცინა, როცა
ფეროსილიციუმის გამოცვლის ამბავი
გაიგო.

„იკადრეთ, ხომ?! აბა რა გეგონათ,
ახლაც დაგვიბრძოლებთ? გიტყვებთ დე-
დას!“ — გაიფიქრა მეფოლადემ და გა-
ხარებული უკან მობრუნდა.

ბორისმა ეს ამბავი თითქმის მთელ
საამქროს მოსდო: ახალმა ცვლის უფ-
როსმა ვალიკო ახარაშვილი იფრინათ.

ლევანი ცეცხლივით ტრიალებდა.

ჰაერი მიღებით პირდაპირ აბაზანაში
შეიყვანეს.

დუღილი დააჩქარეს. ფოლადი ციცი-
ხვებში განყვანგეს.

ექვსი ჩქაროსნული დნობა ერთ
ცვლაში! მეფოლადეებს არ სჯეროდათ
საყუთარი გამარჯვება. ყველანი ერთმა-
ნეთს ულოცაედნენ. ახალ უფროსს აქებ-
დნენ.

ლევანი ჩუმად იყო, ვითომც აქ არა-
ფერიაო, სიხარულს არ იმჩნევდა. მი-
ზანს მიაღწია, მთელი საამქრო ალაპა-
რაკა, შეიძლება მთელი ქარხანაც.


არჩილ ხარაიძეს სიხარულისაგან კი-
ნალამ ცრემლები წამოსცივიდა, რო-
გორც იქნა გაიხარა, ფრთები გაშალა.
რალაციის თქმა უნდოდა, მაგრამ ვერ
ახერხებდა, ყბა უკანკალედა. ეშინოდა,
ტირილი არ წამსკდესო.

ვაჟა დვალისმივილი საჩამომსხმო მა-
ლიდან ამოვიდა, ლევანს გამარჯვება
შორიდანვე მიულოცა. ახლოს რომ მი-
ვიდა, გადაეხვია:

— ყოჩაღ, ძმაო. მაგარი სამუშაო გა-
გვიჩინე!

ლევანმა გაიცინა:

— ჯერ სადა ხარ!

— გისმინოს უფალმა! —  ვაჟამ.

ობერ-ოსტატი გიორგი მელაძე საამ-
ქროს უფროსთან შევიდა და შორიდან
მიიძახა:

— რას ერჩი, კარგი ბიჭი ყოფილა
ახალი ცვლის უფროსი.

ელიზბარმა პასუხი დაუგვიანა, ობერ-
ოსტატს დაწყნარება აცალა და ხმადამ-
ლა უთხრა:

— მეც ეგ მინდა, ჩემო გიორგი.
ღმერთმა ქნას: მომავალშიც ასე გააგ-
რძელოს.

ობერატიულ შეკრებაზე საამქროს
უფროსმა მადლობა ძლივს ამოდერდა:
„ქება ჯერ ადრეა, დრო გამოაჩენს რა
ბიჭიც ბრძანდები“, — ფიქრობდა იგი.

მიუხედავად დილანდელი განაწყენე-
ბისა, ელიზბარს ახალი ინჟინრის წარ-
მატება მაინც უხაროდა, თუმცა ამ სი-
ხარულს სრულებით არ იმჩნევდა.

— იმ კაი დედამამიშვილს ერთი მად-
ლობა დაენანა? — გულწრფელად ბრა-
ზობდა ვაჟა დვალისმივილი.

— ეპ, ჩემო ვაჟა, — უდარდელი ღი-
მილით უთხრა ხიდაშელმა, — მაგის მე-
ტი სადარდებელი არ მოგცეს ღმერთმა.
აბა, ჩაჯექი მანქანაში, სახლამდე მი-
გიყვან.

3.

ლევანი ღვინის სმას ერიდებოდა,
თუმცა ღვინოს კარგად იტანდა და მე-
გობრებში ყველაზე მაგარ მსმელად ით-
ვლებოდა. იგი მხოლოდ მაშინ სვამდა,
როცა მეტი გამოსავალი არა ჰქონდა.
ქეიფი ძალიან უყვარდა, მაგრამ დროის
გაფლანგვა გულს უკლავდა, ხასიათს
უფუჭებდა. ვასო ხარაიძეს უარი მაინც
ვერ უთხრა; ოსტატმა ბავშვის დაბადე-
ბის დღეზე მიიწვია. ვასო ხათრიანი ბი-
ჭი იყო. ლევანს რალაც ღვთაებრივი
ადამიანით უყურებდა და დაპატიყე-
ბას ვერც გაუბედავდა, ერთი ამბავი
რომ არ მომხდარიყო.

ლევანი მანქანით შინ ბრუნდებოდა.

ტაქსების გაჩერებაზე ხარაიძე დაინახა, შოფერს რაღაცას ევაჭრებოდა. ლევანმა „ვოლგა“ გააჩერა და ვასოს დაუძახა. ოსტატმა ხიდაშელი იცნო, შოფერს თავი მიანება და მასთან მიიბრინა.

— დაჯექი! — ლევანმა მანქანის კარი გაუღო. ვასო ჩაჯდა.

— რას ევაჭრებოდი? — ჰკითხა ლევანმა.

— ხვალ სოფელში წასვლას ვაპირებ. ბავშვის დაბადების დღე მაქვს, ღვინო უნდა ჩამოვიტანო.

— არ მოგყვება?

— როგორ არ მომყვება. მაგრამ თოქსიბირს მიფასებს.

— მანქანის ტარება იცი?

— აბა სხვა რა ვიცი, ჯარში ავტონაწილში ვიყავი.

— ძალიან კარგი. მე აქ ამხანაგთან უნდა დავრჩე, შენც ადექი და ჩემი მანქანა წაიყვანე.

— როგორ გეკადრებათ, უფროსო! — შეიცხადა ვასომ.

— აბა, ნუ იბრანჭები, მე, ხომ იცი, არ მიყვარს, ვაჟკაცი რომ იბრანჭება.

— ეს რა გამოვიდა, უფროსო.

ლევანმა ვიწრო ქუჩაში გადაუხვია და მანქანა ერთ პატარა სახლთან გააჩერა.

— წასვლას როდის აპირებ?

— ბარემ ამ საღამოს წავალ.

— აბა ახლა მე მინდობილობას დაგვიწერ, შენც ქარხანაში ადი და დაამოწმებინე.

მეორე საღამოს ვასომ გარეცხილი და გაკრიალებული „ვოლგა“ ლევანს მიუყვანა. თან ილრიჯებოდა. რაღაცის თქმა უნდოდა, მაგრამ ვერა ბედავდა.

— რა იყო, ბიჭო, ამოშაქრე! — უთხრა ლევანმა.

— თუ გვიკადრებთ, ხვალ საღამოს იქნებ თქვენც მობრძანდეთ ჩემი ბიჭის დაბადების დღეზე?

— მოვალ, რატომაც არ მოვალ. — გაიცხა ცვლის უფროსმა.

ლევან ხიდაშელი ხარაიძეებთან მოგვიანებით შევიდა. ძმებს უფროსის მოს-

ვლის იმედი დაკარგვოდით და სუფრას მისხდომოდნენ.

სუფრას უფროსი ძმა თანდათან ლევანის დანახვაზე ყველა წამოიშალა.

— აბა დაბრძანდით, დაბრძანდით, ასეთუ შეწუხდებით, ისევ წავალ! — თქვა ლევანმა.

ყველანი დასხდნენ.

ვასოს სიხარულს საზღვარი არ ჰქონდა. მისი ჩასუქებული, ლოყაწითელი ცოლი — ანეტა ლევანს შეეყარებულნი თვალებით შესცქეროდა. ქმრისაგან ახალი უფროსის ქებით ყურები ჰქონდა გამოქვილილი. სიხარულით მუშვიდე ცაზე ფრინავდა, — ამისთანა კაცმა ჩვენს ოჯახში მოსვლა იკადრაო.

არჩილს თავდაპირველად სწყინდა. ცვლის უფროსი მის საქმეებში რომ ერეოდა. ალბათ არ მენდობაო, ფიქრობდა გამოცდილი ოსტატი და გული სტკიოდა. ოთარის დროს ჩამორჩენილები რომ ვიყავით, ვაითუ ჩემი ცული მუშაობის ბრალი ჰგონიაო. ჩუმად იტანჯებოდა, აკვიატებულ იქვეებს ძმასაც არ უმხელდა. სულ მალე გული მოუბრუნდა, ახალი უფროსი ძმასავით შეუყვარდა. მუშაობის დაწყებიდან მესამე დღეს ხიდაშელს რუსთავის გაზეთიდან მოაკითხეს. ლევანმა კორესპონდენტს წერილი ისე დააწერინა, არცერთი მეფოლადე არ გამოჩენია. განსაკუთრებით ოსტატი ძმები შეაქებინა. თავის თავზე კი უთხრა, თუ ძმა ხარ, მე შემეშვი, ჩემი ქება სხვა დროისათვის გადავდოთო. ვასოს ექვეები გაეფანტა. თავისუფლად ამოისუნთქა, საქმესაც გული უფრო დაუღო.

„კაცი რომ გენდობა, თავი უნდა მოიკლა და არ უნდა დააღალატო“. — ფიქრობდა იგი.

ლევანმა ოსტატის ბიჭს ნამდვილი ფეხბურთის ბურთი მოუტანა. არჩილმა ჰკივა გაავსო და ლევანს მიაწოდა. ერთხანს გადაწყვიტა, საჯარომოს დავაღვივინებო, მაგრამ უმაღლე გადაიფიქრა — ვაი თუ ეწყინოსო; ვეღარ გაუბიდა.

— ამ ჭიქით, მოდი, შემოსწრებულნი დავლოცოთ! — დაიწყო არჩილმა.

ოსტატს ღვინო თავში გასჯდომოდა და სითამამე შეჰპარვოდა.

ყველანი ფეხზე წამოდგნენ, ლევანიც წამოდგა. ცვლის უფროსი მუშებთან ისე იქცეოდა, არასდროს ხაზს არ უსვამდა, მე ინჟინერი ვარ, თქვენ კი მუშებიო. მათთან მათებურ ენაზე ხუმრობდა და ლაპარაკობდა. ოღონდ ერთ რამეს ყოველთვის აგარძნობინებდა ხოლმე — მე უფროსი ვარ, თქვენ კი ხელქვეითებიო.

— მე ლაპარაკზე ცოტა უკაცრავად ვარ, მაგრამ ორი სიტყვა მაინც მინდა ვთქვა, — დაიწყო არჩილმა, — შენ გაგიმარჯოს, ქარხანაში შენს მოსვლას გაუმარჯოს. შენ წინ წაგვიძეხი და ვინც შეგარცხვინოს, მარჯვენა ვაუხშმეს! — არჩილმა ჭიქა დააპირქვა.

ცვლის უფროსი ყველამ ერთხმად აღდეგრძელა. ლევანმა ჭიქა ასწია და არჩილივით მოუქცია.

— დღეგრძელობისათვის მადლობა მომიხსენებია. ერთი რამე მინდა გითხრათ. ქარხანას ნამუსიანი კაცი უყვარს. როგორც სანგარში ჯარისკაცი ჯარისკაცს ვერ უღალატებს, ისე მეტალურგიულ ქარხანაში მეფოლადემ მეფოლადეს არ უნდა უღალატოს. მოდი, ერთმანეთს არ ვუღალატოთ.

— აი, გაგიმარჯოს! — შესძახეს მეინახეებმა.

ლევანმა ჭიქა გამოსცალა და გადააბრუნა.

— ასე მტერი დაგეცალოთ.

— გაამოს, გაამოს! — მიაძახა არჩილმა.

ვასო სულ ხიდაშელს მისჩეოებოდა. დროდადრო ცოლს ანიშნებდა, თეფში გამოუცვალე, ყურადღება მიაქციეო.

— აბა, ერთი იუბილარი დამანახვეთ! — დაიძახა ლევანმა.

ვასო წამოხტა და ბიჭი შემოიყვანა.

ლევანმა ბიჭი ხელში აიტაცა.

— რამდენი წელი შეუსრულდა?

— ექვსი, ჩემო ბატონო!

— სახელი რა გქვია, ბიჭუნა!

ბიჭმა ლევანი იუცხოვა და ხმა არ ამოიღო.

— კახა! უთხარი, მამიკო!

ლევანმა ბავშვი დასვა და ჭიქა შეავსო.

— თუ თამადა ნებას მომცემს, მუშაობ ქით კახას სადღეგრძელოს შევსვამ. კახას გაუმარჯოს, გაიზარდოს დიდი ბიჭი და გაახაროს მშობლების გული. კაცის ტკივილი გაეგოს და სამშობლოს გამოსდგომოდეს!

ვილაცამ მრავალყამიერი წამოიწყო. მეორე ვერავინ უთხრა. აქა-იქ გაუბედავი ბანი გაისმა. პირველი მაინც ჯიუტობდა და ხალხს თითებით ანიშნებდა, მეორე მომამველეთო. ლევანმა ჭიქა გამოსცალა, ერთი ლუკმა ფხალი დააყოლა, ის იყო, იმედდაკარგული მომღერალი გაჩერებდას აპირებდა, რომ ისეთი მეორე უთხრა, ხალხმა გაცუბისაგან პირი დაალო. ბანები გათამამდნენ, სიმღერამ ფრთა გაშალა. სამხარეთლოდან გამოსული ქალები კედელთან გამწკრივდნენ. ვასო რაღაც ნეტარებამ შეიპყრო, ლევანს თვალს არ აშორებდა, გულში სულ ერთ წინადადებას იმეორებდა, — შენი ჭირიმე, შენო.

თვალემაყუყუნებული არჩილი ფეხზე იდგა. ოსტატი სიმღერაზე მწყურალად იყო და არც იჩაჩებოდა. ოღონდ დროდადრო აღფრთოვანებული იძახდა.

— აი, იცოცხლეთ და იმხიარულეთ, ბიჭებო!

გოგია ნემსაძე ბანს ურევდა. პირველმა ხელით ანიშნა, შენ გაჩერდიო. გოგია მაინც თავისას არ იშლიდა. ლევანმა ქათმის ბარკალი აიღო და პირში ჩასჩარა.

— ოოი, არჩიარულალოო... — დაამთავრა პირველმა ხმამ და მერე ხმამალა დააყოლა, — აი, იხარე ჭერო, მოკვდი მტერო!

ლევანმა შენიშნა, მესამე ლუმელის მეფოლადე ლექსო არჩემავილი ძველებურად მოწყენილი იჯდა. თვალეზში სევდა ჩასდგომოდა. ლევანმა არ იცოდა, ლექსო ასეთი ჩუმი და გულჩათხრობილი კაცი იყო, თუ რაიმე სატკივარი აწუხებდა.

— შენ რას მოგიწყენია, ლექსო! — მხიარულად გადასძახა ლევანმა.

მოულოდნელად სიჩუმე ჩამოვარდა.

ლევანი შეკრთა. ხალხს თვალი მოავლო. ყველას სახეზე წამიერმა სევდამ დაისადღურა.

— ეს, ჩემი ბიჭის ნათლიაა, თორემ დღეს არ იყო აქ მოსვლის ხასიათზე, — რაღაც საოცარი გულისტკივილით თქვა ვასო ხარაიძემ.

— რა იყო. შეგემთხვა რაშე?

— ცოლი ჰყავს ავად! — ისევ ვასომ უქაპსუხა.

— სერიოზული ზომ არაფერი სჭირს?

— რა ვიცი, სიმსივნეს ექვობენ. ექიმებს ვერაფერი გაუგიათ. — ამოღერღლა ბოლოს ლექსომ.

— ბავშვები გყავს?

— ქალ-ვაჟი მყავს, შენი ქირიმე.

— კარგმა ექიმმა თუ ნახა ვინმემ?

— რუსთავეში ყველამ ნახა, მირჩიეს თბილისში დააწვინეთ.

— დიდი ხანია ავად არის?

— ნახევარი წელი უჩიოდა ტკივილებს.

— შენ ჩემი ტელეფონის ნომერი იცი?

— აბა, საიდან მეცოდინებ?

ლევანმა კალმისტარი ამოიღო და ტელეფონის ნომერი დაუწერა.

— ზეალ ზომ საღამოს ცვლაში ვმუშაობთ. დილით დამირეკე, დედაჩემის საავადმყოფოში დაგაწვენი. საუკეთესო ექიმებს გავასინჯებ. მალე დედაჩემიც დაბრუნდება და თავზე დავაყენებ.

— აი, შენ გაგახარა ღმერთმა! — მიიძახეს აქეთ-იქიდან.

ლექსომ ტელეფონის ნომერი ჯიბეში ჩაიღო, თავს ძალა დაატანა და სიცილით თქვა:

— აბა, ნუ მოიწყენთ, ხალხო!

ორი სადღევრძელოს შემდეგ ლევანმა ბოდიში მოიხადა, სუფრა ადღევრძელა და წავიდა. საპატოო სტუმარი ვასომ და ანეტამ გააცილეს.

— კაცია კაცური! — თქვა არჩილმა, როცა ლევანმა კარი გაიხურა.

— იმ ქირიან ოთარას კი არა ჰკავს.

— აბა, კაცო, იმ ოჯახსაჲსაქცევმა პრემიის გემო არ დამავიწყა?

— საქმე მაგაში კი არ არის. — გამო-

ეპასუხა არჩილი. — მთავარია, რომ კაცია კაცური!

— სწორი ხარ, არჩილ, ოქრო გული აქვს! — დაეთანხმნენ სხვებაც.

— ოქრო გული აქვს და ვალში არც ჩვენ უნდა დავრჩეთ.

— არც დავრჩებით! — კარებშივე დაიძახა მობრუნებულმა ვასომ.

— არც დავრჩებით!

— აბა, სიმღერა! — ბრძანა თამადაძემ.

2.

ერთი კვირის თავზე ხიდაშელი ქარხნის დირექტორმა გამოიძახა. მთავარი ინჟინერიც იორამ რუხაძის კაბინეტში იყო და ახალი ცვლის უფროსის მისვლას ელოდებოდა.

ხიდაშელმა ყველაზე ჩამორჩენილი ცვლა ჩაიბარა. მის ხელში ბიჭები თათქოს გამოიცვალნენ, გამოცოცხლდნენ, თითქმის ყოველ ცვლაში ხუთ-ექვს ჩქაროსნულ დნობას უშვებდნენ. მეხუთე დღეს კი შეიძმა ღუმელმა გამოუშვა ჩქაროსნული წესით ნადნობი ფოლადი.

მიზეილ გიორგაძე სიხარულს ვეღარ მალავდა. უყვარდა, თავისი არჩეული და ნაქები კაცი რომ გაუშართლებდა. ტრახახა კაცი არ იყო, — მაგრამ ერთი რამით ყოველთვის ამაყობდა — კაცს კოჭებში შეგატყობ რა ზვითოც არისო.

ლევანი ცვლაში ორი საათით ადრე მოდიოდა. წინა ცვლის მეფოლადეებს თავზე ადგა. ყველას აგრძნობინა, ჭკუით იყავით, იცოდეთ, საქმე ვისთან გავტოო. თუ ვინმეს შეატყობდა, მომდევნო ცვლას ცივ ღუმელს ან ცუდად დატვირთული კაზმის შეტყუებას უპირებდა, ერთ ვაიუშველებელს ატეხდა.

ღუმელის ჩატვირთვაში, დნობაში და სხვა რაპერაციებში მეფოლადეებს დნობის ყურნალში ბალები ეწერებათ. ოთარ რამიშვილი სხვა ცვლებს დაბრიყვებულნი ჰყავდათ, კაზმს ნაჩქარევად ტვირთავდნენ, ცივ ღუმელში თუჯს ასხამდნენ, თვითონ გეგმას ასრულებდნენ, ოთარ რამიშვილი კი მათი მიფუჩეჩებულნი საქმის გამოსწორებას უნდებოდა.

ერთხელ, დროის მოსაგებად, სანამ
ჯარის მოიტანდნენ, კირქვა სუფთა
ქვედზე ჩატვირთეს, ეს კი აშკარა დანა-
შაული იყო. აღმწერელმა ოპერაცია ათი
ბალით შეაფასა. ლევანმა აღმწერელს
ქურნალი თავზე გადაახია. მას შემდეგ
ხიდაშელის ცვლას პიპარად ვერაფერს
უბედავდნენ. საკაზმე ეზოს ბრიგადირი
აზარაშვილი ლევანის შიშით აღარ თაღ-
ლითობდა, ყოველთვის საუკეთესო ჯარ-
თსა და ფეროსილიციუმს ურჩევდა; ერთ
წუთს არაფერს უგვიანებდა.

ლევანის ხელქვეითებმა იგრძენს მტკი-
ცე ხელი, მუშაობის ხალისიც მიეცათ.
ქარხანაში ამაყად დაბეჭდებდნენ, თით-
ქოს ამბობდნენ, აბა ახლა ნახეთ, რა ბი-
ჭებიცა ვართო.

ლევანი ღირექტორის კაბინეტში შე-
ვიდა. იორამ რუხაძე ფეხზე წამოდგა და
ლევანს ხელი ჩამოართვა. მიხეილ გიორ-
ვაძემ ჯერ ხელი ჩამოართვა, მერე მარ-
ცხენა ხელი მხარზე დაჰკრა და უთხრა:

— ყოჩაღ, ბიჭო, აბა შენ იცი, თუ ასე
ვაგვრძელებ!

ქარხნის ღირექტორი ლევანს დააც-
ქერდა:

— მე თქვენ საიდანღაც მეცნობით,
ყმაწვილო!

ლევანს „ყმაწვილო“ არ მოეწონა,
მაგრამ არაფერი შეიმჩნია.

— ალბათ, სადილობო გეგმარს რომ
ვიცავდი, იქიდან გახსოვართ, თქვენ მე
პირადად დამისვით კითხვები.

— დიახ, დიახ! გამახსენდა! — გაე-
ღიმა იორამს.

ქარხნის ღირექტორის გონებაში კარ-
ვად აღსდგა ეს დღე. უზარმაზარი აუ-
დიტორია სტუდენტებით იყო გაჭედო-
ლი. ყველას აინტერესებდა, ლევანს ხი-
დაშელი დიპლომს როგორ დაიცავდა.
იორამი მაშინ სახელმწიფო საგამოცდო
კომისიის წევრი იყო.

ხიდაშელი თავიდანვე თვალში მოუ-
ვიდა. ასეთი ვაჟკაცი ქარხანაში ცეცხ-
ლივით დატრიალდებოდა, გაიფიქრა და
ფეხზე წამოდგა. მისი ნახაზები გადაა-
თვალიერა.

— უჟაცრავად. — მოულოდნელად

შეაჩერა ლევანი, — თქვენ მარტენის რა
პროცესი გქონდათ მოცემული?

— ჯართული, — მშვიდად უპასუხა
ლევანმა.

— კარგი. განაგრძეთ! — თქვა იო-
რამმა და მარტენის საამქროს გეგმარზე
ერთგან წითელი ხაზი გაუსვა.

ლევანმა კარგად დაინახა წითელი ხა-
ზი, მაგრამ არაფერი შეიმჩნია. ლაპარა-
კი ისევ აუღელვებლად განაგრძო.

ხიდაშელის ხელმძღვანელი ზურაბ ჯა-
ნაშვილი ფეხზე წამოდგა, ნახაზთან მი-
ვიდა და იმ ადგილს დახედა, სადაც
რუსთავის მეტალურგიული ქარხნის
ღირექტორმა წითელი ხაზი გაუსვა. მან
თითი ტუჩთან მიიტანა, თავი უკმაყო-
ფილოდ გააქნია და ისევ თავის ადგილ-
ზე დაჯდა.

აუდიტორია ახმაურდა, ყველა დაი-
ძაბა, მიხვდნენ, ლევანს რაღაც შეცდომა
მოუვიდა. ლევანი ისევ მშვიდად იყო,
მღელვარება არ ეტყობოდა, ისევ დინ-
ჯად და მკაფიოდ ლაპარაკობდა.

როცა საამქროს ეკონომიურ ანგარიშ-
ზე გადავიდა, საგამოცდო კომისიის
თავმჯდომარემ ლევანს ანიშნა, კმარაო.
მერე კომისიის წევრებს გადახედა.

— შეკითხვები ხომ არავის გაქვთ?

— მე მაქვს შეკითხვა! — ფეხზე წა-
მოდგა იორამ რუხაძე.

დარბაზი კიდევ უფრო გაინაბა.

— ამ ახალგაზრდის გეგმარია მარ-
ტენის ჯართული პროცესი რუსთავის
პირობებში. ესე იგი, ფოლადის დნობა
მხოლოდ ჯართისაგან იწარმოებს. ქარ-
ხანაში ბრძმედები არ იმუშავენს და.
აქედან გამომდინარე, მარტენის საამქ-
როს არც თხევადი თუჯი ექნება. თხევად
თუჯს ლუმელებში ჩაახამადე, კარგად
მოგვხსენებთ, მიქსერში ასხამენ. თუ
პროცესი ჯართულია და თუჯი არა
გვაქვს, მაშინ არც მიქსერია საჭირო.
ასე არ არის ყმაწვილო?

— დიახ! — დაეთანხმა ხიდაშელი.

— მაშინ მარტენის საამქროს მთლიან
გეგმარში მიქსერი რატომ გაქვთ გამო-
ნახული? მაპატიეთ, მაგრამ ისეთი შთა-
ბეჭდილება მრჩება, თითქოს საამქროს

გეგმარი საიდანღაც მექანიკურად გაქვთ გადახაზული.

— პირდაპირ არ ვიცი, როგორ მოხდა, — წამოხტა ლევანის ხელმძღვანელი ზურაბ ჯანაშვილი, — ის იმის ბრალია, რომ ხიდაშელი ძალიან გაყოყონდა და მთელი დიპლომი ისე იანგარიშა, ჩემთვის არაფერი უჩვენებია, უბრალო რჩევაც კი არ უკითხავს.

— ეს იმის ბრალია, — ხმადაბლა და ოდნავ დამცინავი სიღინჯით დაიწყო ლევანმა, — რომ თქვენს მიერ მოცემული დავალება იყო უზარობა და მე შევეცადე იგი ცოტა რეალური გამეხადა.

— მე ამას არ მოვითმენ! — წამოხტა ფეხზე ჯანაშვილი.

— დაწყნარდი, ჯერ მოუსმინე! — შეაწყვეტინა საგამოცდო კომისიის თავმჯდომარემ პროფესორმა გორდელაძემ.

აუღიჯებია ახმაურდა. ლევანმა შეიცადა, სანამ ხალხი დაწყნარდებოდა. როცა სიჩუმე ჩამოვარდა, წყნარად და აუღელვებლად დაიწყო:

— ჩემი გეგმარი, თქვენ უკვე იცით, იყო მარტენის საამქროს რუსთავის პირობებში, სადაც ღუმელები ჯართული პროცესით იმუშავებდნენ.

ლევანმა თავის ხელმძღვანელს დამცინავი მზერა ესროლა. იგი ზურაბ ჯანაშვილს ვერ იტანდა. ახალგაზრდა მეცნიერი ლევანზე სამი-ოთხი წლით უფროსი თუ იქნებოდა. დისერტაცია ახალი დაცული ჰქონდა და თავი ძველი, გამოცდილი მეცნიერებით ეჭირა. ბიჭებს ოცი წლით უფროსივით ელაპარაკებოდა. ლევანი დასცინოდა, „ბატონ ზურაბს“ ეძახდა. ჯანაშვილი დაცინვას ვერ იგებდა და „ბატონობას“ იფერებდა. სტუდენტები სიცილით იგუღებოდნენ.

ხიდაშელმა ხელმძღვანელს ერთხანს კიდევ უყურა და რუსთავის ქარხნის დირექტორისკენ მიბრუნდა, თითქოს მარტო მას ელაპარაკებოდა.

— თუ გავითვალისწინებთ ამიერკავკასიის მძიმე მრეწველობას, და აქედან

გამომდინარე — ჯართის რუსულღუმეს, მარტენის ღუმელებს სამი წლის შემდეგ გაჩერების საშიშროება ემუქრება. მე ვიანგარიშე რუსეთიდან შემოტანილი ჯართის ხარჯები. ტონა ფოლადის თვითღირებულება თითქმის ორჯერ გაიზარდება. მოგეხსენებათ, შავი ზღვის სანაპირო საკურორტო ზონაა და ჯართის შემოტანა მხოლოდ ბაქოს შორეული გზით უნდა მოხდეს.

ქარხნის ეკონომიური ანგარიშისას ეს გავითვალისწინე და პერსპექტიულ გეგმაში ორი პატარა ბრძმედი და მიქსერიც ვიანგარიშე. ეს საშუალებას მოგვცემდა მარტენის ღუმელების რიცხვი ათამდეც კი გაგვეზარდა. ჩემს პატივცემულ ხელმძღვანელს ერთხელ მაინც რომ გადაეშალა ჩემი დიპლომი, იქ ნახავდა პატარა თავს, სადაც ქარხნის პერსპექტიული ანგარიში მქონდა გაკეთებული.

ასე რომ, პატივცემულო იორამ, მარტენის საამქროს გეგმარი მე მექანიკურად არ გადამიხაზავს.

შეიძლება თქვენ შემედავოთ, დიპლომი არ არის რეალური და შეიძლება ასეთი პირობითი დავალების ანგარიშიო. არ ვკამათობ, მაგრამ ერთს კი ვიტყვი: სადიპლომო დავალებას როდი აქვს მარტო მეცნიერული მხარე. მას მეორე მხარეც გააჩნია. არ ვიცი, ამ მხარეს გნებავთ პედაგოგიური დაარქვით, გნებავთ ფსიქოლოგიური. დიპლომანტი უდიდესი ხალისით მუშაობს, როცა სადიპლომო დავალება ნამდვილია, რეალური და პაერში არ არის გამოკიდებული...

— კმარა! — შეაწყვეტინა ღიმილით ქარხნის დირექტორმა და პროფესორ გორდელაძეს ანიშნა, კარგი ბიჭი ყოფილაო.

გორდელაძემ თანხმობის ნიშნად თვალი ჩაუყრა.

იორამ რუხადემ ზუსტად აღადგინა სამი წლის წინანდელი ამბავი. არცერთი წვრილმანი დეტალი არ გამოორჩენია. იგი ფეხზე წამოდგა, ხიდაშელს ხელი გადახვია.

— მახსოვს, ყმაწვილო, ყველაფერი კარგად მახსოვს. ოღონდ მე მეგონა,

რომ ასპირანტურაში შეხვედი და კათედრაზე დარჩი. პროფესორ გორდელაძეს შენი დიდი იმედი ჰქონდა. მახსოვს, დიდხანს მელაპარაკა, ნამდვილი მეცნიერი გვეზრდებო.

— რა ვიცი, მე ქარხანაში მუშაობა ვამჯობინე. კაცი მეტალურგი თუ ხარ, ქარხანაში უნდა იყო.

რუხაძემ გაიცინა და მთავარ ინჟინერს მიუბრუნდა:

— აბა, რა გეგონა, ჩემო მიხეილ, მე და ლევან ზედაშელი ძველი ნაცნობები ვართ.

თავი მეოთხე

1.

ფელისის მიწურული იყო. მინდაძეების ოჯახი გავრაში გასამგზავრებლად ემზადებოდა. თინათინი ქმარს ყოველდღე ეჩხუბებოდა, მარტო ჩვენ ვიხრჩობით ამ სიციხეშიო, მაგრამ უფრო ადრე გამგზავრება ვერაფრით ვერ მოახერხეს.

სალამოს მათთან ჩვეულებისამებრ ბევრმა ახალგაზრდამ მოიყარა თავი. ოთახები არეულ-დარეული მოჩანდა. ავეჯზე ნაცრისფერი ტილო გადაეფარებინათ: მხოლოდ სასტუმრო დარბაზი გამოიყურებოდა ძველებურად. მაგნიტოფონი ჩართეს, რამდენიმე წყვილი საცეკვაოდ წამოდგა. ლევანი ლელასთან და მირანდასთან ერთად კუთხეში მიდგმულ პატარა მაგიდასთან მოკალათებულ იყო.

დიდი სუფრა ხილით, კონიაკით და შამპანურით გაეწყობ. მაგიდას არავინ უჯდა. დროდარო მოსამსახურე ქალს ყავა შემოჰქონდა.

ლევანი ჩუმად იყო, ხმას არ იღებდა და მოცეკვავე წყვილებს მისჩერებოდა. მოულოდნელად წამოხტა, ერთი ბოთლი შამპანური და სამი ჭიქა აიღო. მერე ისევ თავის სავარძელში ჩაჯდა.

— მე ნუ დამისხამ! — უთხრა ლელამ.

— ვითომ რატომამო? — გაიოცა მირანდამ.

— ცოტას მოვსვამ თუ არა, თავი მბრუის ხოლმე.

— კარგი ნიშანია! — გაუტყდა ლალმა, გამხდარმა ბიჭმა.

იგი ამ დროს მათ ახლოს ცეკვავდა და ლელას სიტყვებს შემთხვევით მოკრა ყური.

— ძალიან ძველია, ზურიკო! — დასცინა ლელამ.

— ლევან, ვიცეკვოთ! — შესთავაზა მირანდამ.

— მეზარება! — ლევანმა ცივი შამპანური დალია, ჭიქა მაგიდაზე დადგა და სიგარეტს მოუკიდა.

— მეც მომაწოდე! — უთხრა მირანდამ.

— არ გინდა, პლატონი არ შემოვიდეს! — გააფრთხილა ლელამ.

— შემოვა და შემოვიდეს! ჯერ თავის მრევლს ასწავლოს ჭკუა.

ლევანმა სიგარეტი მიაწოდა და ბენზინის კვესი ისევ ამოიღო.

მირანდამ სიგარეტი გააბოლა. მერე ლევანს ბენზინის კვესი გამოართვა და დახედა.

— სადაურია?

— ამერიკული უნდა იყოს.

— აბა მაჩვენე! — უთხრა ლელამ.

— კარგი ერთი, საქმე არაფერი გაქვთ? — ლევანმა ბენზინის კვესი ჭიბეში ჩაივლო.

ამ დროს მარინეც გამოჩნდა, იგი ორ ქალიშვილს მოუძღოდა წინ.

— ეს ვინ არის? — ანიშნა ლელამ მირანდას ერთ მათგანზე.

— ნათია ყიფიანი, კონსერვატორიის სტუდენტი გახლავთ.

კონსერვატორიის ხსენებაზე ლევანმა ყიფიანისაკენ გაიხედა. გაიხედა და გაშეშდა. ქალიშვილს თვალი ვეღარ მოსწყვიტა. ნათიას მოქნილი ტანი რაღაც ჰაეროვნების განცდას ბადებდა. ძალზე მსუბუქად მოაბიჯებდა. იისფერი სპორტული პერანგი და ყავისფერი სადა კაბა ეცვა. ისეთი სწორი ქერა თმა ჰქონდა. გეგონებოდა, წყლიდან თავი ახლა ამოუყვიაო. გამოყვანილი, ოღნავ წინ გამო-

წეული ტუჩებიდან ორი ფართო კბილი მოუჩანდა, რაც მის სახეს ოდნავ ბავშვურ იერს აძლევდა. მისმა ფეხებმა და მოქნილმა ტანმა ლევანს რომელიღაც ახალგაზრდა მხატვრის ნახატი მოაგონა. ერთბაშად ვერ გაიხსენა იმ მხატვრის გვარი. თუმცა ახლა ამაზე ფიქრისათვის არ ეცალა, ქალიშვილს მონუსხულივით მისჩერებოდა. თითქოს გულიც აუჩქარდა. რაღაც უცნაურმა გრძნობამ აიტაცა. ასეთი რამ არასდროს არ განეცადა.

— ვინ არის ეს გოგო? — იკითხა ლევანმა, თუმცა მისი სახელი და გვარი გონებაში ისე ჩაებუქდა, ალბათ არასდროს წაიშლებოდა.

— ნათია ყიფიანი! — გაუმეორა მირანდამ და ლევანს ცნობისმოყვარე თვალები მიანათა.

ქალიშვილი ალღოთი მიხვდა, ლევან ხიდაშელი რა დღეშიც იყო.

— პირველი გოგოა, რაც მართალია, მართალია! — ჩააწვეთა სხვათაშორის ლევანს.

ნათიას შემოსვლამ რაღაც განსაკუთრებული შთაბეჭდილება მოახდინა. უხერხული სიჩუმე ჩამოვარდა. ვილაცამ მაგნიტოფონიც კი გამორთო. ბიჭებმა კარტის თამაში შეაჩერეს და ნათიას გასაცნობად წამოიშალნენ. ლევანი არ წამომდგარა, იგი კედლისკენ მიბრუნდა და შამპანურს წრუპვა დაუწყო.

— შენ არ გაიცნობ? — ჰკითხა ორაზროვნად მირანდამ.

— რა მეჩქარება, დავიცდი, ჩემი რიგიც მოვა, — უდარდელად უპასუხა ლევანმა და ჭიქა ხელახლა შეავსო.

ვილაცამ მაგნიტოფონი ისევ ჩართო. ერთმა ბიჭმა კარტი მაგიდაზე დაყარა და ნათია საცეკვაოდ გაიწვია.

— ლევან, შენ მგონი, რაღაცას ჰყვებოდი... — ორაზროვნად ჰკითხა ლევანს.

ლევანს მანაც შეამჩნია მღელვარება. თუმცა ჰაბუკი ნათიასკენ არ იხედებოდა, ვითომ არავითარ ყურადღებას არ აქცევდა.

— არაფერს არ ვყვებოდი! — გაბრაზდა ლევანი და პირში ისევ სიგარეტი გაიჩარა.

— ემაწვილო, ზედიზედ ეწევი, შენ უკვე დეღა! — გაიღმა მირანდამ ლევანმა ზიზლით შეხედა. ქალიშვილი გველივით ილიმებოდა, თუმცა უმაღვე გაახსენდა, რომ გველები არ ილიმებიან.

მირანდა და ლელა მარინეს ყველაზე უახლოესი მეგობრები იყვნენ, მაგრამ მისი ყველაფერი შურდათ. საქმე საქმეზე რომ მიმდგარიყო, არ დაინდობდნენ. იმავე წუთში გაჰყიდინდნენ. მათ შურდათ მარინეს შესახებობაც და სიმღიროც. შურდათ, რომ მარინეს თაყვანისმცემლები ბუზებივით ეხვეოდნენ და ხიდაშელიც ხაფანგში ჰყავდა გაბმული.

მირანდამ შეატყო, ლევანს თვალები როგორ აემღვრა, დამცინავი ღიმილი მოიშორა, ვაჟისკენ დაიხარა და თითქმის ჩურჩულით უთხრა:

— ნუ ბრაზობ, შევრიგდეთ, ისე იცოდე, მე ახლოს ვიცნობ.

ლევანმა წარბი ასწია და მირანდას კითხვის ნიშნით შეხედა.

— ოღონდ იჩქარე, ხომ ხედავ, ბიჭები ფუტკრებივით ეხვევიან.

ლევანმა ხმა არ ამოიღო. ნაფაზი ერთხელ კიდევ დაარტყა და სიგარეტი საფერფლეში წერვიულად მოსრისა.

ნათიასთან ცეკვაზე მართლაც რიგი იყო. ლევანმა გაიფიქრა, დროა საცეკვაოდ მეც გავიწვიო. იგი ტანგოს დაელოდა. ტანგოს რიტმზე უფრო ადვილად შეიძლებოდა ცეკვის დროს საუბარი.

ნათიას თავდაპირველად ლევანი არც კი შეუშინევია. იგი მხოლოდ ცეკვის დროს დაინახა, როცა გვერდით ჩაუარა. ქალიშვილს გაახსენდა, რომ ეს ვაჟი მის გასაცნობად არ წამომდგარა. იგი ისე იქცეოდა, თითქოს ნათია საერთოდ არ დაენახოს. ამიტომ უფრო გაუკვირდა. როცა ლევანმა მოულოდნელად საცეკვაოდ გაიწვია. ქალიშვილმა იგრძნო ვაჟის ღონიერი მკლავი. მარჯვენა ხელი ლევანის დაკუნთულ მხარზე ისე ედო. თითქოს თითის დაკარება ეშინიაო. ლევანი ჩუმად იყო, ხმას არ იღებდა. ნელ-ნელა იბოდმებოდა, რა ენა ჩამივარდაო.

ნათია იღიმებოდა და ცეკვავდა. ლევანს თითქოს მუჭში ეჭირა ქალიშვილის მოქნილი ტანი.

მარინეს არ მოეწონა, ლევანი რომ ასე ატაცებული დაინახა. თემურ გვრიტიშვილთან მივიდა და სთხოვა მაცეკვეო. ისიც გაჰყვა. მარინე ცეკვავდა, თვალი კი ხიდაშელისკენ გაუბრუნდა. თემური ვერ ამჩნევდა, ქალიშვილის გულში რა ცეცხლი ტრიალებდა. თვალები სანახევროდ მოეხუჭა და მელოდიას უსიტყვოდ ხმას აყოლებდა.

— რა შესანიშნავად ცეკვავთ! — ამოიღო ბოლოს ხმა ლევანმა.

— ეგ დღეს უკვე ხუთჯერ მოვისმინე! — ისე თქვა ნათიამ, თითქოს რაღაც ეტყინათ. — ყველა ბიჭი დიალოგს ამ სიტყვებით რატომ იწყებს?

ლევანი გაფითრდა.

— მე შეეჭვსე ბიჭი არა ვარ, მე ვარ ლევან ხიდაშელი და ვთქვი ის, რაც ვიგრძენი.

— ცუდად არ გამიგოთ! — შეწუხდა ნათია.

ლევანს ხმა აღარ ამოუღია, როგორც კი მელოდია დამთავრდა, ნათია სავარძლამდე მიაცილა. თვითონ ქალიშვილებთან დაბრუნდა.

— აქი ცეკვა არ გინდოდა? — უკბინა მირანდამ.

— გააჩნია ვისთან!

— აბა, აბა, შენ თავს გაგივიდა!

— მოიცა, ენა ნუ წაიგრძელე. შენ ის მითხარი, თუ შეგიძლია საქმე ისე დაატყინალო, რომ ნათია მე გავაცილო?

— მაგაზე ადვილი რაა? — გაიცინა მირანდამ.

იგი დინჯად წამოდგა, ჯერ ვილაცას დაელაპარაკა, თითქოს ნათიასთან მისვლას არც აპირებდა. მერე ნათიას სავარძლის გვერდით ჩამოჯდა. ნათია ამ დროს გვრიტიშვილთან ცეკვავდა. იგი აღარ იღიმებოდა. ხასიათი გაუფუჭდა. გული ეტყინა, უნებურად უცნობი ბიჭი რომ გაანაწყენა. ლევანი ზურგში ეტყინათ იჯდა. ნათიასკენ ერთხელაც აღარ გაუხედავს.

ცეკვა დაძთავრდა. ლევანმა თვეს გააპარა და დაინახა, მირანდა უკვე ნათიას ელაპარაკებოდა.

ნათიას გუნება აღარ გამოუტყდა. ცოტა ხანს კიდევ იცეკვა, მერე მოიბოდიშა და წასვლა გადაწყვიტა.

— ლევანიც მიდის, მანქანითა! — უთხრა მირანდამ. — ლევან!

ლევანი მირანდასკენ მიტრიალდა.

— მოდი აქ ერთ წუთს!

ლევანი ზღაზვნით წამოდგა.

— ნათიაც შინ მიდის. ბარემ წაიყვანე.

— დიდი სიამოვნებით.

— მიდიხართ? — ჰკითხა ქალიშვილს მარინემ ნაძალადევი ღიმილით.

იგი სწორედ ამ დროს მივიდა მათთან. არ ეაიამოვნა, ლევანი ნათიას გვერდით რომ დაინახა.

— დიახ, ძალიან მეჩქარება.

მარინე აღარ შემატიებია. უკვე ნანობდა, რა ღმერთი გამიწყრა და ნათია ყოფიანი მოვიპატიეო. ხიდაშელი ნათიას სხვებივით თავს არ დასტრიალებდა, მაგრამ აღარც მარინე გახსენებია. ქალიშვილი შინაგანმა გრძნობამ მიახვედრა, ლევანის გულში რაღაც ხდებოდა.

— შენც მიდიხარ? — ჰკითხა გოცებულმა ლევანს.

— მე ერთი კაცი მყავს სანახავი, აუცილებლად უნდა შევხვედე.

— ხომ იცი, ლევან, მე ხვალ გაგრაში მივდივარ, შენ პირველ ცვლაში იქნები და ვერ გამოაცილებ!

ეს ფრაზა ნათიასათვის იყო გამიზნული. თითქოს მარინე აფრთხილებდა. ხომ ხედავ, ჩვენ უკვე რა დამოკიდებულება გვაქვს ერთმანეთშიო.

ლევანი ისე იყო ატაცებული, მარინეს ორაზროვან სიტყვას ვერ მისვდა.

— ერთ საათში მოვბრუნდები, უკიდურეს შემთხვევაში საათნახევარში! — სწრაფად თქვა ლევანმა.

უნდოდა, მარინე თავიდან მალე მოეშორებინა. ერთი სული ჰქონდა, ნათიასთან მარტო როდის დარჩებოდა.

სწორ ქუჩაზე გავიდნენ თუ არა, ლევანმა რადიომიმღები ჩართო. სავილინო კონცერტს გადმოსცემდნენ.

— მენდელსონი! — თქვა ნათიამ. მანქანა ტროლეიბუსის ხაზზე მიდიოდა და რადიომ ხრიალი დაიწყო.

— რატომ ხრიალებს? — შეწუხდა ნათია.

ლევანმა ვიწრო, წყნარ ქუჩაზე გადაუხვია. ხრიალი შეწყდა.

— თქვენ სად ცხოვრობთ? — ჰკითხა ლევანმა.

— ვაკეში, ფალიაშვილის ქუჩაზე. თქვენ, ალბათ, იქით არ მიდიოდით, არა?

— რა მოხდა მერე!

ვაკე-საბურთალოს გადასასვლელზე გავიდნენ. ლევანმა თვალი ნათიასკენ ვაპარა. ქალიშვილი მუსიკით ისე იყო ვართული, ვაჟის გამოხედვა არ შეუმჩნევია. ლევანმა მანქანა შეაბრუნა და წყნეთის მხარეს აუყვა. ნათიას არც გაუკია, მანქანამ მხარი როდის იცვალა. იგი მხოლოდ მაშინ გამოერკვა, სასაფლაოს რომ გასცდნენ.

— აქეთ სად მივდივართ?

— მუსიკას ისე უსმენდით, არ მინდოდა თქვენი მყუდროება დამერღვია. ქვემოთ ხომ ტროლეიბუსის ხაზებია, რადიო ისევ ხრიალს დაიწყებდა.

ნათიას გაეცინა.

— მოვებრუნო? — ჰკითხა ლევანმა.

— რატომ? ბარემ ბოლომდე მოვისმინოთ, ოღონდ ძალიან შორს ნუ წავალთ. — უთხრა ნათიამ.

ქალიშვილს მობრუნება ერჩია, მაგრამ იფიქრა, ლევანს არ ეგონოს, შეეშინდაო. გადმოცემა დამთავრდა. ლევანმა რადიო გამოთიშა და მანქანა შემობრუნდა.

— გიყვართ მენდელსონი? — ჰკითხა ნათიამ.

— ძალიან, თუმცა ამ ბოლო დროს მუსიკისთვის აღარ მცალია.

— თქვენ ინჟინერი ხართ, არა?

— დიახ, ინჟინერ-მეტალურგი.

— იმ წუთში მივხვდი.

— როგორ?

— არ ვიცი როგორ, მაგრამ შეგხედეთ თუ არა, მივხვდი.

„ესე იგი, ჩემზე უფიქრია“, — მკვანა გულში ხიდაშელს.

— თქვენ ჩემზე ნაწყენი ხართ?

— ისე, ცოტათი! — გაიღიმა ლევანმა.

— ძალიან ვთხოვთ, მაგაზე ნულარ იფიქრებთ.

— მაგ თხოვნას აუცილებლად შეგისრულებთ. ახლა საით წავიდე?

— ჯერ პირდაპირ, რიგის ქუჩაზე მარჯვნივ აუხვეთ ფალიაშვილის ქუჩამდე და იქვე კუთხეში გააჩერეთ.

— ბატონი ბრძანდებით.

— ძალიან დაგაგვიანეთ, არა?

— როგორ გეკადრებათ.

— მეშინია მარინეს არ ეწყინოს. თქვენ ხომ დაპირდით, ერთ საათში მოვალაო. — ორზროვნად უთხრა ნათიამ.

ლევანი ფიცხლად მოტრიალდა. ახლა გაახსენდა მარინეს სიტყვები და მიხვდა, მინდაძის ქალიშვილმა სადაც დაუმიზნა. საფეთქლებზე სისხლი მოაწვა. მაგრამ მღელვარება დაიოკა და სხვათა შორის თქვა:

— კიდევ კარგი, რომ გამახსენეთ, მე, ალბათ, დამავიწყდებოდა.

— მიცემული სიტყვა არ უნდა დაგავიწყდეთ! — ნახევრად ხუმრობით, ნახევრად სერიოზულად თქვა ნათიამ. — უკვე მოვედით.

ლევანმა მანქანა გააჩერა. ნათია დამშვიდობა. ლევანი ერთ ხანს კიდევ იდგა. გული შეეკუმშა. ნათიასთან გატარებულმა ნახევარმა საათმა ააფორიაქა თავის ცხოვრებაში პირველად შეიპყრო საოცარმა გრძნობამ, რომლის მსგავსი მანამდე არაფერი განეცადა.

საათს დახედა. ათი სრულდებოდა. მოდი, მარინესთან მივებრუნდებიო, — ერთი კი ვაივლო გუნებაში, მაგრამ უმაღლე გადაიფიქრა: ახლა არ იყო მინდაძეების ხასიათზე. ამ დაუეწყარი ნახევარი საათის შემდეგ არაფრად ეპიტნავენებოდა მინდაძეებისა და მისი სტუმრების ლაყბობის მოსმენა. არც ეპიტნავენებოდა და... ალბათ, ნათიასაც ეწყინებო, — გაიფიქრა უნებურად.

მარინე თორმეტ საათამდე ელოდებო-

და ლევანს. სტუმრები ნელ-ნელა დაიშალნენ. ყველაზე ბოლოს მირანდა და ლელა გამოემშვიდობნენ. მარინემ მეგობრები უხალისოდ გააცილა. მირანდამ ლელას თვალი ჩაუკრა. მარინე არ იმჩნევდა, თორემ ტირილი უნდოდა.

2.

ლევანმა კიბე ნელა აიარა. თავისი ბინის კართან შეჩერდა და ჯიბეში გასაღებს დაუწყო ძებნა. როგორც იქნა, იპოვა. ის იყო საკეტში დაუყარა, რომ მოპირდაპირე კარმა გაიჭრილა და სიმონ ყანჩაველის ჭალარაშეპარული თავი გამოჩნდა.

— აა, ჩემს ლევანს გაუმარჯოს! ბიჭო, ორი კვირის წინ ჩამოსულხარ და იმის ღირსი არ ვიყავი, ერთხელ ჩემს კარზე მოგვეკატუნებინა?

სიმონი ლევანს გადაეხვია და მხარზე ხელი მოუთათუნა. დალეული და ჩამომხმარი სიმონი ლევანს მხრებამდეც ვერ სწვდებოდა. თავი სასაცილოდ აეწია ძალა და ქვემოდან შესჩერებოდა.

— როგორ დავაეკაცებულხარ, დადინჯებულხარ... შემოდი ჩვენთან, გვინახულებ, გვიამბე სად იყავი, რას აკეთებდი...

„ეს მინდოდა ახლა?!“ — გაიფიქრა გამწარებულმა ლევანმა, მაგრამ მეტი რა გზა ჰქონდა — ღმერთი ახსენა და სიმონს ჭინა შეჰყვა.

იზა სავარძელში იჯდა. სტუმრის დანახვაზე ფეხზე წამოდგა და ნახად გაიღიმა.

სიმონმა ლევანი ცოლს წარუდგინა.

— ლევან ზიდაშელი, ჩვენი მეზობელი და შესანიშნავი ახალგაზრდა! — მერე ლევანს მოუბრუნდა, — ეს ქალბატონი ჩემი მეუღლე გახლავთ.

— ჩვენ უკვე ვიცნობთ...

— იცნობთ? — წარბი შეიკრა სიმონმა.

— მე უკვე ვიცოდი, რომ ეს ქალბატონი თქვენი მეუღლე გახლდათ. მომილოცავს გაბედნიერება, ბატონო სიმონ. — არ დაიბნა ლევანი და იზას ისე გადახედა, თითქოს ეუბნებოდა, შეცდომა ხომ კარგად გამოვასწორეთ. მერე იზას ხელი მოკრძალებით ჩამოართვა...

— დაბრძანდით! — იზამ სკამი შესთავაზა.

ლევანი სკამზე ჩამოკვდა, თანდათან ულობდა წარმოედგინა, ყოველდღე რა ოჯახური სცენები ტრიალებდა ყანჩაველებთან.

— როგორ დავაეკაცებულხარ, — აღტაცებას ველარ მალავდა სიმონი და ჭაბუკს მხარზე ხელს უტყაუბნებდა.

— იზა, — მიუბრუნდა ცოლს, — ლევანი ჩემს ხელშია გაზრდილი, ამხელა მახსოვს, ა, ამხელა! — სიმონმა ხელებით მოზომა, რამოდენა ახსოვდა ლევანი, — ეჰ, როგორ გარბის დრო!

ლევანს მეზობლის ლაპარაკი აღიზიანებდა და სულ იმის მოლოდინში იყო. კარტოვილის გაძვირებაზე ან ახლა დამიწყებს ლაპარაკს და ან ახლაო.

— თქვენ როგორ ბრძანდებით, ბატონო სიმონ, როგორ მიდის თქვენი საქმეები? — ზრდილობისათვის ჰკითხა ლევანმა და იმავე წუთში მიხვდა, რა გამოუსწორებელი შეცდომა მოუვიდა.

— ეჰ, ძალიან ცუდად, ჩემო ლევან. ძალიან ცუდად! — ამოიხვნეშა სიმონმა. — ყველაფერს ფასი დავაკარგა. ვინც კი ორი თითით როიალზე დაკვრა ისწავლა, ყველა ფილარმონიაში მუშაობს. აღარავითარი კულტურა, აღარავითარი დისციპლინა! ლოთობენ და მაიმუნობენ. რაიონებში სცენაზე პირდაპირ მთვრალები გამოდიან. აღარაფერს აღარ დავიდევენ. კაციშვილი პატრონი არ არის...

„ახია ჩემზე, რა მრჯილა, რა ენა მისწრებდა წინ“, — ფიქრობდა ლევანი.

იზა ჩუმად იჯდა. საუბარში არ ერეოდა. ისევ გულმოღეღილი კაბა ეცვა. ჯიშინი მკერდი მოუჩანდა. სიმონი თავის გასაჭირს ჰყვებოდა. შენიშნა, ლევანი უყურადღებოდ უსმენდა. მის მზერას თვალი გააყოლა და იზას მოშიშვლებულ მკერდს წააწყდა.

— დიას! — მოულოდნელად თქვა მან და ლაპარაკი შეწყვიტა, მეორე ოთახში გავიდა და ცოლს დაუძახა:

— იზა, ერთ წუთს აქეთ გამოდი!

იზა წამოდგა, ლევანს ისე გადახედა.

თითქოს უთხრა — ვაი ჩემი ბრალი ამ
კაცის ხელშიო.

სიმონი მალე გამობრუნდა. იხას ცო-
ტა შეაგვიანდა. მოწყვეტილი შემოვიდა,
თითქოს ფერიც დაჰკარგვოდა. მოღელი-
ლი მკერდი აღარ მოუჩანდა, ტანზე და-
ხურული ხალათი გადაეცვა.

ლევანი მიხვდა, მეორე ოთახში რაც
მოხდა. ცოლ-ქმრის ნაზი ღიალოგიც კი
წარმოიდგინა, გაელიმა და ფეხზე წა-
მოდგა.

— ბატონო სიმონ, ახლა ძალიან დაღ-
ლილი ვარ, ხვალ უთენია უნდა ავდგე,
სხვა დროს შემოვივლით.

— სანამ თქვენები არ ჩამოსულან,
შემოიარე ხოლმე, ერთად ვივახშმოთ.

— გმადლობთ, ბატონო სიმონ, მაპა-
ტიეთ, გაბედნიერება რომ ხელცარიელ-
მა მოგილოცეთ.

იხა ლევანს დაცინვას მიუხვდა და
ლოყები აეტკია.

— კიდევ კარგი, იოლად გადავრჩი! —
ხმაშალა წამოიძახა ლევანმა, როცა კა-
რი შეიკეტა და თავი სამშვიდობოს
იგარძნო.

ღივანზე წამოწოლას აპირებდა. უნე-
ბურად სარკეში თავის თავს მოჰკრა
თვალი. ახლოს მივიდა, დააკვირდა. თმე-
ბი შეისწორა. მკერდი გამოხნიჭა, მკლა-
ვებიც მოჭიმა, საკუთარი თავი მოეწო-
ნა, კმაყოფილი ლოგინზე გულაღმა წა-
მოწვა და თვალები ჰერს მიაპყრო.

ახლა იგი მარტო იყო, სულ მარტო.
შეეძლო, რამდენიც უნდოდა, იმდენი
ეოცნება. ლოგინზე მოუსვენრად ტრია-
ლებდა. ბოლოს გაიხადა და ჩაწვა.

ძილი მიინც არ მოეყიდა, თვალწინ
სულ ნათია ედგა.

ტელეფონმა დარეკა.

„აღმათ თენგიზი იქნება, ახლა მავის
ლაპარაკის თავი არა მაქვს“, — გაიფიქ-
რა ლევანმა.

ტელეფონი ერთხანს გაჩერდა. მერე
ისევ დაიწყო წკრიალი.

გაბრაზებული ლევანი წამოდგა და
ტელეფონს საბანი გადააფარა. ზარის
წკარუნს ძლივსღა ისმოდა.

„ნუთუ მიყვარს? — ეკითხებოდა ლე-

ვანი თავის თავს. — მერე, ასე ერთ-
შად? ასე ერთი ნახვით?“. ^{არაფერი}

რა არ სცადა, რომ ნათიანზე ფიქრი
თავიდან ამოეგდო. არაფერი არ გამოუ-
ვიდა... გამთენიისას ძლივს ჩაეძინა.

თავი მესამე

1.

ღამით რუსთავის მეტალურგიულ
ქარხანა ფერადი ნათურებით გაჩირაღ-
დნებული უზარმაზარი პარკი ფეგონე-
ბათ. ბრძმედები და ცათამწვდომი მი-
ლები საახალწლოდ მორთულ ნაძვისხეს
წააგავს.

მეტალურგიულ ქარხანაში ერთი წუ-
თითაც არ კვდება სიცოცხლე. ბრძმედი
და მარტენი რაკი ამუშავდება, მისი
გაჩერება აღარ შეიძლება. მეტალურ-
გიამ არ იცის უქმე დღე, ახალი წელი
და დღესასწაული. განუწყვეტლივ მო-
დიან ეშელონები, მოაქვთ მადანი, ჯარ-
თი, ქვანახშირი, კირქვა, ფეროშენად-
ნობი, ცეცხლგამძლე მასალები, დოლო-
მიტი, ალუმინი; მიაქვთ მილები, ფო-
ლადის ფურცლები, ნაგლინი.

ამ უზარმაზარ ქარხანაში ვინ დათ-
ვლის, რამდენი პროფესიის ხალხი მუ-
შაობს. ყველამ თავისი საქმე იცის, ყვე-
ლა თავის უბანზე იბრძვის. ელექტრი-
კოსს არ ევალება თუჯის დნობის საი-
ღუმლოება იცოდეს. არც მექანიკოსები
არიან ვალდებულნი მარტენის საამქ-
როს ტექნოლოგიაში ერკვეოდნენ.

მთავარმა ინჟინერმა კი ყველაფერი
უნდა იცოდეს, — ამ უზარმაზარ ქარ-
ხანაში მისთვის უცნობი კუნძული
არ უნდა არსებობდეს. მთავარი ინ-
ჟინერისათვის არც სამუშაო საათებია
ზუსტად განსაზღვრული. ვინ იცის, რო-
დის აწკრიალდება ტელეფონი, როდის
გამოიძახებენ ქარხანაში, — ყაჩაღვით,
ცხენი სულ შეკაზმული უნდა ჰყავდეს.

მიზეზი გიორგაძე მებრძმედე იყო.
სანამ მთავარი ინჟინერი გახდებოდა.
თორმეტი წელი საბრძმედე საამქროში
გაატარა. ახლა ყველა საამქროს მისი
თვალი და გული სჭირდებოდა. ყვე-

ლა დანადგარს თავს დასტრიალებდა. ბრძმედი მანც განსაკუთრებულად უყვარდა. ყველაზე უფრო მაშინ გაცხარდებოდა ხოლმე, ავარია რომ საბრძმედ საამქროში მოხდებოდა.

იმ დღეს დღიდანვე ვერ იყო კარგ ხასიათზე, გული აწუხებდა. საღამოს გრილი აბაზანა მიიღო და დასაძინებლად ადრე დაწვა.

„მოვიღალე, — გამოუტყდა საკუთარ თავს მთავარი ინჟინერი, — ბევრი ბევრი, კიდევ სამი წელი შევძლო მუშაობა და, ვაი, ჩემი ბრალი მერე!“

მაღე ჩაეძინა.

შუალამისას ტელეფონი აწკრიალდა. მიხეილ გიორგაძე კურდღელივით ძილს იყო მიჩვეული, თვალეზი იმ წუთში დააჭყიტა. მანც ცოლმა დაასწრო. ყურმილი უკვე ელენეს ეჭირა ხელში.

— იქნებ უამისოდ გახვიდეთ იოლად, ძალიან სუსტად იყო დღეს, გულს უჩიოდა.

მიხეილი მეუღლის ზედმეტ ყურადღებას ვერ იტანდა. მკაცრ ცხოვრებას მიჩვეული კაცისათვის სინაზე უცხო ხილი იყო. ორიოდ წლას წინათ ცოლი ამას ვერც გაუბედავდა. ახლა მოტყდა და ელენეც შფოთავდა. მისი დარდი არ ასვენებდა. მიხეილს არ უნდოდა ყოველ წუთს გახსენებოდა, რომ მის მოუსვენარ, ენერგიით აღსავსე ორგანიზმს სიბერემ დარია ხელი.

— რას მიედ-მოედები, ქალო, — წამოხტა მიხეილი, ცოლს ყურმილი გამოგლიჯა და რიხიანად ჩასძახა, — გიორგაძე გისმენთ!

ელენე ქმრის გამომეტყველებას შემფოთებული აკვირდებოდა. მთავარ ინჟინერს სიბრაზისაგან სახე დაედრიჯა, ყურმილი ბერკეტზე დაახეთქა და ჩაცმას შეუღვა.

ავარია სწორედ საბრძმედ საამქროში მომხდარიყო, პირველ ბრძმედზე მანქანა კარგა ხანია ქვემოთ ელოდა. მიხეილს ერთი სული ჰქონდა, სანამ იქამდე მიადწევდა.

ბრძმედში ძალზე გადიდებული წნე-

ვაა. მანდის, აგლომერატისა და განმეორებულ გველების ჩატვირთვა კი განუწყვეტლივ მიმდინარეობს. კაზმის ჩატვირთვა ტარა ვაგონებებით ხდება. ამ ვაგონებებს სკიპებს ეძახიან, ყოველი სკიპის ჩაცლის დროს ბრძმედს თავი უნდა მოეხადოს. ბრძმედში მაღალი წნევა და ტემპერატურა რომ შეინარჩუნონ, ზედა, ვიწრო ნაწილში ორ უზარმაზარ ლითონის ძაბრს აყენებენ. სკიპიდან მასალა პირველად ზედა ძაბრში ცვივა, შემდეგ ზედა ძაბრი დაიწვეს დაბლა, ბრძმედის გაფართოებული ნაწილისაკენ, და თავისუფალი ღრიჭობებიდან მასალა მეორე ძაბრში ჩაიყრება. როგორც კი ზედა ძაბრი დაიცლება, იგი კვლავ თავის ძველ ადგილს დაუბრუნდება და ბრძმედი ჰერმეტიულად იკეტება. ამის შემდეგ ქვედა დიდი ძაბრიც ავტომატურად დაიწვეს უფრო ქვემოთ. — გაფართოებული ნაწილისაკენ და კაზმი ბრძმედში ჩაიყრება. ბრძმედში არც წნევა ეცემა და არც ტემპერატურა. ავარიაც სწორედ აქ მოხდა: ქვედა ძაბრსა და კედელს შუა უზარმაზარი კირქვის ნატეხი გაიქედა. ბევრს ეცადნენ, მაგრამ ლოდს ძვრაც ვეღარ უყვეს.

— თვალეზი სად ჰქონდათ! — ყვიროდა მთავარი ინჟინერი, — კირქვა რატომ არ შეამოწმეს. კაზმს ვინ გაატანა ამოდენა ლოდი, ვინ!

მიხეილ გიორგაძე საამქროში იცხოვრებული შევიარდა, მაგრამ იქ არავინ დახვდა. ყველამ კარგად იცოდა მთავარი ინჟინერის ფიცხი ხასიათი. მთელს სიბრაზეს პირველსავე შემსვდურზე გადმონახებდა. მუშები საკერძოზე ავიდნენ და იქ მიიმალნენ. ზოგიერთებმა ზიხურს შეათარეს თავი.

ბრძმედი თხუთმეტსართულიანი სახლის სიმაღლეა. საკერძოზე მუშები ლიფტით ადიან. თანაც აირწინალებს იკეთებენ, რადგან ბრძმედიდან მომწამვლელი გაზი ამოდის.

მიხეილის გულის პატრონს მაღლა ასვლაზე არც უნდა ეფიქრა. საამქროს უფროსი, ცვლის უფროსი და მათი

მოადგილეები უკვე მალა იყვნენ, დაბლა არ ჩამოდიოდნენ. იცოდნენ, მთავარი ინჟინერი იქ ვერ ავიდოდა. ისედაც გამწარებულებს ახლა მასთან ჩხუბის თავი აღარა ჰქონდათ.

გიორგაძე დაბლა, საამქროში მშვიერი მგელივით დარბოდა, ყვიროდა, ილანძღებოდა. ერთხანს ასე იწრიალა, უცებ ჯიხურში მუშებს მოჰკრა თვალი.

— რას მემალეობთ? სად არის ზურაბ მინდელი, სად არის მეთქი! — მიეჭრა იგი მუშებს. — მოგხსნით, დაგანიავებთ! ერთ კაცს არ დაეტოვებ ამ საამქროში!

— საკერძეზეა, უფროსო!

— შენ ვისი ცვლა ხარ?

— ჯუმბერ მგელაძისა!

— ისიც მალა ბრძანდება?

— დიახ, უფროსო.

— რა შვილია, დაბლა დამხვდებოდა! აბრძანდი ახლავე და ორთავეს უთხარი, დაბლა ჩამოვიდნენ.

„იოლად გადავჩი“ — გაეხარდა მუშას და სულმოუთქმელად გავარდა.

ბრძმედში წნევა უკვე დაცემული იყო. ტემპერატურა რვაას გრადუსზე ჩამოეყვანათ. ტემპერატურის მეტი შემცირება აღარ შეიძლებოდა, — გადახურებული ცეცხლგამძლე აგური დასკდებოდა.

გიორგაძე ხელსაწყობის ჯიხურში სკამზე ჩამოჯდა. მეორე მუშას უთხრა, წყალი მომიტანეო.

ახალგაზრდა ბიჭმა ერთ წუთში მოურბენინა გაზიანი წყალი.

მიხეილმა წყალი მოსვა და ჭიქა არმატურის თაროზე შედგა.

— მემალეობიან შენი უფროსები, არა? არაფერი უშველით, დედას ვუტირებ ორთავეს...

მუშა მალა ავიდა და საამქროს უფროსს უთხრა, გიორგაძე დაბლა გიბარებდსო.

ზურაბ მინდელი იოლად არ წამოეგებოდა ანკესზე.

— ხომ ხედავ, საქმეს ვაკეთებ?

მუშამ ერთხანს კიდევ იწრიალა, მინდელს ველარაფერი შეხედდა და გამობრუნდა.

— არ ჩამობრძანდა, ხომ? — შორიდან მიადახა მთავარმა ინჟინერმა, — რა შვილია, დაბლა ჩამოვიდეს! სულმინდლა ხომ არ იქნება. ჩამოვა და გამოვუყვან წირვას.

მიხეილმა წყალი კიდევ მოსვა.

— ქვა დიდია?

— დიდია, ხუთ კილოგრამამდე იქნება.

— ახლა რას აკეთებენ?

— ზედა ძაბრი უკვე მოხსნეს.

— შემდუღებლები მოვიდნენ?

— მალა არიან.

— აირწინალები თუ აქვს ყველას?

— მინდელს და ცვლის უფროსს არა აქვთ მხოლოდ.

— მაგათზე ახია, თუ მოიწამლებიან. ასეთი ავარია გაგიგონია? არა, გეკითხები მე შენ, ასეთი ავარია გაგიგონია-მეთქი? ძაბრში კირქვა გაგეკედოს, სირცხვილით თავი სადღა გამოგვეყოფა!

მიხეილი ფეხზე წამოხტა. უცებ მკერდში ყრუ ტკივილი იგრძნო, ხელი გულზე მიიღო. ისევ დაჯდა, წყალი მოსვა და გაბრაზებულმა გადააფურთხა.

— ასე მალე რამ გაგათბო, შე ოხერიო!

მუშა ჭიქას ეცა, ახალი წყალი მოუტანა.

მთავარმა ინჟინერმა წყალი დალია და მუშას მიუბრუნდა:

— შენი სახელი?

— ლადო!

— ლადო, აბა, ახლა ადი მალა და მინდელს უთხარი, თუ ძაბრის ამოღება არ ხერხდება, შემოჭრან და ბრძმედში ჩაავდონ, ოღონდ სანამ ბრძმედში წყლის ორთქლს გაუშვებენ, აირწინალები გაიკეთონ, აირწინალები არც მერე მოიხსნან. ვასაგებია?

— ვასაგებია, უფროსო.

მინდელს დანა კბილს არ უხსნიდა. მაგრამ მთავარი ინჟინრის დანაბარები რომ მოისმინა, გაეღმა. აირწინალი კი მაინც არ გაიკეთა.

მიხეილი ისევ ჯიხურში იჯდა. დროდადრო თითო ყლუპ გაზიან წყალს მო-

სვამდა და საქმეს ქვემოდან ხელმძღვანელობდა.

ბრძმედში წყლის ორთქლი გაუშვეს და მომწამლავი ნახშირქანგი უვნებელ ნახშირორქანგში გადაიყვანეს. მოწამვლის საშიშროება აღარ იყო, მაგრამ ბრძმედის თავზე უაირწინალოდ მუშაობა მაინც არ შეიძლებოდა.

საკერძზე ორთქლის ისეთი ბოლქვები ამოდიოდა, ბრძმედის ყელში რაიმეს გარჩევა შეუძლებელი იყო. შემდუღებლებს თოკს აბამდნენ და ძაბრისაკენ რიგრიგობით უშვებდნენ. მათ დენზე შეერთებული გრაფიტის ღერი ეკირათ ხელში. როგორც კი ძაბრზე დაეშვებოდნენ, გრაფიტის ღერი რკინამდე ინტუიციით მიჰქონდათ. ვოლტას რკალი შეიკვრებოდა თუ არა, კაშკაშა ალი ავარდებოდა და შემდუღებლები მაშინდა არჩევდნენ ლითონის ჩამუქებულ კონტურებს. ისინი დაკვირვებით მუშაობდნენ, ლითონის ძაბრს ფრთხილად ჰრიდნენ.

ლითონი ძალიან ნელა, მაგრამ მაინც იჭრებოდა. თითოეული მუშა ორ-სამ სანტიმეტრს თუ შემოჭრიდა, მერე მალე ამოჰყავდათ და მას სხვა ენაცვლებოდა.

ასე გათენდა. ცვლა შეიცვალა. თუმცა ზურაბ მინდელი და ჭუმბერ მგელაძე ისევ ფეხმოუცვლელად იდგნენ საკერძზე. მათ ახალი ცვლის უფროსი ანზორ გიგინეიშვილი მიემატა.

გიორგაძე ისევ ჭიხურში იჯდა, წასვლას არც ფიქრობდა. დროდადრო მასთან ოსტატი ჩამოდიოდა და საქმის ვითარებას აცნობდა. მთავარი ინჟინერი მოკლე განკარგულებებს იძლეოდა. ერთხანს ფეხზე წამოდგა, მაგრამ მუხლებში სისუსტე იგრძნო და ისევ დაჯდა. წუხანდელმა უძილობამ კიდევ უფრო მოთენთა. უძილობას კაცი კიდევ გაუძლებდა, მაგრამ ნერვიულობამ სულ მოუთავა ხელი.

— აბა, ჩემს ბიჭს დამიძახე! — მიუბრუნდა ვილაცას მიხეილი.

„ჩემს ბიჭს“ გიორგაძე თავის შოფერს ეძახდა.

— გრიშა! — შორიდან დაუძახა ბრძმედში ჩემსას წადი და საქმელი მომხატუნე.

გრიშამ სულგუნე, პური და თერმოსით ჩაი მოიტანა. ეს იყო მთავარი ინჟინრის საუზმე.

ვილაცამ სკამი მიაწოდა. გრიშამ ყველაფერი სკამზე დააწყო და სარივით დაერტო.

— წადი, აღარ მჭირდება!

— როდის მოვიდე?

— აბა მე რა ვიცი, მინდელის ბიჭს ჰკითხე! — გაჯავრდა მიხეილი.

გრიშა წავიდა. მიხეილმა თერმოსიდან ჩაი ჩამოასხა და წრუპვა დაუწყო.

— არ მიდის? — ჰკითხა მინდელმა დაბრუნებულ ოსტატს.

— რას წავა, შოფერმა საუზმე მოუტანა.

— არ წავა და ნუ წავა. მიცადოს. სანამ არ მოსწყინდება.

მეორე ღამეს, გამთენიისას ძაბრი ძლივს შემოჭრეს და ახალიც დააყენეს.

საამქროს უფროსმა წნევის მომატება ბრძანა. სკიპებმა მუშაობა დაიწყეს და ბრძმედში ტემპერატურამაც იმატა.

ზურაბმა შვებით ამოისუნთქა და ცვლის უფროსს ხელი გაუწოდა. მეორე ღამე იყო, არცერთი დაბლა არ ჩამოსულა. ამ ორი ღამის განმავლობაში ორი ლუკმაც კი არ შეუტამიათ. საქმელისათვის ვილას ეცალა, ბრძმედი მომაკვდავი ადამიანივით სუნთქავდა, ხროტიანებდა, სულს დაფავდა.

მთავარი ინჟინერი ბორჯავდა, დაბლა იცილიდა — საქმეს ზურაბ მინდელიც კარგად გაართმევდა თავს, მაგრამ გული არ უსვენებდა, ყველაფერს თვითონ ეცნობოდა და ხელმძღვანელობდა. მდივან ქალს დაურეკა, პირველ ბრძმედში ვარ, ხალხი აქ გამომიგზავნე და ყველაფერი აქ მაცნობეო. სხვა საამქროებიდან გადაუღებელი საქმეებისათვის გიორგაძეს ბრძმედში აკითხავდნენ.

მინდელმა ერთხელ კიდევ შეამოწმა საკერძე და ხელთათმანები გაიდრო.

უკვე თენდებოდა. ცაზე ვარსკვლავები აღარსად ჩანდა. თბოელექტრო-

ცენტრალის უზარმაზარ საკვამლე მილზე წითელი ნათურები მკრთალად ბუუტავდა. ბრძმედის საკერძედან ხელისგულივით მოსჩანდა მთელი რუსთავი. კანტიკუნტად ავტობუსებმაც დაარღვიეს დილის მყუდროება. ქალაქი იღვიძებდა.

ზურაბი დაბლა ჩამოვიდა. თვალები დასწითლებოდა. ერთთავად მურში იყო ამოსვრილი. ხელსაწყოების ჯიბურში შევიდა. მთავარი ინჟინერი სკამზე იჯდა და ჩაის სვამდა.

საბრძმედე საამქროს უფროსი ჯერ მიხეილს მიესალმა, მერე ქუდი მოიხადა, სადღაც მიაგდო და სკამზე ჩამოჯდა.

— მორჩით? — ჰკითხა მთავარმა ინჟინერმა.

ხმაში სიბრაზე აღარ ეტყობოდა. უკვე ყველაფერი გადახარშული ჰქონდა. თანაც მინდელის ჩასისხლიანებულ თვალებს რომ შეხებდა, საყვედურის სათქმელად ენა აღარ მოუბრუნდა.

ზურაბმა თანხმობის ნიშნად თავი დაუქნია.

— კახმის ჩატვირთვა დაიწყო?

— ოცი წუთია დაიწყო.

მთავარი ინჟინერი წამოდგა. ხელსაწყოებს დააკვირა.

— ხედავ? — გიორგაძემ საამქროს უფროსს ხელსაწყოებზე მიუთითა, — ყველაფერი როგორ მერყეობს? ბრძმედი ჭირვეულ ქალსა ჰგავს. ალბათ ამერიკაში ამიტომ არქმევენ ქალის სახელებს. აქედან ფეხი არ მოიცვალა, სანამ საქმე საათივით არ აეწყობა.

მიხეილ გიორგაძე დაბლა ჩავიდა და მანქანაში ჩაჯდა.

— გრიშა, მალა ადი, თერმოსი დამრჩა.

გრიშამ ძრავი გამოართო და საბრძმედე საამქროში ავიდა. მალე დაბრუნდა. ხელში თერმოსი ეჭირა.

— მინდელი მალაა? — შორიდან დაუძახა მთავარმა ინჟინერმა.

— მალაა, სკამზე სძინავს.

— უკან აბრუნდი, უთხარი ჩამოვიდეს, შინ წავიყვან. სულ ერთია, ახლა

მაგის საამქროში ყოფნას ფასად ავიღო აქვს.

2.

ბრძმედის ავარანამ მარტენის საამქროში ფოლადის მოწოდება შეაფერხა.

ლევან ხიდაშელმა ცვლა რომ ჩაიბარა, სამი ღუმელი დახვდა ჩასატვირთი. თხევადი თუჯი კი მარტო ერთ ღუმელს თუ ეყოფოდა. ცვლის უფროსმა აღარ იცოდა, რა ექნა. უფროს შემიქსერესთან მივიდა.

— თუ ძმა ხარ, ციცხვები გაამზადე. მთავარ ინჟინერს ვთხოვ, თუჯი მარაგიდან მომცეს.

— შენი ხმალი და ჩემი კისერი. მე ოღონდ გიორგაძემ მიბრძანოს და ჩამოსხმას არ დაგიგვიანებ.

მიქსერი უზარმაზარი ციცხვია; იგი მარტენის საამქროს თავშია მოთავსებული. ბრძმედიდან მოტანილ თუჯს ჯერ მიქსერში ასხამენ, მერე კი საჭიროების მიხედვით მარტენის ღუმელებს აწვდიან. მიქსერში ხუთას ტონაზე მეტი თხევადი თუჯი ეტევა ერთდროულად. არასდროს არ შეიძლება მისი ბოლომდე დაცლა. მიქსერის მთელი მოცულობიდან მხოლოდ ორი მესამედი თუჯის დახარჯვაა ნებადართული. თუ მეტი გამოსავალი არ არის, მარაგის გადმოსხმის უფლებას მხოლოდ ქარხნის მთავარი ინჟინერი იძლევა.

ლევანი საამქროს უფროსთან შევიდა.

— რა ვქნათ ახლა? — პირდაპირ დაიწყო ხიდაშელმა.

— რისი რა ვქნათ? — გაოცდა ელიზბარი.

— თუჯი საიდან ჩავასხა ღუმელებში?

— თუჯი ორ საათში გვექნება, — დინჯად უპასუხა საამქროს უფროსმა. თან დნობის პასპორტებს დაუწყო თვალთვლიერება.

ლევანს მისი მშვიდი სახე ნერვებზე შლიდა.

— ორი საათის მერე რა ჩანდაბად მინდა!

— აბა, მე რა გიშველო! ააფრინე ალალო... ზომ გაგიგონია.

— გეგმას რომ ვერ შევასრულებ, ეგ ანდაზა მიშველის?

— გეგმა უნდა შეასრულო.

— მაშინ მთავარ ინჟინერს დაურეკეთ. კეთილი ინებოს და განკარგულება გაცეს, თუჯი მარაგიდან ჩამომისხან.

— მე ახლა მაგაზე მთავარ ინჟინერს ვერ შევაწუხებ, — მშვიდად განაგრძობ ხუნდაძემ და თან მეორე ჟურნალი გადმოიღო.

— ვითომ რატომ ვერ შეაწუხებთ? — ლევანი ჟურნალს მისჩერებოდა, ცოტაც და ხელიდან გამოგლეჯდა.

— შენ ჯერ, გეტყობა, კარგად ვერ იცნობ ჩვენს მიხეილს. ალბათ, გაიგებდი, პირველ ბრძმედზე ავარია მოხდა, სულ ერთი საათია, რაც სამუშაოს მორჩნენ. გიორგაძემ ორი ღამე ბრძმედზე გაათია. ახლა კაციშვილი სიახლოვეს ვერ მიეკარება.

— მე ჩემს პირად საქმეს კი არ ვთხოვ.

— ვიცი, მაგრამ, რას იზამ. ღმერთმა იცის, თხოვნა არ მეზარება, ახლა თხოვნა წყლის ნაყვა იქნება... მოკლედ, ამ საქმიდან არაფერი გამოვა.

— ეგ ყოფილა მთლად უფროსი.

— აბა შენ ვინ გეგონა? — დამცინავად ჰკითხა ელიზბარმა.

— მე თვითონ დაუჭრეკავ.

— შენი ნებაა.

ლევანმა ყურმილი აიღო და ნომერი აკრიფა.

— მთავარი ინჟინერი მინდა, ამხანაგი გიორგაძე.

— მიხეილ გიორგაძე შინ წავიდა! — უპასუხა მდივანმა.

— სახლის ტელეფონის ნომერს ვერ მეტყვი? გმადლობთ.

ლევანმა ტელეფონის ბერკეტს ხელი დააჭირა და ნომერი აკრიფა.

ხუნდაძემ დაიძაბა. დაახლოებით იცოდა, ამ ლაპარაკს რაც მოჰყვებოდა. მეხის გავარდნის მოლოდინში ფანქარს აწვალებდა.

ქალმა ვააგონა.

„ალბათ მეუღლეა“, — გაიფიქრა ლევანმა და წელში გაიმართა.

— ქალბატონო, მარტენის დან ვრეკავ, ძალიან სასწრაფო საქმე მაქვს, თუ შეიძლება, ბატონ მიხეილს სთხოვეთ.

მიხეილი ის იყო დასაძინებლად ემზადებოდა, ტელეფონმა რომ დაიწვრიალა.

— რა მოხდა? — გასძახა ცოლს.

— ჯანდაბა და უბედურება! ახლა მარტენის საამქროდან ვირეკავენ.

მთავარი ინჟინერი ტელეფონთან შეფოთებული მიიჭრა. იცოდა, ასეთი ავარიისა და ქარხანაში ორი ღამის ფეხმოუცვლელად ყოფნის შემდეგ ტყუილუბრალოდ არავინ დაუჭრეკავდა.

„ალბათ, კიდევ მოხდა რამე!“ — ფიქრობდა იგი და უსიამოვნო ამბის მოლოდინში გული ეკუმშებოდა.

— გიორგაძე ვისმენთ! — ჩვეულებისამებრ ვააგონა მთავარმა ინჟინერმა.

— ლევან ხიდაშელი გაწუხებთ, მარტენის საამქროს ცვლის უფროსი.

— რა ამბავია, პირდაპირ მითხარი.

ცვლის უფროსი ასეთ უკემბ პასუხს არ ელოდა. დაიბნა, აღარ იცოდა, სათქმელი როგორ დაეწყო. ერთბაშად გადაწყვიტა, ყველაფერს პირდაპირ ვეტყვიო.

— მიქსერში ცოტა თუჯი დარჩა. ღუმელები კი მზადაა თუჯის ჩასასხმელად. გთხოვთ განკარგულება გაცეთ, თუჯი მარაგიდან გადმოგვისხან.

მიხეილი სიბრაზისაგან გალურჯდა, ენა ჩაუვარდა. ვერ წარმოედგინა, ამხელა უბედურების შემდეგ, ამ უბრალო საქმისათვის თუ შეაწუხებდნენ. უნდოდა ეყვირა, თავხედი ცვლის უფროსი გაელანძლა, მაგრამ გულის არეში ისევ ტკივილი იგრძნო, მარცხენა ხელი მკერდზე მიიღო და დინჯად თქვა.

— დაელოდები, სანამ თუჯი არ მოვა.

— ბატონო მიხეილ, თუჯი ორ საათს კიდევ არ იქნება, მანამდე შოვაცდინოთ სამი ღუმელი?

— მე უკვე ვიპასუხეთ. გასაგებია?

— გასაგები მხოლოდ ერთი რამეა:

თუ თქვენ ბრძანებას არ გაცემთ, სამი
ლუმელი ორ-ორი საათით გაცდება.

— როგორ მიზედავ! — მაინც იყვირა
მოთმინებიდან გამოსულმა მიხეილმა და
სავარძელში ჩაიკეცა. ყურმილი ხელი-
დან გაუვარდა.

შეშინებული ელენე ქმარს მივარდა.
— რა მოხდა!

— არაფერია! ვალერიანის წვეთები
დამალევიწე და თავი დამანებე! —
მიხეილმა ჰაერში მოქანავე ყურმილს
ხელი წაატანა და ბერკეტზე დაავლო.

ხიდაშელს ყურმილი ისევ ეჭირა ხელ-
ში. თუმცა კარგა ხანი იყო წყვეტილი
ზუმერი ესმოდა.

ცვლის უფროსის უკანასკნელ სიტ-
ყევებზე ელიზბარაც კი წამოხტა, მთავარ
ინჟინერს ეს რა გაუბედაო.

ლევანმა ყურმილი ბერკეტზე ფრთხი-
ლად დადო, მერე თითქოს მოულოდ-
ნელად რაღაცამ მოუარაო, გარეთ გა-
ვარდა.

კარებში საამქროს უფროსის მოადგი-
ლე შეეფეთა.

— რამ გადარაა? — ჰკითხა მოადგი-
ლემ ელიზბარს.

— ის ანდაზა ხომ გაგიგონია, დედის
წინ მოხტუნავე კვიცს ან მგელი შეჭამს
ან მგლისფერა ტურაო.

მოადგილემ ვერ გაიგო ელიზბარო
ამას რისთვის ამბობდა, მაგრამ მაინც
გაიცინა. თან საამქროს უფროსს რაღაც
ბრძანება დაუდო წინ. ელიზბარმა ბრძა-
ნება ჩაიკითხა, კალმისტარი მონახა, ხე-
ლი დინჯად მოაწერა. მერე ფეხზე წა-
მოდგა და ფანჯარასთან მივიდა.

„ეჰ, ყმაწვილო, შენ ინჟინრობა მარ-
ტო წაგნები ხომ არ გგონია, — ფიქრობ-
და ელიზბარი. — არა, შვილოსან, აქ
ადამიანებთან გაქვს საქმე, ადამიანებ-
თან...“

მარტენის საამქროს უფროსს გამყო-
ლი გული არა ჰქონდა. ხიდაშელთან
პირველი შეტაკება აქამდე ცხრაჯერ
დაავიწყდებოდა, მაგრამ ახალი ცვლის
უფროსი მაინც არ მოსდიოდა თვალში.
საქმეს ვერ დაუწუნებდა; ხიდაშელმა

ყველაზე ჩამორჩენილი ცვლა ჩაიბარა
და ყველაზე მოწინავე ცვლა უკან ჩა-
მოიტოვა. ბიჭებსაც უყვარდნენ, თითონ
თვითონ ელიზბარს ეურჩებოდა. მის
კაიკაცობაში მაინც ეჭვი ეპარებოდა.

განძობდა, ამის საბაბი არა ჰქონდა.
ცდილობდა, ეჭვი გულიდან ამოეგდო,
ვერ ასერხებდა. ვერც ვერავის უმხელ-
და. სულ ერთი იყო, მაინც არავინ
დაუჭერებდა.

„ანდა რატომ უნდა დამიჯერონ, —
კარგის მეტი ხიდაშელისაგან არავის
არაფერი ახსოვს. ცოდნასა და მუშა-
ობაში ტოლი არა ჰყავს. ბიჭებს ისე
უყვართ, თვალში რომ ჩაუვარდეთ,
ხელს არ ამოისვამენ.“

ტელეფონმა დარეკა. ელიზბარი ფიქ-
რებიდან გამოერკვა.

„ეჭვი გულიდან უნდა ამოვიგდო,
ალბათ, ვცდები. ღმერთმა ქნას, რომ
ვცდებოდე“, — დაასკვნა და ყურმილი
აიღო.

— გისმენთ?

— შენა ხარ, ელიზბარ!

ელიზბარმა იცნო მთავარი ინჟინრის
ხმა.

— მე გახლავართ, ბატონო მიხეილ.

— კაი ჯიბგირი გყავს ეგ ხიდაშელი.
შინაც არ მომცა მოსვენება. ვაღმო-
ასხით თუჯი მიქსერიდან, მუშაობას ნუ
შეაფერხებთ.

— გისმენთ, ბატონო მიხეილ.

მთავარმა ინჟინერმა ყურმილი უმაღ-
ლაჰკიდა.

ელიზბარი ერთხანს იმავე პოზაში
დარჩა. მერე მღივანს დაუძახა, ცვლის
უფროსი მომინახეო.

თავი მემკვსე

1.

თბილისი დაცარიელდა. ხალხი და-
სასვენებლად გაიკრიფა. მინდაძეები
გაგრამი გაემგზავრნენ. ნათიაც საღლაც
წავიდა. ლევან ხიდაშელი ბევრს ეცადა,
მაგრამ მის ადგილსამყოფელს ვერ მიაჯ-
ვლია. ნათიანზე ფიქრს თავიდან ვერ
იშორებდა.

პირველი სექტემბრისათვის, ალბათ, აუცილებლად ჩამოვაო, — დაასკვნა ლევანმა.

მოლოდინში დღეებს ითვლიდა; დრო კი ძალიან ნელა გადიოდა.

ოც აგვისტოს თბილისში ლევანის მშობლებიც დაბრუნდნენ. ლევანი შინ არ დახვდათ. ნინო ლელავდა, ერთი სული ჰქონდა, ამდენი ხნის უნახავ შეილს გადახვეოდა.

რუსთავიდან დაბრუნებული ლევანს ღია ფანჯრებზე მიხვდა, ჩვენები ჩამოსულანო.

ვარლამმა შეილი გადაკოცხა და ძალულად აათვალ-ჩაათვალეირა. ბევრი ლაპარაკი არ ეხერხებოდა. კმაყოფილებას ვერ მალავდა. ლევანს სერიოზული, საქმიანი კაცის გამოხედვა ჰქონდა. ნინო შეილს ეხუტებოდა, ჰკოცნიდა. თან თათხავდა, მშობლების ასე დავიწყება როგორ შეიძლებაო. როცა შეიტყო, ლევანი ისევ ქარხანაში მუშაობდა, შეიცხადა, რას იკლავ თავს იმ დასაწვავ ქარხანაშიო. მერე ქმარს მიუბრუნდა:

— ურჩიე რამე, რას დამუნჯებულხარ! ბავშვს ქარხანაში უნდა ამოხდეს სული?

— მე რა ვურჩიო. ამიერიდახ აქეთ უნდა მირჩიოს! — გაიცინა ვარლამმა.

— ნეტავი შენს გულს.

ვარლამი შეილის საქმეებში არ ერეოდა. ახსოვდა, ლევანი ზოგიერთი ამოცანის ამოხსნას რომ ვერ მოახერხებდა, თავს მოიკლავდა, სანამ სწორ პასუხს არ მიიღებდა. ვარლამს კი დახმარებას არასდროს არა სთხოვდა.

ბავშვობაში ლევანი ხშირად ჩხუბობდა, როგორც არ უნდა. გაელახათ, შინ ხმას არ ამოიღებდა; უფროს ძმას არასდროს მოიშველიებდა. ვარლამს უხდოდა, შეილს მისი დარგი აერჩია, ფიქრობდა, გზას უფრო ადვილად გაიკაფავსო. იმასაც მიხვდა, შეილი მამის კვალს რატომ არ გაჰყვა. გულში მოსწონდა კიდევ ლევანის ხასიათი. მისი სწამდა და იცოდა, ვაგლახად არ დაიჩაგრებოდა.

ნინო მაინც არ ცხრებოდა. ლევანი იცინოდა და დედას ამშვილებდა.

— კარგი დედა, დაწყნარდი, ჩემს სწამს მისა მე ვაიცი.

— საქმეს რას დავეძებ, შეილო, ღმერთმა ჯანმრთელი გაგაჩინა და იმ უბედურებაში არ დაავადმყოფდე.

სამი წლის შემდეგ მთელმა ოჯახმა ძლივს მოიყაოა ერთად თავი. საზეიმო სუფრაზე თენგიზი ცოლშვილით მოკიდა.

ლევანს ასეთი სუფრა არ ეჭაშნიკებოდა. რაღაც უხერხული გრძნობა იპყრობდა. ნათესავებთან წასვლას ხომ სიკვდილი ერჩია.

მშობლებთან სითბოს გაშოჩენა არ ეხერხებოდა. ამ სამი წლის ვახშავლობაში წერილებსაც იშვიათად იწერებოდა. მისი წერილები ყოველთვის მშრალი იყო და სულ რამდენიმე სტრიქონისაგან შესდგებოდა. ძალიან უკვირდა, როცა ძმისაგან ხუთვერდიან წერილებს ღებულობდა, — გოცებული იყო, თენგიზი ამდენ თბილ სიტყვას საიდან იგონებს, ან ხუთი გვერდის დასაწერად რა ნერვები ჰყოფნისო.

ლევანი ჩუმად იჯდა. ძმისწულების ალიაქოთზე გული უწუხდა, მაგრამ ხმას არ იღებდა. განსაკუთრებით თენგიზი არ მოსწონდა. იგი ისევ უფროსობდა და ძმას პატარა ბიჭივით ელაპარაკებოდა.

— ახლა რას ფიქრობს ეს ვაქებატონი, ცოლის მოყვანას არ აპირებს? — ჰკითხა თენგიზმა მამას.

— თუ ძმა ხარ, მომეშვი! — უთხრა უკმეხად ძმას ლევანმა.

პატარა ბიჭმა შარვალი ჩაასველა. თენგიზი წამოხტა და ბავშვს შარვალი მოხერხებულად გახადა. ცილამ უთხრა მაცალე, მე გამოვუცვლიო, მაგრამ მეუღლემ ყური არ ათხოვა. მეორე შარვალი თვითონვე ჩააცვა. ეს საქმიანობა უდიდეს კმაყოფილებას ჰგვრიდა თენგიზს.

უმცროსი ძმისათვის უცხო ხილი იყო ასეთი გრძნობა და უკვირდა, თენ-

გიზს რატომ სიამოვნებს ქალის საქმის კეთებაო. მერე თავის რძალს შეხედა. ცილა ძალზე გულკეთილი და უბრალო ქალი იყო. ნამდვილი მეოჯახე. წყნარი ხასიათი ჰქონდა. მისი ხმამაღალი სიტყვა არავის ვაეგო. შინ ჯდომას არაფერი ერჩია, მაგრამ ერთ წუთს ვერ გასძლებდა უქმად. მთელი სახლი დაწკრიალებული ჰქონდა.

თენგიზი ცოლით ამყოფდა და თავი ბედნიერ კაცად მიაჩნდა.

ლევანს რძალი უყვარდა. თუმცა ვერც კი წარმოიდგენდა, ასეთი ქალი თუ როდესმე მოეწონებოდა. თენგიზს ცხოვრებაში ცოტაც ჰყოფნიდა და წყნარი ბუნების პატრონი ციალაზე უკეთეს ცოლს ვერ ინატრებდა.

ლევანს მოულოდნელად ნათია გაახსენდა. ხასიათი გაუფუჭდა. თვალწინ მისი ჰქვიანი, ნატიფი სახე წარმოუდგა. ნათიას ქერა თმა, გაბუტული ტუჩები და წინა ორი ფართო კბილი ვიღაც უცხოელ მსახიობს აგონებდა. ლევანის წარმოდგენაში ნათია საიდუმლოებით მოცულ ფერიას ჰგავდა.

უნებურად ნათია რძალს შეადარა. საქმისა და სარეცხისაგან გაუხეშებულ ხელეზზე რომ დახედა, ტანში უსიამოდ გააქრჟოლა. რატომღაც წარმოიდგინა თენგიზი და ცილა აბაზის გულისთვის ბაზარში როგორ ევაჭრებოდნენ დახლიდარს. ისიც იცოდა, თენგიზი ცოლს იატაკის გაპრიალებაში როგორ ეხმარებოდა.

ნათიამდე სიყვარულით არავინ ჰყვარებია. მოწონებით კი ბევრი მოსწონდა. ერთი ქიმიკოსი ქალიშვილი გაახსენდა. ლევანს იგი გულში ჩაუვარდა, თითქმის შეუყვარდა კიდევ. მაგრამ ერთი შემთხვევის გამო ის ქალიშვილი მესხიერებიდან სამუდამოდ ამოეშალა.

სტიპენდიებს არიგებდნენ. სალაროსთან გრძელი რიგი გაიჭიმა. ქალიშვილი რიგში იდგა. მოქანცული სახე ჰქონდა. ერთი შეხედვა და ლევანის თვალში იგი ძალზე უბრალო, ჩვეულებრივ ქალიშვილად იქცა.

„ათი დღე და ნათია თბილისში იქნება.“ — ფიქრობდა ლევანი. არაფრად გინდობს
საუბარი როგორღაც სიმონ ყანჩაველზე ჩამოვარდა.

— კიდევ იჩნუბა, მაგ უბედურმა? — იკითხა თენგიზმა.

— ნამეტანი იჭვიანი კაცია. — თქვა ნინომ.

— არა აქვს საეჭვოდ საქმე თუ? ახია, რას მოჰყავდა ქვეყნის ნათრევი ქალი! — ნინოს მოგებით თქვა თენგიზმა.

მერე ძმას მიუბრუნდა.

— ბიჭო, შენ არ წაგძლიოს სულმა, რაც არ უნდა იყოს, მეზობელია.

— აღარ მორჩები ამ სულელურ ლაბარაკს? — შეუღრინა ლევანმა.

— ვის უბედავ მაგას შენ? — გადმოქაჩა თვალები თენგიზმა.

— შენ ვიბედავ და უფრო მეტსაც გეტყვი, ჩემს ჰკუის სწავლებას თავი დაანებე!

— ერთი ამ მაიმუნს დამიხედეთ! ბიჭო, გენიოსი რომ ვახდე, მაინც ჩემი უმცროსი ძმა იქნები. ეს ხომ არ გავიწყდება?

ლევანმა თეფშს ხელი ჰკრა და ფეხზე წამოხტა.

— აბა ჰე, დაერიეთ ერთმანეთს! — გაბრაზდა ნინო.

— უყურე ამ მაიმუნს! — არ ცხრებოდა თენგიზი.

— კარგი, გეყოფა ახლა! — ნმას აუწია ვარლამმა.

— მე წავედი! — თქვა ლევანმა.

— არსად არ წახვალ! — წამოხტა ვარლამი.

— კარგი, დედა, ახლა! ნუ ჩაგვამწარებთ სადილს.

— მაშინ ეგ ვაუბატონი გააფრთხილეთ, შტერულ ლაპარაკს თავი დაანებოს.

— ვინ ლაპარაკობს, ბიჭო, შტერულად! — წამოხტა თენგიზი.

— დაჯექი შენ მანდ! — უყვირა ვარლამმა.

— ცილა, ჩაიცვი, წავიდეთ აქედან.

— კარგი, თენგიზ. გასულელდი?

— ჩაიცი, მე შენ გეუბნები.

— ასე რამ გადაგრა? ბავშვს სძინავს, გამოიღვიძებს და წავიდეთ.

— არა უშავს, მძინარეს წავიყვანთ.

— ჩვენ რა დაგიშავეთ, შვილო! — ლამის ატირდა ნინო.

— ვაი ჩემს თავს, ეს რა შვილები დამიზრდია! — წამოვარდა ვარლამი, — ახლავე დაჯექი შენს ადგილზე!

თენგიზმა ანერვიულებულ მამას რომ შეხედა, ხმისამოუღებლად დაჯდა. ლევანი გარეთ გავარდა.

„ასე ცხოვრება არ შემიძლია, — ფიქრობდა იგი, — დედაც მიყვარს, მამაც, ძმაც, რძალიც და ძმისშვილებიც. მათთან ერთად ცხოვრება კი არ შემიძლია!“

ლევანს ხასიათი ეშხამებოდა, როცა მის ოცნებას თუ გრძნობას რაიმე ზღუდავდა. უკანასკნელ წლებში დამოუკიდებელ ცხოვრებას ისე შეეჩვია, ახლობელ ადამიანებთან ურთიერთობაც კი უჭირდა. „ნეტავ მალე მომცემდნენ ბინას რუსთავში“.

2.

პირველ სექტემბერს მინდაძეებიც ჩამოვიდნენ თბილისში. ლევანმა ჩვეულებისამებრ მიხაკები იყიდა და ქალბატონ თინათინს მიართვა. მარინეს მთელი დასვენება ჩაშხამდა. დარდად წაჰყვა, ლევანი რომ იმ საღამოს უკან არ მობრუნდა. ახია ჩემზე, ნეტავ ვიცოდე, ნათიას დაბატოებას ვინ მეზვეწებოდაო, — უჯავრდებოდა თავის თავს.

ლევანს ცივად შეხედა, მაგრამ იმ ამბავზე ხმა არ ამოუღია, ვითომ აღარც კი ახსოვდა. შურისძიების წყურვილი სადღაც გაჰქრა, — ლევანი კვლავ მასთან იყო.

მინდაძეების ოჯახი გამოცოცხლდა. დაიწყო გაუთავებელი სტუმრიანობა. ლევანიც თითქმის ყოველდღე მათთან იყო, იმედი ჰქონდა, ნათიას კიდევ შეხვდებოდა. ზარის ყოველ დარეკვაზე თვალებს აცეცებდა, მაგრამ ნათია არსად ჩანდა. ბოლოს დარწმუნდა, ნათიას

მეორედ აქ არავინ მოიწვევსო. მარინე პირიქით, როგორც კი შემთხვევას ვხვდებით, ნათიას ოსტატურად ლანძღავდა ხოლმე.

ლევანმა გადაწყვიტა, ნათიასთვის დაერეკა, მაგრამ გადაიფიქრა, — ნამეტანი სტუდენტურად ზამომივიაო.

ბოლოს ამჯობინა, თავისუფალ დღეს დილიდან სახლთან დასდარაჯებოდა.

ლევანმა ნათია შორიდანვე დაინახა. გული უცნაურად აუძგერდა.

„ზღვაზე ყოფილა“, — გაიფიქრა მან. როცა ქალიშვილის ბრინჯაოსფერ სახეს მოჰკრა თვალი.

ნათია კიდევ უფრო ლამაზი ეჩვენა. კარგა შორს გაუშვა, დაელოდა, სანამ სხვა ქუჩაზე გადაუხვევდა. არ მიმიხვდეს, რომ ვდარაჯობდიო.

ქალიშვილს გვერდზე ჩაუქროლა, წინ გადაასწრო და მანქანა მოშორებოთ გააჩერა. როცა ნათია მანქანას მიუახლოვდა, ლევანი გადმოვიდა და ქალიშვილს ღიმილით მიესალმა:

— გამარჯობათ, ნათია!

— გამარჯობათ, ლევან! — შეკრთა ქალიშვილი.

— მეგონა, ვეღარც კი მიცნობდით.

— რატომ?

— დაბრძანდით მანქანაში.

— მე ძალიან შორს მივდივარ.

— მით უკეთესი, — შეაპარა ლევანმა. ნათია მანქანაში ჩაჯდა.

— რატომღაც მეგონა ვერ მიცნობდით, ცოტა ველავდი კიდევ, მანქანის გაჩერებისა მეშინოდა.

— უკვე მეორედ ამბობთ მაგას. ჯერ ის მითხარით, რატომ გეგონათ, რომ ვერ გიცნობდით? მერე ისიც ამიხსენით, მანქანის გაჩერებისა რატომ გეშინოდათ?

— პირველ კითხვაზე იოლად გაცემთ პასუხს: ჩვენ ერთმანეთს მხოლოდ ერთხელ შევხვდით, ამ თენახევრის წინათ, ისიც რაღაც ნახევარი საათით, სულაც არ გამიკვირდებოდა, რომ ვერ გეცნებთ. საით წავიდეთ?

— დიღმის მასივისაკენ, თუ ძალიან არ შეწუხდებით.

— მეტი რა გზაა, უნდა შევწუხდე! — ლევანმა მანქანა ვაკე-საბურთალოს გადასასვლელისაკენ შეაბრუნა. — მეორე კითხვაზეც რომ ვაგცეთ დამაკმაყოფილებელი და დამაჯერებელი პასუხი, სულ ცოტა, სამი ამბავი მაინც უნდა მოგიყვებ.

— მე უკვე მზად ვარ მოვისმინო პირველი ამბავი.

— ძალიან კარგი. ჩვენ უკვე ვუახლოვდებით იმ ადგილს, სადაც პირველი ამბავი გადაიხდა. წყნეთში მივდივართ. ზუსტად იქ, — ლევანმა ხელი გაიშვირა, — ფაზულტურის ინსტიტუტის წინ, ქალი დავინახე. მივხვდი, წყნეთში მიმავალ მანქანას ელოდებოდა. ვიფიქრე, ბარემ წავიყვან-მეთქი და მანქანა გავუჩერე. იგი უკან ჩაჯდა. წყნეთში რომ ავედით, მიბრძანა, ახლა ამ ქუჩაზე გადაუხვიეო. მანქანა იმ ვიწრო მოსახვევში არ გაეტია. აბა ახლა ზემოდან მოვუაროთო. იმდენი ქნა, სანამ თავისი სახლის წინ არ მიმიყვანა. ხელჩანთა გახსნა, ხუთმანეთიანი დამიგდო და გადავიდა. ქალბატონო, როგორ გეკადრებათ-მეთქი, ვუთხარი და ფული უკან დავუბრუნე. შენი სამოწყალო რა მჭირსო, — მიყვარა გაბრაზებულმა და ფული მანქანაში შემომიგდო.

ნათია სიცილით კვდებოდა.

— მეორე ამბავიც ასე საინტერესოა?

— კიდევ უკეთესი. დიღომში ვისთან მიდიხართ?

— ბებიასთან. იქ მარტო ცხოვრობს და, როცა დროს ვიპოვი, ყოველთვის ჩავდივარ ხოლმე.

— ჭკუა მაინც ვერ ვისწავლე. ერთხელ ისევ წყნეთში მივდივართ. სასაფლაოსთან სურსათ-სანოვავით დატვირთული ახალგაზრდა ქალი დავინახე. ცალ ხელში ხუთი ცოცხალი წიწილა მაინც ეჭირა, ტაქსი ელოდებოდა. ისიც წყნეთში მოდიოდა, შემეცოდა, მანქანა გავუჩერე. დაბრძანდით-მეთქი ვუთხარი. შემატყო, ხალტურის შოფერს რომ არ

ვგავდი. შე საზიზღარო, ამისთანა რა შემამჩნიეო, — ისეთი მიყვირა ქალმა, რომ მანქანა ადგილიდანვე ასრულდნის-მეტრით დაეძარი.

მას შემდეგ გადავწყვიტე მანქანა აღარავისთვის აღარ გამეჩერებინა.

— გეტყობათ გაგიჩერებიათ, რაკი მესამე ამბავი დაგრჩათ მოსაყოლი.

ლევანმა პოლიტექნიკურ ინსტიტუტთან შემოუხვია და მცხეთის გზაზე გავიდა.

— მესამედ, პირიქით, წყნეთიდან მოვდივართ. წვიმიანი საღამო იყო. თითქმის ბნელოდა. ავტობუსების გაჩერებაზე სასიამოვნო შესახედაობის ახალგაზრდა ქალი იდგა. მანქანა გავუჩერე და შევთავაზე, ჩაბრძანდით-მეთქი. ქალმა გამიღიმა და გვერდზე მომიჯდა. ოცი მეტრიც არ გვექონდა გამოვლილი, მივუბრუნდი და სახეზე თვალი შევაგლე. ისევ ილიმებოდა. პირველი ორი შემთხვევის შემდეგ ვიფიქრე, ამ ქალს, რაკი ჩამიჯდა, ალბათ, ორიოდე თბილი სიტყვა უნდა ვუთხრა-მეთქი და დიდი ოსტატობით ქათინაური შევაპარე. ერთბაშად თავში მეხი დამეცა. როგორც მერე დავადგინე, ახალგაზრდა ქალბატონმა თავში ხელჩანთა ჩამარტყა და თან ლანძღვა-გინებაც მომაცოლა, შე საზიზღარო, ახლავე მანქანა გააჩერე, უბატრონო ხომ არ ჯგონივარო.

ნათია იცინოდა.

— მე მგონი, თქვენს ორ კითხვას ამომწურავი პასუხი გავეცი, არა?

— სავსებით.

— თქვენთვის, ალბათ, უკვე გასაგებია, რატომ მეშინოდა, როცა მანქანა გაგიჩერეთ.

— ამჯერად მშვიდობიანად ვადარჩით, მაგრამ ჯერ ხომ შუა გზაში ვართ.

— მე თქვენი ბებიას იმედი მაქვს.

— ბებიამეც ნუ ესუბრებით.

— ბებიათქვენს კარგი გემოვნება აქვს?

— შესანიშნავი, რატომ მეკითხებით?

— ძალიან მაინტერესებს, თუ მოგეწონები.



— ეგ ცოტა ძნელი საქმეა.
 — თქვენ მაინც ჰკითხეთ, რა გენაღვლებათ.
 — ვკითხავ, თუ აქედან გამოვა რამე.
 — ესე იგი არ მოვეწონები?
 — ვინ იცის. წინასწარ გული რატომ უნდა გაიტეხოთ.
 — მე უკვე ვღელავ.
 — ნუ ვეშინიათ, მე თქვენს მხარეს ვიქნები.
 — ნათია, ერთი ქართული ანდაზა მინდა გითხრათ.
 — ბრძანეთ.
 — შორი გზა მოიარე, შინ მშვიდობით მიდიო. ვაგიგონიათ?
 — ჰო, რალაც მაგონდება.
 — მე ძალიან მჯერა ამ ანდაზისა.
 — მეც!
 — ჰოდა, იცით, რა მინდა გირჩიოთ?
 — ??
 — ხომ არ სჯობია დილომში მცხეთის გავლით მოვბრუნდეთ?
 — თქვენ ასე გგონიათ?
 — მე, პირადად, დილომში სულ მცხეთის გავლით ვბრუნდები.
 — მაშინ რა გაეწყობა. ვენდობი თქვენს გამოცდილებას. სჯობია ბებიასთან მშვიდობიანად მივიდეთ.
 გახარებულმა ლევანმა სიჩქარეს მოუმატა, ნათიამ მცხეთაში წასვლა არ გადაიფიქროსო.
 სპიდომეტრის ისარი ასოც კილომეტრს უჩვენებდა. როგორც კი დილომს გასცდნენ, ლევანმა სიჩქარეს მოუკლო.
 — ნათია!
 — ბატონო.
 — მხოლოდობით რიცხვს როგორ ეგუებით?
 — შესანიშნავად.
 — შენც ჩემი ჩასიათი გქონია.
 — შენ წარმოიდგინე, კი. იცი, ლევან ჯვარზე არასდროს არ ვყოფილვარ.
 — მართლა?
 — სირცხვილით ვერსად გამიმხელია. როცა მკითხავენ, სულ ვიტყუები, ნამყოფი ვარ-მეთქი.
 ლევანმა ჯვარისკენ მიმავალ გზაზე გადაუხედა.

— აქეთ საით მივდივართ?
 — არ მინდა ტყუილის თქმამ კიდევ მოგიწიოს.
 — კი მაგრამ, ჩვენ ხომ დილომში მივდიოდით მცხეთის გავლით?
 — ჯვრის გავლითაც შეიძლება.
 — მაგას რა სჯობია.
 — ახლა რომ ვაგიტაცო და რუსეთში წაგიყვანო, რას იტყვი? — ჰკითხა ლევანმა.
 — ჩემი აზრით, მაინც სჯობდა, ჯერ ბებია გვენახა.
 — მართალია, ბებია უნდა ვნახოთ. ვითომ ეწყინება ბებიას, რომ არ ვნახოთ?
 — ასე გატაცება მაინც არ ივარგებს. ძალიან სასაფხულოდ ვარ გამოწყობილი. რუსეთში ახლა ცივა.
 — გიყიდი ქურქს. წაგიყვან ტაიგაში და ვიცხოვრებთ მარტონი.
 — ოღონდ იცოდე, მანქანით დიდხანს მგზავრობას ვერ ვიტან.
 ლევანმა მანქანა მონასტრის უკანა მხარეს დააყენა ასფალტის პატარა ბაქანზე.
 ნათია მანქანიდან მსუბუქად გადმოხტა. ლევანმა ქალიშვილს თვალი ვერ მოსწყვიტა.
 ნათიამ შენიშნა ვაჟის დაჟინებული მხერა.
 — ასე ნუ მიყურებ!
 — ბოდიში, ახლავე დავითხრი თვალებს, — დაამშვიდა ლევანმა.
 — მეტისმეტს ნუ იზამ! — მოლბა ნათია.
 მონასტრის ეზო რუსი ტურისტებით იყო სავსე. გულზე ყველას ფოტოაპარატი ეკიდა და წამდაუწყუმ აჩხაკუნებდნენ.
 — მონასტერი ახლოდან სულ არ სტოვებს დიდებულ შთაბეჭდილებას, — მცხეთიდან კი რა გრანდიოზული მოჩანს! — გაიკვირვა ნათიამ.
 — ეს მონასტერი აქ იმიტომ ააშენეს, რომ ადამიანებმა შეხედონ მცხეთიდან.
 — მაშინ აქ რატომღა ამოდიან?
 — იმიტომ ამოდიან, რომ აქედან დაინახონ მცხეთა.

— მე აღტაცებული ვარ შენი მიხვედრილობით. ლევან, ნახე, აქეთ რა კარგია, — ნათიამ პატარა კლდისკენ გაიშვირა ხელი.

ორთავენი კლდეზე ჩამოსხდნენ. დაბლა მცხეთა ნახატივით მოჩანდა. ტყეს უკვე სიყვითლე შეპარვოდა.

— აქედან მცხეთა დეკორაციებს არა ჰგავს? — თქვა ნათიამ.

— შეიძლება. თეატრში დიდი ხანია აღარ ვყოფილვარ.

— რატომ?

— ეტყობა, ნერვები აღარ მყოფნის. არ მსიამოვნებს სცენაზე იმ კაცის დანახვა, აბანოში ან ბაზარში რომ შემხვედრია. თანაც თუ შექსპირს თამაშობს. უკანასკნელად თეატრში ოთხი წლის წინათ ვიყავი. ჩემი ნათესავის ხათრით წავედი. როლი მისცეს და პრემიერაზე დაგვპატიუა.

— რა როლი მისცეს? — დაინტერესდა ნათია.

— კულისებში ყვიროდა — „მოდინ, მოდიანო!“ მეორედ შედარებით მაგარი როლი მისცეს.

— ეგ, ალბათ, უფრო სერიოზული როლი იყო! — იცინოდა ნათია.

— მესამე ზოჯოს თამაშობდა რომელიღაც ზღაპარში.

— პირველი ზოჯო მაინც ყოფილიყო! — კვდებოდა სიცილით ნათია. — ახლა რას აკეთებს?

— თეატრში მესხანძრეთა რაზმის უფროსია. პო, მართლა, ნათია, მე ცოტა მეხსიერება მდლატობს. კარგად აღარ მახსოვს, სიყვარული ავიხსენი?

— მგონი, ამიხსენი. სამწუხაროდ, მე დამავიწყდა, რა გიპასუხე.

— ნუთუ ვერ გაიხსენებ?

— შევეცდები.

უცებ ისინი სიჩუმემ გამოარკვია. მიხვდნენ, მონასტრის უზარმაზარ ეზოში მარტონი დარჩნენ. ტურისტები უკვე წასულეყვნენ. ერთმანეთს თვალეზში შეხედეს. ნათია შეკრთა. ახალა იგრძნო, ვაჟთან რა ახლოს იჯდა. მისი თმები ლევანს ლოყაზე ედებოდა.

„მაკოცებს? — შიშმა აიტანა ნათია, —

ვთუ მაკოცოს, მაშინ ყველაფერი და-პატარავდება, ჩვეულებრივი გახდება“.

სდუმდნენ. დაბლა მატარებელი მოდიოდა. მათ ყურამდე ბორბლების ყრუსმა აღწევდა. ლევანი ღელავდა. ნათია ახლოს იყო, სულ ახლოს. მისი თმები ლოყაზე ელამუნებოდა, მისი სუნთქვა ესმოდა.

მოსარკული ზეცა თვითმფრინავმა გაკაწრა.

„ვაკოცო? — ფიქრობდა აღელვებულად, — არა, არ შეიძლება. არავითარ შემთხვევაში არ შეიძლება“.

ლევანმა ვნება დაიოკა, ფეხზე წამოდგა. ქალიშვილს რამდენიმე ნაბიჯით გაშორდა.

ნათიამ თავისუფლად ამოისუნთქა. გადარჩა რაღაც წმინდა, ენით გამოუთქმელი გრძნობა. გრძნობა, რომელმაც დილიდანვე შეიპყრო ქალიშვილი და მის არსებაში სამუდამოდ დაისადგურა.

3.

ლევანი შინ გახარებულად დაბრუნდა. კიბეზე თვალისდახამხამებში აფრინდა და ზარის ღილაკს თითი დააჭირა. ზარი არ მუშაობდა. კარზე ბრაზბარუხი ატეხა. დედამ გამოხედა:

— ჩუმად, ბიჭო! — ჩურჩულით უთხრა ნინომ.

— რა იყო, მოხდა რამე? — შეშინდა ლევანი, დედის გაფითრებული სახე რომ დაინახა.

— სისხლი ჩაექცა იმ საცოდავს! — ნინომ სიმონის კარზე მიანიშნა.

— რას მელაპარაკები!

— საკმელო ჭამე და საავადმყოფოში წაიყვანე.

ლევანმა ამოიხვნეშა. ისადილა და დედა საავადმყოფოში წაიყვანა.

— იმ ქალმა მოუსწრაფა სიცოცხლე და გონებადაკარგული კიდევ მის სახელს აბოდებს, ენას უჩლექს! — ბრაზობდა გზაში ნინო...

სიმონი ცალკე პალატაში იწვა. გრძნობაზე მოსულიყო, თვალეზს ძლივს ამოძრავებდა. ნინოს და ლევანს გაჭირვებით ანიშნა, მადლობელი ვარო. იზა სასთუმალთან უჯდა. სიმონს მისი ხელი ტუ-

ჩებთან ჰქონდა მიტანილი. დროდადრო ტუჩებს აცმაცუნებდა. ალბათ, ცოლს ხელზე ჰკოცნიდა.

„ახია შენზე“, — გაიფიქრა ლევანმა და ფანჯარასთან მივიდა.

საავადმყოფოს წინ დიდი ბალი იყო, სკამებზე ავადმყოფები და მათი მნახველები ისხდნენ. ზოგიერთები შინიდან მოტანილი საკმლით სადილობდნენ, ზოგნი დომინოს თამაშობდნენ.

ლევანმა თავი ცუდად იგრძნო. სადაც გაიხედა, ყველგან ავადმყოფი დაინახა. სახსრებმა ტეხვა დაუწყო. ერთი სული ჰქონდა, აქედან როდის გააღწევდა.

— ლევან, — ჩურჩულით დაუძანა შვილს ნინომ, — შენ ახლა იხას წაიყვან, სიმონთან მე დავრჩები.

მერე იხას მიუბრუნდა:

— მარტო ბულიონი გაუკეთეთ და ჩქარა მობრუნდით. აბა წადით, დროს ნულარ დაკარგავთ.

ლევანმა თანხმობის ნიშნად თავი დაუკრა. ოღონდ აქედან გასულიყო და აღარაფერს დაგიდევდათ.

იხა მანქანაში ჩუმად იჯდა. მხოლოდ თავიდან ლევანს ბოდიში მოუხდა, შეგაწუხეთო. ლევანმა მოკლედ უპასუხა, როგორ გეკადრებათო.

იხამ საავადმყოფოდან სიმონის ტანსაცმელი და რაღაც ქვებები წამოიღო. მანქანიდან გადავიდნენ თუ არა, ლევანმა ტვირთი ჩამოართვა. იხამ ოთახის კარი შეაღო. ლევანი შეჰყვა.

იხამ ბაღე ჩამოართვა და საკუჭნაოში გაიტანა.

ლევანი სავარძელში ჩაჯდა, სიგარეტს მოუკიდა და ვააბოლა. იხა სამზარეულოში გავიდა.

ლევანი ჩუმად იჯდა, ხმას არ იღებდა. იაპონურ გრავიურას მისჩერებოდა, თუმცა სულ სხვა რამეზე ფიქრობდა. იხამ ქათამი ქვებში ჩადო და უკან დაბრუნდა. ლევანის პირდაპირ დაჯდა დივანზე. თავი სევდიანად ჩაჰკიდა, თვალე-ბი იატაკს გაუშტერა. სიჩუმეს რებროლუქტორის ხრინწიანი ხმა არღვევდა.

იხა წამოდგა, რებროლუქტორი გამორთა და ისევ დივანზე ჩამოჯდა. ლევანმა ქალს შეხედა: მოკლე კაბა მალაქს წყვეს და, მუხლისთავეები მოუჩანდა. ლევანზე ისე არაფერი არ მოქმედებდა, როგორც ქალის მოშიშვლებული მუხლები. თვალის მორიდება სცადა, ისევ იაპონურ გრავიურას შეხედა. თავი ვერ დაიმორჩილა. წამსაც არ გაველო, ისევ იხას მოშიშვლებულ მუხლებს მისჩერებოდა. იხა კი ჯიუტად სდუმდა. ხმას არ იღებდა, ისევ ერთ წერტილს დაშტერებოდა.

ლევანს აღარ ახსოვდა, იხასთან როგორ გაჩნდა.

— რას შერები, რას! — იხამ თავი გაინთავისუფლა და ლევანს სახეში გაართყა.

ვაჟმა მკლავები მარწუხივით შემოუქირა, გაშმაგებული მკერდზე დაეკონა.

— გამიშვი, გესმის! გამიშვი, გამიშვი, გამიშვი! — იხა ლევანს სახეში გამეტე-ბით ურტყამდა.

ერთბაშად ქალმა წინააღმდეგობა შეწყვიტა და ლევანის ძლიერ მკლავებში გაინახა.



ლევანი დაბლა აღრე ჩავიდა და მანქანაში ჩაჯდა. ხასიათი გაუფუჭდა, თითქმის მთელი საათი გავიდა, იხა კი არ ჩანდა. ყოველი წუთი საუკუნედ ეჩვენებოდა. ბოლოს იხაც გამოჩნდა. დარცხვენილმა მანქანის უკანა კარი გამოაღო. გრძობდა, ვაჟს უკვე ეზიზღებოდა. გზაში არც ერთს ხმა არ ამოუღია. კიბეზე ლევანმა შესთავაზა, ქვების ატანაში მოგეხმარებო. ქალმა თავი გააქნია, საჭირო არ არისო.

ნინო დერეფნის ბოლოში ფანჯარასთან მიდგმულ სავარძელში იჯდა. თვალე-ბზე ცხვირსახოცი ჰქონდა აფარებული. იხა ყველაფერს მიხვდა. იატაკზე ჩაიკეცა და ქვითინი აუვარდა.

პალატიდან საგორავებიანი ტანტით სიმონის ზეწარგადაფარებული ცხედარი გამოიტანეს. ლევანმა თვალი აარიდა და კიბეზე დაეშვა.

სახსრები სუფილის

თბილისი, თბილისის რეპუბლიკის მთავრობის დასავლეთი განყოფილება, თბილისის რეპუბლიკის მთავრობის დასავლეთი განყოფილება, თბილისის რეპუბლიკის მთავრობის დასავლეთი განყოფილება

მოთხრობა

გაბო ჩუმი, უსიტყვო კაცია, ერთი-ორი ჭიქა ღვინოა საჭირო, რომ პირზე მომდგარი სიტყვა თამამად თქვას; სამაგიეროდ, ცოლს ძალიან უყვარს ლაპარაკი. საღამოობით დიდი აკაციის ძირში დაჯდებოდა ხოლმე და მეზობელთან დაუზარებლად ლაპარაკობდა. მაგრამ ხანდახან იმ პატარა ჭიშკრიდან მისი გაავებული ხმაც მოისმოდა, — ეჩხუბებოდა იმავე მეზობელს. ასეთი ურთიერთობის მიზეზი ალბათ ის იყო, რომ მათი პატარა სახლები ერთმანეთთან სულ ახლოს იდგა, იმდენად ახლოს, სიცხის დროს ერთი აკაციის ჩრდილი თავისუფლად სწვდებოდა ორივე სახლს.

ჰოდა, ერთხელ გაბოს მეუღლე მეზობელთან უბრად იყო, მაგრამ მის ცხოვრებას მაინც ფარულად თვალს ადევნებდა. ეზოში ვიღაც პირხმელი კაცი შემოვიდა, ჩალის ქუდი იქვე მესერის ბოძზე ჩამოჰკიდა და მაშინვე ჭიშკრის სიგანე გადაზომა, მანქანა გამოეტევა თუ არაო. მერე მიჯნას გადახედა და კარგახნის ფიქრის შემდეგ ხმამაღლა თქვა:

— სახლი თავისთავად არაფერია, უნდა დაინგრეს, მაგრამ ამ გარეუბნის სიწყნარე ძალიან მომწონს, აქეთ ცხოვრება სწორედ ამიტომ მოვიწოდებ.

მესერიდან ჩალის ქუდი ჩამოიღო და წასვლის წინ დიასახლისს ისე თავაზი-

ანად დაუქრა თავი, ქალი პირდაპირ გააოცა. კაცი წავიდა და დიასახლისი ცნობისმოყვარეობამ არ მოასვენა: მის ეზო-ყურეში რაღაც ხდებოდა. მალე შეიტყო, ის პირხმელი კაცი მის გვერდით, პატარა სახლში გადმოვიდოდა. გაეხარა; ვინ იცის, წინასწარ რა არ იფიქრა — ასეთი პატივსაცემი კაცი ახლოს იცხოვრებს, ავერ — ყურის ძირში. დიდი რამაა მეზობელი, — დაველაპარაკება, დაელაპარაკები... სად ეს კაპასი, უსწავლელი ქალი და სად ამ კაცის თავაზიანი ღიმილი. ვერ ისვენებდა. უნდოდა, ქმარი შინ მალე დაბრუნებულიყო, რომ ახალი ამბავი ეხარებინა. ქმარმა კი იმ დღეს რატომღაც ძალიან დაიგვიანა, — შეზინდებისას მოვიდა. დაღლილი იყო, სამზარეულოში მაგიდის კუთხეს მიუჯდა. ცოლი მეორე ოთახიდან კი არ გამოვიდა, გამოფრინდა:

— გაბო, იცი რა მოხდა, ჩვენი მეზობლები გადადიან, სამაგიეროდ, არა ჩვეულებრივი ხალხი გადმოდის, კაცს თურმე კვებვაჭრობაში დიდი ადგილი უჭირავს.

გაბომ ცერად ახედა ცოლს და შეუბღვირა.

— რაო, რას იბღვირები! ჩემი ომარისთვის პირდაპირ მისწრებაა, ბიჭმა ტექნიკუმი დაამთავრა და რიგიან ად-

ვილზე ვერ მოგვიწყვია. არ იცი, კარგი მეზობელი ნათესავზე უკეთესია?!

ქმარმა ერთი ჭიქა ღვინო გადაჰკრა და წაიბურტყუნა:

— ახლა ნათესავიც გამოიყვანე! ჯერ გადმოვიდეს, შე კაი ქალო, წინასწარ რა ეშმაკივით ტიკებსა ბერავ?!

— გადმოვა, აბა რას იზამს, მაგრამ შენ თუ მწარე არაფერი თქვი, არ შეგიძლია. აბა, გაიხედე, ბარგის გადაზიდვა უკვე დაიწყეს?

ცოლი ნაწყენი გაერიდა, მაგრამ სადაც არ უნდა წასულიყო, ცნობისმოყვარეობა არ ასვენებდა. პატარა სახლი თითქმის ერთ დღეში დაანგრის. მერე სულ ცოტა ხანში ახალი დიდი სახლი წამოჭიმეს. სახლი სულ სხვანაირი იყო, — თითბრის რაფებიანი და ლამაზად შეღებილი. ქალს, ცოტა არ იყოს, ასეთი განსხვავება სწყინდა კიდევ! მიჩვეული იყო: ეს ორი პატარა სახლი სულ ასე, ერთმანეთის გვერდით იდგა, ორივეს ვიწრო დერეფნები ჰქონდა და მოძველებული აივნები. ქალი მოუთმენლად ელოდა ახალ მეზობლებს. მათი გადმოსვლა ამ მიყრუებულ გარეუბანში რალაც სიახლეს შეიტანდა და, ვინ იცის, რამდენი ახალი ამბავი ითქმებოდა. მაგრამ საქმე სხვანაირად შეტრიალდა: მეზობლები ღამე უხმაუროდ გადმოვიდნენ, ავეჯს დიდხანს ეზიდებოდნენ, გაბოს მოხმარებაზე უარი უთხრეს. გადმობარგდნენ და მერე ამ ორ სახლს შორის მაღალი მესერი ჩააყოლეს. პატარა სახლის ბინადრები ამ მესერიდან ხედავდნენ ხოლმე ახალ მეზობლებს. მათი შავბეწვიანი ლამაზი კატა სულ აივანზე იჯდა და მოჭუტული თვალებით მაღალ კედელს შეჰყურებდა.

— მეზობლების ჩამი-ჩუმიც არ ისმის. ამათი „ვოლგაც“ კი უხმაუროდ დაძვრება, — ცოტა არ იყოს, ნაწყენი ხმით უთხრა სამუშაოდან დაბრუნებულ გაბოს ცოლმა.

— ერთი მაგათი... — ხელი ჩაიქნია გაბომ.

— რას ერჩი, ურიგო კაცი არ ჩანს;

გუშინ შემხვდა და ქული საიდან ხად მომიხდა.

— რა საქები კაცი ეგ არი? ^{ქვეყნული} ^{მთელი} თავისი სიცოცხლე გაწუწუებულ კატასავით სულ იმას ფიქრობს, რომელი საწყობიდან რა მოიპაროს.

— მერე შენ რა, შენ ხომ არა გპარავს? ჩვენთვის ძალიან საჭირო ხალხია.

— იმიტომ რომ სალმიანი კაცია? შენ ეგ არ შეგხვედრია, სადაც საჭიროა. აი, მაგალითად, ფულის საქმეში. ღიმილით კაცი რომ ფასდებოდეს, ერიპა! მაგრამ ქალებს ჰქუა არა გაქვთ. თეთრ კბილს და შავ გულს ერთმანეთისგან ძნელად განასხვავებთ.

— ნეტავი ჩემი ბიჭი კარგად მომიწყოს და მაგის გულს სულ არ დავექებ.

— მერე, ძალიან გინდა, ბიჭმა მაგისი ხელობა შეისწავლოს?

— აბა, შენსავით ტრამვაის შეაბერდეს?

— ბარემ მოგკვდე, რომ ჩემი შრომა მაგის შრომას არ ვამჯობინო, — შესჩივლა ღვინის ჭიქას გაბომ.

ღლეები მიდიოდნენ, მაგრამ ამ ორ სახლს შორის ურთიერთობის ძაფი მაინც ვერაფრით გაიბა. პატარა სახლი მაღალი მესერის იქით მოემწყვდა.

ერთ ღამეს ქალს მეზობლის დასახლოებლად ახალი აზრი დაებადა. პატარა სახლში ყველას ეძინა, ეს აზრი თავისთავად მოუვიდა. დიასახლისმა ლოგინიდან წამოიწია, მიძინარე ქმარს ხელი გაჰკრა:

— გაბომ!

გაბომ ნამძინარევი თვალები დააჭყიტა და ცოლს მიაშტერდა. ქალმა ერთ წუთს თვალიც კი აარიდა, ისე ულამაზო მოეჩვენა ქმრის გაბურტყენული შავი სახე, მაგრამ ქმარს მაინც უღიმოდა, იცოდა, ამ ღიმილით გაბოს ყველაფერზე დაითანხმებდა.

— გაბომ, რა იქნება, რომ ჩვენი მეზობლები საახალწლოდ მოვიპატიოთ?

— რა იქნება და არაფერი.

— როგორ არაფერი, სუფრა ისეთი უნდა იყოს, რომ არ შეგვრცხვეს.

— უნდა იყოს, აბა, მაშ რა.

— მერე ფული გვინდა! — და ცოლ-მა კიდევ გაიღიმა, მაგრამ გაბოს შუბლი არ გაუხსნია.

— მე ფულს არა ვჭრი! ფულის მეტი რა გაქვს გადანახული.

— კი მაქვს, მაგრამ... რაც არის — არის, ამ დღისთვის არაფერს არ დავიშურებ. გამოვჩინდეთ ცოტა!

გაბო და მისი ცოლი მაინც შეთანხმდნენ, რომ სტუმრებს ძალიან გულუხვად და ხელგაშლილი შეხვდებოდნენ. ქალი დილაადრიან წამოფრინდა. მთელი დღე თავის პატარა სამფლობელოში ფუსფუსებდა, უნდოდა, მისი სამზადისი ყველას დაენახა, მთელ გარეუბანს. საერთოდ, გარეუბანში ადრე წვეებიან და ადრე დგებიან. ამ პატარა სახლშიც შუქი ყოველთვის ადრე ქრებოდა. იმ ღამეს კი დიასახლისი დიდხანს ტრიალებდა, ნიგვზის სანელებელს ამზადებდა, თან ფიქრობდა, რომ მისი ცხოვრება სახარბიელოდ ვერ მოეწყო. ქმარი მაინცდამაინც არ უყვარდა. მათ ქორწინებაში ეს პატარა სახლი ჩაერია. ეს სახლი ქალს ეკუთვნოდა, გაბოს კი ძალ-ღონის მეტი სხვა არაფერი გააჩნდა. ქალის დედამ შვილის უკითხავად სასიძო შინ მოიყვანა; ეს დიდი ხნის წინათ იყო.

უფროს ვაჟს, ომარს ტკბილად ეძინა. ხვალინდელ დღეს ისიც ელოდა, იცოდა, ამ სამზადისის მიზეზი თვითონ იყო.

ახალი სახლის ყოველთვის დახურული სარკმელი უცებ ვიღაცამ ხმაურით გააღო. დიასახლისმა სიბნელეში ქალის შეშინებული ხმა გაიგონა.

— მეზობლებო, მეზობლებო. გვიშველეთ!

დიასახლისმა თავისი სარკმელი ფართოდ გამოაღო და ადევლებულმა ხმამალლა გაამხნევა:

— ნუ გეშინია, ახლავე მანდა ვართ! — მერე მძინარე ქმართან მიიჭრა და, როგორც კი შეეძლო, შეანჯღრია:

— გაბო, გაბო. აბა ჩქარა წამოდექი! მეზობლები შველას გვთხოვენ. ქურდავენ!

გაბომ თვალები გაახილა და ცოლს შუბლმეკრული მიაჩერდა:

— რაო ქურდიო?

— ჰო, ჰო, მისაშველებლად გვეძახიან.

გაბომ წამოიწია, შავად აბურცული მკერდი წინ გამოსწია და ერთი ღონივრად ვაიზმორა. ცოლი აჩქარებდა; ხალათი თითქმის ძალად ჩააცვა. ერთადერთი, რაც ძალიან მოსწონდა ქმრისა, ეს გაბოს უშიშარი გული იყო, ერთ დროს გაბო კარგ მოჭიდავედ ითვლებოდა, უბანში ყველა მოჩხუბრის გამშველებელი იყო. როგორი საფრთხეც არ უნდა ყოფილიყო, უკან არ დაიხევდა. ქალს უხაროდა, რომ გაბო მეზობლებს სწორედ ასეთ დროს დაჭირდა. კარადის თავიდან ძველი ხანჯალი ჩამოიღო და ქმარს გაუწოდა. გაბომ ხანჯალი ჩამოართვა და გარეთ გავარდა. ქუჩაში გავიდა და მეზობლის ჭიშკარს მიაღდა. წინ ქალი მიუძლოდა და ამ პატარა სახიფათო გზაზეც კი თავისი ოჯახის სასიკეთოდ აწყობდა გეგმებს: ეს შემთხვევა უსათუოდ დაგვაახლოვებსო, ჩემს ბიჭს სწორედ ახლა სჭირდება დახმარებაო. ამ ფიქრებში აქამდე აულბელ ციხე-სიმაგრეს მიუახლოვდნენ და შეკეტილ მეზობლებს შეეხმინენ.

ოთახის კარი ფრთხილად გაიღო, შეშინებული ქალი კიბეზე ფეხაკრეფით ჩამოვიდა და ცოლ-ქმარს ჩურჩულით უთხრა:

— ქვედა სართულის ფანჯრები გვიან დაგვეტე. ეტყობა იმ დროს ვიღაც გადმოძვრა, ძალიან დიდხანს ხმაურობდა. ხელიდან რაღაც ყუთიც კი დაუვარდა.

გაბომ ოთახის კარი მოსინჯა, — დაკეტილი იყო. სარკმელს მკერდგამოწეულმა გაუარ-გამოუარა, შიგ მყოფს ხმამალლა დამეუქრა. ცოლი კი უცებ გაქრა სიბნელეში, ჭიშკარი ფთხილად გამოაღო და დიდ დროს არ გაუვლია, — მეზობელი, ახალგაზრდა მილიციელი მოიყვანა. ხმაურზე რამდენიმე ცნობისმოყვარე მეზობელმაც შემოიხედა. დაკეტილი კარი გააღეს. პირველად მაინც გაბო შევარდა, შუქი ანთო და... სახტად დარჩა: შავბეწვიანი კატა ხიზილა-

ლის კოლოფსა და კონსერვის ქილებში კუდაწეული იდგა. გაბოს მწვანე თვალები შეანათა და მერე ისე უცებ გაუძვრა ფეხებში, თვალი ვერ მოკრეს.

— ფუჰ! — გადააფურთხა გაბომ და თოფნაკრავივით შემობრუნდა.

უეცრად ჭიშკართან მწვანე „ვოლგა“ გაჩერდა, ეზოში სახლის პატრონი შემოვარდა:

— რა ამბავია, რა მოხდა?

— არაფერი, კატამ დააფრთხო თქვენი მეუღლე, — უპასუხა ერთ-ერთმა თამამმა მეზობელმა. მისი მეუღლე ამ დროს წელში მოხრილიყო, ცდილობდა, მიემალა ბევრი ისეთი რამ, რაც ცნობისმოყვარეებს არ უნდა დაენახათ.

— კატა ვისია? — იკითხა სახლის პატრონმა.

პასუხს არ დაელოდა და, ახლა მილიციის თანამშრომელს მიუბრუნდა:

— თქვენ ვინ შეგაწუხათ?

— ჩვენ მოვიყვანეთ, — გაისმა შეშინებული, ჩაწყვეტილი ხმა.

სახლის პატრონს გაბოროტებული სახე გვერდზე მოექცა, მერე გაბოს მოუბრუნდა:

— შე კაი კაცო, რაღა მილიციაში გარბოდი, კატას მარტო ვერ მოერიე?! ისე თითქოს ვაჟკაცსა გავხარ.

გაბო შეიშმუშნა, პასუხი ვერ მოახერხა, ცოლს ხელით ანიშნა, წავიდეთო. ქუჩაში გავიდა და ხმამალა ალაპარაკდა:

— ორმოცი წელია არც არასოდეს შემშინებია და არც არავის დავუფრთხივარ. ორმოცი წელია ჩემ სარდაფში კა-

ტა და თავი ფხაკურობენ, მგჯრამ არ მეღვიძება.

ცოლ-ქმარმა თავისი სახლის კარი შეაღო. სტუმრების მოლოდინში ყველაფერს სადღესასწაულო იერი ჰქონდა; ომარს ისევ ისეთი ძილით ეძინა, დედამ შვილს დახედა და ახლა იგრძნო, როგორი მოღლილი და უძილო იყო. სკამზე ჩამოჯდა.


— ერთი მაგათი! — ველარ მოითმინა გაბომ, — თუ არ შემეხვეწებიან, სალამსაც არ მივცემ.

ცოლმა თავი გააქნია და ისევ ომარს დახედა. ახალ სახლში სარკმელი ისევ ღია იყო. სახლის პატრონის ხმა მოისმოდა. ისევ ბობოქრობდა, ცოლს გაჯავრებული ეუბნებოდა: „ეს რა მიყავი. იმოდენა ხალხი სარდაფში როგორ შეიყვანე! ეგ სულ მაგათი ოინებია, კატა განგებ შეაგდეს შიგ! იცოდე, მაგ მეზობლების ფეხი აქ არა ვნახო!“

— გესმის, კატამ რა ჩაიდინა? — გაიცინა გაბომ და ცოლს მხარზე ხელი გადახვია — ეჰ, ქალებო, თქვენ საქმეში მეც რომ გამრიეთ...

ქალს კატა ახლა გაახსენდა. დირეზე გადადგებულ ხანჯალს ხელი წაავლო. კატას ეძებდა, უბრალოდ კი არა, წყევლითა და მუქარით. იფიცებოდა: სადმე თუ ვნახე, წელს მოვწყვიტავო. აბა, კატას სად იპოვიდა? ის ზევით, დერეფნის კოჭზე გაწოლილიყო, გალურსული იწვა და ძირს გაკვირვებული იყურებოდა. ეტყობოდა, ვერ მიმხვდარიყო, რა აშფოთებდათ ადამიანებს, რატომ ღელავდნენ, რა აწუხებდათ.





მოთხრობა

მზე ჯერ არ ამოსულიყო. მიდამოს თხელი ნისლი ეფინა და ნალვლიანიც კი ჩანდა.

ბიჭებმა წელში მოხრილ მკრეფავებს ჩაუარეს და ეკალმორეულ ჩაის ბუჩქებს მიაშურეს. ჯონდომ ნაბიჯი შეანელა, უკან მიიხედა: „ნახატებსა და ფილმებში ჩაის კრეფა ხშირად ზეიმს უფრო ჰგავს, თითქოს ხალხს საქმე შემოღვევია და ამ პატარა, ხასხასა ბუჩქების წიწკნით ერთობაო“, — გაიფიქრა უნებურად.

ამხანაგებს წამოეწია, ბიჭები ერთ-ამბით შევისივნენ ეკალმორეულ ჩაის ბუჩქებს.

ჯონდო დაიხარა, ეკლის ძირი მოძებნა, ამოქაჩა და ამოაგდო. ახლა მეორე ბუჩქს მიადგა. აქ სამი ძირი ეკალი იყო ერთად. ერთი ამოგლიჯა, მეორემ ხელს გაუკაწრა. ბიჭები თავაუღებლივ მუშაობდნენ; ნელა, ძალიან ნელა მიიწვედნენ წინ. ჯონდომ ეკლის მაგივრად ჩაის ბუჩქს მოსდო კაუჭი, ბრაზი მოერია. მზეს შეხედა:

— კაი გაძლება გინდა! ჯერ შუადღეც არ წამოსულა, — ჩაიბუზღუნა. მზად იყო დაემტვრია, დაეღწეა, დაეთხარა ეს ჯუჯა ბუჩქები, მაგრამ... ბიჭები თავაუღებლივ მუშაობდნენ.

ჯონდომ ახალი ბუჩქი გადაწია:

„ე, ბიძინა მაინც რამ გააჩუმა!“ კაუჭი ჩაჰყო, „რა გამძლეობა ჰქონია“. დაატრიალა. „ვინ იფიქრებდა, ამის მოთმინება თუ ექნებოდა ბიძინას.“ ამოქაჩა. „შიომ მაინც ამოიღოს ხმა.“ კაუჭს ეკალი მოაცილა. „თუმცა თვითონ არა თქვა? — იქ გამოჩნდება, ვის რა შეუძლიათ!“ ისევ დაიხარა. „ბაკურას ძალიან უჭირს.“ ერთხანს ეძება ეკლის ძირი. „ყოჩაღ, ბაკურ, რო უძლებ.“ ვერა და ვერ დაახვია რკინაზე. „არა, არა, უნდა გავუძლო, თორემ სირცხვილი...“ როგორც იქნა, მოარგო. „აი ვინმემ რო ხმა ამოიღოს, მეც ავყვები“. ამოქაჩა და ეკალი ძირში გადაწყდა. წელში გასწორდა.

— წადი, ამის მომგონიც! — ეს სეხნია იყო.

ჯონდოს იმედი მიეცა.

— მომეფი, ერთი, თუ ძმა ხარ! — კაუჭი მიაგდო ჯოკიამ.

— კარგი, პო, შევისვენოთ, — ხელი ჩაიქნია შინდიაშ.

ახლა კი მოეშვა გულზე ჯონდოს.

— აგე, თქვენი ბიძინა და შიო! ესეც მაგათი ცალკე მუშაობა! — დაიყვირა მოღუშულმა პაპუნამ.

„არ გამოივირდა?!“ — გაიფიქრა ჯონდომ.

ბიძინა და შიო თავიდანვე გაპარულიყვნენ და პლანტაციის ბოლოში ხის ძირას კოტრიალობდნენ.

— ხმა არავინ გასცეთ! — თვალი მოავლო ბიჭებს მინდიამ.

ბიძინამ წორიდანვე დაიწყო მანქვავრება: შიოს მოსდო შარი, ამან ამტეხაო. ბიჭებმა კარგად იცოდნენ, რომელი იყო ამტეხი და რომელი ამყოლი.

ყველა უხმოდ წამოწვა ჯერ კიდევ გრილ ბალახზე.

— ასე არ გვარგებს! — დაიბუხუნა ელგუჯამ

— ვინმე ავირჩიოთ მეთაურად! — წამოიძახა სეხნიამ.

„ახლავე უნდა დავასახელო, თორემ ვაითუ ვინმემ წამოაყრანტალოს და უხიათო ბრივადარი შეგვრჩეს ხელში.“ — გაიფიქრა ჯონდომ და ხმამაღლა თქვა:

— რაღა ვინმე, მინდია იყოს!

— იყოს!

— ჰოდა, მისი სიტყვაც კანონი იყოს! — ისევ დაიბუხუნა ელგუჯამ, თან ბიძინას და შიოს დაუბრიალა თვალები.

— კარგი, ვიქნები, თქვა — მინდიამ, — ოღონდ ჯერ გავარკვიოთ, გვინდა მუშაობა თუ არა?

ყველამ ბიძინას და შიოს შეხედა.

— მაგათ რას უყურებთ! — განაგრძო მინდიამ, — ჩვენ მანამდე დავანებეთ თავი მუშაობას, ვიდრე მაგათ გაპარვას ვავიგებდით!

— აბა, ეს რა ვაყვაცის სამუშაოა! — წამოიძახა სეხნიამ.

— მართლაც! — დაამატა ჯონდომ.

მერე ყველა ერთხმად აყაყახდა.

— დღეს რაც მოხდა, მოხდა. ვთხოვოთ, ზვალიდან ჩვენც ამოძირკვაზე გავვიშვან, — წყნარად თქვა მინდიამ. — ოღონდ იქაც რომ ასე დავიწყოთ...

— არა, კაცო, რას ამბობ! — გააწყვეტინა სეხნიამ.

— ენახოთ, აღდგომა და ზვალეო. ახლა მეორე ამბავი: ფული ერთად დავდოთ, სასაბილოში რომ ცალ-ცალკე არ დავიწყოთ სირბილი! სულ ეს არის, რაც

მინდოდა მეთქვა. — მინდიამ ბიჭებს გადახედა.

აიწილნენ და სკოლის ეზოსაკენ მიუბრუნდნენ.

მინდიამ ხელმძღვანელები მოძებნა. სერაფიონმა და გოგამ მშვიდად მოუსმინეს ბრივადირს, ოღონდ ვარდენმა დაუწყყო ჭკუის დარიგება:

— ბიჭო, თქვენ ეგ ეკლები ვერ ამოგიგლეჯიათ და ჭირკებს მოერევეთ?!

— მოვერევეთ! — მოუჭრა მინდიამ.

— ენახოთ, ზვალიდან ამოძირკვაზე ვავუშვათ და მერე!... — ხმას აუწია სერაფიონმა.

— ჰო, მერე რაც გინდათ, ის გვითხარით! — გააწყვეტინა მინდიამ.

სერაფიონს გაელიძა:

— კარგი, კარგი.

ვარდენს ხმა აღარ ამოუღია, სერაფიონი აქ უფროსი იყო.



ცისკარს დაასწრეს ბიჭებმა. ჩაის პლანტაცია გაიარეს და ახოზე გავიდნენ. ტყე პირწმინდად გაჩეხათ. ხის ძირები უშნოდ ამოჩრილიყვნენ მიწიდან. ეკალ-ბარდები იქვე დაეწვათ და ალაგ-ალაგ ნახშირი ეყარა.

ბიჭებმა ხორხოცით გაიძვრეს მაისურები და ჟრიამულით შეუდგნენ საქმეს.

მუშაობით ისე გაერთვნენ, მალე მხოლოდ მათი ცულებს ჩახა-ჩუხი ისმოდა. ეტყობოდა, ზოგს პირველად ეჭირა ცული, მაგრამ იხტიბარს არც ისინი იტეხდნენ.

— ეე, ზალიყო, — გაეცინა ჯონდოს — რას შვრები, ფეხებს დაიჭრი!

ზალიყო გაწითლდა, მაგრამ ხმა არ გაუცია, ისევ მოიჭნია ცული.

— არ გესმის, კაცი რომ გუეუბნება! — ახლა ბიძინამ უყვირა.

ზალიყო ისევ განაგრძობდა მუშაობას.

— გიეია, მა რა არი! — ახლა სეხნია მიუბრუნდა ბიჭებს.

— რას შემომიჩინდით! — იყვირა გულმოსულმა ზალიკომ.

მუშაობა შეწყვიტეს.

— ჯერ არ დაგვიწყია და უკვე დაე-
რიეთ ერთმანეთს! — უკმაყოფილოდ ჩა-
იბუზღუნა მინდია. მერე უცებ გაახსენ-
და და ხმაიანად დაიძახა:

— წყალი გვჭირდება, ერთმა ჩვენგან-
მა ზიდოს!

ბიჭებმა ერთმანეთს გადახედეს. წყლის
ზიდვა ყველას საჩოთიროდ მიაჩნდა.

— გამოვყოთ ვინმე, — დინჯად, საქ-
მეში ჩახედული კაცის კილოთი თქვა
ელგუჯამ.

— ზალიკო, აიღე ვედროები და მოს-
ტანე! — უთხრა მინდიამ.

— მე რა... — ზალიკოს ენა დაება.

— რა და ფეხები რომ კინაღამ დაიჩე-
ხე, შენ გიყუროთ, თუ ვიმუშაოთ! —
ძიხანდა სეხნიამ.

ზალიკო მიხვდა, წინააღმდეგობის გა-
წევას აზრი აღარ ჰქონდა, მაინც ხავს
ებლაუქებოდა:

— არ ვიცი, სად არის აქ წყარო!

— წადი და მოძებნე!

ყველას გაეცინა.

— გამარჯობა თქვენნი, ნასწავლო ხალ-
ხო! — ჩხუბსა და ყაყაშში შეუმჩნევლად
წამოსდგომოდა ბიჭებს ბერიკაცი.

— იცოცხლე, გაგმარჯოს, ძიაკაცო! —
გაისმა აქეთ-იქიდან.

— რაა რო ცულებს მიწაში სცემთ? —
გამომცდელად იკითხა ბერიკაცმა.

— მიწაში კი არა, უნდა ამოვიძირკ-
ვოთ, — აუხსნა ბაკურმა.

— უყურე შენ! — გაელიმა ბერიკაცს.
ბიჭებმაც გაიღიმეს.

— ასე, ბიძიკოებო, ასე. კარგი ბიჭები
ხართ, აქ რომ ჩამოხვედით და სოფელს
ეხმარებით. გაგონილა ამდენი ნასწავლი!
გუშინ რადიო იძახდა, საქართველო
მსოფლიოში პირველ ადგილზეა ნასწავ-
ლი ხალხითო. რაი მერე! მხენელ-მთეს-
ველი აღარავინ დარჩა და! აბა, ნასწავ-
ლი კაცი შეაკვდება ოციან თოხს?!
თქვენც ახლა ახალგაზრდები ხართ და
გეხალისებთ, მერე... — ბერიკაცი შე-
ჩერდა, ჩაფიქრდა.

— მერე სხვა ახალგაზრდები მოგეხმა-
რებიან, ძიაკაცო, რა გამოლევს ახალ-

გაზრდებს ქვეყანაზე, — თავისი უკეთესი
ვიზიონი დაამშვიდა სეხნიამ.

— არა, ბიძიკო, არა, ეს ^{გაგონილია}
სოფელს მუდმივი მუშახელი ჭირდება.

— აბა სწავლას დავანებოთ თავი? —
ჩაეკითხა ჯოკია.

— რავე გეკადრებათ, ბიძიკოებო. უს-
წავლელი დღეს ახალგაზრდა კი არა,
აღარც მოხუცი ვარგა, მარა რაღაცა უნ-
და მოვიფიქროთ, რომ სოფელიც არ
დაგვეჩაგროს...

— თქვენ ნაღდად მოფიქრებული გექ-
ნებათ, — შეაპარა ბიძინამ.

— მე სად მაქ მაგის თავი. ნასწავ-
ლები თქვენ ხართ! — დაუბრუნა გლეხ-
კაცმა.

— ძიაკაცო, აქ წყარო სად არის ახ-
ლო-მანლო? — საქმეზე გადავიდა მინ-
დია.

— წყარო, ბიძიკო, ამ სოფელში არა
გვაქვს. დაბლობი ადგილია და ჭის
წყალს ვსვამთ. გამომყევით რომელიმე!

ზალიკომ უხალისოდ აიღო ვეება ვედ-
როები.

ბიჭები მალე დარწმუნდნენ, რომ ყვე-
ლაზე ძნელი აკაციის ამოძირკვა იყო.
ბიძინა მაინცდამაინც არ აკლავდა თავს
აკაციის ჯირკვებს, ბიჭები ეხმარებოდ-
ნენ.

ნელა, მაგრამ ჯიუტად მიიწევდნენ
წინ. ხანდახან წელში გასწორდებოდნენ
ხოლმე, ერთმანეთს რაიმეს უკვიმატებ-
დნენ და ისევ განაგრძობდნენ მუშაო-
ბას.

— შესვენება! — დაიყვირა მინდიამ.
მზე ისე აცხუნებდა, მიწას ბული ას-
დიოდა.

— სად პაპაჩემთან გადაიკარგა ზალი-
კო? — იკითხა პაპუნამ.

— დაგვხოცა ხალხი წყურვილით! —
აბუზღუნდა შიოც.

— აქამდე ახალ ჭას გათხრიდა კა-
ცი! — ცოფებს ყრიდა ბიძინა.

— აღბათ, სადმე ჩრდილში კოტრიი-
ლობს, — დაასვენა ბაკურმა.

— მოიცათ, იქნებ ჭა შორსაა, — ამ-
შვილებდა ბიჭებს ელგუჯა.

ისევ ამ ბუზღუნში და სჯა-ბაასში იყ-

გენ, ზალიკო რომ გამოჩნდა. წყალს კი არა, ჯერ ზალიკოს ეცნენ.

— შე ბედოვლათო, სასეირნოდ გაგიშვით?!

— ნაღდად ეძინა!

ზალიკო ტუჩებს აცმაცუნებდა, ვერ ბედავდა, ეთქვა, გზა დამებნაო.

— მოეშვით! — ისევ ელგუჯამ დააშოშმინა.

წყურვილი მოიკლეს, გააბოლეს და ჩრდილში წამოგორდნენ.

— ერთი საათიც წავიძიმუშაოთ, მერე წავიდეთ, ვისადილოთ და მზე რომ გადაიხრება, მაშინ განვავარძოთ, — თქვა მინდია, მერე ნამუშევარს მოავლო თვალი. ბაკურის სვრელს დააკვირდა, უცებ პოილუშა:

— იქ ვინ იდგა?

ზმა არავინ ვასცა.

— მე თქვენ გეკითხებით! — უფრო მკაცრად გაიმეორა მინდია.

— მე ვიდექი! — წამოდგა ჯონდო.

მინდიას სიტყვა პირზე შეაშრა. ყველამ იცოდა, ჯონდო აშკარად ტყუოდა... სიჩუმე ისევ ჯონდომ დაარღვია.

— მე ვიდექი, ცული არ მივარგა, ტარი ძვრება და ძალას ვერ ვატან. აკაციები ვერ ამოვპირკვე, — წამოიწყო მაგრამ მინდია გააწყვეტინა: — გამიცვალე!

გაცვალეს. მერე მინდია განგებ დაუწყო ცულის ტარს კირკიტი. მშვენიერად იყო დაგებული. მაინც წააძრო და ხელახლა დაავო.

ბაკურმა აღარ იცოდა, რა ექნა. არავინ ეუბნებოდა რამეს და უფრო რცხვენოდა.

როცა წამოდგნენ, ჯონდო ბაკურის სვრელს მიუბრუნდა. ბაკურიც უსიტყვოდ ჩაუდგა ჯონდოს სვრელს. ბიჭები მათ არ უყურებდნენ, ჯონდო და ბაკურიც უხმოდ იქნევდნენ ცულებს.

მთელი ძალ-ღონის დაძაბვა მოუხდა ჯონდოს, რომ ბიჭებს წამოსწეოდა. ახლა ელგუჯა და სეხნიაც აღარ წასულან წინ, მაგრამ ჯონდო ვერაფერს მიხვდა.

„ხო მაინც დაგწვიეთ!“ — ნიშნისმოგებით ფიქრობდა ჯონდო, — „ხო დაგწვიეთ!“

საერთო საცხოვრებელში გრილოდა. საწოლებზე წამოგორდნენ. ჯონდომ დაიწყო. სხვა ბრიგადების ბიჭებიც მოსულიყვნენ.

— ბიჭებო! — აყვირდა ავთო, — თოღით, სპარტაკიდა ჩავატაროთ: ფეხბურთში, წყალბურთში, ჰიდაობასა და ჰადრაკში.

ავთო იმ ბიჭების სახელით ლაპარაკობდა, ლოთობის მეტს რომ არაფერს აკეთებდნენ.

ეს აზრი ყველას მოეწონა და ხელდახელ იწყეს გუნდების შედგენა.

— ჰმ, მაგათ ჰგონიათ, სპორტში მაინც გვაჯობებენ, — ჩაიცინა ჯონდომ, — მერე რიხიანად გვეტყვიან, „არ გვინდოდა მუშაობა, თორემ!“..

— ვისა? ჩვენ გვაჯობებენ?! — გაუკვირდა სეხნიას, — მაგათ თუ ღვინის სმა ვაქცაცობა ჰგონიათ, მაგამიც შეეეჯობროთ...

— ჰო, მერე გინებაშიც მოვაწყობ ტურნირი. — უკმაყოფილოდ ჩაილაპარაკა მინდია.

— და ტრაბაზშიც. — დინჯად დაურთო ელგუჯამ.

ფეხბურთი მაშინვე ითამაშეს სკოლის ეზოში. ავთოს გუნდელებმა ერთმანეთს დაუწყეს ღრენა და აიკლეს იქაურობა: არა შენი ბრაღია წაგება, არა შენისო.

სალამოთი მინდია, პაპუნა და ელგუჯა ჰადრაკს ჩაუსხდნენ. შიო და ბიძინა გოგობთან ლაზღანდარობდნენ. ჯოკია ისევ ლადო ასათიანის ლექსებს კითხულობდა. ზალიკო ლოგინზე თვლემდა, გეგონებოდა, ყველაზე მეტი იმუშავაო. სეხნია ერთ ადგილზე ვერ ისვენებდა, ყველგან იყო: მოჰადრაკეებთან, გოგოებთან, მომღერლებთან. ჯონდო სკოლის ეზოში, ხის ძირას, მარტო იჯდა და ფიქრობდა:

„ეს რა გააკეთა ბაკურმა! რამ გამოატეხა ამხელა კაცი. მერე კი ძალიან შეტაცება: მეც რამ გადამრია, რომ ვყვიროდი... მაგრამ ელგუჯამ და სეხნიამ

რომ აღარავის გაუსწრეს?! აა!“ — მხოლოდ ახლა მიხვდა ჯონდო, — „მიტომაც წამოვეწიე ბიჭებს! თქვენი ჭირი-მე, ბიჭებო!“

— რას ჩაფიქრებულხარ, ჯონდოია! — გამთარკვია ჯოკიას ხმამ.

— ა... ისე, კაი სალამოა, — დაბნეულად უბასუხა ჯონდომ.

— რა სალამოს დარდიც გაქვს ვიცი! — ღიმილით უთხრა ჯოკიამ.

— დარდი? რაზე უნდა ვდარდობდე? — იწყინა ჯონდომ.

— ნუკრიაზე!

— არა, ჯოკია, ახლა ნუკრიაზე არ ვფიქრობდი.

— ახლა არა, მაგრამ...

— არც არასდროს!

— შენ არა თქვი, ახლა არ ვფიქრობდიო, ესე იგი, სხვა დროს ფიქრობ, — არ ეშვებოდა ჯოკია.

ჯონდოს გაეცინა:

— კარგი, ეგრე იყოს.

— იყოს კი არა, ასეა.

— ეგ არც მე ვიცი ჯერ კარგად, — გულახდილად უთხრა ჯონდომ.



— წუხელ, სიზმარში სულ ჯირკები მელანდებოდა, — თქვა პაპუნამ.

— ნეტა, როგორ ნახულობენ ამ სიზნერებს?! — უკვირდა ელგუჯას.

ჯერ კარგად არც გახურებულყენენ. ელგუჯა და სენნია ცდილობდნენ, არ გაესწროთ დანარჩენებისათვის. ზალიკო წყალზე იყო წასული. ახლა ბაკურიც გულდაგულ მიჰყვებოდა სვრელს. ალიონის სუსხს ჯერ არ გაველო და რომ არ შეცივნოდათ, ბიჭები უფრო სწრაფად იქნევდნენ ცულებს.

— აჰა, აჰა! აბა დაცვხოთ, დაცვხოთ, ბიჭებო! — ყვიროდა ჯოკია.

ნატყვევარს გვიმრა მოსდებოდა. ბიჭებიც აფავედნენ, რომ ხის ძირები არ გამოჩენოდათ.

— აჰა, აჰა! ნუ შეშინდი, ჯონდოია! — არ იშლიდა თავისას ჯოკია, ახლა შიოსკენ მიბრუნდა. მიბრუნდა და... გმინვა აღმოხდა.

ყველამ ჯოკიას შეხედა. ხელიდან ცული გავარდნოდა, გაფითრებული მკაზზე ისედებოდა. შიოც გახვევბუღუნდა ხან თავის ცულს დაჰყურებდა უაზროდ, ხან — ჯოკიას გასისხლიანებულ მკაზს.

— აბა ჩქარა, თამბაქო დაეყაროთ ჭრილობაზე, თამბაქო! — მცოდნე კაცის იერით თქვა ბაკურმა.

ჭრილობაზე თამბაქო დაეყარეს. მერე სუფთა ცხვირსახოცით შეუხვეცეს.

— ახლავე წაიყვანეთ ექიმთან, ნემსს გაუკეთებს! — მივარდა მინდია.

ყველას უნდოდა წაჰყოლოდა.

— მარტო შიო წაჰყვება, — თქვა ბრიგადირმა.

— არა უშავს, გაკაწრული აქვს და ეგაა! — ისე მშვილად თქვა ელგუჯამ, ჯოკიასაც კი გაელიმა.

წავიდნენ.

ზალიკომ ჯოკიას ცულს წაავლო ხელი, მაგრამ ცივად გააგდებინეს:

— ახლა შენდა გაკლია ხელ-ფეხის დაჩეხვა!

— დააგდე ახლავე!

— გირჩევნია, ამ შენს ვედროებს მიჰხედო!

ზალიკომ უსიტყვოდ დააგდო ცული და ნაწყენმა ჩრდილს მიაშურა. წყალი უკვე მოეტანა.

ორიოდე საათის შემდეგ ჯოკია და შიო დაბრუნდნენ. ჯოკიას შეხვეული ხელი ბინტით ჰქონდა ჩამოკიდებული.

— გაგიკეთეს ნემსი?

— ბიჭო, შამფურივით ნემსი მატაკა მუცელში, ძლივს გავუძელი.

— არ უყვირია? — ახლა შიოს ჰკითხეს.

— არა, ნამდვილად არ უყვირია, მარტო კბილებს აღრჭიალებდა, ისიც ჭრილობას რო უფხეკავდა ექიმი, მაშინ.

— რა ამოფხეკა უნდოდა?! — გაუკვირდა ბაკურს.

— რა და, ეგ აყროლებული თამბაქო რომ ჩაეყარეთ, სულ ნამცეც-ნამცეც ამოიღო.

— ა, ჭკუის კოლოფო, ახლა ხომ გაიგე, თამბაქო მავნებელია! — უთხრა ბაკურს სიხინამ.

შესვენებაზე ბიჭები მდინარეზე ჩავიდნენ. ბანაობით რომ გული იჯერეს, ცხელ სილაზე გაიშოტნენ.

— შენ როდემდე გინდა წვერგაუპარსავმა იარო? — ჰკითხა ბიძინას ბაქურმა.

— ვიღრე დასაწნავი არ გამიხდება.

— მართლა, მოდი ყველამ მოვუშვათ წვერი! — მოეწონა ჯონდოს.

— ჰოდა, „წვეროსანთა ბრიგადა“ დავირქვათ! — მხარი აუბა ჯოკიამ.

— შენ მოუშვებ, მინდია? — ჰკითხა ბაქურმა.

— მოვუშვებ რა!

ბაქურის გარდა ყველამ გადაწყვიტა წვერის მოშვება.

— ჩვენ წვერგაუპარსავი კი არა, წვერმოშვებული ვიქნებით, ბაქურ! — დამშვიდა ჯონდომ.

— ეგ სულერთია, სირცხვილია — ამბობდა ბაქური.

ზალიკო თავისდაუნებურად ისევ უხერხულ მდგომარეობაში ჩაეარდა: ყველა წვერმოშვებული ივლიდა და მისი ღინღლის პატრონს რაღა ექნა, არ იცოდა.

ბიჭებს გადაეწყვიტათ, კვირას გვიანობამდე სძინებოდათ, მაგრამ თითქმის ყველას უთენია გაეღვიძა. წამოიშალნენ. მარტო შიო იწვა გაუძნდრეულად. ბიძინამ ჰკითხა წყალი გადაასხა და შიოს ჰყვივლიდა იქაურობა შესძრა.

დღეს არავინ ჩქარობდა, არც რივი იდგა პირსაბანთან.

— ბიჭო, ნახე, რა ლამაზია! — წამოიძახა ბიძინამ და ხელი აღმოსავლეთისაკენ გაიშვირა.

ელგუჯას გაეცინა:

— პირველად ხედავ მზის ამოსვლას?!

სხვებსაც გაეცინათ.

— თქვენ რაღას იღრიჯებით! — შეულრინა დანარჩენებს ბიძინამ, — მე მზის ამოსვლაც მინახავს და ჩასვლაც. სოფელში ვარ გაზრდილი.

მზე მართლაც ლამაზად ამოდიოდა. ბიჭები იდგნენ და ხმას არ იღებდნენ. მზე ეფერებოდა, ატკობდა, ამწვანებდა ყველას და ყველაფერს: შორს — მის სხივებზე აქათათებულ სვანეთის დათოვილ მწვერვალებს და ახლოს — გადახასხასებულ ჩაის ბუჩქებს; პატარა ჩხოუშისა და მის პირებზე ატეხილ ჭალებს; დაბურულ მუხებს და გაწრიულ აკაციებს; გრძელნაწნავა ტირიფებს და აშრიალეხულ თხმელებს; მათ ქვემოთ აბიბინებულ ბალახს და ბალახში მიმობნეულ ნაირფერ ყვავილებს. ყვავილები მალა სწევდნენ ნამძინარევე, დანამულ თვლებს და მზეს შესცივინებდნენ. ჩიტბატონები ეღურტულებდნენ და მზის სხივებში ფრთებს აფართქუნებდნენ. მზე ელამუნებოდა გაღმა სერზე წამოჭიმულ სოფლის ახალ საავადმყოფოსა და განმარტოებით ჩამუხლული ბებერი ციხის ნანგრევებს. სოფლის იქით ჩამოქუჩხარე ენგურს და ყოველ სულიერს.

ყველამ ღრმად, მთელი მკერდით ჩაისუნთქა. შემდეგ უხერხულად შეიშმუშნენ, მიმოიხედეს. თითქოს აგერ, ახლა ჩამოფრინდნენ მზიდან და აქაურობა ეხამუშებათო...

მეორე დღეს შიო აწუწუნდა, თავი მტკივაო და შინ დარჩა. როცა დაღლილი ბიჭები დაბრუნდნენ, ყველას გული მოუვიდა: შიო სკოლის ეზოში ფეხბურთს თამაშობდა. ისე იყო გართული, ვერ შენიშნა ამხანაგების მიახლოება.

— თავი არ დაარტყა, ბიჭო, თორემ, ისევ ატკივდება! — დაუძახა სეხნიამ.

შიო გაშრა...

მერე ბიძინას ატკივდა კბილი. ზუგდიდში წავიდა და მხოლოდ საღამოთი დაბრუნდა, თანაც მთვრალი.

ბოლოს მინდიათ თქვა, კრება მოვიწვიოთო.

— კრება არა, თათბირო! — იუარა სეხნიამ, — თუ არ უნდათ, ნუ იმუშავენ, ვინ აძალებს. აგერ, ხომ დაყილობენ ავთო და მისი ერთგული ძმაკაცები თავიანთ ჭკუაზე.

სალამოზე, ათივემ რომ მოიყარა თავი, მინდამ ოთახის კარი ჩაკეტა.

— კიდევ აგტივდებათ თავი და კბილი? — ჰკითხა შიოს და ბიძინას.

— ეგ წინასწარ არავინ იცის, — დაიწყო შიომ.

ბიჭები არ აპყვენენ.

— იქნებ ხვალ თქვენ აგტივდეთ, — ახლა ბიძინამ განაგრძო.

— ჩვენ არა და თქვენ კი ახლა აგტივდებათ გვერდები! — გაბრაზდა სენხია.

— შენ რას იმუქრები! — შეუღრინა შიომ.

— ვიმუქრები კი არა, ორივენი საცემი ხართ.

— რაო, ტკივილიც აკრძალულია?! — გაუწვრილდა ხმა ბიძინას.

— აკრძალული არაფერი არ არის! — ხმამაღლა თქვა მინდიამ, — თუ მუშობა არ გინდოდათ, რაღას მოდიოდით!

— რა მოხდა მერე ერთი დღე... — ისევ სცადეს თავის მართლება.

აქ კი ელგუჯამ ველარ მოითმინა:

— გაჩუმდით მაინც, ბიჭო, — ჩაიბუბუნა.

— როგორც გინდათ, ისე მოიქეცით, ოღონდ აქ ვერავის გაგვატურებთ! — გაბრაზებული წამოდგა მინდია, კარი ფალო და ოთახიდან გავიდა.

სხვებიც აიშალნენ.

— ბიჭო, — დაიმართხელა ბაკურმა ჯონდო, — რას აკლავთ თავს ამ ჯირკებს. კარგი, ისინი ფულმა გადარია, მაგრამ შენ რა ჩემი თქმა გინდა, ჯანმრთელობას რომელი ფულით იყიდი?

ჯონდოს თვალეზში მოაწვა სისხლი. მაინც შეიკავა თავი:

— ფულზე გადარეული ჯირკებს არ დაუწყებხ თხრას!

— ვითომ ვერ ხედავ, რომ ისინი ფულისათვის იდგამენ წელეებზე ფეხებს?

ჯონდო გაფითრდა:

— რა ფულის გულისათვის, ბიჭო, არა გრცხვენია!

გოგამ ხმაზე იცნო მომღერლები.
— წამო კაცო, წვეროსნები მოდიან.

— წამო კი არა, ესენი საგანგებოდ უნდა შევხებოთ, თორემ სხვებიც წაბაძავენ! — თავი გამოდო ვარდენმა.

— ახლა ხმა არ გავცეთ. ხვალ შენ მოელაპარაკე, — უთხრა სერაფიონმა გოგის.

ვარდენს არ ესიამოვნა, მაგრამ რაღას იზამდა. ის უფრო წყინდა, რომ ვერ გამოეცნო უფროსის ჩანაფიქრი.

— კარგი, ხვალ ვეტყვი, — დაეთანხმა გოგი.

ხელმძღვანელები თავის ოთახში შევიდნენ. „თავდადებულებიც“ ამას უცდიდნენ: გამოცვივდნენ გარეთ და ისეთი ღრიანცელი ატეხეს, თითქოს ახლაც მთვრალეები იყვნენ („თავდადებულები“ ავთოს ბრიგადას შეარქვეს ბიჭებმა, — სულ რომ სვამდნენ და სუფრაზე ეყვინთებოდათ.).

— აი, გენაცვალეთ, ბიჭებო! — უხანჯოდ თავდადებულებს.

— ეგრე არ სჯობია იმ დამპალი ჯირკების ჯაჯურს!

წვეროსნები უხმოდ შევიდნენ თავიანთ ოთახში.

მეორე დღით შიოს მართლა სტკიოდა თავი, მაგრამ არ გაუმხელია, მთელი დღე მუშაობდა. სალამოთი ვერაფრით გაიხსენა, როდის გადაუარა თავის ტკივილმა — შესვენებამდე, თუ მის მერე.

ამ დღეს ძალიან დაიღალნენ ბიჭები. ნამთვრალეებზე ოფლად იღვრებოდნენ, სალამოთი ლოგინზე წამოგორდნენ.

— მინდია, ყაზახეთში უფრო მაგარი სამუშაო იყო? — ჰკითხა ჯონდომ.

— არა, კაცო, იქ ამდენი სად იყო.

— მართლა?! — გაუკვირდა შიოს.

— ჰო, რაა! — კვერი დაუკრა მინდიას სენხიამ.

ბაკურს უნდოდა, ეთქვა, აქ რაღა ეშმაკმა გადაგრიაო, მაგრამ ვერ გაბედა.

— ბიჭებო! — იყვირა ბიძინამ.

— რა გაყვირებს, შე ჭინკა! — გაუჯავრდა ჯოკია.

— მოდით, რა გავაკეთოთ, იცით? — ყურიც არ ათხოვა ჯოკიას ბიძინამ.

— აბა, რა მოიგონე კიდევ? — დაინტერესდა ელგუჯა.

— რა და მისმინეთ! მოდით, ყველამ დავეწეროთ ქალაქზე რას ვინატრებდით ამ წუთში.

— ჰო, ეს კარგი მოიფიქრე, მხოლოდ ყველამ გულახდილად დაწეროს, — გააფრთხილა ბიჭები მინდიამ.

— მაშინ, იცით, როგორ მოვიქცეთ, — ჩაერია ჯონდო, — ყველამ დავეწეროთ, რასაც ვინატრებთ და ხელი მოვაწეროთ!

— ეგ რა დამოვა? — ვერ გაიგეს პაპუნამ და ზალიკომ.

გააგებინეს.

ბიძინა უცებ წამოხტა, გოგოებს გამოვართმევ ქალაქსო.

— რა გოგოები აგიტყდა, აგერ არ გვაქვს ქალაქი! — დაადევნა სეხნიამ.

მაგრამ ბიძინას მაინც დაუტადეს. ხუთიოდე წუთის მერე მობრუნდა. ყველას დაურიგა თითო ფურცელი.

— აუცილებლად ის დავეწეროთ, რასაც ვფიქრობთ! — ერთხელ კიდევ გააფრთხილეს ბიჭებმა ერთმანეთი.

რამდენიმე წუთის შემდეგ ისევ ბიძინამ შეაგროვა ფურცლები. მაგრამ არ წაუკითხავს, ჯერ ერთმანეთში აურია.

— აბა დავიწყოთ! — დაიძახა და პირველი ფურცელი გაშალა.

„რას ვინატრებდი და თეთრ გოგოს!“ — წაიკითხა ხმამალა.

ატყდა სიცილი.

— ჰო, ჰოო! შავს კი დამიწუნებდი აი, ვილაცამ ეგ დაჯღაბნე. — ჩაილაპარაკა ელგუჯამ.

„გოგოს!“ — მოკლედ ეწერა მეორე ფურცელზე.

— ა, ამისათვის სულერთია თეთრი და შავი! — საერთო ყაყაში გაისმა ჯოკიას ხმა.

„ახლა ერთი კაი გოგოსთან გავლას არაფერი მირჩევნია!“ — წაიკითხეს მესამე ფურცელზე.

ისევ ატყდა სორბოცი.

მეოთხე ფურცელზე პირდაპირ გოგო ეხატა.

— ე, ბიჭო, დავხოცილვართ ხალხისა ყვიროდა სეხნია.

„თანაბრად მუშაობას“, — ეწერა მეხუთეზე.

— ე, რაღაა?! — გაუკვირდა შიოს, — ისევ მე და ბიძინას ხომ არ გვიკაკუნებს ვინმე.

— „ყველანი კმაყოფილი წავიდეთ აქედან“, — წაიკითხეს შემდეგ ფურცელზე.

— ეს ვილაც დიპლომატია, — თქვა ჯონდომ.

მხოლოდ სამ ფურცელზე არ ეწერა — „გოგო“. ბოლო ფურცელზე წაიკითხეს: „ხვალ დილით რომ მივდიოდეთ შინ“.

— ადგეს და წავიდეს, ვისაც ძალიან უნდა წასვლა, — უკმაყოფილოდ თქვა პაპუნამ.

— ვისაც ჩვენთან ყოფნა მობეზრდა, წაბრძანდეს, — დაუმოწმა ბიძინამ.

— გავაცილებთ, მატარებელში ჩავსვამთ და გამყოლს ვთხოვთ, დედოკოს ჩააბაროს. ისე, რომ იცოდეთ, ბიჭებო, მე ახლავე გავიგებ ამას. ტყუილა კი არ გავედი წელან გოგოებთან. იქ ათივეს სახელს დავეუსვი ნომერი და იმის მიხედვით დავარიგე ეს ფურცლები.

— არაა საჭირო! — მკაცრად თქვა მინდიამ. — თუ უნდა თვითონ იტყვის. რომ ვინმეს ეჭვი არ შეგეპართო, ყველა კმაყოფილი წავიდეთო, მე დავწერე. ეს შეგიძლია შეამოწმო, ბიძინა!

— თანაბრად მუშაობასო. მე დავწერე, თუ გინდა, შეამოწმეთ! — თქვა ზალიკომ და გაწითლდა.

— არაა მეტი საჭირო! — ისევ გაიმეორა მინდიამ.

ყველამ კარგად იცოდა, შინ დაბრუნება ვინც ინატრა.

მინდიამ ბიძინას ფურცლები გამოართვა და დახია.

— არც ეგ იყო საჭირო, მინდია! — ხმამალა თქვა ბიძინამ.

ყველა მიხვდა, ვის გასაგონდაც იყო ეს ნათქვამი.

ბიჭებს ხალისი დაეკარგათ. წამოიშალნენ და ვინ საით წავიდა, ვინ საით.

— მე ხვალ წავალ თბილისში, — უთხრა ბაკურმა ჯონდოს, როცა დაიმართოხელა.

— რატომ ყველასთან არ თქვი!

— მაინც ყველამ გაიგო და.

— აბა მარტო მე ვერ გავიგე?! — იწყინა ჯონდომ.

— წერილი გამატანე, თქვენებთანაც შევივლი.

— ჩვენები ახლა თბილისში არ არიან. წერილი უკვე გავუგზავნე სოფელში.

— ბალიშს დაგიტოვებ, მერე ჩამომიტანე.

— არაა საჭირო, უკვე მივეჩვიე უბალიშოდ წოლას.

— კარგი ახლა, პატარები ვართ, რომ გავიბუტოთ?!

— მე სულაც არ გებუტები, — აღელვებულად უთხრა ჯონდომ, — და არც არავინ გებუტება. წასვლა შენ აიტეხე, თორემ ვინ გაგდებს აქედან?

— მაგდებს თუ არა, ბიჭო, მეც ახლა მწვანე კონცხზე ვარ.

— მწვანე კონცხზე ან ბიჭვინთაში მალე ყველანი ერთად წავალთ, პირველი ნახევრის ხელფასს მაინც დაუტაცადე.

— კარგი, ჰო, მოვიცდი.

შაბათს თვის პირველი ნახევრის ხელფასები დაურიგეს. ყველაზე გახარებული თავდადებულები იყვნენ:

— ერთი კაი პურმარლის ფული კი მივიღეთ და!

წვეროსნებმა კი ათ ტოლ ნაწილად გაყვეს თანხა. იმავე საღამოს იქეიფეს. ბაკურს გზა დაულოცეს.

— ყველაფრისათვის მადლობელი ვარ, ბიჭებო! — ღვინისაგან გულაჩუყებული გაიძახოდა, — ყველაფრისათვის, განსაკუთრებით... განსაკუთრებით ყველასი! — სიტყვით ვერავინ გამოარჩია. მერე მაინც ჯონდოს მიუბრუნდა და აკოცა.

ბაკურს დამშვიდობნენ.

ბაკურმა თავისი ბალიში მაინც დაუტოვა ჯონდოს.

ნაქეიფრები ოთახში გვიან დაბრუნდნენ.

— ბიჭებო! — დაიწყო სენსიტიური მე ხვალ ვაპირებდი წასვლას. აქ რო ჩამოვედით, ვიფიქრე, ორ კვირას მაგრად ვიმუშავებ, მერე აღარ შემრცხვება ადრე წასვლისა-მეთქი. მაგრამ ახლა არსადაც არ წავალ!

— ყოჩაღ, სენხი! — გაუხარდათ ბიჭებს.

ორშაბათიდან ახალ ნაკვეთზე გადავიდნენ, ტყე უნდა გაეჩეხათ. თუმცა იმას არც ეთქმოდა ტყე: ეკლები, თხმელა და ტყის თხილი მოსდებოდა მიდამოს. აქა-იქ მუხა და აკაცია ერია. ეტყობოდა, ოციოდე წლის წინათ აქ ტყე გაეჩეხათ, მერე მიეტოვებინათ და ახლა ისევე წამოზრდილიყო.

— ცულები უნდა ავლესოთ, დაგვიბლაგვდა! — პირველსავე შესვენებაზე თქვა ელგუჯამ.

ალესილ ცულებს მეორე დღეს გვიან საღამომდე გაჰქონდა მხიარული კაკუნი.

ბიჭებს ეხალისებოდათ ტყის ჩეხვა, — აქ უფრო თვალნათლივ ჩანდა ნაჯაფარი.

სწორედ ახლა, ყველასაგან მოულოდნელად, ბიძინა და ჰაპუნა დადგნენ, მეტი აღარ შეგვიძლიაო.

ბიჭებს ეწყინათ. ჩვენ რა შეუძლებელს ვეძალებითო, მაგრამ, რადგან აშკარად უარი თქვეს, აღარავის დაუძალებია. ახლა ისინი გოგოებთან ლაზღანდარობდნენ.

შიოსაც მობეზრდა ცულის ქნევა, მაგრამ რცხვენოდა თავის დანებება.

მესამე კვირა იწურებოდა.

— დღეს რომ კარგად შევეუბეროთ, ტყე წელში გატყდება! — თქვა სენხიამ.

— ჰო, მერე მეტი ხალისით დავრევთ ხელს, — დაემოწმა ჯონდო.

— რა არის, ბოლოსდაბოლოს, მეც მინდა მუშაობა! — საცოდავად თქვა ზალიკომ.

— კარგი, აიღე ცული, — უთხრა მინდიამ.

ზალიკომ ცული წვრილ თხმელას მო-

უქნია. პირი ასხლტა ხეზე და თხმელას მხოლოდ კანი ასძვრა.

— ეგრე კი არა, ბიჭო, აი ასე! — დიმილით უთხრა ელგუჯამ და თხმელა ძირში მიასხება.

მზის ამოსვლას გაოფლილები შეხვდნენ. მალე აორთქლდა ნამი და გაშრა მიწა.

ჰაერი დამძიმდა. ბიჭები დაიღალნენ. ისე ვაერთნენ, ვერ შეინიშნეს, როდის დაწინაურდა ელგუჯა, — ათიოდე მეტრით წასულა წინ. გაოფლილი სხეული მზეზე ბრინჯაოსფერად უბზინავს. ვეება ბეჭებზე დავლური გაუმართავთ კუნთებს. აღარც ამხანაგები ახსოვს და ვერც მცხუნვარე მზის სხივებს გრძნობს, — ჰბუბნის და ჰბუბნის! ხმას არავინ იღებს, არ ინძრევიან. ბიჭებს უკვე ოფლი შეაშრა. ელგუჯა კი თითქოს, აგერ ახლა ამოვიდა ჩხოლუმის მორევიდანო. ტრუსი მაგრად შემოტმასნია ღონიერ ბარძაყებზე და თითქოს ვაჟკაცის სუნთქვას ვერ უძლებენ ეს ხეები, — ცულის შხუილით მოქნევამდე ეცემიან მოცელილები.

— გამარჯვება! — გრავინავს ადუღებული სისხლი და ასკდება დაბერილ ძარღვებს. ძარღვები ფოლადის კუნთებს ავარგარებენ. კუნთები სტიან, კივიან გაქვენებულ ლურჯაზე ამხედრებული აფხაზივით, ელავენ ხევსურის მოქნეული სმალივით, ბრდღვინავენ...

ასე რომ დიდხანს იგარძელდეს ცუელი ვეღარ გაუძლებს: ან ცულის პირი შემოადნება, ან ტარი შემოეფშენება.

ბიჭები პირდაღებულნი შეჰყურებენ, არ ინძრევიან, თვალს არ ახამხამებენ, სუნთქვაც კი შეეკრათ. დაწინაურებულმა უკან მიიხედა. გაუკვირდა, შეიშმუშნა, დარცხვენილად გაიღიმა და დინჯი, მძიმე ნაბიჯით გაემართა ბიჭებისაკენ, თითქოს ბოდიშს ითხოვდა.

— უუჰ! — ამოიხვნეშა, ჩაჩხილ ხეებს ამაყად მოავლო თვალი და დაიბუბუნა: — არ ჩავალაგე ურჯულოებივითა!

მერე ელგუჯამ ზალიკოს უთხრა, წყალი მოიტანეო. ერთხანს ვერც ერთმა

ვერ გაიგო, რა თქვა ელგუჯამ. როცა თვითონ გაბრუნდა ვედროსაკენ, მზის ყველა მიხვდა. ზალიკომ დაასწავა და წყალი მიაწოდა. ელგუჯამ ვედრო მიიყუდა, მერე ძირს დადგა, ისევ მოავლო თვალი მიდამოს და ისევ დაიბუბუნა:

— ხომ ჩავალაგეთ, ა, ბიჭებო!

ახლა ბიჭები ეთანხმებოდნენ — დარცხენილები და ჯერ კიდევ გამოუფხიზლებელნი. ეთანხმებოდნენ და ვერაფრით გაეგოთ, რისი რცხვენოდათ. მართლაც და...

მაშინ ზომ ისინი არც ჰარმანის ველზე იყვნენ და არც დიდგორის მთებში!

ეს ზომ არც ბასიანი იყო და არც მარაბდა!

არც კრწანისი და...



არავის ეგონა, თუ ამდენი ხალხი მოიყრიდა თავს ამ თამაშზე. შიო მაინც ბუზღუნებდა:

— ფაკულტეტის ნაცვლად უნივერსიტეტის გუნდი რომ დაეწერათ აფიშებზე, აი მაშინ გენახათ ხალხი!

— შენ ახლა ამ მატჩის ტრანსლაციაც მოგინდება, — უთხრა ჯონდომ.

ტრანსლაცია არა და ფეხბურთის მარშის შემდეგ ორივე გუნდის შემადგენლობა კი გამოაცხადა დიქტორმა. ასიოდე სტუდენტმა ისეთი ყიყინა დასცა, ზუგდიდელი გულშემატკივრები კიდევ შეფიქრიანდნენ.

წვეროსნებიდან გუნდში ხუთნი თამაშობდნენ. მხოლოდ ახლა ყველა წვერგაპარსული იყო. ორნი თავდადებულებიდან თამაშობდნენ. დანარჩენი მეორეკურსელები იყვნენ.

ფეხბურთის მარშმა, მოთამაშეთა გვარების გამოცხადებამ და გულშემატკივართა ღრიანცელმა ისე დააბნია სტუდენტები, მეთორმეტე წუთზე მასპინძლებმა იოლად გახსნეს ანგარიში. თითქოს ახლა მიხვდნენ სტუმრები, რომ მოედანზე იყვნენ და არა სუფრაზე. სტუდენტებმა ცენტრიდან დაიწყეს, თამაში გაათანაბრეს, თუმცა გოლის გა-

ტანას პირი არ უჩანდა. 0:2 — ასე დამთავრდა პირველი ტაიმი.

შესვენებაზე სტვენით აცილებდნენ სტუმრებს ზუგდიდლები.

გასახდელი გულშემატკივრებს აევსოთ.

აქვე იყო სამივე ხელმძღვანელი.

— ყოჩაღ, სეხნი, ჩოხელი ხარ, ჩოხელი!

— ნახევარდაცვამ კარგად იმუშავა!

— ოტიამ უნდა დაისვენოს!

— მეკარეც გამოსაცვლეო! — გაიძახოდნენ გულშემატკივრები და თან ჯონდოს შეჰყურებდნენ. გადამწყვეტი სიტყვა მას ეკუთვნოდა. ჯონდომ აცალა ყაყანი, მერე თანაგუნდლები დაარიგა და ბოლოს გულშემატკივრებს მიხედა:

— აქ რო ყველა გაპროფესორდებით და დაიწყებთ თეორიებს, ვინც გასაყვანია, იმაზე ჩუმად საბრთ!

— შენ რა მოგივიდა! — მიუბრუნდა შიოს.

— მუცელი მტკიოდა! — თქვა შიომ. ბიჭებს გაეცინათ. ჯონდო გაბრაზდა:

— ჰოდა, დაჯექი ტრიბუნაზე!

— არა, ახლა კარგად ვითამაშებ! — შიოს ძალიან უნდოდა მოედანზე გასვლა.

— მოედანზე ისევ აგტიკვდება მუცელი! — ბოლო სიტყვა ივანგებ ვაავრძელა ჯონდომ.

— არ ამტიკვდება, — შიოს ბრაზი მოაწვა.

ჯონდო მიუხვდა, შეეცოდა და ხელი ჩაიქნია.

— მე არ მათამაშებ? — არ ეშვებოდა ავთო.

სხვები უსიტყვოდ იბღვირებოდნენ.

— არავის არ ვცვლით! — ხმამალა თქვა ჯონდომ და წამოდგა:

— აბა გავედით, გავედით.

მეორე ტაიმი უფრო მშვიდად დაიწყეს.

„...ახლა ჟნდა თავდასხმას მიშველება“, გაიფიქრა ჯონდომ და წინ წავიდა, ნელა, შემპარავად. მერე უცებ მოწყდა ადგილს, მოატყუა ორი მოთამაშე და საჯარიმოში შეიჭრა, მის წინ ორი მცვე-

ლი აღიმართა. მარცხნივ შოი თავისი ფულად დარჩა, ჯონდომ დაუყოვნებლივ მიაწოდა. შიომ მთელი ძალით მოიქნია ფეხი და... ააცილა, ბურთს მოწინააღმდეგე დაეუფლა.

ტრიბუნაზე სტვენა და ხმამალალი სიცილი გაისმა.

საჯარიმო. მასპინძლებმა კედელი აღმართეს. ძლიერად დაარტყა გოდერძიძე. ბურთი მოხვდა კედელს და მერე ყველაფერი აირია. ოტიამ როგორღაც მოახერხა და კარში დაარტყა. მეკარემ მხოლოდ ბადემილა დაინახა ბურთი.

მასპინძლები ამ ბურთმა გამოაფხიზლა და, როგორც იტყვიან, დასახლდნენ სტუმრების ნახევარზე. ახლა დაცვა მოხერხებულად ჰქმნიდა ხელოვნურ თამაშარეს. სამჯერ, ხუთჯერ, მაგრამ მეექვსედ თვითონ მოტყუდნენ, — 3:1. სეხნია ისევ აჭიჭყინდა. მსაჯმა გუნდისთავი იხმო. ძლივს დააშოშმინეს სეხნია.

ამ ბურთმა გატეხა სტუდენტები. ჯონდოს არც თავიდან ჰქონდა მოგების იმედი, მაგრამ ახლა განსაკუთრებით წყინდა, რომ ბიჭები მოეშვენენ.

— „ენგურის“ გუნდს ჩვენი ფიზკულტ! — ხმას აუწია ჯონდომ.

— ვაჰ! — დაღლილი ხმით იყვირეს ბიჭებმა.

ჯონდომ მსაჯებს და „ენგურის“ გუნდისთავს მადლობა გადაუხადა.

— ყოჩაღ, კარგად ითამაშეთ! — შეაქო მსაჯმა.

„ენგურელები“ სტუდენტებთან მივიდნენ, ხელს ართმევდნენ და უწონებდნენ თამაშს. სტუდენტების უმეტესობა კმაყოფილი დარჩა. ხუმრობა ხომ არ იყო: „ენგური“ საკავშირო პირველობაზე თამაშობდა, „ბ“ კლასში გადასასვლელად ემზადებოდა.

— ოტიას რომ ორი ნაღდი ბურთი არ იგაეფუტებინა!

— შიოს რომ ჯონდოს მიწოდებულზე ფეხი არ აეცდინა...

— მსაჯს რომ თამაშარედან შეგდებული ბურთი არ ჩაეთვალა!

მოკლედ, თითქმის მოგებულად თვლი-

დნენ გულშემატკივრები ამ თამაშს. ეს მეტისმეტი იყო, მაგრამ სამარცხვინოდ არავის მიაჩნდა წაგება.

● დილით არავინ აპირებდა სამუშაოდ გასვლას. ცა გაბერილ საავდრო ღრუბლებს დაეფარა. ავერ-ავერ დასკდებოდნენ ეს ღრუბლები. მარტო მეორეკურსელთა მესამე ბრიგადამ დააპირა მუშაობა, მაგრამ ისინიც გზიდან დაბრუნდნენ. წვევროსანთა ბრიგადასაც (უკვე ყველანი წვევრგაპარსულნი იყვნენ, მაგრამ ასე ეძახდნენ), ვერ გადაეწყვიტა, წასულიყო სამუშაოდ თუ არა.

— იწვიმებს და იწვიმოს! წვიმამში არ სგობია მუშაობა? — არავინ ელოდა ბიძინასაგან ამას. ბიძინამ და პაპუნამ ამას წინათ ხომ სულ დაანებეს მუშაობას თავი.

— შენ რა გენაღვლება! — აღრიალდა შიო. — ჩვენ გავილუმპებით, შენ კი არა!

— მე ბატი კი არა ვარ, წყალი არ მომეკაროს! — ეწყინა ბიძინას.

— როცა საჭირო იყო, მაშინ გემუშავა! — ისევე შიომ ჩაიბუზღუნა.

— შენ ხომ სულ თავს აკლავდი! — არ შეარჩინა ბიძინამ.

ოთახში სიჩუმე ჩამოვარდა.

— მივდივართ სამუშაოდ! — ხმამაღლა თქვა მინდიამ.

შიოს და პაპუნას რაღა ეთქმოდათ. წელმოწყვეტილები აედევნენ ბიჭებს.

ჯერ კარგად არც გახურებულიყვნენ, რომ ღრუბლები დასკდნენ. ბიჭები ტრუსების ამარა მუშაობდნენ.

ირგვლივ კაცის ჭაჭანება არ იყო. ისინი კი ჭინკებივით დახტოდნენ თავსხმამში.

— ჰო, ჰო ბიჭო, რა წვიმაა!

— მდინარეზე რაღა გვინდა!

— დასცხე, დასცხე! — წვიმას და ბიჭებს ამხნევებდა სეხნია.

იქაურობას ჟრიამულით იკლებდნენ.

— ურჯულოებივითა არა, ელგუჯ! — იძახდნენ და კაფავდნენ, ჩეხდნენ, თხრიდნენ.

— მაშ, მაშ! — დიხად უპასუხებდა ელგუჯა.

ასე ხალსიანად არასოდეს უმუშავებდა ახლა ყველას მოეჩვენა, რომ სადილობის დრომ აღრე მოატანა.

გადაირბინეს პლანტაცია და გზაზე გავიდნენ. ირგვლივ არავინ ჩანდა. არც აქ ჩაუცვამთ. წვიმამ უმატა. ასფალტზე მიტყაპუნებდნენ და ერთმანეთს ზურგზე ახტებოდნენ. მსუბუქი მანქანა წამოეწიათ. შოფრის გვერდით ქალი იჯდა. ტრუსებიანი ბიჭები რომ დაინახა, თვალებზე ხელები აიფარა და ისე იკივლა, შოფერს კინაღამ გული გაუსკდა, მერე კი სიცილი აუტყდა. ბიჭები ზიგზაგებით მიმავალ ავტომობილს ხელს უქნევდნენ და თვითონაც იციროდნენ.

სასადილოში არაყი გადაჰკრეს, აღარ გავცივდებითო.

ნასადილევს მუშაობა აღარ ვაუტრბქლებიათ. ცა ჩამოქცევას ლამობდა.

— ბიჭო, ამ დილით რამ გადაგრიათ?! — უკვირდა სერაფიონს.

— სულ დაგიყდნენ, ღამლამობითაც ხე და მისი ჭირკები ელანდებათ. — ავთომ იფიქრა, ახლა კი მოვიგე ხელმძღვანელის გულიო.

— ნეტა ყველა ასეთი იგიი იყოს, — თავისთვის ჩაილაპარაკა სერაფიონმა, როცა ბიჭებს გაშორდა.

წვიმა აღარ აპირებდა გადაღებას. ბიჭები არხეინად ისხდნენ ოთახში და ერთობოდნენ.

მეორე დღესაც იწვიმა, მხოლოდ საღამოთი გადაიღო. სამუშაოდ გასვლა აღარავის უფიქრია. ერთ საათში კიდევ დაღამდა. ხუთი დღე დარჩა წასვლამდე, ხუთი დღე! და სწორედ მაშინ მოხდა ყველასათვის მოულოდნელი რამ. თავდადებულებმა მართლა დადეს თავი მუშაობაზე. ყველას უკვირდა. მოდი და ნუ გავიკვირდებოდა! პირველ დღეს ყანაში იცოდვილეს. კიდევ კარგი, აგრონომმა გაიარა იმათ ნაკვეთზე, თორემ უღმერთოდ ააოხრებდნენ. მერე აიტეხეს, ამონაპირკვზე გავვიშვითო. ერთ დღეზე მეტი ვერც იქ გაძლეს. უღონო-

ები მაინც ყოფილიყვნენ! ექვსნი იყვნენ თავდადებულები და ამთავან ოთხი არავის ჩამოუვარდებოდა ღონით. ახლა სწორედ ეს ოთხი თავდადებული დატრიალდა. დანარჩენი ორი ადრე გაემგზავრა, ბაკური რომ წავიდა, იმ დღეს. თავდადებულებს წვეროსნებს იქით მიუზომეს ნაკვეთი.

— ასე ცოტა რა არის! — იუარეს.

— თქვენ ეგ მოასწარიტ ამ ხუთ დღეში და მადლობელი ვიქნებით! — უთხრეს.

სამი დღე მართლა სანიმუშოდ იმუშავეს, ეგონათ, ახლა მაინც აღარ დაგვიძახებენ თავდადებულებსო. პირიქით კი მოხდა.

— ახლა კი ნამდვილად თავდადებულები ხართ! — ყველას ეღიმებოდა.

მეოთხე დღეს ერთი საათი წაიმუშავეს თავდადებულებმა და მხარ-თეძოზე წამოვარდნენ. ოთხივეს ძალიან ეწვოდა ხელის გულები. ბუზლუნებდნენ და ერთმანეთს აბრალებდნენ, არა შენ აგვტყენე, არა შენო.

წვეროსნები სადაცაა დაამთავრებენ თავიანთი ნაკვეთის გაწმენდას. ერთი დღით ადრე დავამთავროთო, გადაწყვიტეს. ვისაც როგორ შეეძლო, ძალას არ ზოგავდა. ელგუჯა და სენხია სულ იგაგიჟდნენ, თითქოს ცელით ბალახს თიბავენო. ახლა ჯონდო და მინდიაც ფეხდაფეხ მიჰყვებოდნენ. ჯონდოს ყოველთვის უკვირდა, საიდან აქვს ამდენი გამძლეობა ამ კავანდარა ბიჭსო.

— შენი ჭირიმი, მინდია! — იძახდა გუნებაში ჯონდო.

ცოტალა ჰქონდათ დარჩენილი, რომ ელგუჯა მაინც გავარდა წინ. სოლივით შეიჭრა ეკალ-ბარდებსა და ხეებში. უკანასკნელი თხმელა დააწვინა და არხეინად წამოწოლილ თავდადებულებს წაადგა.

— ეგეც ეგრე! — კმაყოფილმა ჩაილაპარაკა თავისთვის, — ისვენებთ?

— ვისვენებთ, აი, — დაბნეულად უპასუხეს თავდადებულებმა.

— იგავგარძელოთ მუშაობა! — მცი-

რე ხნის დუმლის შემდეგ იყვარა თომო.

ახლა არც ერთს არ დაზარალებულა მეტებით სცემდნენ ცულებს.

ელგუჯა ხენეშით დაბრუნდა თავისიანებთან, ჩამორჩენილებს ამოუღდა მხარში და ისევ მიჰყვა მისებურად. იმ წუთში სენხიამ უკანასკნელი აკაცია დააფინა ძირს. ორიოდ წუთის შემდეგ ჯონდომაც ბოლო ჯირკი ამოაგდო. შალე მინდიათაც გაიტანა ლელო. შიო, ზალიკო, პაპუნა და ბიძინა ერთხანს კიდევ სცემდნენ ცულებს. ჯოკია ფიჩხებს დასაწვავად აგროვებდა ადგილ-ადგილ.

— სრული და უსიტყვო კაპიტულაცია! — დაიძახა ბოლოს ბიძინამ.

— დანებდი? — გამოაჯავრა სენხიამ.

— ჰო, ჰო, ჩვენ დავნებდით და იქნება თავდადებულებმა გვიშველონ.

ბიჭებს ჩაეღიმათ: ისინიც ოფლში იწურებოდნენ.


ელგუჯამ თვალი აარიდა იმათ ცოდვილობას. თავიანთ ნამუშევარს გაჰხედა და კმაყოფილმა ჩაიბუბუნა:

— ესეც ასე!

ბიჭებმაც უკანასკნელად მოავლეს თვალი ნაკვეთს და კმაყოფილებმა ერთმანეთს გადახედეს: მართლაც დიდი ფართობი გაეწმინდათ. უყურებდნენ ბიჭები თავიანთ ნაკვეთს და ოდნავ შესამჩნევად, უნებურად იღიმებოდნენ... ბოლოს რაღაც უცნაური სევდა შემოაწვათ. ჯერ ვერ მიხვდნენ და მხოლოდ დაბნეულობა გამოეხსახათ სახეზე. მერე იგრძენეს: გული წყდებოდათ, ენანებოდათ, რომ ტოვებდნენ იქაურობას და მოიღუშნენ.

— დღეიდან ეს ნაკვეთი ჩვენი აღარ იქნება, — ნაღვლიანად ჩაილაპარაკა ჯოკიამ.

ბიჭები იდგნენ, ხმას არ იღებდნენ... მერე მიდიოდნენ, მაგრამ გრძნობდნენ ერთმანეთის სუნთქვას, ცულის ცემას და აკივლებულ სიჩუმეს. გრძნობდნენ, ეს სიჩუმე იმ ერთი გოჯი მიწიდან მოჰქიოდა, მათი ნაკვეთი რომ ერქვა.



მოთხრობა

ომამდე ემრიხების ოჯახი ბერლინის მახლობლად, ტბის ნაპირას ცხოვრობდა.

კობტა, ერთსართულიანი სახლის წინ ტბის პირამდე ბიბინებდა მდელო. პატარა ნაკვეთზე ბოსტანი ჰქონდათ. ტბის დამრეც ნაპირებზე ლერწამი მოხშირებულიყო. ტბიდან შუშაბანდამდე ბილიკი მოეკენჭათ, მაგრამ უფრო ხშირად იმ ბილიკით სარგებლობდნენ, შარავნიდან ბოსტანზე რომ გადიოდა. ბილიკი სახლის კარამდე მიდიოდა. აქედან ოთახშიც შეიძლებოდა შესვლა და სამზარეულოშიც. სამზარეულოდან სარდაფში ჩადიოდნენ. სარდაფს კარი ტბის მხრიდანაც ჰქონდა ოდესღაც, მაგრამ ახლა ათასნაირი ხარა-ხურით ჩაეხერგათ. სარდაფის სარკმელი კი ისე იყო ამოვსებული, დღის სინათლეც ძლივს ატანდა.

ადრე ემრიხებს მეზობელ სოფელშიც ჰქონდათ მცირე მამული და სამჭედლო. იქ შედგებდნენ ცხენებს და სხვადასხვა ხელსაწყო-იარაღიც იქ მიჰქონდათ ხოლმე შესაკეთებლად.

ომის წინ მამა ემრიხს საფეთქელში ცხენმა წიხლი ჩაცხო და მოკლა. ნათქვამია, გაჭირვებულ კაცს ქვა აღმართში მოეწევთ: მამა ემრიხს სულ მალე ცოლიც გაჰყვა უკან.

ორივე ვაჟიშვილი ჯარში გაიწვიეს. მალე ომიც დაიწყო და მათ სამხედრო სამსახურს ბოლო არ უჩანდა. ერთი პოლონეთზე თავდასხმაში მონაწილეობდა, მეორე კი ნარვიკის დესანტში მოხვდა. ამასობაში შორეულმა ნათესავებმა ემრიხების მამული და სამჭედლო შეისყიდეს. ერთადერთი ქალიშვილი მართა კარმიდამოს უვლიდა. თავს არ იზოგავდა და შეძლებისდაგვარად ყველაფერს აგვარებდა. იშვიათად ქირაობდა დღიურ მუშას, ისიც მხოლოდ სახლის შესაღებად ან ამგვარი რამისათვის. უნდოდა ძმებისათვის სახლი წესრიგში დაეხვედრებინა. მართა მარტო ბოსტანს როდი უვლიდა, ოთახებში შპალერსაც თვითონ აკრავდა და დროდადრო ნავსაც შეაკეთებდა ხოლმე, თუმცა იგი უქმად ეგდო ნაპირზე. ტბიდან კობტად და მიმზიდველად მოჩანდა ყვავილნარში ჩაფლულ თეთრი სახლი.

მართა უთენია დგებოდა და გვიანობამდე მუხლჩაუხრელად მუშაობდა. წელეებზე ფეხს იმიტომ როდი იდგამდა, რომ ვალი არ ელო, ან მომჭირნეობით ცოტათი მაინც აუნახლაურებინა ძმებისათვის მამულისა და სამჭედლოს გაყიდვით მიყენებული ზარალი; არც იმიტომ,

რომ, როგორც თვითონ იტყოდა ხოლმე, ცოცხალმა კაცმა ხელი უნდა გაანძროსო. არა, იგი შრომობდა, რომ თავისი სიმარტოვე დაეიწყებოდა.

მართას საქმრო, მეზობელსოფლელი გლუხის ბიჭი, მაყინოს ხაზზე ბრძოლაში დაიღუპა. ის ბიჭი რომ ემრიხების სიძე გამხდარიყო, მათ ალბათ კვლავ დაუბრუნდებოდათ მამული და სამკედლო. ოფიციალური ნიშნობა არ ჰქონიათ. მაგრამ საქმროს დაღუპვის ცნობის მიღებისთანავე მართამ სიმარტოვე და უსასობა იგრძნო, უფრო გულჩახვეული გახდა.

მართა ჯანსალი და ძვალმსხვილი ქალი იყო. შეეჩვია და შეეგუა სიძნელეებთან ბრძოლას. ომის მესამე წელს ოცდაექვსი შეუსრულდა. გარე სამყაროსთან ძმების ფრონტიდან მოწერილი წერილები და სოფელში გამართული კრებები და წარმოდგენები აკავშირებდა. ფრონტზე ყოველი წარმატების აღსანიშნავად მეზობლებივით ისიც დროშას გამოჰკიდებდა ხოლმე.

უმცროსი ძმა აღმოსავლეთის ფრონტზე მოკლეს. იგი მართას უსაყვარლესი ძმა იყო, უფროს ძმაზე უფრო გულისხმიერიც. მაგრამ ძმის სიკვდილი ისე არ განუტღია, როგორც საქმროსი. ეჩვენებოდა, თითქოს ძმა უვადოდ იყო წასულა შევებულებაში.

1943 წლის ზაფხულის მიწურულს. ერთ წვიმიან საღამოს, მართა სარდაფში კარტოფილსა და ჭარხალს არჩევდა, დილისათვის საჭმელს უმზადებდა საქონელს.

უეცრად, თითქოს ლერწმიანში რაღაცამ გაიშრიალა. მერე შრიალი უფრო ახლოს, ღობესთან განმეორდა, თითქოს ეილაც დალანდა კიდევ. მართამ გაიფიქრა: სახლი ჩაბნელებულია, სარდაფშიც არ ანთია ჭრაქი და ვინმეს უპატრონო არ ეგონოსო; ხმამაღლა დაიყვირა:

— ვინ არის მანდ?

არავინ გაეხმაურა. იგი სამზარეულოში ავიდა. პატარა ოთახი და შუშაბანდი გაიარა და ეზოში ჩავიდა.

ბალახებში უცნობი იდგა. მართამ შე-

ნიშნა, რომ კაცს კარგად ეცქა, სახე/კუ ბინდში ვერ ვაარჩია.

— ფრატ უნაიდერი აქ ცხოვრობს? — ჰკითხა უცნობმა.

— არა, — მიუგო მართამ და უმალ დასძინა, — ასეთი ვინმე სოფელში არ ცხოვრობს.

მერე უცნობი შეათვალიერა:

— აქ საიდან გაჩნდით? —

— ნავით მოვედი.

— როგორ? — გაუკვირდა მართას. ბინდში თვალი მოჰკრა, ნაპირზე მხოლოდ მისი ნავი იდგა.

— ეჰე, — თქვა უცნობმა, — კარგა ხანია ნაპირზე გადმოვედი. მეგონა, ფრატ უნაიდერი აქვე, მეორე სოფელში ცხოვრობდა, ამიტომ გკითხეთ.

სოფლის მარაგზიდან მოტოციკლეტის გუგუნი მოისმა. უცნობმა მართას ხელი მოჰკიდა და ხმადაბლა, მაგრამ მტკიცედ უთხრა:

— თუ მიკითხონ, არ გამცეთ!

მართამ ხელი გაათავისუფლა:

— ოჰო, ალბათ რაიმე დააშავეთ!

მოტოციკლეტმა ჩაიარა. უცნობმა ისევ მოჰკიდა მართას ხელი და დაბალი, ოდნავ ჩახლეჩილი, მაგრამ ისევ მტკიცე ხმით თქვა:

— არაფერი დამიშავებია, პირიქით...

ახლა ტბიდან მოისმა მოტორის გუგუნი, უცნობი განაგრძობდა:

— შემომხედეთ, განა რითიმე ვგავარ დამნაშავეს?

მართა ცდილობდა გამოეცნო უცნობის სახე. სახეზე კაცს ავსაც შეატყობდა და კარგსაც. ეს მშვენიერად იცოდა; რანიერ აღამიანებთან არ ჰქონია საქმე, მაგრამ ასეთ სახეს პირველად ხედავდა.

მოტორიანი ნავი ნელ-ნელა მოსცილდა ნაპირს.

— თუ არაფერი დაგიშავებიათ, რატომ გამოიქცით?

უცნობი სხაპასხუპით ლაპარაკობდა:

— ჩვენთან, სამუშაოზე, ომის საწინააღმდეგო ფურცლები დავარიგე, ახლა დამეძებენ.

— თუ ეს მართალია, — თქვა მარ-

თამ, — მაშინ ნამდვილად ღირსი ხარო, რომ ციხეში ამოგალოზონ.

უცნობი კვლავ შეუჩერებლივ და გაცხარებით ლაპარაკობდა. მის ხმაში თხოვნა და მუქარა იგრძნობოდა: ამბობდა, რომ მართას ალბათ არავინ დალუპვია ფრონტზე, არავის ელოდება. ერთმანეთის გვერდით კედელზე იყვნენ მიყრდნობილნი. მართა ფიქრობდა: ასეთი ლაპარაკისათვის ის ან ციხეში უნდა მოხვედრილიყო, ან საგიჟეთშიო. როგორა თქვა? მაინცდამაინც უნდა ვუცადოთ, სანამ ყველა მამაკაცი ერთიანად არ დაიღუპებაო. მე არ დავუცადე და ამიტომ მომდევნო...

— თქვენ ალბათ გული არა გაქვთ! — უთხრა უცნობმა, — დამტოვეთ ამ ბუჩქებში, ვითომ არაფერი იცით.

მართა წუთით შეეცოყმანდა.

— შედით შინ, — განაგრძო უცნობმა, — მე არ გინახივართ, არაფერი იცით ჩემზე, შედით...

მართა შებრუნდა, თითქოს და არაფერი მომხდარაო, მიტოვებულ საქმეს მიუხედა.

ყველაფერი ასე დაიწყო.

მართა ჩვეულებრივზე ადრე დგებოდა, რომ შეემოწმებინა, უცნობი ისევ იქ იყო თუ არა. იმედი ჰქონდა, თავისით წავაო. პირველ დილას უნდოდა თავი დაერწმუნებინა, არც არავინ მოსულაო, მაგრამ უცნობი ისევ იქ დახვდა. მართა უსიტყვოდ შებრუნდა ოთახში. ცოტა ხნის შემდეგ ისევ მიაკითხა და თბილი საკმელი მიუტანა. მართა უყურებდა, როგორ ხარბად ჭამდა, ლუკმა სიჩქარისაგან გულზე ადგებოდა და თითებს იკვნეტდა ხველების შესაკავებლად. უცნობმა თავი აწია. დღის სინათლეზე შეიძლებოდა მისი სახის ვარჩევა. ლტოლვილს არაფერი უთქვამს, მხოლოდ ოდნავ შეარხია ტუჩები და მართას შეხედა. არც მართას გაუღია ხმა, გამობრუნდა და თავის საქმეს შეუდგა.

იმ ზაფხულს მართას დღიური მუშა — ერთი ახალგაზრდა სოფლელი ბიჭი ჰყავდა. ბიჭს ბავშვობაში დამბლა გადაეტანა და კოჭლობდა. მან მართას უამ-

ბო, პოლიცია ვიღაც ჯიბეში დაეჭობდა ახლომახლო სოფლების მცხოვრებლები გააფრთხილესო. ნასადღევს ციხეშიცა ჩამობნელდა, მართამ უცნობს ანიშვნა, უკან გამოყევითო. სარდაფში, სადაც მუშა და ნახშირი ეყარა, უცნობისათვის სამალავი მოეწყო. თქმით არაფერი უთქვამს, უხმოდ გამობრუნდა.

დღიური მუშა დადონდა, როდესაც გაიგო, რომ მართა სექტემბრისათვის სამუშაოდ არ აიყვანდა. თუმცა ეს არც არავის გაკვირვებია: ყველამ იცოდა, მართას მუშაობა უყვარდა და ყოველნაირ საქმეს ხალისით აკეთებდა.

უცნობი, კურტ შტაინერი, მართას საოჯახო საქმეებში ეხმარებოდა, არჩევდა და ჭრიდა ბოსტნეულს, ხანდახან ხელსაწყო-იარაღებსაც შეაკეთებდა ხოლმე. ისეთ საქმეს ჰკიდებდა ხელს, რაც უხმაუროდ გაკეთდებოდა. ხანდახან მართა სარდაფში ჩასასვლელს ღიად დატოვებდა და რადიოს ჩართავდა. ქალს თანდათან ემატებოდა გამბედაობა. უფრო ხშირ-ხშირად ჩადიოდა უცნობთან და მის საუბარს უსმენდა. უცნობი ცდილობდა ნათლად და გასაგებად ელაპარაკა. იგონებდა მსოფლიოში მომხდარ ამბებს, ყველაფერს, რაც თავს გადახდენოდა. მართა მხოლოდ საკუთარ ეზო-კარსა და ცხოვრებას იცნობდა და ახლა ყველაფერი ზღაპრად ეჩვენებოდა. იგი ჯერ უცნობის დამაჯერებელმა ხმამ დაატყვევა, მერე კი მისი სიტყვების მნიშვნელობასაც ჩაუკვირდა; ეკითხებოდა, ეკამათებოდა, ფიქრობდა.

ზამთრის ერთ ღამეს, როდესაც თოვლით დაფარულსა და ყინვით გათანგულ სოფელს ღრმა ძილით ეძინა, მართამ უცნობი ოთახში აიყვანა. უცნობმა თვალი მოავლო ჩაბნელებულ ოთახს. მართას საწოლი თეთრად ქათქათებდა.

ქალი კანკალებდა. კურტს მიკვროდა და მთელი ღამე თვალს არ აშორებდა სარკმელს, საიდანაც მოჩანდა, როგორ ბომბავდნენ ბერლინს.

თანდათან გაიწვო და გაიზიარა მართამ კურტ შტაინერის აზრები. დარწმუნებული იყო, რომ სწორად მოიქცა.

მსგავსი რამ კიდევ რომ შემთხვევოდა, ასევე მოიქცეოდა, მაგრამ უკვე შეგნებულად, თავისი სურვილით...

მართა მხოლოდ იმაში გრძნობდა თავს დამნაშავედ, რომ თითქოს რაღაც შეგნა მოუტანა აღმოსავლეთის ფრონტზე უფროსი ძმის ტყვედ ჩავარდნის ამბავში. ძმა რომ შეგებულებით ჩამოსულიყო, მაშინ კურტ შტაინერის დამალვა შეუძლებელი იქნებოდა. კარლი გადაჭარბებულად უხეში და მკაცრი იყო, ამასთან — ღვარძლიანიც. ერთი სიტყვით, ფრონტიდან გამოქცევას არავის აპატიებდა.

გაზაფხულზე მართას და კურტს ახალი სადავიდარაბო გაუჩნდათ. მართას მეზობლის ქალმა უთხრა, დეზერტირებს დაეძებენ და ახლომანლო სოფლებს ჩხრეკენო. ქალი შიშით და ნიშნისმოგებით ყვებოდა, ყველაფერს გაჩხრეკენ — სარდაფებს, ბალებს, ერთ ბუჩქსაც კი არ დატოვებნო.

ამის გაგონებაზე კურტ შტაინერი ვაფიფიორდა.

— ყველაფერი გათავდა, აღარაფერი მეშველება! — წამოიძახა და ჩაფიქრდა. მკვდრის ფერი ედო, — უნდა წავიდე, თორემ შენც დაგიჭკრენ.

მართას ერთი ამბავი გაახსენდა. ეს ამბავი უმცროსმა ძმამ უამბო ერთხელ, რომელიღაც ნახატებიან წიგნში წაეკითხა. მართას თითქმის აღარ ახსოვდა, სად და რისთვის მოხდა ყოველივე. ისღა მოიგონა, რომ ვიღაც კაცი წყალში იყო დამალული და ლერწმით სუნთქავდა. კურტმა არ დაიჯერა, ასეთი რამ შეუძლებელიაო.

— სცადე, იქნებ შეძლო, — თხოვა მართამ.

— არ შემიძლია, არაფერი გამოვა.

— უნდა სცადო, აუცილებლად უნდა სცადო. — დაჟინებით მოითხოვდა მართა. მართამ კურტი აიძულა ახლავე ეცადა, სანამ მოვიდოდნენ. მას მხოლოდ ეს ერთადერთი გზა დარჩენოდა. შეიძლება გადარჩენილიყო კიდევ. კურტი სარდაფიდან ამოიყვანა და უთხრა, ტბამდე მიცოცდიო. თვითონ კი ლერწამი მოჭრა.

სადილობამდე ჯერ კიდევ დღი იყო, მათი „ცდა“ შეიძლებოდა დასრულდამთავრებულყო: მეზობლის უკვე ალყა შემოარტყეს და ჩხრეკდნენ. მალე ემრიხების სახლსაც მიადგნენ. დაათვალიერეს საშხარეულო და ჩავიდნენ სარდაფში, სადაც კურტი იმალებოდა. მართა შიშისაგან აცხვაცხვდა: ადვილი შესაძლებელი იყო, უმნიშვნელო რამე ეპოვათ და კვალისათვის მიეგნოთ. მაგრამ ისინი უხეშად ისროდნენ ყველაფერს აქეთ-იქით.

— ვის ეძებთ? — ოდნავ ირონიულად იკითხა შეშინებულმა მართამ. — უმცროსი ძმა დაიღუპა, უფროსი ტყვედაა ჩავარდნილი.

— ხმა ჩაიწყვიტე! — უთხრა ქანდარმმა, — ქალს ძმების გარდა სხვადასხვაეს!

მართას კიდევ უფრო შეეშინდა. გაძლებდა კურტი? ეყოფოდა პაერი?

ქანდარმებმა სახლის ჩხრეკაც დაამთავრეს. კურტი თავის სარდაფში დაბრუნდა. ახლა უფრო მყუდრო მოეჩვენა სარდაფი. იცოდა, რომ კიდევ მოუხდებოდა ასეთი შემოტყვის მოგერიება, სასოწარკვეთილი ამბობდა: სიკვდილი მირჩევნია ამ აუტანელ შიშში ცხოვრებასო, აღარ შეეძლო კიდევ ესუნთქა ლერწმით.

მართა არწმუნებდა: სადაცაა ომიც გათავდება. უნდა მოითმინო. მალე მართამ და კურტმა შეიტყვეს, ღამით სოფლების ხელახალი ჩხრეკა დაიწყესო. მართა ემუდარებოდა კურტს, კიდევ ეცადა ლერწმით სუნთქვა. რამდენი იწვალა, რა არ გააკეთა, რომ მშვიდობიან ცხოვრებას მოსწრებოდა! სადაცაა ომიც მთავრდება და ყველაფერი უნდა დაიღუპოს... მართამ ისევ აიძულა კურტი, ჩხრეკის დროს წყალში ჩაეყვინთა და ლერწმით ესუნთქა. კურტი გადარჩა. რამდენიმე კვირის შემდეგ ბერლინი აიღეს. ომი დამთავრდა, ორივე — მართაც და კურტიც — ტიროდა და იცინოდა. ერთად მიირთვეს სადღესასწაულო ვახშამი. დალიეს ღვინო. მერე კი ერთად დაწვენენ ქათქათა გრილ ლოგინში, დაწვენენ როგორც ნამდვილი ცოლ-ქმარი.

ახლა მოტოციკლეტის გუგუნე აღარც-
ერთს არ აშინებდა.

მთელი მხარე საესე იყო ლტოლვილე-
ბით. თითო-ოროლა კაცი ყველას სახლ-
ში იყო და არც ვინმეს გაკვირვებია ემ-
რინებთან კურტ შტაინერის დანახვა.
გულდამშვიდებული მართა თავის ბოს-
ტანს მიუბრუნდა, უვლიდა, დარაჯობ-
და... ასე ყური გამოება — ათასი ამვლე-
ლი და ჩამვლელი იყო: ეს ჭარისკაცე-
ბიო; ეს ლტოლვილთა ბავშვებო და ვინ
იცის; კიდევ ვინ. კურტ შტაინერი ღიმი-
ლით უყურებდა, როგორ ზრუნავდა და
საქმიანობდა მართა, რომ ამ არეულო-
ბის დროსაც წესრიგში ჰქონოდა ოჯახი.
ახლაც ისეთი ეჩვენებოდა მართა, როგო-
რიც ადრე — ძვალმსხვილი, პირფართო.

ერთი კვირის შემდეგ კურტმა მართას
უთხრა, ამხანაგების სანახავად ქალაქში
მივდივარო და წავიდა.

მართა დაჯავრიანებული იჯდა, კურტს
საკმაოდ შეაგვიანდა. ბოლოს, გამოჩნდა
როგორც იქნა. რუსული სამხედრო მან-
ქანით მოვიდა. მანქანა ხალხით იყო სავ-
სე. ყველანი გადმოვიდნენ. ერთ-ერთი
ოფიცერი გერმანულად გამოელაპარაკა
მართას. ცხადი იყო, კურტ შტაინერს
მათთვის ყველაფერი მოეთხრო. მართა
მიხვდა, რომ ოფიცერს მხოლოდ დასტუ-
რი უნდოდა, მართალი იყო თუ არა ყო-
ველივე. მართამ მოკლედი უპასუხა:

— რა თქმა უნდა, ასე იყო.

ოფიცრები მართას თანაგრძნობით
უყურებდნენ. მერე კურტმა ამხანაგებს
თავისი სამალავი ანახა სარდაფში, აჩვენ-
ა ტბის ნაპირზე ის ადგილიც, სადაც
ჩხრეკისას თავს აფარებდა. კურტი არ
მალავდა, რომ დიდად იყო მართასავან
დავალებული.

— ამ ქალმა მართო სიკვდილს როდღი
გადამარჩინა, გვერდში მედგა და მამ-
ხნეებდა კიდევ...

მართა უხმოდ ისმენდა. კურტის ტო-
ნი ეუცხოვა. დააპირა სახელდახელოდ
გამასპინძლებოდა სტუმრებს, მაგრამ
კურტმა შეაჩერა:

— ნუ შეწუხდები, პირიქით, შენ მი-

გიტანეთ ცოტა რაღაც. გვეჩქარება, მა-
ლე უნდა ვავბრუნდეთ.

— შენც მიდინარ? — ჰკითხა მართამ.

— რა თქმა უნდა, მეც. — მიუგო
კურტ შტაინერმა, — ახლა მე ბერლინ-
ში ვმუშაობ, ახალ მთავრობაში.

კურტმა მართას ბავშვებით გადაუსვა
თავზე ხელი და კარიდან მიამძახა:

— ჩემს ამბავს მალე გაცნობებ.

მართამ მიაყურა მანქანას. ადრე შეე-
ბით ამოისუნთქავდა ხოლმე, მოტორის
ხმაური რომ მიჩუმდებოდა. ახლა კი...

პატარაობიდანვე უთქმელი იყო მარ-
თა. არ უყვარდა თავის თავზე ლაპარაკი.
იმათ, ვისაც მართა სახლისა და ბაღის
მოსავლედად ქირაობდა, კარგად იცოდ-
ნენ მისი სიტყვაძვირობა. ამიტომ არა-
ვის სულმჩნევია, რომ მართა უფრო
გულჩათხრობილი გახდა.

ერთ დღეს იგი კურტ შტაინერმა მოი-
ნახულა, დახმარება შესთავაზა. მართამ
ისე უპასუხა, როგორც სხვებს უპასუ-
ხებდა ხოლმე:

— მართოც კარგად გავართმევ საქმეს
თავს!

კურტი კიდევ მოჰყვა, თუ რაოდენ
მადლობელი იყო მისი. მართამ მოკლედი
მოუჭრა:

— საკმარისია, კურტ!

გამომშვიდობებისას კურტს უნდოდა
მართა თავისკენ მიეხიდა, მაგრამ ქალმა
განზე გაიწია.

მართას ძმა, კარლი, ტყვეობიდან დაბ-
რუნდა. იგი კიდევ უფრო უხეში და უკ-
მეხი გამხდარიყო, დისთვის ერთი ალერ-
სიანი სიტყვაც კი არ გაიმეტა. უკმაყო-
ფილო იყო ბოსტნით, სახლი კი მოეწო-
ნა, მაგრამ არ შეუქია. მალე მეზობელ
სოფელში შეძლებული გლეხის ქალი-
შვილს დაადგა თვალი და... კიდევ და-
ქორწინდა. მართა იძულებული გახდა
თავისი ოთახი მათთვის დაეთმო, თვი-
თონ კი პატარა ოთახში გადასულიყო.
ახალგაზრდა ცოლ-ქმარი მართას ავიწ-
როებდა: კარლი ცდილობდა ძირფესვიან-
დად შეეცვალა ყველაფერი, რაც დას მი-
სი არყოფნის დროს გაეკეთებინა. ამას
ჯიბრით სჩადიოდა. რაკი გაიგო, რომ მო-

სავალზე ნორმები შემოიღეს და პროდუქტის ჩაბარება სავალდებულოა, ცდილობდა დაემტკიცებინა, „ჭარბი“ პროდუქტის მიღება შეუძლებელიაო.

მართა ხანდახან წარსულს იგონებდა, იხსენებდა კურტ შტაინერის სიტყვებს. თუმცა დიდი ხანი იყო არ ენახა. კურტი ამბობდა, კარლისნაირებს სულ უფრო და უფრო ბევრი მიწა სურთო, მათ სხვისი მიწები და ომი უნდათო.

ერთ კვირადღეს მართა მყუდროდ იჯდა ტბის პირას პატარა სკამზე, რომელიც კარლმა ცოლისთვის გააკეთა. იგი მარტო იყო შინ — ცოლ-ქმარი კარლის ცოლოურს იყო წასული. უცებ ნაპირს მოტორიანი ნავი მოადგა. ნავიდან კურტ შტაინერი გადმოხტა და ვიღაც ახალგაზრდა ქალს გადმოსვლაში მიეშველა. უცნობი სწორედ ისეთი იყო, როგორც ცოლზედაც კურტ შტაინერი ოცნებობდა. კურტი ალერსიანად მიესალმა მართას და უთხრა, რომ სურდა კვლავ გამოეველო ერთ დროს ხიფათიანი გზა და თავისი მეგობრისათვის ყველაფერი აეხსნა. დაბოლოს დასძინა: „ეს კი მართაა“. მართამ ყავა მოაღულა. კურტმა ნამდვილი ყავა ჩამოუტანა.

— რაც მე და შენ განვიცადეთ, — თქვა კურტმა და მართას ხელი ხელზე მოჰკიდა, — არასოდეს დამავიწყდება.

— რა თქმა უნდა! — მიუგო მართამ.

— თუ რამე დაგჭირდეს, მომაკითხე, — უთხრა კურტმა და მისამართი დაუწერა.

ძმა და რძალი რომ დაბრუნდნენ, სახლში ყავის სურნელი იდგა. გაბრაზდნენ, მართა მათი არყოფნის დროს სტუმრებს გამასპინძლებოდა. რძალი აყვირდა, მართას მისი ნაშთი სერვიოზი ეხმარა. მერე დაინტერესდნენ, რა ხალხი იყო მართას სტუმრები.

— ნაცნობები იყვნენ, — უთხრა მართამ, — ომიანობის დროიდან ვიცნობ.

სოფელში „გულხთა ურთიერთდამხმარე საზოგადოება“ დაარსდა. მართას ძმა გაიძახოდა: მიცნობენ ვინცა ვარ, ჩემისთანა კაცი იქ არ შევაო.

— შენისთანა, არა! — დაუდასტურა მართამ.

მართა სადამოკობით ველოსიპედით დიოდა სოფელში, სადაც მისი ნათესავის ფარდულში კრებები იმართებოდა. იჯდა კრებებზე და როცა რამე არ მოეწონებოდა, თავს გააქნევდა ხოლმე.

— თუ ასეთ ადგილებში ხეტიალს არ მოიშლი, სადაც გინდა იქ იცხოვრე, — უთხრა ერთხელ ძმამ.

— გარეთ ვერ გამაგდებ, — მიუგო მართამ, — სახლი მარტო შენ არ გეკუთვნის. მამამ იგი ყველას დაგვიტოვა. თუ ჩემი წასვლა გინდა, გადამიხადე, რაც მეკუთვნის.

კარლი გაგულხისდა და გაოცდა: მართასაგან ასეთ პასუხს არ მოელოდა. ამის შემდეგ ხან დაუტკებოდნენ, ხან გერიკით აითვალწუნებდნენ.

მართას შინ დაბრუნებისას ყოველთვის შიში იპყრობდა, მაგრამ გლეხების კრებაზე ველოსიპედით წასვლა მაინც სიამოვნებდა. თუმცა ისეთი გამწარებელი ცხოვრება ჰქონდა, არც ეს უხარებდა გულს.

იგი კურტ შტაინერთან შეხვედრაზე ოცნებობდა. მოთმინება ელეოდა. კურტი მართას არც ერთ ნაცნობს არ ჰგავდა. უნდოდა მალე ენახა მისი წაბლისფერი თმა და მტკიცე გამოხედვა, გაეგონა მისი ხმა. რამდენი რამ უნდა ეკითხა, მან ხომ ჰქეყანაზე ყველაფერი იცოდა. მაგრამ კურტს უკვე ცოლი, და შესაძლებელია, შვილიც ჰყავდა. იქნებ ეწყინოს კიდეც, მართა რომ ესტუმროს, თუმცა, თვითონ მიიყვანა საცოლე მართასთან, ბერლინის მისამართიც დაუტოვა.

კარლს არაფერი გაეგებოდა საბანკო საქმისა, ყოველივეს მართა აგვარებდა. ახლაც აუხსნა, ბერლინში წასვლაო საჭირო. კარლს ეჭვიც კი არ შეჰპარვია რამეში, გაეხარდა კიდეც მისი წასვლა.

ბერლინში მართა ბანკიდან ვაისენზეში გაემგზავრა, იქ ცხოვრობდა კურტი. კიბეზე რომ აღიოდა, „შევიღე თუ არაო?“ — ფიქრობდა.

მესამე სართულზე ბინის კარს უცხო

გვარი ეწერა. სხვა ბინის წარწერებიც შეამოწმა, მაგრამ ამაოდ. კურტ შტაინერი არსად იყო. ბოლოს ბაზრიდან მომავალ ქალს ჰკითხა, კურტ შტაინერი სად ცხოვრობსო. — დიდი ხანია აქ არ ცხოვრობსო, — უპასუხა ქალმა.

— სად გადავიდა?

ქალმა მხრები აიჩჩია. მართა უცნობ ქალს შეშინებული უყურებდა და თვალებით ეკითხებოდა. ქალმა ხელით აჩვენა, ძალიან შორს არის წასულიო.

მართა ავტობუსის გაჩერებისაკენ გაემართა. ძალიან დაიღალა და ცუდ გუნებაზე დადგა. ფიქრობდა, კურტს რომ უნდოდეს, წერილსაც მომწერდით. მხრები ჩამოეშვა, თითქოს მისი ნაღველი მხრებს აწვა მძიმე ტვირთად. ტუჩები უცახცახებდა. რაც უფრო უახლოვდებოდა ავტობუსის სოფელს, სულ უფრო და უფრო მეტ ნაცნობებს ხედავდა. გრძნობდა, რომ მას უყურებდნენ და ადგილზე უხერხულად ტოკავდა. გაიგონა, როგორ გადაულაპარაკეს ერთმანეთს:

— მარტო დადის კრებებზე.

„აი თქვენ კი ნამდვილად დაეხმარებოდით კურტ შტაინერს, უმალ ვესტაპოში გააქანებდით. — ფიქრობდა მართა. — ეჰ, სამუდამოდ კი დამეკარგა“.

ბოლო გაჩერება მართას სახლთან იყო. შინ შევიდა და კბილი კბილზე რომ არ დაეჭირა, მთელი ნაღველი ისევ წამოეშლებოდა. ძმას ბანკის ქაღალდები აჩვენა. იმას არაფერი გაეგებოდა ასეთი საქმეებისა, ამიტომაც არც საჩხუბარი ჰქონდა რაიმე, მხოლოდ ისღა წაიბურღუნა — სად იყავი ამდენ ხანსო.

უცებ მართამ გულის სიღრმეში რაღაც სიამოვნება იგრძნო. მას ჰქონდა საკუთარი რაღაც, რასაც არაფერში არ გასცვლიდა. ის, რაც მხოლოდ მას ეკუთვნოდა, ნივთი როდი იყო, ეს იყო განცდა, რომლითაც სამართლიანად ამაყობდა. ეს საიდუმლო მას ძალას მატებდა.

ემრიხების ბაღის გვერდით უპატრონო მიწა იყო. ამ მიწის ყოფილ მესაკუთრეთაგან ზოგი ომში დაიღუპა, ზოგი კიდევ ომის დროს გაიქცა შეშინებული.

საბჭომ ეს მიწა ახალმოსახლე ებერპარდ კლაინს მიაკუთვნა. ევაკუაციის დროს მას ცოლი დალუპვოდა და პატარავისა შეიღს თვითონ უვლიდა. მოღუშული დადიოდა. კლაინი მეზღე იყო, მუდამ კარგ ნაკვეთზე მუშაობდა, ამიტომ ვერ ეგუებოდა უნაყოფო მიწას. ვერც იქაური ხალხის ზნე-ჩვეულებებს შეეგუა: ისინიც ისეთივე ძუნწები იყვნენ, როგორც მათი მიწა.

ადრე უპატრონო ნაკვეთი, რომელიც ებერპარდმა დაამუშავა, ემრიხს ჰქონდა თვალში ამოღებული. ამიტომ უყურებდა ის ებერპარდს ცივად. როდესაც ებერპარდი რაიმეს ჰკითხავდა, ემრიხი ან ცალყბად უპასუხებდა, ანდა უკუღმართ რჩევას მისცემდა. ადრე კლაინს მართაც ისეთივე ეგონა, როგორიც მისიანები. გაგონილიც ჰქონდა, მართა უხეში და უკმეხიო. ერთხელ მართამ მეგობრულად ურჩია, როგორ უნდა აეჭრა პამიდორი. მეურნეობაში გლეხთა კრებაზე მართა გაუბედავად, მაგრამ მაინც გამოთქვამდა ხოლმე თავის საკმარისად ჰკვიანურ მოსაზრებებს. ებერპარდი რწმუნდებოდა, რომ მოსწონდა მართას კეთილი და მშვიდი თვალები.

მაღე მართა ებერპარდის ცოლი გახდა. ისინი მშვილად ცხოვრობდნენ. ყველაფერზე ერთი აზრი ჰქონდათ — იმაზეც, რაც სამყაროს შეეხებოდა, სამუშაოზეც და პატარა ოჯახზეც.

ერთხელ მართამ დიუსელდორფიდან კურტ შტაინერის ღია ბარათი მიიღო. კურტი სწერდა, არასოდეს დაგივიწყებო. ებერპარდმა იკითხა, ვისი წერილიაო.

— ომის დროს ხანდახან ერთმანეთს ვეხმარებოდით, — უპასუხა მართამ, შემდეგ დაუმატა, — ერთხელ მან ნამდვილი ყავა მომიტანა.

კლაინს მეტი არაფერი უკითხავს და არც მართას უთქვამს რაიმე.

თუ ვინმე დაინტერესდებოდა მართას ვინაობით, ეტყოდნენ, ემრიხის დაა, ახლა ებერპარდ კლაინის ცოლიაო.

აბა სხვა რა უნდა თქვა კაცმა, როცა მეტი არაფერი იცი?

განგონი ბუჩინიძე

ქაკ პრევერის პოეზია

ფრანგი პოეტი ჟაკ პრევერი და მეოცე საუკუნე ერთი ხნისანი არიან. პრევერი დაიბადა 1900 წელს, მდინარე მარნაზე, პარიზიდან 15 კილომეტრის დაშორებით მდებარე დაბა ნეიში. ახლა კი უპირატესად ცხოვრობს საფრანგეთის მზიან სამხრეთში, ნიცასთან ახლოს, ლამაზ პატარა ქალაქ სენ-პოლ-დე-ვანსში.

დაახლოებით 20-იანი წლებიდან პრევერი სურრეალიზმის გარკვეულ გაგლენას განიცდიდა. სურრეალიზმის ხერხების გამოყენება (როგორც, მაგალითად, „ავტომატური წერა“, ან უაზრო სიტუაციების გამოგონება) გვხვდება პრევერის ადრეულ ნაწარმოებებში. მაგრამ პრევერის ხელოვნების ჯანსაღ რეალისტურ საფუძველს, სამყაროს საგნობრივ ასოციაციურ ხილვას, ვერავითარმა სურრეალიზმმა ვერ მიაყენა ზიანი.

თავისი ადრეული ლექსების ბედისადმი ჟაკ პრევერი საკმაო უდარდებლობას იჩენდა: ზოგს ჟურნალებში („ბიფური“, „კომერსი“, „სუტი“) ათავსებდა, ზოგს კი მეგობრებს აჩუქებდა ხოლმე. და მხოლოდ მოგვიანებით გააერთიანა ისინი კრებულებში: „სიტყვები“ (1946), „ისტორიები“ (1946, თანავტორი ანდრე ვერდე), „ზღაპრები“ (1947), „სანახაობა“ (1951) და „წვიმა და ღარი“ (1955).

ჟაკ პრევერი განსაკუთრებით პოპულარული სწორედ 40-იან წლებში ხდება. პრევერის კრებულის — „სიტყვების“ გამოსვლა, კრიტიკოსთა აზრით, მნიშვნელოვანი მოვლენა იყო ფრანგულ პოეზიაში. კომპოზიტორმა ჟოზეფ კოსმამ ამ კრებულის თითქმის ყველა ლექსზე დაწერა მუსიკა. ცნობილი შანსონიე, ესტრადის მომღერლები საჯაროდ ასრულებენ მათ. პრევერის წიგნები დიდი ტირაჟით ვრცელდება, რაც იშვიათი მოვლენაა თანამედროვე ფრანგულ პოეზიაში, კრებული „სიტყვები“ კი ერთი პირველთაგანი შეიტანეს „ლივრ დე პოზის“ მასობრივ სერიისში. ამავე სერიისში გამოვიდა „სანახაობა“, „წვიმა და ღარი“.

და ბოლოს, როგორც ჩანს, პრევერის პოეტურ შემოქმედებაზე კინოში მუშაობამაც იქონია გავლენა. მან დაწერა სცენარები და დიალოგები დაახლოებით ოცდაათი ფილმისათვის. განსაკუთრებით ნაყოფიერი იყო მისი მუშაობა ცნობილ კინორეჟისორ მარსელ კარნესთან: „უცნაური დრამა“ (1937), „ნისლების სანაპირო“ (1938), „დღე იწყება“ (1939), „ქანდაკის შეილები“ (1945) და „ღამის კარები“ (1946). ალბათ, ამის შედეგი უნდა იყოს ის გარემოება, რომ პრევერის ლექსებს ვიზუალობა და გამომწვებული ფაქტურა ახასიათებს.

ფრანგული პოეზია, უფრო მეტად ვიდრე პროზა და დრამატურგია, ფორმისა და სახეების გართულების, პოეტური ხილვის კონდენსაციისა და ცხოვრებისეულ დაკვირვებათა უკიდურესი განზოგადოების გზით მიდის (ამის მშვენიერი მაგალითია სენ-ჟონ პერსი). მაგრამ ამ „მაღალი პოეზიის“ გვერდით ფრანგულ ლიტერატურაში არასდროს არ შეწყვეტილა დემოკრატიული ტრადიცია, რომელიც ბერანჟეს სახელთანაა დაკავშირებული.

ბერანჟე თავისთავს თავმდაბლურად „მომღერალს“ უწოდებდა და არა პოეტს. თავისი „სიმღერების“ მასალას იგი ყოველდღიურობიდან იღებდა: გაზაფხული და ღვინო, სიყვარული და მეგობრობა, პატიოსნება და თავისუფლება. ამასთან „მომღერალი“ თავის უშუალო მოვალეობად თვლიდა ჩარეულიყო მშობლიური ქვეყნის მიმდინარე პოლიტიკის საკითხებში. თუკი საჭიროა ჟაკ პრევერის პოეზიას რაიმე ტრადიცია მოვუნახოთ, ეს, პირველ ყოვლისა, ბერანჟეს ტრადიციაა. პრევერს არა აქვს პოეტურ ოლიმპზე ასვლისა და დაფინის გვირგვინის პრეტენზია, თავის ლექსებს იგი წერს ისე, როგორც ისაუბრებდა ქუჩაში, კაფეში, მეტროში ან კინო-თეატრიდან გამოსვლისას. ნაციონალური და საერთაშორისო პოლიტიკური ბარომეტრისადმი პრევერი არასდროს ყოფილა გულგრილი. რაც შეეხება რეაქციის შემოტევის ცდებს, იგი მისი პირდაპირი და მუდმივი მოწინააღმდეგეა.

როცა ბერანჟეს ტრადიციას ვახსენებთ, არ უნდა დაგვავიწყდეს ამ ტრადიციის სხვა ერთგული გამგრძელებლები: პარიზელი კუპლეტისტები, რომლებიც მახვილგონიერ პოეტურ-მუსიკალურ იმპროვიზაციებს ყოველდღიურ ჭირ-ვარამზე, იქვე, ხალხის წინ ქმნიან. მხოლოდ, თუ შანსონიეს ერთდღიური კუპლეტები, როგორც წესი, სერიოზული ხელოვნების გარეშე დგას, ჟაკ პრევერის პოეზიამ უთუოდ მიიღო მოქალაქეობრივი უფლებები „ლიტერატურულ რესპუბლიკაში“ ისე, რომ არ გაუწყვეტია ნათესაური კავშირი თავის ესტრადელ უმცროს ძმებთან.

რაც შეეხება ბერანჟესა და პრევერის პოეზიის საერთო ნიშნებს, უკვე ამ საერთოშიც ისახება ღრმა განსხვავება. როგორც ბერან-

ჟეს, ისე პრევერის სიმღერები პარიზის ქუჩის ღვიძლი შვილებია. მათი შექმნის დღეები საუკუნით არიან ერთმანეთისკან დაშორებული. ამ წლების მანძილზე საგრძობლად შეიცვალა პარიზის ქუჩა. და განა შეიძლება, ამ ქუჩის შვილები უცვლელი დარჩენილიყვნენ?

ბერანჟეს შემდეგ, ჟაკ პრევერამდე, ფრანგულ პოეზიაში სხვებსაც მიუმართავს „სიმღერის“ ჟანრისათვის. XIX საუკუნის დამდეგით და XX საუკუნით რომ შემოვიფარგლოთ, შეიძლება დავასახელოთ ჟან რიშპენი, ჟან რიკტუსი, პოლ ფორი, ლაფორგი, პიერ მაკორლანი, გიომ აპოლინერი, ფრანსის კარკო. მაგრამ სამართლიანად აღნიშნავს ფრანგული კრიტიკა, რომ ჩვენს საუკუნეში სწორედ ჟაკ პრევერია ყველაზე საინტერესო და დამახასიათებელი წარმომადგენელი ამ ნაკადისა.

პრევერის პოეზია გაცხდა საფრანგეთის ფარგლებს. ამის ერთ-ერთი დადასტურებაა 1963 წელს ლონდონში გამოცემული „თანამედროვე მსოფლიო ლიტერატურის მოკლე ენციკლოპედიაში“ მოთავსებული საკმაოდ ვრცელი სტატია მის შემოქმედებაზე. აქაც აღნიშნულია, რომ პრევერის ლექსთა კრებულები სწორედ მაშინ ვრცელდება დიდი ტირაჟებით, როდესაც „პოეზია სულ უფრო ძნელად გასაგები და პერმეტიული ხდება“. წერილის ავტორი კრიტიკის საერთო თვალსაზრისს იზიარებს, როცა ხედავს მჭიდრო შინაგან კავშირს პრევერის პოეზიასა და „შანსონიეების“ ხელოვნებას შორის. ამ გარემოებას, მისი თქმით, ისიც უწყობს ხელს, რომ საფრანგეთში დღესაც ცოცხალია მუზეიკ-პოლის ტრადიციები, მაშინ როდესაც ინგლისურად მოლაპარაკე ქვეყნებში ისინი ან უკვე გაქრნენ ან მოსპობის გზაზეა. ფრანგი შანსონიების ლექსებს კი შუა ადგილი უკავიათ „სოციალურ სატირასა და გრძობების“ გადმოცემას შორის. პრევერის პოეზიაში ხალხური საწყისების გვერდით სტატიის ავტორი ხედავს აგრეთვე გერმანული რომანტიზმის შორეულ გავლენას. ჟაკ პრევერის შემოქმედების დამახასიათებელ თვისებებადაა მიჩნეული: „არა-კონფორმიზმი“, „სკეპტიციზმი“, „ანტიკლერიკალიზმი“, „სპონტანური უპატივისცემლობა“ რი-

ტორიკისა და ხელისუფლების მიმართ. სო-
ლო თავისი ნაწერების მატერიალისტური
სულისკვეთებით ჟაკ პრევერი განაგრძობს
უნე დეკარტის მიერ დასახულ „ფრანგუ-
ლი ცივილიზაციის რადიკალურ ინტელექ-
ტუალურ ტრადიციას“.

პრევერის „სიტყვებიდან“ რჩეული ლექ-
სები თარგმან ინგლისურად ლოურენს ფერ-
ლინგეტიმ და ცალკე წიგნად გამოსცა სან-
ფრანცისკოში 1958 წელს. რუსულად მ. კუ-
დინოვის თარგმანით და მიხეილ სვეტლო-
ვის პოეტური წინასიტყვაობით პრევერის
ლექსთა კრებული 1960 წელს გამოვიდა. სა-
თანადო ადგილი ეთმობა ჟაკ პრევერის პოე-
ზიის ანალიზს 1963 წელს მოსკოვში დას-
ჯამბულ „ფრანგული ლიტერატურის ისტო-
რიის“ მეოთხე ტომში და 1964 წელს გამო-
ცემულ წერილთა კრებულში „საფრანგეთის
წიგნები“.

„სიტყვები“ — ასეთი სათაური მისცა
არევერმა თავის ყველაზე პოპულარულ პოე-
ტურ კრებულს. სიტყვა მისი ლექსების გა-
საღებია: იგი არა მარტო სამშენებლო მა-
სალაა, არამედ მრჩეველიც. რომელიმე სი-
ტყვით გატაცებული პოეტი ჯერ კიდევ ვერ
ხედავს იმ გაუთვალისწინებელ ასოციაციებს,
რომლებსაც ეს სიტყვა გამოიწვევს. მკითხ-
ველიც ამ ასოციაციებით მუდამ გაოცებული
რჩება და იქნებ ეს გაოცებაა ის ძირითა-
დი და განუმეორებელი გრძობა, რასაც ჩვენ
კანვიცდით პრევერის ლექსების კითხვისას.

ზოგჯერ პრევერი ერთ სიტყვას ანიჭებს
განსაკუთრებულ ყურადღებას, აქცევს მას
სხვა სიტყვების რიგში, ამჟღავნებს თუ რა
შესაძლებლობა აქვთ მას სხვა სიტყვებთან
ერთიერთობაში. ასეა, მაგალითად, ლექსში
„კურკების დრო“, სადაც ექვსი სტრიქონი
ზედიზედ სიტყვით „უკან“ იწყება. ამ ლექს-
ში, რომელიც ანტიმილიტარისტული აზრე-
ბითა და გრძობებითაა აღსავსე, ეს სიტყვა
თითქოს აგვირგვინებს ლექსის მთლიან სა-
იერიშო მარსს და ყოველი ახალი გან-
მეორებით თავის დიპაზონს აფართოებს,
ღრმად სუნთქავს.

ზოგ ლექსში სტრიქონები თითქოს ერთ
სიტყვაზეა ასხმული, ამ სიტყვას მისდევნ,
ემსახურებიან. ეს იმიტომ ხდება, რომ სიტ-
ყვაზეა გადატანილი ნაწარმოების აზრობ-

რივი და მხატვრული აქცენტი. ასეა ლექსში
„რივიერა“: მოხუცებული, ცხოვრება მოყო-
ბებული ბარონესა კრენი, „კბილების კარი-
ზის დედოფალი“, წამოწოლილა შეშლონ-
ზე, გამვლელ-გამომვლელნი მლიქნელუ-
რად სალამს აძლევენ მას. „შეშლონზე წა-
მოწოლილი“ — ასე იწყება ლექსი, და ეს
დეტალი აძლევს ბიძგს მთელ ლექსს.
„შეშლონი“ სიტყვა-სიტყვით თარგმანით
„გრძელ სკამს“ ნიშნავს, და ეს ეპითეტი,
„გრძელი“, პოეტს გათამაშებული აქვს: ბა-
რონესა „გრძელია“, იგი „შეშლონზე უფ-
რო გრძელია“ და სხვ. პირველი შეხედვით,
აქ თითქოს ასოციაციათა შემთხვევითი წყე-
ბაა. მიუხედავად ამისა, იგი მიზანს აღწევს:
მოცემულია მდიდარი მოხუცი ქალის სატი-
რული ჩანახატი ყოველგვარი სწორსაზოვ-
ნებისა და ყურადღების გამფანტველი დე-
ტალიზაციის გარეშე. ასე იქმნება პრევერი-
სეული სიტყვათა თამაში. მოულოდნელ ომო-
ნიშივე აგებული პრევერის ასეთი ლექსები
არც თუ ისე იოლად ითარგმნება სხვა ენებ-
ზე.

მაგრამ, პრევერი დაუღალავი ოსტატია,
იგი არ ისვენებს, თუმცა სიტყვა ასოციაცია-
თა რკალში მოაქცია. პოეტს სურს თვითონ
სიტყვას მისცეს ახალი მნიშვნელობა. ამი-
სათვის ზოგჯერ საკმარისია სიტყვაში ერთი
ასოციაცივალის და მაშინ „კრემი“ გადა-
იქცევა „კრიმ“-ად, ესე იგი „დანაშაულად“.

ბგერათა თამაშით გატაცებული პრევერი
არ ივიწყებს აზრს, იუმორს, ზოგჯერ სატი-
რასაც კი. სწორედ ეს გარემოება ანიჭებს
პოეტურ მომხიბვლელობას და ძნელად შე-
სამჩნევ სატირულ „პილპილს“ ისეთ ვირ-
ტუოზულ ინსტრუმენტალურ ნაწარმოებს,
როგორცაა ლექსი „ადმირალი ლარინა“.

ჟაკ პრევერის ლექსი არ იცავს ფრანგუ-
ლი ვერსიფიკაციის მიერ გამოთქმულ
კლასიკურ ნორმებს. ჩვენ ვერ ვნახავთ მის
კრებულში, როგორც ლუი არაგონის პოე-
ზიაში, ახლებურად გააზრებულ ალექსანდ-
რიულ ლექსს. რითმთან სტრიქონებს ცვლიან
ურითმოები, რითმა სტრიქონის ბოლოში —
შინაგან რითმას, ზოგჯერ რითმის ნაცვლად
ასონანსია, ცალკეული სტრიქონი ზოგჯერ
გადაიზრდება სოლმე რიტმული (ან არიტ-
მული) პროზის მთელ პასაჟად. პრევერი,

ისე როგორც მრავალი სხვა ფრანგი პოეტი, აპოლინერის მიერ შემოღებული უპუნქტუაციო ლექსთა წყობას მისდევს. მაგრამ პრევერის ლექსებში ყველაფერი ისე მკაფიო, გარკვეული და შინაგანად დასრულებულია, რომ ამ გარემოებას არც კი გრძნობთ, გვიჩვენებთ, რომ პუნქტუაცია უფრო შეანელებს და დაამძიმებს პოეტური ტექსტის აღქმას (ასეთივე შეგრძნება გრძნობათ აპოლინერის ლექსისაგან „მირაბოს ხიდი“), მაგრამ არ არსებობს წესი გამონაკლისის გარეშე: ერთი სასვენი ნიშანი, წერტილი, პრევერთანაც უფლებამოსილია. როცა პოეტი ლექსში „კურკების დრო“ სასვენი ნიშნების სიტყვიერ ტრანსკრიფციას იძლევა, ეს კომიკურ ფეჟეტს ახდენს, რადგან მეზავრის გადამეტებული თავაზიანობის ირონიული დახასიათებისათვისაა მოცემული: „როცა კეთილი ღიმილით მეტროპოლიტენში თავაზიანად გვეკითხებოდით, ორწერტილი, გახსენით ბრჭყალები ჩამოხვალთ შემდეგ გაჩერებაზე“.

ლექსის თავისუფალი აღნაგობა პრევერთან შინაგანად დაკავშირებულია მისი პოეზიის ძირითად თავისებურებასთან — სასაუბრო ენასთან. ეს სტილიზაცია როდია. პრევერის ლექსი — საუბრის ფიქსაციაა, მაგრამ არა სტენოგრაფია. უბრალო და შეუღამაზებელი საუბრის შთაბეჭდილების მოსახდენად, იმისათვის, რომ რიგითმა მკითხველმა შეიგრძნოს ლექსის შემოქმედების ძალა, პრევერს ჩვეულებრივ სასაუბრო ენის კონსტრუქციაში შეუმჩნევლად შეაქვს პოეტური ხერხები, რაც, ცხადია, „რეალურ“ საუბარში არა გვხვდება.

ზოგი კრიტიკოსი არ ითვალისწინებს ამ მომენტს და პრევერის მთელი შემოქმედება ჩვეულებრივ საუბრამდე დაჰყავს და ეჭვს გამოთქვამს, საერთოდ პოეზია თუ არის, რასაც პრევერი წერსო. შენიღბული სახით ამ აზრს ადგას ცნობილი ფრანგი კრიტიკოსი გაეტან პიკონი. „მიშო და პრევერი, — წერს იგი, — წარმოადგენენ პოეზიას, მისი ყველაზე თანამედროვე გაგებით, ესე იგი, თუ როგორი შეიძლება ჯერ კიდევ იყოს პოეზია, როცა მისი არსებობა აღარ სწამთ“.

ჟაკ პრევერს სიტყვის მდიდარი მარაგი აქვს. მის ლექსებში ხშირია ანდაზების, თქმულებების, აფორიზმების რემინისცენცი-

ები, არგოტიზმები და უწმაწური სიტყვიერება. პრევერის ნაწარმოებთა მდიდარი იდიომატიკაში მკაფიოდ ცემს ნაცნობი მსოფლშეგრძნების პულსი. პრევერის ლექსში ბევრ რამეს შეუძლია შეატყუოს გულაზიზი მკითხველი. ეს იმიტომ, რომ უხილავი ძაფებით, იქნებ შეუცნობლად, ჟაკ პრევერის პოეზია რაბლეს უტყვემონი და ხორციელ გენიასთანაა დაკავშირებული. და ის გასაჭირი, რასაც დღემდე განიცდიან მთარგმნელები მედანის კიურეს „უწმაწურობათა“ თარგმნის დროს და რომელთაც ისინი მეტნაკლებად მორცხვად გვერდს უვლიან, პრევერთანაც არსებობს: ასეთი „უწმაწურობანი“ განსაზღვრული დოზით პრევერის სასაუბრო ლექსიკისათვისაცაა დამახასიათებელი.

პრევერი ლექსს ხშირად ისე აგებს, რომ ზმნას არ იყენებს. მაგალითად, ასეა დაწერილი ექვსსტრიქონიანი ლექსი „საუცხოო დრო“. ასეთივე ხერხია გამოყენებული ლექსში „ალიკანტი“, სადაც ქალ-ვაჟის სიყვარული გადმოცემულია ბედნიერების მეტყველი მოწმეების, გარემომცველი საგნების აღქმით. ლექსს „პირველი დღე“ პოეტი ისე აგებს ზმნის გარეშე, რომ გარემომცველი ნივთების საშუალებით გადმოსცემს ახლად დაბადებულის პირველი ყვირილით აღძრულ შიშსა და სისწარულს. ეს მიღწეულია გარეგანი დეტალების ერთმანეთზე დალაგებით. არც ერთი ბუნდოვანი სახე, უფრო მეტიც, არც ერთი მხატვრული სახე, მხოლოდ კონკრეტული რეალები, რომლებიც გამოსახვის შინაგანი კანონზომიერებით ერთიან ერთიმეორეს: კარადა, საწოლი, დედა, ტკივილი. დერეფანი, სახლი, ქალაქი, ღამე, ყვირილი. სიცოცხლე — ასე შეიძლება გავაშიშვლოთ პრევერის ამ ლექსის დერძი, პრევერის მთელი პოეზიის დერძი: კონკრეტულ-ნივთობრივი და ანტი-ემფატიკური.

როგორც ვხედავთ, გრძნობის გადმოსაცემად პრევერი არ მიმართავს ემოციურობას. პოეტი წარმოგვიდგენს რამდენიმე ნივთს. საგანს; ეს ორიენტირია, რომლის მიხედვითაც მკითხველმა უნდა აღადგინოს, რაც ამ საგნებს ასულდგმულებს, აერთიანებს. პრევერის ლექსები — ესაა ასოციაციების კვანძი და მონტაჟის ელემენტები. ერთ შემთ-

ხვევაში წინა პლანზეა პირველი, მეორე შემთხვევაში, როგორც ზემოთ განხილულ ლექსებში, — მეორე. საერთო ჯამში ასოციაციების კვანძი უფრო სჭარბობს.

როცა საუბარია ვან გოგის ცხოვრებასა და ხელოვნებაზე, აქ უკვე უარყოფილია ყოველგვარი მონტაჟი, რაც შეეხება ასოციაციებს, ისინი ერთი ფერის, წითელი ფერის, ირგვლივ ტრიალებენ. ეს არის მხატვრის დაუსტრომელი, მოუსვენარი სისხლის ფერი, რომელიც ასე ჭარბადაა მოცემული მის ტილოზე „არლის წითელი ვენახი“. და პრევერს ლექსით, რომელიც ვიიონის გოდებასავითაა დასათარებელი („ვენსანის ჩივილი“), გადაყვავართ სამხრეთულ ქალაქ არლში, იმ არლში, სადაც მზე „დმუილით წრეზე მოიქცევა“. ერთმანეთზე მოწოლილი ფერებით ხატავს პრევერი მხატვრის, ამ „ფოსფორისა და სისხლის ადამიანის“, სახეს. ჭეჭა-ქუხილი ქალაქის თავზე, ეს „ვენსანის გენიის დამაბრმავებელი ჭეჭა-ქუხილია“. ამ ლექსის გავარგარებულ სტრიქონებში მწვავე ტკივილია და მხურვალე სიხარული.

მე-18 საუკუნიდან, საფრანგეთში „ბუნების კულტის“ გაფურჩქვნის დროიდან, „ბუნების შეგრძობამ“ ცვლილება განიცადა და ჟან-ჟაკ რუსოს ემოციურმა პეისაჟმა ადგილი დაუთმო პრევერისეულ თავშეკავებულსა და მშრალ სტრიქონს. ლექსში „შემოდგომა“ ყველაფერი მოცემულია ერთი ამბის პრიზმაში. ხეივნის შუა ადგილას დაღლილობისაგან ცხენი დაეცა. ხეებიდან მთრთოლვარე ფოთლები ცვივა და ფოთლების ეს თრთოლვა გადაეცემა მზეს. ასე ხატავს პრევერი შემოდგომას...

პრევერი ლირიკული მინიატურების ოსტატია. როგორც მცირე ნოველას, ამ მინიატურებსაც აქვთ თავიანთი უპრეტენზიო მცირე სიუჟეტი ან რამდენიმე დეტალით მოხაზული დამახასიათებელი სიტუაცია, თავისი განწყობილებით, პატარა მხატვრული სამყაროთი, როგორც ლექსში „Paris at night“.

მაგრამ ყველას მიმართ როდია პარიზი გულთბილი და ალერსიანი. პოეტი გვიხატავს კონკორდის მოედანზე, მშვიერ-მწყურვალი, მარტოდმარტო დარჩენილი ქალის

სილუეტს. მწარე ირონია ისმის მოედნის სახელწოდებაში (კონკორდი ხომ თანხმობას ნიშნავს!), სიცივე აკანკალებს სამხედრო არსებას ავეისტოს პაპანაქებაში. იქნებ მას სიყვარულის ალი გაათობოს? მაგრამ სადაა იგი?

სიყვარულს პოეტი თავის ლექსების ყველაზე მწველსა და ფიქრმორეულ სტრიქონებს უძღვნის. სატრფოსათვის ყიდულობს პოეტი ჩიტებს, ყვავილებს და... ბორკილს. მაგრამ სიყვარული და ბორკილი? ლექსის „მე ისეთი ვარ, როგორცა ვარ“ გმირი ეშმაკურად დასცინის ობიგატელს: „მე ის მიყვარს, ვისაც ვუყვარვარ და განა ჩემი ბრალია, რომ ყოველთვის ერთი და იგივე არ მიყვარს?“.

სხვა ლექსებში პრევერი ცდილობს გაიხაროს, რას ნიშნავს სიყვარული მის ცხოვრებაში, საერთოდ, ადამიანის ცხოვრებაში. ლექსში „ჩემს სახლში“ სიყვარული უსაზღვრო სიხარულია, დიდი ამბის შეუცნობელი მოლოდინია.

რომანტიზმი, როგორც ლიტერატურული მიმდინარეობა, განსაზღვრულ ეპოქასთანაა დაკავშირებული. მაგრამ რომანტიკული განწყობილება იდუმალის, შეუცნობელის, უცნაურისა და შეუბოჭავი ოცნებების სამყაროთი არსებობდა რომანტიზმამდე და, ალბათ, კიდევ იარსებებს დიდხანს, სანამ არსებობს სიყვარული.

ასეა ამ ლექსშიც. ლირიკული გმირი სატრფოს ელოდება „თავის სახლში“. მაგრამ, ჯერ ერთი, ეს არაა მისი სახლი, ამ სახლში ის შემთხვევითაა შესული და რატომღაც აქ ელოდება მას. მეორე, პოეტს არასდროს თვალთვალ არ უნახავს თავისი სატრფო. მიუხედავად ამისა, გვჯერა, რომ ეს სახლი არსებობს და უცნაური სატრფო მოვა. ლექსის ლირიკული გმირის ლოდინი ორი ფერით, თეთრი და წითელი ფერითაა შედგენილი. რატომ? იმიტომ, რომ „არავინაა სახლში, მხოლოდ წითელი წიწაკაა ჩამოკიდებული თეთრ კედელზე“.

სხვა ვინმე იქნებ გვერდს აუვლიდა ამას, მაგრამ შეყვარებულისათვის ეს მხოლოდ ნატურმორტი როდია, იგი საიდუმლო დაპირებაა, რომელიც მისი მოსვლისთანავე გაცოცხლდება: „და როცა შენ შემოხვალ ჩემს“

სახლში, ტანისამოსს გაიხდი, და უძრავი, შიშველი დადგები ჩემს წინაშე, შენი წითელი ტურები იქნება, როგორც თეთრ კედელზე ჩამოკიდებული წითელი წიწაკა“.

მინც რა არის სიყვარული? დევნილი, დაჭრილი, გათელილი, მივიწყებული იგი ხელახლა აღსდგება, რადგან „იგი ყოველთვის ახალია და არ გამოცვლილა“. ადამიანს შეუძლია დაგივიწყოს, მიმართავს პოეტი სიყვარულს, მაგრამ ჩვენ ნუ დაგავიწყდებით: „მესხიერების ტყეში უეცრად მოგვეკლინე, ხელი გამოგვიწოდე და გადაგვარჩინე“. სიყვარული მხსნელია, ის თვით ცხოვრებაა — ამბობს პოეტი ლექსში „სიმღერა“. ლექსში „მონსურის ბაღი“ პოეტი ჩივის, რომ მრავალი ასი და ათასი წელიწადი არ ეყოფა მას იმ „მარადიული წუთის“ გადმოსაცემად, როცა სატროფი კოცნა აჩუქა. „მონსურის პარკში, პარიზში, დედამიწაზე, იმ დედამიწაზე, რომელიც ვარსკვლავია“.

ჟაკ პრევერის ერთ-ერთი წამყვანი და სიყვარულით დამუშავებული თემაა — საბავშვო თემა, უფრო სწორად, მოსწავლეობის თემა. მერხთან მჯდომი მოზარდის სახით პოეტს ხიბლავს თუ მემამბოხე არა, ყოველ შემთხვევაში დაუმორჩილებელი, ცელქი მოსწავლე, რომელიც ვერ თავსდება ყოფაქცევის მოცემულ ნორმებში. სიტყვათა გამოთქმეულ თამაშზეა აგებული ლექსში „L' accent grave“ მასწავლებლისა და მოწაფის დიალოგი. ლექსში „ზარმაცი“ მოწაფე მშრალი ცოდნის წინააღმდეგია. ერთი შტრიხით პრევერი გვიხატავს უძლურ მასწავლებელს, რომელმაც ვერ შესძლო „ვეუნდერკინდის“ სკულის ანთება. ლექსში მოცემული ანტითეზა სიმბოლურ, ფერადოვან ამოხსნას პოულობს: თუ დაფის შავი ფერი პოეტს უბედურების ფერად ერვენება, სამაგიეროდ, ბედნიერების დასახატავად მოსწავლეს ნაინანიერი ფერის ცარცი სჭირდება.

ართიმეტიკის გაკვეთილია: ოთხი პლუს ოთხი რვაა, რვა პლუს რვა თექვსმეტს უდრის... „გაიმეორეთ“ ყვირის მასწავლებელი. რა მოსაწყენია. მაგრამ, აგერ ერთ დამწუხრებულ ბავშვს ჯადოსნური ფრინველი ეწვია და ხდება საოცარი ამბავი: ციფრები გაფ-

რენილან, კლასის კედლები ინგრევა, ფანჯრის მინა ქვიშად იქცევა, მელანის მაგიურ წყალი გაჩნდება, მერხები ხეებად იქცევა და კალმისტარი ჩიტად. ეს იმას ნიშნავს, რომ საფრანგეთის ერთ-ერთ საშუალო სკოლას ჟაკ პრევერის მაგიური კვერთხი შეეხო.

ასეთი არაჩვეულებრივი მეტამორფოზა მარტო ართიმეტიკის გაკვეთილზე როდი ხდება. უცნაურობის, ფანტასტიკურის ელემენტები გულუბრყვილოდ და ბუნებრივად თავსდებიან პრევერის მრავალ ლექსში. გულქვა და მხდალ ადამიანებს შორის თავისი ბედკრული ცხოვრების ისტორიას გვიყვება ცხენი. სხვა დროს პოეტი ყურს მოჰკრავს და ჩაიწერს ლოკოკინების სიმღერას, რომელნიც მიდიან... ხის ფოთლის დაკრძალვაზე! ლექსში „ამბები“ მოკლული კაცი წამოდგება და აცხადებს, რომ მას მოზურადა სიკვდილი, მკვლეელი კი მიაწოდებს სიგარეტს და ეტყვის: „მოსწიე, გაგათბობს“.

მეტად უჩვეულოდ მოჩანს ჟაკ პრევერთან მრავალი შედარება: „მისი ყური ჩამოვარდება, როგორც ძველი კრამიტი სასურავიდან“. მოულოდნელია ეპითეტები: „ფერმკრთალი მუსიკა“, „წერილმანი ყვავილი“, „გაკვეთილი და ფრთებმოკლებული მესხიერება“; სახეები: „სიბრალულის ტუჭი“, „წარსულის ჭაობები“... პრევერის ერთ-ერთი საყვარელი ხერხია ორი მეზობელი სიტყვის მიმართ განსაზღვრების გადანაცვლება: „დრო დადგა თმის ომნიბუსებისათვის, დრო დადგა ცხენიან სარჭისათვის“. ამ ხერხზეა აგებული ლექსი „კორტეჟი“, სადაც გვხვდება ასეთი სტრიქონები: „ოქროს მოხუცი, რომელსაც აქვს მგლოვიარე საათი“, „ქაშანურის პროფესორი ფილოსოფიის შემკეთებელი“, „იხვი წმ. ელენეს კუნძულზე ნაპოლეონი ფორთოხლის წვენი“, „მცველი სამოთრაკის გამარჯვებით სასაფლაოსი“...

თითქმის ყველა ლექსში პრევერი სოციალურია. სახეებით მართალი იყო განსვენებული მიხეილ სვეტლოვი, როცა წერდა: „ზოგ პოეტთან სოციალურობა მოსაბეზრებელია. მათ ლექსებს უფრო ვგებულობთ, ვიდრე ვვრძობთ. ჟაკ პრევერი სოციალურია ამ სიტყვის საუკეთესო მნიშვნელობით“.

როგორც ჭეშმარიტ პოეტს, საზოგადოებრივად მნიშვნელოვანი ლექსები პრევერს მოცემული აქვს პირადულ, ლირიკულ პლანში. როცა პრევერი ლაპარაკობს მუშებზე, მშრომელებზე, ლექსში ისმის მრავალი ათასის ნაიჯის ხმა, გამორჩენის და საქმოსნობის სამყაროს პირისპირ დგანან ისინი, ვინც ცუდ ხორცსა სჭამს; ავსებს ბოთლებს, რომ სხვებმა დაცალონ; ატარებს არდადეგებს ქარხანაში; თავის ფილტვებს გადმოაფურთხებს მეტროში; ვისთვისაც ყოველდღიური პური გადაიქცა ყოველკვირეულად; ვისაც არ უნახავს ზღვა და ვინც ყველაზე ადრე ბერდება... პოეტს აღებული აქვს სწორი ტონი: არც მტრალა და არც მყვარალა. არ ხმარობს უადგილო პოეტურ სამკაულებს, მაგრამ ამავე დროს ადვილად გასაგები და ყველასათვის მისაწვდომი რომ იყოს, პოეტი არ გასწირავს პოეტურობას, იგი თავისი მახვილი თვალით თანაბრად ხედავს პურს, ზღვას და კბილის ტკივილს.

ნაღვლიანი და მხიარული, უსიხარულო და იმედიანი, სახუმარო და სერიოზული, ნივთობრივი და ფანტასტიკური, ულამაზო და ლირიკული სურათები წარსდგებიან ჟაკ პრევერის პოეზიის ობიექტივის წინაშე. ამ დიდი პლანით გადაღებულ სურათებში, სადაც პატარა ლოკოკინას ან ფორთხხალს ძალუძთ მთელი ევრანი დაიკავონ, არის ერთი გამაერთიანებელი ელემენტი. ეს არის ფრინველი, რომელიც ერთი ლექსიდან მეორეში გადადის. ხან როგორც ვარეშე მეთვალყურე, ხან როგორც პოეტის alter ego, ზოგჯერ როგორც მოქმედი პირი. ფრინველი პრევერთან ერთსა და იმავე დროს სიმბოლოცაა და სრულიად კონკრეტული ცოცხალი არსებაც.

ლექსში „ფრინველთა ნება-სურვილით“ პოეტი ნაწილს, რომ გვიან შეუყვარდა ფრინველები. ფრინველი მისთვის მაგალითია:

მაგალითი ფრინველთა
 მაგალითია ბუმბული, ფრთები, გაფრენა
 ფრინველთა
 მაგალითია ბუდე, მოგზაურობა და სიმღერა
 ფრინველთა

მაგალითია სილამაზე ფრინველთა
 მაგალითია გული ფრინველთა
 შუქი ფრინველთა.



ფრინველი როგორც გულისხმიერების, სისუფთავისა და ალტრუიზმის განსახიერება უცვლელია პოეტის ლირიკული აღსარების ყველაზე ინტიმურ მომენტში.

და ბოლოს, ფრინველი განყენებული აღნიშნა იმ განთავისუფლებისა ყოველდღიური, ყოფაცხოვრებითი, სოციალური და სხვა ბორკილებისაგან, რაც კონკრეტული სახეებით გაფანტულია ლექსებში, მოსწავლეთა ცხოვრებაზე, სტრიქონებში მუშების შესახებ, სიყვარულზე ფიქრში. ლექსში „თავისუფალი კვარტალი“ სამხედრო მოსამსახურე თავის „კეპს“ ჩადებს გალიაში, ფრინველს კი თავზე წამოსიკუპებს და ფრინველი ათავისუფლებს მას გამგულ-გამომგული ოფიცრებისათვის სამხედრო საღმის მიცემისაგან. თავისუფალ ადამიანად დადის იგი თავზე წამოსიკუპული ფრინველით „თავისუფალ კვარტალში“. სწორედ ეს „თავისუფალი კვარტალი“ პოეტის თავისებური ტელემის საგანვა, ადამიანის უსაზღვრო თავისუფლების კუთხე, რომელიც ოცნებითაა შექმნილი. ეს არის ფრინველის უმაღლესი დანიშნულება ჟაკ პრევერის პოეზიაში.

ლექსში „მისალმება ფრინველებს“ პრევერი ადგენს იმ ფრინველების გრძელ სიას, რომელთაც მიესალმება. მათგან ოთხი მისალმებაა დამახასიათებელი პრევერის პოეზიისათვის:

ფრინველი თავისუფალი
 ფრინველი თანასწორი
 ფრინველი ძმური
 ფრინველი ბუნებრივი ბედნიერებისა...

ეს ოთხი ამოსავალი წერტილი ჟაკ პრევერის პოეზიის ადამიანურობის საწინდარია. ამასთან ერთად ნივთებზე პოეტის შეხედულების ოპტიმისტური დომინანტია. თუმცა მის ხერხებს რომ მივყოლოდით ეს ოპტიმიზმი შეგვეძლო მარცვალ-მარცვალ წაგვეკითხა პოეტის გვარში: pré vert, ესე იგი მწვანე მინდორი.



სუფიზისა და აღმოსავლური ლირიკის ერთი საკითხი

თითქმის ყველა დროის აღმოსავლელი პოეტის შემოქმედებაში სიყვარულის პრობლემა წარმოადგენდა ქვაკუთხედს, რომელზედაც იგებოდა მწერლის შემქმენებელი ხელება. ამ საკითხისადმი ცხოველი ინტერესი ოდითგანვე არსებობდა და გადაეცემოდა თაობიდან თაობას.

სიყვარულმა და მისმა პოეტურმა წარმოსახვამ აღმოსავლეთში მალე დაკარგა ინდივიდუალურ-სუბიექტური გაგება. სიყვარულს უკვე განიხილავდნენ არა როგორც ჩვეულებრივ ადამიანურ გრძნობას, ცალკეული პიროვნების განცდებთან დაკავშირებულ ფსიქოლოგიურ მოვლენას და ბრმა ფიზიკურ მოთხოვნილებას, არამედ როგორც საზოგადოებრივი ყოფის აუცილებელ და სავალდებულო პირობას. სიყვარულის ასეთმა გაგებამ წარმოშვა სიყვარულის საზოგადოებრივი ინსტიტუტი, რომელმაც მიჯნურთა ურთიერთდამოკიდებულების გარკვეული წესები შეიმუშავა და ამ ურთიერთობათა გადმოცემის გამოკვეთილი სახეები და ფორმები შექმნა. ეს ინსტიტუტი არაბულ ნიადაგზე აღმოცენდა, მაგრამ მალე გავრცელდა სპარსულ და თურქულ საზოგადოებრივ ცხოვრებაში, შეივსო ზოგიერთი ადგილობრივი ტრადიციული ნიუანსით და მახლობელი აღმოსავლეთის მასშტაბით არსებობის უფლე-

ბა მოიპოვა. სიყვარულის საზოგადოებრივ ინსტიტუტში შემუშავებული კოდექსები საუკუნეების განმავლობაში მოქმედებდა და აღმოსავლელ პოეტთა ლირიკული გრძნობების განვითარებას თავის მარწუხებში აქცევდა. აღმოსავლური ლირიკის შესწავლის დროს აგრეთვე უეჭველად ყურადსაღებია ერთი მეტად მნიშვნელოვანი მომენტი: აღმოსავლეთის ყოფითი თუ პოეტური აზროვნების სფეროში სუფიზმის წარმოშობა და გაბატონება.

სუფიზში მისტიკურ-ფილოსოფიური მიმდინარეობაა, ფართოდ გავრცელებული აღმოსავლეთში. იგი ცალკეულ საკითხთა გააზრებით ენათესავენ ნეოპლატონიზმს, ბუდიზმს და ზოგ სხვა კლასიკურ ფილოსოფიურ მიმდინარეობას. სუფიზმის მსოფლმხედველობის არსი პანთეიზმით იკვებება. სუფიების აზრით, ყოველივე არსებული აბსოლუტური ჭეშმარიტების გამოჩინების გზითაა შექმნილი.

სუფიზმმა, რომლის მსოფლმხედველობის დერძს სიყვარული წარმოადგენს, საშუალო საუკუნეებში აღმოსავლეთის შემოქმედებითი აზრი მოიცვა და მთელი სიცხადით იჩინა თავი პოეზიაში, კერძოდ კი — ლირიკაში, მაგრამ გარეგნულად სიყვარულის სამეფოში რევოლუცია არ მოუხდენია. იგი სავ-

სებით შეეგუა სიყვარულის ინსტიტუტში არსებულ წესებსა და პოეტურ აზროვნებას, ოღონდ სიყვარულის არსის გააზრების ხაზი ევოლუციურად განავითარა და ახალ გაკეზამდე აიყვანა. ამან კი უკვე არსებულ პოეტურ აზროვნებას ახალი ქვეტექსტური ბუნება მიანიჭა.

მას შემდეგ, რაც სუფიზმმა, რომლის სიყვარულის დედააზრი აბსოლუტური მშვენიერების (ღმერთის) შემეცნებაა, პოეტურ აზროვნებაში არსებობის უფლება მოიპოვა, საკითხი ასე დგას: აღმოსავლური ლირიკა რეალურია თუ მისტიკური, მისი სწრაფვისა და აღქმის ობიექტი ადამიანია თუ ღმერთი და, ბოლოს, მასში ასახული სიყვარული ადამიანურია თუ აბსტრაქტული?

ამ ამოცანის გადაჭრა ანტიტრესებდათ აღმოსავლელ თეოლოგებს და თეოქერეგებს. მის გადაწყვეტას ლამობდნენ დასავლეთის თუ საბჭოთა ორიენტალისტები. ეს პრობლემა დღესაც ყურადღების ცენტრშია. იგი მეტად რთულია და ე. ბერტელსის თქმით, „თითქმის შეუძლებელია, რომ საბოლოოდ როდისმე გადაწყდეს“. ამ „გადაუწყვეტლობის“ მიზეზი, უპირველეს ყოვლისა, იმით უნდა ავსნათ, რომ სიყვარულის საზოგადოებრივ ინსტიტუტში შემუშავებული წესების მიხედვით წერდა როგორც სუფი, ანუ არასუფი პოეტი და მათ გრძნობათა გადმოცემას არავითარი ნიშანდობლივი სპეციფიკურობა არ ახლავს. მეორეც, ამ პერაოდის თითქმის ყველა აღმოსავლელი პოეტის ცხოვრების შესახებ ძალზე ცოტა რამ ვიცით, და რომ ვიცოდეთ კიდევ, ხელშესახებს და მნიშვნელოვანს არაფერს მოგვცემს, რადგან საშუალო საუკუნეების აღმოსავლური სუფიური ლირიკა საესებით უკულებელყოფს მწერლის ბიოგრაფიას, რომელიც დაგვეზარებოდა დადგენაში: როდის იხრება პოეტი რეალური და როდის მისტიკური საწყისებისაკენ.

ამგვარად, თითქმის შეუძლებელია დადგინდეს ობიექტური კრიტერიუმი, რომლის მიხედვითაც გაიმიჯნება საშუალო საუკუნეების მისტიკური და „რეალური“ ლირიკა. მრავალი გენიოსი აღმოსავლელი პოეტის შემოქმედებას ხან ერთ სიბრტყეზე განიხილავდნენ, ხან — მეორეზე. მაგრამ კვლევის ასე-

თი მეთოდი ტენდენციურია და უმართებულოდ ასახავს ობიექტურ სინამდვილეს.

ჩვენი აზრით, საშუალო საუკუნეებში (XIV-XVI სს.) დივანის ლიტერატურაში ასახული „რეალური“ ლირიკაც, თუ გნებავთ, სუფიზმის რადიკალურად საწინააღმდეგო ნიადაგზე აღმოცენებული, არარეალურია და თითქმის საესებით დაცლილია ჩვეულებრივი, ბუნებრივი, ადამიანური გრძნობისაგან. ამ პერიოდის სიყვარულის გაკების თეორიაც მოწყვეტილია ყოველდღიურ რეალურ ცხოვრებას და ამქვეყნიურობისაგან შორსა დგას. მაშასადამე, საშუალო საუკუნეების ლირიკის განხილვა ორ საწინააღმდეგო პოლუსზე: რეალურ — ადამიანურსა და მისტიკურ-აბსტრაქტულზე, თავისთავად ანომალიაა.

ნათქვამი რომ ლიტონი სიტყვა არ გამოგვივიდეს, გაკვრით მაინც უნდა შევეხოთ საშუალო საუკუნეების სიყვარულის საზოგადოებრივ ინსტიტუტს და, საერთოდ, აღმოსავლური ლირიკის განვითარების ხაზს.

ცხადია, აღმოსავლური ლირიკის საწყისი ეტაპი რეალურია. იგი სათავეს იღებს არაბი ბედუინის, სპარსელი მეჭარავანის თუ თურქი ჯიგითის (მამაცის) ყოველდღიური სიფათიანი ცხოვრებიდან, სადაც ქალი მნიშვნელოვან როლს თამაშობდა. განვითარების ამ საფეხურზე აღმოსავლური ლირიკა გვზიზილავს თავისი გულწრფელობითა და სისადავით. პოეტის ტრფობის ობიექტი საესებით რეალური და მიწიერი არსებაა, თავისი დადებითი და უარყოფითი მხარეებით. პოეტის გრძნობებსაც ბუნებრივი ელფერი ენიჭება. მასში მოჩანს ხორციელი ქინცი და უმანკო გულის დადადისიცი. ადრეული პერიოდის ლირიკული ხასიათის ლექსებისათვის ნიშანდობლივია კონკრეტულობა. მაგრამ, როგორც უკვე აღვნიშნეთ, სიყვარული აღმოსავლეთში მალე გადაიქცა საზოგადოებრივი ყოფის აუცილებელ პირობად. მას განიხილავდნენ არა როგორც ფიზიკურ გრძნობას, არამედ ძალას, რომელსაც შეეძლო ადამიანის ეთიკური აღზრდა და მორალური ჩამოყალიბება. აღმოსავლეთი თვით პოეზიის ძირითად დანიშნულებასაც საზოგადოებრივ ცხოვრებაზე შემოქმედების ძალაში ხედავდა. ყოველივე ამან ხელი შეუწყო ერთი მეტად მნიშვნელოვანი მოვლე-

ნის განვითარებას: აზრის რეგონებში გრძნობის აქტი შეცვალა ეთიკურ-ესთეტიკურმა აქტმა. ეს მომენტი უნდა მივიჩნიოთ აღმოსავლური ლირიკის განვითარების უღელტეხილად, რომლის მიღმა რეალური ცხოვრება თანდათან ბურუსში ეხვევა და ძნელად დასანახი ხდება, ხოლო გადმოდმა იშლება იდეალურ კონტურებში გამოკვეთილი „მშვენიერება“.

დაახლოებით XI საუკუნეში გრძნობის აქტის ეთიკურ-ესთეტიკურ აქტად გადაქცევით დაიწყო აღქმის ობიექტის გაიდვალების პროცესი. ჯერ კიდევ რუდაქის (X ს.) და მისი თანამედროვე პოეტების (შაჰიდ ბალხი, რაბია და სხვ.) ლირიკა სუნთქავს უაღრესად სათნო, მიწიერი არსების განცდებით და მათი აღქმის ობიექტიც რეალური ადამიანის გამოკვეთილობით ხასიათდება. მაგრამ ამავე პერიოდის ზოგიერთ პოეტთან უკვე შეიმჩნევა განცდის ობიექტის გასქემატურება (აბუ შუჰური ბალხი, დაყი და სხვ.), ხოლო XI საუკუნიდან პოეტების სწრაფვის ობიექტი თანდათან კარგავს ყოველგვარ ადამიანურ თვისებას და იდეალურად მშვენიერის სახეს იღებს. სწორედ განვითარების ამ ფაზის ამსახველია საშუალო საუკუნეების იმ პოეტთა შემოქმედებაც, რომლებსაც სუფიურ სამყაროსთან არავითარი კავშირი არა აქვთ.

ამ პერიოდის დივანის ლიტერატურამ, ცხადია, თავის ესთეტიკურ გემოვნებაზე დაყრდნობით, შეიმუშავა იდეალურად მშვენიერი, ლამაზი სახე, რომელსაც სქესური გამოკვეთილება და სიცხადე არ ახასიათებს: იგი ხან მამაკაცის, ხან კი ღვინავის სახით გვევლინება. აი, ეს იდეალურად მშვენიერიც: კეობაროსივით აზიდული და ჰაეროვანი ტანი, წელი ბეწვივით წვრილი, მთვარისებრ სხივოსანი სახე, თვალები ნუშის ან ნარგისის მსგავსი; უფრო მეტად კი ეს თვალები მოგაგონებთ ჯადოქარს ანდა დაუნდობელ მკვლელს. ამ ორ ჯადოქარს ამშვენებს მშვილდით გადაჭიმული წარბები და ისარივით წამახული, გრძელი წამწამები. მისი გამოხედვა დიდი უბედურებაა: ურჯულოს ხმალივით განგმირავს, აღმასის მახვილივით ჩაგერჭობა გულში, ტკბილი ძილივით მოგედება, გაგაბრუნებს და გაგანადგურებს.

მიმივით (აღმოსავლურ პოეზიაში ქართლს პირს ხშირად ადარებენ არაბული ასრის „მიმ“-ის მოსაზულობას) პატარა და მშვენიერივით ნატიფ პირს, ორი ბალის დარი ბაგე-ღალი ესტიყება. გაღიმებისას სხმული მარგალიტები ციალებს. სამოთხის ბაღს მოგაგონებს მისი ცვეცლივით აალებული ლოყა, რომელსაც იაგუნდით მოკიაფე ხალები ჰფარავს. სახის ნაკვთების მოსაზულობა ჰაეროვნებით შავ ზილფთა ჩრდილს წააგავს.

ასეთია ზოგადად იდეალურად მშვენიერის სურათი, რომელიც საშუალო საუკუნეების ლირიკოსი პოეტების ესთეტიკური სიამოვნების მიზეზი იყო. XIV-XVI სს. თითქმის ყველა აღმოსავლელმა პოეტმა მეტნაკლები სიზუსტით შექმნა ზემოაღწერილი მშვენიერის ადექვატური ასლი. ეჭვგარეშეა, ეს მშვენიერი შორს დგას რეალური ადამიანის გარეგნობისაგან. მაგრამ მთავარი ის კი არ არის, რომ მშვენიერის ფერწერის სტილი არარეალური და ფიქტიურია, ეს პოეზიისათვის ჩვეულებრივი მოვლენაა. აქ ყურადსაღებია ის გარემოება, რომ თვით განცდის ობიექტი არარეალურ არსებად არის გააზრებული. წინააღმდეგ შემთხვევაში იგი (განცდის ობიექტი) სხვადასხვა აღმქმელის მიერ ინდივიდუალური ხელწერით ჩამოიძერწებოდა. ცხადია, აქ საქმე გვაქვს საშუალო საუკუნეების ესთეტიკური პრინციპებით ზოგადად დადგენილ იდეალურად მშვენიერ სახესთან, რომელიც წინასწარ განსაზღვრულად იხატება. ამ იდეალურად მშვენიერის წარმოდგენა იხრება ხან უფრო რეალური, ხან კი უფრო სქემატური საწყისისაკენ. ბუნებრივია, ამ პერიოდის ზოგიერთ აღმოსავლელ პოეტს ინდივიდუალური გადახვევებიც ჰქონდა, მაგრამ, სამწუხაროდ, ეს „გადახვევები“ ძალზე იშვიათია და გვხვდება მხოლოდ გენიოს პოეტებთან: ჰაფიზთან, ფუზულისთან და სხვ...

როგორც უკვე აღვნიშნეთ, საშუალო საუკუნეების პოეტის განცდის ობიექტი არ წარმოადგენს რეალურ არსებას, მაგრამ როგორია სუბიექტის დამოკიდებულება ობიექტთან, რა ურთიერთობაშია აშეიყვანა მასთან? აქაც საკვებით ანალოგიური სურათია: პოეტის გრძნობა სიყვარულის საზოგადოებრივი ინსტიტუტის მიერ წინასწარჩამოსხმულ

ყალიბებში მიედინება, მოკლებულია ყოველგვარ ინდივიდუალობას და სქემატურ-შაბლონურ სახეს იღებს. განცდათა მომენტებიდან დაკანონებული და წინა პლანზე წამოწეულია შემდეგი: სატრფოს გულცივობით ან განშორებით გამოწვეული უაღრესად დიდი სიმძიმელი და მწუსარება, რომელსაც აგონიამდე მიყავს აშეიყ. ეს განცდა აუძლურებს და ანადგურებს აშეის, მისი სული ათარაქსიულ განწყობას ეძლევა და სრულ უმოქმედობაშია. და ბოლოს, გრძნობა გონებასაც აკარგვინებს და ახელებს ადამიანს. საშუალო საუკუნეების აღმოსავლურ ლირიკაში დაკანონებული განცდის ეს ძირითადი სახეები, ლირიკის განვითარების პირველ საფეხურზე წარმოადგენდნენ სიყვარულის თეზას. როცა აღქმის ობიექტი რეალური ადამიანი იყო, ზემოთ ხსენებული განცდის მომენტები ბუნებრივ იერს იღებდა. მაგრამ როცა ამ აღქმის ობიექტმა უნივით, აბსტრაქტული სახე მიიღო, განცდის მომენტები ადამიანური სიყვარულის ანტითეზად იქცნენ, თანდათან დაშორდნენ რეალურ ცხოვრებას და სენტიმენტალიზმის სამოსით შემოსნენ. განვითარების მეორე ეტაპზე აღმოსავლელ პოეტთა მიერ გამოხატული განცდები უფრო ეთიკურ სფეროს ეკუთვნიან, ვიდრე გრძნობადს. აღმოსავლური ეთიკის გაგებით სულის ათარაქსიული მდგომარეობა, ფიზიკური უძლურება, დაჩაჩანაკება ადამიანის სრულყოფის ერთ-ერთი ყველაზე მნიშვნელოვანი და უცილობელი საფეხურია, რომელზედაც ადამიანის „მე“ ერთადერთ ჭეშმარიტად არსებულს ერწყმის.

ფეიქრობთ, ზემოთქმულიც საესებით საკმარისია, რომ წარმოდგენა შეგვექმნას აღმოსავლური ლირიკის განვითარების ამ ფაზაზე. აღმოსავლური ლირიკა თავისი ევოლუციური განვითარების მეორე ეტაპზე შორს დგას რეალური, ადამიანური სიყვარულის გადმოცემისაგან. მისი განცდის ობიექტი არის არა მიწიერი ადამიანი, არამედ უნივითო, აბსტრაქტული სახე, რომელიც იმდროინდელი ესთეტიკური გემოვნებით, იდეალურად მშვენიერის ზოგად გაგებას ესიტყვება. ამ გაგების ფონზე წარმოდგენილია აღმქმელისა და აღქმულის ურთიერთობაც. მოკლედ, აქ საქმე გვაქვს არა ცხოვრებისეულ

მოვლენასთან, არამედ „სიყვარულის ხეტოვნებასთან“. რა თქმა უნდა, ჩვენ არ ვსურს განვითარების ამ ეტაპზე აღმოსავლური ლირიკა ყოველგვარი ადამიანური განცდებისგან დაცილილად წარმოვიდგინოთ. აღმოსავლელ პოეტთა ლირიკული ნააზრევი დატვირთულია ზოგადად ადამიანური განცდებით. მაგრამ ამ ზოგად განცდათა სათავე შეიძლება ვეძებოთ როგორც რეალურ, ასევე ირეალურ სამყაროში.

საშუალო საუკუნეებში, კერძოდ XIII-XIV საუკუნეებში, როცა სუფიზში მთელ აღმოსავლეთში გავრცელდა და რელიგიურ სფეროში ჭეშმარიტების ძიება საზოგადოებრიობის ერთ-ერთ ძირითად საზრუნავად იქცა, იწყება აღმოსავლური ლირიკის განვითარების მესამე ეტაპი. განვითარების ამ საფეხურზე ეთიკურ-ესთეტიკური აქტი შეიცვალა რელიგიური აქტით, რასაც მოჰყვა აღქმის ობიექტის ახლებური გააზრება: იდეალური იდეაში გადაიზარდა, ხოლო იდეალურად მშვენიერი — აბსოლუტურ მშვენიერებაში. ეს მოვლენათა საესებით ბუნებრივი განვითარებაა და ზედმეტ კომენტარებს არ საჭიროებს.

ამრიგად, სუფიზში აღმოსავლური ლირიკის განვითარების მესამე ეტაპად შეგვიძლია მივიჩნიოთ. იგი უნდა განვიხილოთ, როგორც ლირიკის ევოლუციური განვითარების მესამე ფაზა და არა საშუალო საუკუნეების „რეალური“ ლირიკის საწინააღმდეგო და საპირისპირო მოვლენა.

აღმოსავლური ლირიკის განვითარების ეს ევოლუციური ხაზი უცხო არ არის სხვა ხალხებისთვისაც. საფრანგეთის პროვანსელ ტრუბადურთა ლიტერატურაში მკვეთრად არის გამოჩინებული ამ განვითარების სამივე ფაზა: 1). გათხოვილი ქალი, ბანოვანი; 2). იდეალური ქალი, ქალის კულტი; 3). წმინდა ქალწული მარიამი ანდა ღვთაება. საშუალო საუკუნეების გერმანელ მინნეზინგერთა ლიტერატურაში დაბალი, ხორციელი სიყვარული იცვლება სულის უმაღლეს ხარისხამდე ამყვანი სიყვარულით. საესებით ანალოგიურ სურათს გვაძლევენ იტალიის ახალი სტილის წარმომადგენლები: გვინცელის მიწიერი სიყვარული ესმის როგორც ძალა, რომელიც ადამიანს მიაქანებს უმაღ-

ღვის სრულყოფისაკენ, ღვთიურობის წვდომისაკენ. კავალკანტიმ ქალი იდეად გადააქცია და შემდეგ აბსოლუტური ქვემარტების შემეცნებაში ჩაიძირა, საუკეთესო, იდეალური სამყაროს წვდომამდე ამაღლდა დიდი დანტეც.

საშუალო საუკუნეების ლირიკის განვითარების ეს საერთო სურათი შემთხვევითობით არ უნდა ავსხნათ. ვფიქრობ, აქ ზოგადი, რაღაც საერთო კანონი მოქმედებს, მაგრამ ამჟერად ჩვენ ამ კანონის ძიებას ვერ შევუდგებით.

ზემოთ უკვე აღვნიშნეთ, რომ სუფიზმს აღმოსავლური ლექსის არქიტექტონიკა არ დაუნგრევია. ძირითადად, არც მშვენიერის ფერწერის სტილი შეუცვლია, თუ მხედველობაში არ მივიღებთ ზოგიერთ ნიუანსურ თავისებურებას. მან მშვენიერის არსი მსოლოდ ახლებურად გაიხარა და ამით ფერწერის სტილსაც ახალი ქვეტექსტური გაგება მიანიჭა. ამიტომ აღმოსავლური ლირიკის კანვითარების მეორე და მესამე ეტაპების გამოიჯნა ძნელდება. ამ ორ ფაზას შორის არც არის დიდი ზღვარი. ცალკეული პოეტის სულის ფსიქიკის პულსაციის მიხედვით იდეალურად მშვენიერი თავისუფლად გადაიზრდება აბსოლუტურად მშვენიერში და პირუკუ... ეს მერყეობა საშუალო საუკუნეების თითქმის ყველა აღმოსავლელ პოეტთან შეიმჩნევა, იგი სუფიზმის შინაგანი ნიშანდობლიობაა.

რას წარმოადგენს აღმოსავლური ლირიკის განვითარების მესამე ეტაპი — სუფიზმი, რომელმაც დიდი ზეგავლენა მოახდინა საშუალო საუკუნეების თითქმის ყველა პოეტის აზროვნებაზე. საფუძვლით გამორიცხავს იგი ამქვეყნიურობასა და კაცთმოყვარეობას და აბსტრაქტულ წარმოსახვათა მისტიური ზმანებაა, თუ უხილავი ძაფებით რეალურ სამყაროსთან მაინც ამყარებს კავშირს?

სუფიზმის დედააზრის ღერძს სიყვარული წარმოადგენს. აქ, თუ შეიძლება ასე ითქვას, სიყვარულის მთელი გვარია მოცემული სხვადასხვა სასუბორიე ასპექტში გარდატეხილი: მიწიერიდან ზეციერამდე. სუფიზმისათვის სიყვარული კოსმიური ძალაა, კოსმოსის შექმნის პირველადი მიზეზი, მისი ლოგოსი და ყოველგვარი მოძრაობის იმპულსი. სიყ-

ვარულის წყალობით ერთი გარდატეხვა მრავლად და „ყოველივე სიმრავლე ერთობის რაფათვე ერთს“. და ბოლოსა და ბოლოს ვარული არის სურვილი სიკეთის მარადიული ფლობისა“ და „აგრეთვე სურვილი უკვდავებისა“. ერთი სიტყვით, სუფიზმის სიყვარულის კონცეფცია პლატონის „ნადიმის“ უშუალო გააზრებაა.

როცა არსებულად არსებულმა და საფუძვლადდებულმა აღემი ქეთმაში (უხილავი სამყაროში) თავისივე საკუთარი ცოდნის წყალობით შეიცნო, რომ იგი ერთადერთი არსებული და უხილავია, აღეძრა სურვილი, თავი გამოეჩინა და ამგვარად სიყვარულის მიზეზი გამხდარიყო. აბსოლუტურად მშვენიერი არ შეიძლება იყოს მალული და სიყვარულის სწრაფვის გარეშე, ამიტომ მან თავისი თავი ორ ასპექტში გამოაჩინა, რათა შეექმნა თავისი სიყვარულის ობიექტი, რომელიც იმავე დროს სუბიექტიც იქნებოდა და თვით მას, აბსოლუტურ მშვენიერებას, აღიქვამდა როგორც სიყვარულის ობიექტს.

ამ მიზეზით მარადიული ქმნადობა იწყებს გამოსხივებას ისე, რომ არც არაფერს გასცემს და არც არაფერი აკლდება, — მსგავსად უკვდავი მზისა, რომელიც ანათებს სამყაროს. ინვოლუციის პროცესის დროს ღვითური სხივი გაივლის ხუთ სამყაროს, რომლებიც, სუფიების გაგებით, ცალკეული დამოუკიდებელი სამყაროები კი არ არის, არამედ ერთადერთი არსებობის ცალკეული სფეროებია, და მესუთე საფეხურზე იწყებს გამოჩინებას. წარმოიშვება ხილული სამყარო: პირველად კრისტალის ფორმით, მერე მცენარის, შემდეგ ცხოველისა და, ბოლოს, ადამიანის სახით.

როგორც ირკვევა, ადამიანის სახით მარადიული ქმნადობა ასრულებს თავის გამოსხივების ინვოლუციის პროცესს. ადამიანი სუფიურ კოსმოგონიაში არის გზაჯვარედინი. მისგან იწყება უკვე ევოლუციური განვითარება — ამაღლება აბსოლუტური ქვემარტიტებისაკენ. ადამიანმა უნდა სრულყოფს თავისი თავი. თანდათან საფეხურებრივ უნდა ამაღლდეს და დაუბრუნდეს პირველ და უმაღლეს ყოფიერებას — აბსოლუტურ ქვემარტიტებას. სუფიური მსოფლმხედველობის მიხედვით, ეს ინვოლუციის (სეირი-ნუშულ)

და ევოლუციის (სეირი-ურუჩ) პროცესი არის მარად უწყვეტი, უნივერსალური წრიული მოძრაობა, რომელიც დიალექტიკური პრინციპით — საწინააღმდეგო მოვლენათა გადალახვის გზით მიედინება. ამ მოძრაობის მთავარ მიზნად სუფიები სიყვარულს მიიჩნევენ, იგი აპირობებს სამყაროს მარადიულ არსებობას.

როგორ აღიქვამენ სუფიები რეალურ, ხილვად სამყაროს? მათი რწმენით, არსებობს მხოლოდ ერთადერთი ჭეშმარიტად არსებული რეალობა — ღმერთი. სუფი ამბობს: „არაფერია ჭეშმარიტი გარდა ღმერთისა და იგი არის ყველაფერი“. მაშ, რაღა არის რეალური სამყარო? იგი ჭეშმარიტად არარსებულია, ილუზიაა. ამის შესახებ სუფიებს პლატონის გამოქვაბულის მსგავსი მაგალითები მოჰყავთ. ზოგი სუფი მას ადარებს დამდგარ ტბაში არეკლილ მზეს. როგორც სარკეში არეკლილი ყველა ფორმა მხოლოდ შედარებით არსებობს, რეალურ სამყაროში ყოველივე არსებული ჭეშმარიტად არ არსებობს, იგი მხოლოდ წარმოდგენა და ილუზიაა.

საერთოდ, სუფიები, რომლებიც ძალზე მჭიდრო კავშირს ამყარებენ ნეოპლატონისტებთან, რეალურ სამყაროს, სიმშვენიერეს, როგორც ღმერთის არსის ადექვატურ ასლს, ვერ უარყოფენ. მათი მშვენიერების ესთეტიკური განცდის საწყისი სათავე სწორედ რეალურ, ხილვად სამყაროში იწყება, თანდათან ვითარდება და განზოგადებულ სახეს იღებს და, ბოლოს, აბსოლუტური მშვენიერების ჭვრეტაში გადადის. ეს არის მშვენიერების აღქმის პლატონისტური გზა: კონკრეტულიდან ზოგადისაკენ და ზოგადიდან აბსოლუტისაკენ.

მშვენიერების აღქმის ასეთი გზა სავესებით ესიტყვება სუფიზმის მსოფლმხედველობას და ნიშანდობლივია მისი ესთეტიკური შემეცნებისათვის. სუფიებისათვის რეალური სამყარო „მდაბალი“ მშვენიერება არის, მაგრამ ის აბსოლუტური მშვენიერებისაკენ მიმავალი გზის უცილობელი საფეხურია. ისინი რეალური სამყაროს ფიზიკური რიგის სიმშვენიერეთა შორის განსაკუთრებულ ადგილს ანიჭებენ ადამიანს, რომელიც, მათი რწმენით, არის კოსმოსის ცენტრალური

წერტილი, ზღვარი გამოძვადანების სიზნარისა და არარსებობის სიზნელეს შორის. ის არის „უდიდესი სულის სრულყოფილი მომქვადანება“, გამგებელი ამა ქვეყნისა და მალღმერთის მიზანი და სასურველი: „ო, ადამიანო, — ამბობს უფალი, — ყველაფერი და ყოველივე შევქმენი შენთვის, მაგრამ თვით შენ ჩემთვის შევქმენი“. ამ ხილვად სამყაროში ადამიანი ერთადერთი არსებაა, რომელსაც შესწევს უნარი აბსოლუტურად მშვენიერამდე ამალღმდეს და იგი შეიმეცნოს. ადამიანი მარადიული ქმნადობის ინეოლუციური და ევოლუციური უწყვეტი მოძრაობის კორდინაციული წერტილია.

სუფიები როდი უარყოფენ ადამიანურ, მიწიერ სიყვარულს, ისინი მას განიხილავენ, როგორც კაცობრიობის ფიზიკური უკვდავების ერთ-ერთ მომენტს. თუ ქრისტიანი ბერი ქალს უყურებს, როგორც ცთუნებას, ხოლო სიყვარულს ეშმაკის მახედ მიიჩნევს, მუსლიმანი დერვიშისათვის ქალის სიყვარული ღვთის მიერ დაგებული მახეა და სავესებით სასურველი მახეც; რადგან „სწორედ ადამიანური სიყვარულის მეშვეობით ადამიანი მალღმდება თავის თავზე მალღა და თავის სატრფოს თვალთა ციალში ღვთიურ სხივს განსჭვრეტს და უსასრულობას ხელებს შემოავლებს“.

სუფიები რომ ჯერ კიდევ ადრეული პერიოდიდან ადამიანურ სიყვარულს განიხილავენდენ როგორც ღვთიური სიყვარულის მიღწევის ერთ-ერთ უცილობელ საშუალებას, აშკარად ჩანს IX საუკუნის ცნობილი ფაკიბის იბნ დაუდის სიყვარულის შესახებ დაწერილი გამოკვლევიდანაც, რომელსაც „ჭითაბ-ალ-ზოჰარ“ (ვენუსის წიგნი) ეწოდება. იგი წერს: „ზოგიერთი სუფი ფიქრობს, რომ ადამიანები სიყვარულს ღმერთმა დაუქვემდებარა, ვითარცა გამოცდას, რათა მათ დაუმონონ თავიანთი „მე“ სიყვარულის საგანს... ეს სუფიები ამტკიცებენ, რომ, თუკი მათ თავიანთ „მე“ ვალად დაუსახეს სხვისი მორჩილება, მათი ასეთი მორჩილება საბოლოოდ ღმერთს ეკუთვნის, რადგან ამ უკანასკნელს ყველაზე მეტი უფლება აქვს ასეთი მორჩილება ეკუთვნოდეს“ (ვეყრდნობით ნ. ნათაძის თარგმანს. იხ. „მნათობი“, 1965, 2, გვ. 134). აქ თითქოს ადამიანურ და



ღვთიურ სიყვარულს შორის ლოგიკური კავშირი მყარდება და იგი ერთ სიბრტყეზე განიხილება. ამ აზრს უფრო ნათლად ამჟღავნებს ჯელალედინ რუმის სიტყვები: „შეიძლება გიყვარდეს ადამიანი, ანდა გიყვარდეს ღმერთი. ვინც სრულყოფას მიაღწევს გინდ ერთსა და გინდ მეორე სიყვარულის სფეროში, ასეთი მიჯნური სიყვარულის მეფის ტახტამდე ამაღლდება“. რუმის სიტყვების აზრი საყვებით აშკარაა: მთავარია, სათნოდ და ძლიერად გიყვარდეს და სულ ერთია შენი სიყვარულის ობიექტი ღმერთი იქნება თუ ადამიანი, რადგან ძლიერი და სათნო სიყვარული შენ აგამაღლებს აბსოლუტური მშვენიერების ჭვრეტამდე. მაშასადამე, სუფის ისევე თამამად შეუძლია აღიაროს ადამიანის სიყვარული, როგორც ღმერთისა.

ზემოთქმულიდანაც ცხადი ხდება, რომ სუფიები რეალური სამყაროს სიმშვენიერესა და, განსაკუთრებით კი, ადამიანურ სიყვარულს აბსოლუტური ჭეშმარიტების სიყვარულის ანტითეზად კი არ განიხილავენ, არამედ მასთან სინთეზურ პარმონიაში წარმოგვიდგენენ და მშვენიერების აღქმის ევოლუციური ხაზის საჭირო და ურთიერთთან დაკავშირებულ საფეხურებად გვიხატავენ. ვიმოვრებით, მიწიერი სიყვარული — სუფიების გაგებით — არის ხიდი, რომელიც უნდა გაიაროს მან, ვინც ღვთიურ სიყვარულში ნეტარებას ეძიებს.

მაგრამ, რას წარმოადგენს თვით აბსოლუტური მშვენიერება და რა გზით ხდება მისი შემეცნება?

აბსოლუტური მშვენიერება ერთადერთი არსებული ჭეშმარიტებაა, რომელიც განაგებს ყველაფერს, მას კი ვერაფერს განაგებს. იგი არის ერთი მთლიანობა, რომელიც მოიცავს ყველაფერს და არ გამორიცხავს არაფერს. იგი არის ერთი მთლიანი სხვის გარეშე, რომელთანაც შეიძლება მისი შედარება. სხვა სიტყვებით რომ ვთქვათ, იგი არის ერთი მთლიანი, ყოველგვარი გამორიცხვის გარეშე. არაფერი არ არის მის წინ და უკან, არაფერია მის ზემოთ და ქვემოთ, არაფერია მის მარჯვნივ და მარცხნივ. მას არ გააჩნია ზომა სიგრძისა, სიღრმისა და სიმაღლისა. ჭეშმარიტად არაფერი არ არის მის გვერდით — „ჰუვა-ჰუვა“ (ის არის ის). იგი

არის მარადიული ქმნადობა და „ის არის ყველაფერი“ ანდა „ყველაფერი მისგანაა“ დის“.

როგორღა შეიძლება აბსოლუტური ჭეშმარიტების წვდომა, რომელსაც არ გააჩნია სივრცული და დროული გაგება, არა აქვს ფორმა და აღნაგობა?

ამის უნარი მხოლოდ ადამიანს შესწევს და ისიც საკუთარი „მეს“ შესწავლის საშუალებით. სუფიები გვარწმუნებენ, რომ ადამიანი ღმერთის გამოჩენის უნივერსალური ფორმაა. მისი მიკროკოსმოსია და მთელი სამყაროს, ე. ი. ღმერთის ადექვატური ამსახველი. ამიტომ ადამიანმა უნდა შეისწავლოს თავისი საკუთარი „მე“ და ამ გზით განსჭვრიტავს აბსოლუტურ ჭეშმარიტებას. ადამიანის „მე“ არ არის ცალკე სუბსტანტი. იგი აბსოლუტური ჭეშმარიტების მარადიდენტურია და მისი შემადგენელი პოზიტიური „სხვაა“. ჯელალედინ რუმი ამბობს:

შენ, რომელიც ხარ ღვთიური
საიდუმლოებების ნუსხა,
შენ, რომელიც სრულყოფილი შაჰის სარკე
ხარ.
სამყაროში არსებული ყოველივე, შენ
მიღმა არ არსებობს,
რაც კი გასურს, ყოველივე შენგან ისურვე!

აბსოლუტური ჭეშმარიტების წვდომის ასეთმა გზამ ადამიანი ღმერთამდე აიყვანა და გააღმერთა კიდევ. როცა შემეცნება იწყება შენი ადამიანური „მეს“ აღქმით, ვითარდება შენივე „მეობის“ რკალში, ხოლო როცა საკუთარი „მეს“ ინტუიტიური შესწავლით რწმუნდები, რომ არაფერი არ არსებობს ალაჰის გარდა, ბუნებრივად გებადება აზრი, რომ თვით შენც ღმერთი ხარ. ამიტომ სუფიური აზროვნებისათვის საყვებით ბუნებრივად ჟღერს სუფი პალაჯას (857-922) განცხადება: „ანა ლ-ჰაკკ“ (მე ვარ ღმერთი) ანდა სუფი ბისტამის (გარდ. 874) უფრო ელასტიური ფორმულირება: „დიდება მქონდეს მე“, ნაცვლად ისლამის ფორმულირება: „დიდება ჰქონდეს ალაჰს“.

პალაჯას ესოდენ თამამი განცხადების მიზეზი სუბსტანტთა სიმრავლის უარყოფაში უნდა ვეძებოთ. პალაჯას აზრით, არ არსებობს ჭეშმარიტად არსებული მრავალი სუბსტანცია, რომლებსაც ჩვენ მატერიალურ

სამყაროში ცალკე დამოუკიდებელ ინდივიდებად განვიხილავთ. სამყაროს მეტაფიზიკურ სიღრმეში ძვეს მარადიული ინდივიდუმი (ურინდივიდუმი აინ), რომელთანაც ყველა საგანი მარად იდენტურია. პრეექსისტენცურ პერიოდშიც არსებობის ყველა იდეალური ფორმა ამ ურინდივიდუმი იყო მოცემული. იგი არის ყოველგვარ საგანთა და სულთა საფუძველი და ამგვარად, ის არის ჯამი მთელი სამყაროსი („ო, ჯამო მთელ სამყაროსისა“, — მიმართავს ჰალაჯა ღმერთს). ეს ურინდივიდუმი, ყველაფრის და ყოველივეს საფუძვლადღებული, არ არსებობს, როგორც „სხვა“, ის არის ერთადერთობა თავისთავში. ამ გააზრებას სავსებით ლოგიკურად მოჰყვება თეზა: „ლასთა ღაირი“ — შენ, ღმერთო, არა ხარ სხვა, თუ არა „ჩემი მე“. და აქ წარმოდგენილი „ერთობა“ არის არა ერთ დროს დამოუკიდებლად არსებული ორი მეტაფიზიკური სუბსტრატის ურთიერთტრანსფორმირება, არამედ მარად იდენტური არსებობა. ამ მარადიდენტურობის აღქმა კი შეიძლება მხოლოდ მეტაფიზიკური ჩაძირვით საკუთარ „მე“-ში. ჰალაჯაც ეძლევა თავის „მეს“ ინტუიტურ შესწავლას და „მეს“ შეიცნობს, როგორც „ის“-ს (ურსუბსტრატს), რომელიც არის სამყაროს ღრმა ფენა და ყველა საგანშია მოცემული, როგორც მეტაფიზიკური საფუძველი. შემდეგ იგი აკეთებს ფორმულირებას: „ჰუვა-ჰუვა“ — (ის არის ის), რომლის დედააზრიც ახლა სავსებით გასაგებია: ყველაფერი და ყოველივე იმ მარადიული „ის“-ის იდენტურია. „არ არსებობს არავითარი „სხვა“ იმ „ის“-ის გარდა. ამიტომ ჰალაჯა თავის „მეს“ აქცევს უსასრულო „ის“-ად, მარადიულ არსებობად, რომელსაც არ ახასიათებს „მეს“ განცალკევებულობა. ჰალაჯა მადლდება ღმერთამდე და ეკითხება მას: — „ვინ ხარ შენ“. ღმერთი უპასუხებს: „შენ!“ და ჰალაჯაც ღრმა რწმენით აცხადებს: „მე ვარ ღმერთი“.

ბისტამის შემეცნების გზა უფრო რთულია. იგი პირობითად შეიძლება სამ პერიოდად დაგვით:

განვითარების პირველ პერიოდში ბისტამი სავსებით უარყოფს პოზიტიურ სამყაროს:

„მე ვჭკვრეტდი არარსებობის სფეროს, — ბობს იგი, — და ვიფრინე იქ ათი წელი განუწყვეტილად. ასე რომ, არარადუნაღწევილი დიოდი არარაში, არარას გავლით“. ბისტამის ამ განცხადებაში, უპირველეს ყოვლისა, უნდა დავინახოთ რეალური სამყაროს უარყოფა. აქ სრულიად არ არის საუბარი სამყაროს პოზიტიურ გაგებაზე, ცალკეული ინდივიდუუმების აქციდენციურობაზე. მაგრამ აქ არც თვით ურინდივიდუმიცა სსენებული, რაც თითქოს იმაზე მეტყველებს, რომ არ არსებობის სფეროში ღმერთიც არ არსებულობა.

ასეთი აკოსმიურობა ისლამისათვის მიუღებელი იყო. ბისტამი შემეცნების განვითარების პირველი პერიოდიდან, ნეგატივიზმიდან აღწევს მეორე პერიოდს — პოზიტივიზმს. განვითარების ამ ფაზაში უკვე იწყება საუბარი პოზიტიურ სამყაროზე და ფენომენალური საგნები „მარადიული ერთობის“ ფონზე წარმოჩინდება. ბისტამი იწყებს ჩაძირვას, გაჭრობას თავის „მე“-ში, რომლის დროსაც ფენომენალური ფენის საშუალებით აღიქვამს მეტაფიზიკურ ღრმა ფენას. „შემდეგ ვიფრინე მე განუწყვეტილად, ვიდრე მარადისობის არეს არ მივალწვი, სადაც მე განვჭვრიტე ხე „რელატიური ერთობისა“.

განვითარების მესამე საფეხურზე ბისტამი მადლდება მარადიული ერთობის შემეცნებამდე — „შემდეგ მე შევიცანი მარადიული ერთობა (ურანაჰაიტ-თაჰიდ), რომელიც მატერიალური სამყარო გნოსტიკაში ქრება, ხოლო გნოსტიკოსი მატერიალურ სამყაროში“. ამას მოჰყვება მსჯელობა: თუ ყველა ფენომენალური ნივთი მეტაფიზიკურ ფენაში ერთადერთ სუბსტანციაში შემავალია, მაშინ „მე“, რომელიც მე ჩემ თავში ვცანი, არის თვითონ მარადისობა: „მომრთე მე, ო ღმერთო, შენი აბსოლუტური ერთობით. შემეცნე მე შენი „მეობით“ და ამამადლე მე შენი რელატიური ერთიანობით. როცა შენი ქმნილებები დამინახავენ მე, იტყვიან ისინი: ჩვენ შენ, ღმერთო, დავინახეთ. ასეთ შემთხვევაში შენ ხარ ღმერთი ის და მე იქ არა ვარ“. ცხადია, ბისტამის „მე“ დაკლილია ყოველგვარი სუბსტანტიურობისგან და ღმერთის „მეს“ იდენტურია. ასე-

თი შემეცნებით ბისტამის შეეძლო ეთქვა: „დიდება მქონდეს მე“.

ჩვენ მოკლედ წარმოვადგინეთ ჰალაჯას და ბისტამის შემეცნების გზა. ორივე შემთხვევაში მეტად მნიშვნელოვან მოვლენასთან გვაქვს საქმე. როგორც ჰალაჯა, ასევე ბისტამი, თუ შეიძლება ასე ითქვას, თავის ადამიანური მეობის უარყოფით, თავის „მეს“ გაღმერთებამდე მიდიან. მაგრამ ეს გაღმერთებული „მე“ ამავე დროს ადამიანურიც არის, რადგან მოაზროვნე ადამიანს არ შეუძლია ანგარიში არ გაუწიოს თავის რეალურ არსებობას. იგი ასკვნის, რადგან არსებობს მხოლოდ ერთადერთი აბსოლუტური ჭეშმარიტება, ამიტომ მეც, ადამიანი, აბსოლუტური ჭეშმარიტება ვარ. ადამიანი თავის „მეს“ ღმერთთან გაიგივებით ტრიხოტომიური შემეცნების უკანასკნელ ეტაპზე კი არ ამბობს: არსებობს მხოლოდ და მხოლოდ ღმერთი და არ ვარსებობ მე, არამედ აცხადებს: „მე ვარ ღმერთი“ და ამიტომ „დიდება მქონდეს მე“!

ამგვარად, სუფიურ მსოფლმხედველობაში თვით აბსოლუტური ჭეშმარიტების გაგება ადამიანური „მეობის“ რკალში იფარგლება, მაგრამ ეს ადამიანური „მე“ ემპირიული, ინდივიდუალური არ არის. ეს „მე“ ერთსა და იმავე დროს არის „შენც“ და არის „ისიც“. საყოველთაოდ ცნობილია სუფიზმის დედააზრის გამოხმატველი ფორმულა: „მე არ ვარ მე, შენ არ ხარ შენ. მაგრამ არც შენ ხარ „მე“. მე ერთდროულად „მეც“ ვარ და „შენც“. შენ ერთდროულად „შენც“ ხარ და „მეც“. ეს არის ზოგადადამიანური „მე“. უფრო მეტიც ეს „მე“ ყოვლისმომცველია.

სწორედ ამ „მეს“ ზოგად ცნებამდე აყვანით უნდა ავხსნათ, ჩვენი აზრით, ის გარემოება, რომ საშუალო საუკუნეების აღმოსავლური ლირიკა, კონკრეტულ ადამიანურ განცდებს მოკლებული, ზოგად ადამიანურ ხედვაში ტყდება. ვფიქრობთ, აღმოსავლური ლირიკის ზოგადადამიანური განცდისა და ზოგადსაკაცობრიო აზრების გადმოცემის ფილოსოფიური ფესვები ამ „მეს“ განზოგადებაში უნდა ვეძებოთ.

ჰალაჯა საშინელი წამებით მოკლეს, მაგრამ მისი სიტყვები „ანა ლ-ჰაკკ“ ერთგვარ

პოეტურ ფორმულად იქცა და მოწინავე მოაზროვნე სუფი პოეტების ლექსებში ერთგვის ამოტივტივდა. ჰალაჯასა და ბისტამის შემეცნების გზა უაღრესად სუბიექტური იყო. აღქმული თავის თავში ეძიებდა ჭეშმარიტებას. მაგრამ, როგორც უკვე აღვნიშნეთ, გნოსტიკოსის ეს „მე“ ზოგადობის ცნებამდე იზრდება. „მე“ ერთსა და იმავე დროს არის „შენ“ და „ისიც“. მასასადამე, ეს „მე“ შეგვიძლია გავიზიაროთ, როგორც „ჩვენ“ — ყველა ერთად აღებული და, ბოლოს, ამ „მე“-სა და ზოგადად ადამიანს შორის იგივეობის ნიშანი დავსვათ; მაშინ ფორმულა „მე ვარ ღმერთი“ უმტიკივნიულოდ შეიცვლება: „ადამიანი არის ღმერთი“.

მართლაც, ჰურუფიზმმა, რომელიც სუფიზმის ერთ-ერთ განშტოებად შეიძლება მივიჩნიოთ, გაარღვია შემეცნების ეს სუბიექტივიზმის რკალი და საერთოდ ყველა ადამიანში ღმერთი დაინახა. ჰურუფის შემეცნებელი ჭვრეტა უკვე თავის „მე“-სკენ კი არ არის მიმართული, არამედ თავის „მეს“ გარეთ მყოფი ადამიანისკენ, რაც უდავოდ პროგრესულ ნაბიჯად უნდა მივიჩნიოთ. ჰურუფიები უკიდურეს პანთეიზმს ქადაგებდნენ, მათ ღმერთს გაუტოლფარდოვნეს არა მხოლოდ ადამიანი, არამედ მთელი მატერიალური სამყარო. ისინი ხილვადი სამყაროს ყველა ატომში ღმერთის გამოჩინებას ხედავენ, რითაც აბსოლუტურ ჭეშმარიტებას ტრანსცენდენტალური გაგება მოუხსნეს და მატერიალურ სამყაროში გაანივთეს.

მაგრამ ჰურუფიების ჭვრეტის ძირითადი ობიექტი, როგორც ყველა სუფის, ადამიანი იყო. ისინი ამტკიცებდნენ, რომ ყველა სრულყოფილ ადამიანში, კერძოდ კი, მის ლამაზ სახეში, ღმერთია გამოჩინებული და გასხეულებული. ამიტომ, მათი აზრით, უნდა გიყვარდეს ადამიანი და მისი ლამაზი სახე. უნდა იყოს ჩვენი ჭვრეტისა და ესთეტიკური განცდის ობიექტი. საერთოდ, აღმოსავლეთში ოდითგანვე აფასებდნენ ლამაზ და მშვენიერ სახეს: ომარ ხაიამი თავის ფილოსოფიურ-ეთიკურ ტრაქტატში „ნაურუზ-ნამე“ ლამაზი სახის დადებით თვისებათა აღწერას ერთ თავს უთმობს. ჰურუფი პოეტისათვის კი თავისი სატრფოს ლამაზი სახე ყველაფერია: ის (სახე) მას უწევს

ყურანის, სალოცავი მიძრების, რწმენისა და, თუ გნებავთ, ღმერთის მაივრობასაც.


ჰურუფიულ მსოფლმხედველობაში ადამიანი კი არ მალდებდა ღმერთამდე, არამედ ღმერთი დადის ადამიანის ცნებამდე და იგი ანთროპომორფულია.

მაგრამ მთავარი ის არის, რომ შემეცნების სფეროში პირველ პლანზე ადამიანი და ადამიანური სიყვარული არის წამოწეული. როგორც ე. გიბი აღნიშნავს, ჰურუფიებისათვის ულამაზესი ადამიანური ფორმა არის არა უბრალო ადექვატური გამოსახულება, არამედ დეტაბერივი განსხეულება და სიყვარული, რომელსაც განიცდი ამ ადამიანისადმი, არის არა უბრალო „ხიდი“, მიმავალი აბსოლუტური ჭეშმარიტებისაკენ, არამედ თავისთავადი და საბოლოო მიზანი. ჰურუფიების ცნობიერებაში ადამიანს განიხილავენ არა ღმერთის ასლად, როგორც ამას ადგილი აქვს სუფიებთან, არამედ თვით ღმერთად, ამიტომ ღმერთი გააზრებულია ჩვეულებრივ მიწიერ ადამიანად და პირუკუ... მაგრამ აღქმის დროს პრიორიტეტი ადამიანს ეკუთვნის, რადგან აღქმელისათვის უშუალო ჭვრეტისა და წვდომის ობიექტი ადამიანია.

ცხადია, ჰურუფიების მსოფლმხედველობაში სიყვარულის არსის გააზრება უნდა შეცვლილიყო: აბსოლუტურ ჭეშმარიტებას ადგილი უნდა დაეთმო ადამიანისათვის, რომელიც კი არ უგულებელყოფდა მას (აბსოლუტურ ჭეშმარიტებას), არამედ მისი ცნების იდენტური იყო. ამას ცვლილებები უნდა გამოეწვივა პოეტურ ფერწერაშიც. მართლაც, ეს ასე მოხდა, ჰურუფი პოეტების მშვენიერის სურათი უფრო რეალურ არსებად წარმოგვიდგება. მათთან წარმოდგენილი განცდის მომენტებიც უფრო მიწიერ, ადამიანურ ელფერს იძენს. მაგრამ ჰურუფიულმა პოეტურმა აზროვნებამ აღმოსავლური ლირიკის განვითარებაში ვერ შესძლო ძირეული გარდატეხის მოხდენა, რად-

გან აღმოსავლური სიყვარულის საზოგადოებრივი ინსტიტუტის ტრადიციები ძალიერი იყო. და რაც მთავარია, არ უნდა დაგვავიწყდეს, რომ ჰურუფიების სიყვარულის ობიექტი, მართალია, პირველ რიგში ადამიანი იყო, მაგრამ ეს ადამიანი შემეცნების დრმა მეტაფიზიკურ არეში ღმერთად გვევლინება. აღმოსავლეთში სიყვარულის საზოგადოებრივი ინსტიტუტის ტრადიციები თითქმის XIX საუკუნემდე ბატონობდა.

ამრიგად, აღმოსავლური ლირიკა ჯაჭვური ევოლუციური განვითარების სურათს გვაძლევს. ეს ევოლუცია იწყება რეალური საწყისებიდან, გადადის ზოგადში და ბოლოს მალდებდა აბსოლუტური ჭეშმარიტების შემეცნებამდე. მაგრამ, თუ განვითარების მესამე ფაზას — სუფიზმს ცალკე განვიხილავთ, ცხადი გახდება, რომ იგი თავის შინაგან წრიულ განვითარებაში მოიცავს ევოლუციის იმ საფეხურებს, რომელიც აღმოსავლური ლირიკის განვითარების ზოგად ხაზს ახასიათებს. ეს არის ურთიერთთან მტკიცედ დაკავშირებული რგოლები, რომლების ერთმანეთისაგან გათიშვა და, განსაკუთრებით კი, საწინააღმდეგო სიბრტყეზე განხილვა სავსებით დაუშვებელია. მეორე მხრივ, როგორც დავრწმუნდით, სუფიზმი არ უარყოფს რეალური, კონკრეტული სილამაზის ესთეტიკურ განცდას. მაგრამ სუფიზმის მსოფლშემეცნებაში ეს კონკრეტული ძალზე აქციდენციურია, იგი არის მხოლოდ პირობა ზოგადის გასააზრებლად, რათა ამ უკანასკნელიდან იდუა გამოიკვეთოს. საშუალო საუკუნეების აღმოსავლური ლირიკის ძირითად ნიშანდობლიობად ჩვენ მაინც ზოგადობის ცნების გააზრება მიგვაჩნია, რომელიც წრიული შემეცნების კოორდინაციული წერტილია: აღმავალ საფეხურზე იგი (ზოგადობა) კონკრეტულ აღქმათა გააზრებაა, ხოლო დაღმავალ საფეხურზე იდუის დაშლის შედეგად მიღებული ცნება.



გაბრიელ ჯაბუშანური

გაბრიელ ჯაბუშანურის პირველ კრებულში („არაგვიანი“) ასეთ სტრიქონებს შეხვდებით:

ჩვენც იმ გზებს მივღევთ, საღ ნამუხლარი —
თქვენი ატყვია მაღალ ქარაფებს;
მაგრამ ჩვენ ხმა გვაქვს თქვენგან უხმარი
და სხვა ტკივილი გვაღაპარავენს.

ვაჟასთან სათქმელი ლექსი

ასაკი, როცა ეს ლექსი დაიწერა, ყველა ნამდვილი შემოქმედისათვის პირველი, სერიოზული დაფიქრების ასაკი. ამ დროს უკვე ქრება ბავშვობის მირაჟი და ნათლად იკვეთებიან საგნები და მოვლენები, რომელთა პირისპირ მარტორჩება მწერალი. სწორედ აქ იწყება საკუთარ თავთან და სიტყვასთან მკაცრი ბრძოლა, მთელი სიცოცხლე რომ გრძელდება. ამ ასაკში იწყება საკუთარი გზისა და ადგილის ძიება.

გოეთე მიუთითებდა ტალანტის განვითარების სამ ეტაპზე — როცა ახალგაზრდა წერს ცუდად და მარტივად, მერე როცა ის წერს კარგად და ბუნდოვნად და მესამე, როცა კარგად და მარტივად წერს.

გაბრიელ ჯაბუშანურს მაშინ ნაწილობრივ ეს კარგი სიმარტივე აკლდა, თუმცა უკვე ამ კრებულითაც ჩანდა, რომ მისი სახით ქართულ პოეზიაში საინტერესო შემოქმედი მოვიდა.

ჯაბუშანური წერდა ოცდაათიანი წლების ქართულ პოეზიაში დამკვიდრებულ თემებზე — ელექტრონის შუქის მოსვლა სოფელში, მანქანას გაჯიბრებული ცხენი და ა. შ. წერდა ქალაქ გორზე, რომელსაც დამლამობით ცა საჩუქრად ვარსკვლავებს ჩამოუყრის, ხარებზე, რომლებიც წვანან და ვარსკვლავებიან ცას შესცქერიან. მის პირველ წიგნში ჩანდა ის განწყობილება, შემდეგ ჯაბუშანურის პოეზიის ლეიტმოტივად რომ იქცა.

ვახედავ შორით ბისოს და ხახმატს
და გაუღიმებ ნაცნობ ჭიუხებს.

მთებზე ნისლები მთებად ეგება
და მიჰკივიანებს მღვეარს მღვეარო.

მაშინვე იგრძნობოდა ერთიც — ჯაბუშანური ასცდა იმ გზას, ბევრი რომ ვერ ასცდება ხოლმე თავისი შემოქმედებითი ბიოგრაფიის დაწყებისას... მხედველობაში გვაქვს ლიტერატურული ტრადიციის ყალბად გაგება, როცა აშკარა ეპიგონობას ტრადიციას არქმევენ.

ცდუნება კი უდავოდ დიდი იყო ჯაბუშანურისთვის — ვაჟა-ფშაველასა და ხალხური პოეზიის სამყაროში გაზრდილი პოეტისათვის. მაგრამ მან ტრადიციისაგან მიიღო ის, რაც აუცილებელი იყო და თავისი გზით წავიდა, იმ გზით,

სადაც „სიმღერა ტკივილია და სწრაფ-
ვა დიდი“.

დედა სამშობლოვ! —

შენი კარნახით

და ჩემი გულის ძახილის ძალით

მე მივალ, ცათა კიდე დავლაზო...

ჩრდილი და მთვარე

მთები გაბრიელ ჯაბუშანურის ყვე-
ლაზე მახლობელი და საყვარელი თე-
მაა. სწორედ მთებზე დაწერილ ლექსე-
ბშია ის გულწრფელობა და სისადავე.
რაც ყველაზე უფრო უსვამს ხაზს ჯა-
ბუშანურის ორიგინალობას.

პოეტი მოერიდა ჩვენს ლიტერატუ-
რაში უკვე დამუშავებულ და, შეიძლე-
ბა ითქვას, გაზვიადებულ ეგზოტიკას.
იგი პირველ რიგში არხოტელი მთიე-
ლია, ეს კი იმას ნიშნავს, რომ მთელი
შენი სიცოცხლე ალბინისტივით იცხოვ-
რო, გაეჭიბრო მეზობლის ბიჭებს დოდ-
ში, ხოლო ბუნებას — ამტანობაში. ეძე-
ბო მთაში დაკარგული ხარები და სი-
მალლიდან დახედო მთების თავზე გაფე-
ნილ სივრცეს, რომელიც „ლივლივებს,
როგორც ქედანი“, ხოლო სადამოს
სუფრასთან თავმოყრილ მეზობლებს
შეუერთდე:

შედივარ... ხალხი გულისყურს მაქცევს,

დგებიან — არაყს ნაზიარებნი...

დასხედით, ღმერთმა მშვიდობა მაგცესთ,
თანამომენო თასიანებო!

ჯაბუშანური არ გამოედევნა გუდა-
ნისჯვრის დროშის რომანტიკას და სისხ-
ლის აღების კანონებს. მის პოეზიაში
(პირველი ლექსების ჩაუთვლელად) იშ-
ვიათად შეხვდებით ქავეზე გაკიდებულ
მტრის მარჯვენებს და ხმალამოწვდილ
ხევსურებს. ის ახალი ხევსურეთის პო-
ეტია და გატაცებით ეძებს ახალ თემბე-
სა და ფერებს.

ჯაბუშანური ხატავს საშობლოს მთე-
ბის პეიზაჟებს და ხალხს — მწყემსებსა
და მონადირეებს, ჩალამებულ კლდეებს
და მღვრიე ხევებს, გახა ნაროზაულის
გზას და არხოტის ცას.

როგორც დამდნარი ტყვია ყალიბში

ნისლი ჩასხმულა არხოტის ხევში.

...

დგას ტაძარივით უწმინდესი ლილღოს

ჯაბუშანურისა

და მრავალ ფერებს აბათილებს მაინც

სმარავდი.

...

მზე გაიწვერა და მწუხრი ებში

შემოდის, როგორც შემკრთალი შუნი,

...

და ასისწყალის თვალთა წიაღში

ლილღოს მღვრიე ცა გდია გულადმა.

...

მზემ — მომღიმარე ზეცის ყვავილმა —

წყაროს, გუშინ რომ კენტად მორბოდა —

აალებინა ხელში ყვავილი.

ხელმოცარული მონადირე ღიმილით
შეპყურებს კლდეებს:

ჰე ოჩოზინტრეო,

მიშველე, მიბოძე ხარალდი.

...

სალო, შენს ახლო ვიქნები...

დე, კლდესთან კისერს ვიწვდიდე

და მთების ზეცას ვუყურო.

ასე ეუბნება მთებს პოეტი და ჩვენ
გვწამს, რომ მას არ უღალატებენ ეს მთე-
ბი, თოვლიანი და დეკიანი, დაშლილიცი-
ხეებიანი და ადიდებულხევებიანი მთე-
ბი, ჩვენი საშობლოს სანდო და კეთი-
ლი მთები...

●

მზექალი — თითქმის სულ ამ სახელ-
თანაა დაკავშირებული პოეტის სიყვა-
რულზე დაწერილი ლექსები. ზემოთ
ჩვენ ვამბობდით ტრადიციის ყალბ და
სწორ გაგებაზე. ჯაბუშანური სიყვარუ-
ლის საკითხშიც ვაქა-ფშაველას და „შე-
მომეყარა ყვიჩალის“ ავტორის მემკვიდ-
რეა, მაგრამ იგი აქაც ორიგინალური
რჩება და არსად არ იმეორებს მათს
ინტონაციებს.

საერთოა მხოლოდ ქალისადმი დამო-
კიდებულების უწმინდესი ტრადიცია:
ტრადიცია, რომელიც ქალს არ ჰპირდე-
ბა ბროლის კოშკებს და არ აპყავს იგი
ცაში დაკიდულ ბაღებში. ეს ტრადიცია
შეყვარებულთა, თუ შეიძლება ითქვას,
უფრო ნათელ დამოკიდებულებას გუ-
ლისხმობს და ამიტომაც იგი უფრო მარ-
თალი.

თუ არას მთვარე, დე იყოს სრული
არ ხამს სიმცირე და ფერმკრთალობა,
თუ ჭრილობაა, დე ღირდეს წყლული,
წყალობას გავდეს თუა წყალობა.

აი, ასეთ სიყვარულს გულისხმობს
ეს ტრადიცია და ასეთი სხივებითაა გა-
ნათებული ჯაბუშანურის პოეზიის ის
ნაწილი, რომელსაც პირობითად „მზე-
ქალი“ შეიძლება დაერქვას.

მითხარ პასუხი კაცს, რომ არაქათს
აცლის და დახარის მსგავსად ძახველის.

მზექალო, ზამთარი ვათრიე კბილითა,
ღრეობით გავლეე დღენი:
თვეობით მშვიოდა ეგ შენი ტკბილი ხმა,
მშვიოდა ღიმილი შენი.

გელოდი და უთვალავჯერ ვყარე რამლი
შენთვის ასგზის ავაქლერე კითარა,
სიჰაბუკე ვაიპარა, როგორც კვამლი,
ღდეს კი რაღა... ვინდა მოდი, ვინდ არა.

სისკარო, ამ ხმამ აღარ დამზოგა,
სისკარო, ეს ხმა ისე იღვრება,
ვით გაფრენილი ახალგაზრდობა.

ერთგან კლდეზე გადმოფენილ ქუჩის
პოეტი მზექალის თემებს ადარებს და თა-
ვისი სიცოცხლით, სისადავით და სიწმინ-
დით ბრწყინვალე სახეს ქმნის.

ალბათ გაბრიელ ჯაბუშანური კიდევ
ბევრ კარგ ლექსს შემატებს მზექალის
ლექსების ციკლს. ის ალბათ, კიდევ
ბევრჯერ მოუყვება მზექალს და მკითხ-
ველს თავის ფიქრებს, როგორც

ნაკადი ვარსკვლავს შორეულს
მეთასგრთე ზღაპარს უყვება...

ჯაბუშანურის ბევრი ლექსი შემთხვე-
ვის მხატვრულ ფიქსაციას ემყარება და
აქედანაა მის კრებულებში სიუჟეტური
ლექსების სიმრავლე: პოეტის პირველ
წიგნში ზოგჯერ ვხვდებით ძალიან მარ-
ტივ და შაბლონურ (ძველი და ახალი
ცხოვრების შედარება, იგავ-არაკის ტი-

პის ლექსები და მისთ). სიუჟეტური
აგებულ ლექსებს თუ ბალადებს. რო-
გორც ცნობილია, აქედან მომდებარე
ზამდე ერთი ნაბიჯია, მაგრამ პოეტმა
ეს სიძნელე დაძლია და ბოლო წლებში
გამოაქვეყნა შესანიშნავი სიუჟეტური
ლექსები: „მოხუცი“ „კიდევ დიღღუ-
რი კატა“, „ჩვენი რომანის ფრაგმენტე-
ბი“ და სხვ.

ჯაბუშანურს არ უყვარს პოეზიაში გა-
ტეხილი ყამირების დამუშავება. იგი მა-
ძიებელი პოეტი და ცდილობს, რაც შე-
იძლება ზუსტი ფრაზა თუ სიტყვა მონა-
ხოს. ხევისურეთში დაბადებული და ვაზ-
რდილი, იგი ხევისურული დიალექტით
იკვებება, გაბედულად იყენებს ფერფლ-
მიყრილ სიტყვებს, თუმცა ისიც უნ-
და ითქვას, რომ ზოგჯერ ზომიერების
გრძნობა დალატობს და პოეტს უჭირს
სინათლეს შეაჩვიოს სიბნელეში ნამყო-
ფი სიტყვა...

გამოცდილი და დაძაბულ შრომას ნა-
ჩვევი ოსტატი თავისი სიცოცხლის 50
წლისთავს ხვდება, წინ კიდევ გრძელი
გზაა და დიდი გამოცდა.

მე სიბნელესა და სიჩუმესთან
მაქვს საიდუმლო მიუწვდომელი.

ეს თეთრი ღამეებით დაღლილი ხე-
ლოვანის ნათქვამია და მას არასოდეს
დაინდობს თავისი სხეულის მაძიებელი
და დაუქმყოფილებელი სული.

გამოშკა ვიკლასური.

ღიას, ჩვენი ახალგაზრდობის საყვა-
რელ პოეტს გაბრიელ ჯაბუშანურს და-
ბადების 50 წლისთავი შეუსრულდა.
„ცისკრის“ რედაქცია სულითა და გუ-
ლით მიესალმება ქართული ლექსის ამ
თავისებურ ოსტატს, უსურვებს მას ჯა-
ნიერ სიცოცხლეს და ახალ-ახალ ბრწყინ-
ვალე შემოქმედებით გამარჯვებებს.



წიგნების საყუროები



გრაფიკა და სიმღერა

მ. ფოცხიშვილი — „ეს გაზაფხულიც მოვიდა“. ლექსები. „საბჭოთა საკარტველო“.

მორის ფოცხიშვილი იმ პოეტთა რიცხვს ეკუთვნის, რომელთა სულიერი სამყარო დღითიდღე ფართოვდება, იწმინდება, მხატვრულ-გამომსახველობითი საშუალებები უფრო ლაკონური და ზუსტი ხდება.

რვა წლის წინათ მკითხველი საზოგადოება პირველად გაეცნო მორის ფოცხიშვილის წიგნს „აღუბლები წვიმაში“. ეს კრებული ლიტერატურულმა საზოგადოებამ და მკითხველმა გულთბილად მიიღო. მასში ჩანდა ახალგაზრდა შემოქმედის საინტერესო პოეტური მიგნებები და დაკვირვებები, რომლებიც უფრო მეტად ემყარებოდა ღრმადამიანურ ტიპიკულსა და სინაზულს. რა თქმა უნდა, ზოგი იმდროინდელი ლექსი თავისი მხატვრულობით ან თემის გადაწყვეტით სრულად არ უპასუხებდა ლიტერატურის მაღალ მოთხოვნებს, მაგრამ მათში უკვე იგრძნობოდა მზარდი, მართალი შემოქმედი და, რაც მთავარია, ჩანდა მისი ლიტერატურული მომავალი. ლექსების ამ წიგნში ავტორმა გარდა თავისი ხალასი გრძნობისა, კიდევ ერთ დადებით თვისებაზე მიგვანიშნა. ის ყოველგვარი ექსპერიმენტის, ცრუორიგინალობის გარეშე დაღვაწადვილ შემოქმედებით გზა-

ზე. პოეტისათვის უცხო იყო ყალბი, არაფრისმთქმელი, გრძნობისაგან დაცლილი ფრაზები. ხალხური ლექსის ინტონაციაზე დაყრდნობით მან შექმნა საოცრად ამღერებელი სტრიქონები.

„ეს გაზაფხულიც მოვიდა“ პოეტის მეშვიდე წიგნია. ამ კრებულში მორის ფოცხიშვილმა უფრო დამაჯერებლად გვაგრძნობინა თავისი პოეტური პოტენცია.

მორის ფოცხიშვილის ლექსის შინაგანი წყობა და რიტმი ზოგიერთ შემთხვევაში ძალზე უახლოვდება თანამედროვე სალაპარაკო ენის ინტონაციას. ის ამ კრებულში ძუნწად იყენებს მხატვრულ-გამომსახველობით საშუალებებს და აქცენტი უფრო სასაუბრო-სასიმღერო ინტონაციაზე გადააქვს. პოეტი თავის ლექსებში მღერის ყოველგვარი ძალდატანებისა და მოჩვენებითი განწყობის გარეშე. აკი ამაზე საკუთარ თავს თვითონვე ეუბნება: „ახლა თუ არ ამღერდები, მერე რა ავამღერებს, რერა!“

მორის ფოცხიშვილის აზრს ხშირად გააჩნია ძალზე ხელშეშახები ინტენსიური ფერიც, რომელიც ალაგ-ალაგ ფერწერაში გადადის, მაგრამ ლექსის მუსიკალობა არ იჩქმალბება:

ყველაზე დიდი ოცნება ახლა ჩვენს გულში ჩნდება, აიღია, ბედი, რომელიც წყდებოდა მაღლა. მიწაზე წყდება, აიღია. სურვილი ჩემი შენს რწმენას ერთვის. ალბათ თენდება სხვა დილა, ლამაზი, როგორც შროშანა თეთრი, დელი, ოდელი, აიღია!

ბოლო დროს ქართულ პოეზიაში, განსაკუთრებით ახალგაზრდების შემოქმედებაში, სამოქალაქო ლირიკას სათანადო ყურადღება არ ეთმობა. ვიწრო-კამერულ, სუბიექტურ განცდებზე შექმნილი ნაწარმოებები, რაც არ უნდა რაფინირებული და მალაღმბატურული იყოს, ვერ შექმნის ამინდს პოეზიაში. ასეთ თემებზე დაწერილ ლექსებს ძალზე ხანმოკლე სიცოცხლე უწერიათ. ძველი ქეშმარიტებაა: ყოველ ლექსს სჭირდება მოქალაქეობრივი ელერადობა და განზოგადება, რადგან შეუძლებელია დროთა გამოცდას გაუძლოს მხოლოდ პირადული გრძნობების ამსახველმა პოეზიამ. ავიღოთ, მაგალითისათვის, ამ კრებულის ერთ-ერთი ლექსი „ხიროსიმა“. სათაური უკვე მიგვანიშნებს ნაწარმოების მიზანდასახულობაზე, თემის აქტუალობაზე, ლექსის ფუნქციაზე. ხიროსიმა ყოველი ადამიანის შემეცნებაში გამოსახულია, როგორც სიმბოლო ატომური ომის საშინელებისა. სათაურის წაითვისისთანავე გავვიღვლებს გონებაში: — როგორ შეძლო პოეტმა ამ თემის გადაწყვეტა? ხიროსიმას ბედზე ხომ ყველა ადამიანს უფიქრია. გვეტყვის თუ არა პოეტი რაიმე ახალს?

ის შეერია იისფერ გორებს და ცხელ სივრცეში თოვლივით ვალხვა... არ შეიძლება ტირილი, თორემ ავტორებდი ქვეყანას ახლა. ...და პა, მე შენი ტკივილი ვიგრძენ, მტირედს ვწირავთ და უმრავლესს ვვფლით. — წაიღეთ ცივი გონების სიბრძნე, მომეცით ჩემი მოყვასის გული.

ლექსი გვეუბნება, რომ ხიროსიმა „დაემშვიდობა ღიმილით სწორებს“, „...დაცხრა, როგორც პირველი ტალღა“ (ტალღა, რომელმაც მსოფლიო ხალხებს დაანახა ატომური ბომბის პირველი სა-

შინელება!). ლექსში ნათქვამია, რომ არ გვწამდა ასეთი საოცრების არსებობა და ეს ყველაფერი „მიგვაჩნდა კოროდ“, მაგრამ პოეტს ერთხელაც არ უხსენებია ატომური ბომბი, არ აუწერია მისი სახარელი აფეთქება, ლექსში არ ისმის განწირულ ადამიანთა ხმა, მაგრამ ეს ყველაფერი პაუზებში იგრძნობა.

მორის ფოცხიშვილის „ხიროსიმა“ კრებულის საუკეთესო ლექსია თავისი აქტუალობითა და თემის გადაწყვეტით.

ლექსი „უსინათლო მომღერალი“ და „მარტოხელა ქალის ბალადა“ რიტმითა და განწყობილებით ერთმანეთს ჰგავს. ბრმა მომღერალი შინ ზის, არსად დადის. მას არავინ მეგზურობს. ხელში არც ჯოხი უჭირავს და არც ჩანგი, მაგრამ მაინც: „მღერის და ტკბილი სიმღერით ხალხში მიიკვლევს გზას“. უსინათლო მომღერალი თავის ტრაგიკულ მდგომარეობას სიმღერით ამარცხებს, ხოლო მარტოდმარტო დარჩენილი ქალი კი იმარჯვებს მაშინ, როცა: „შემოვიღიან ხანდისხან მასთან“, „დაუტოვებენ ღიმილს და ყვავილს“, ანდა როცა „...მშვიდად ჰყვება მოხუცი ქალი ტკბილი ცხოვრების მწარე ბალადას“. ორივე ლექსი დიდი გულისტკივილითა და ადამიანური განცდილითა დაწერილი.

მორის ფოცხიშვილის ამ წიგნში წარმოდგენილი ლექსების ერთი მესამედი მეგობარზე და მეგობრობის თემაზეა დაწერილი. ქართული ლიტერატურის ამ უძველეს ტრადიციულ თემას პოეტი თანამედროვე ადამიანის სულისკვეთებით ხსნის. მეგობრობის თემაზე დაწერილი ლექსების უმრავლესობა საინტერესო აფორისტული თქმებით ბოლოვდება: „მიძმე და მოგეწონები — ძმა ხომ ძმით არის ძლიერი“, „ვით მადანს, მტერი ვერასდროს გბოვებს, რადგან მე გეძებ, როგორც მეგობარს“, „შენ გაიხსენე ტკივილი სხვათა, — შენი როგორმე გავახსენდება“ და სხვ.

მორის ფოცხიშვილი მარტო დადებითი ემოციების პოეტი როდია. მას მხოლოდ ერთი კატეგორიის განცდა არ ადევლებს: მარტო ახდენილი იმედი, გა-

მართლებული სიყვარული, მზიანი ამინდი, მიღწეული სურვილი...

ნახევარი საუკუნის წინათ დიდი რუსი პოეტი ალექსანდრე ბლოკი წერდა: „თანამედროვე ნატურალიზმი მავნე არაა, რადგან ის ხელოვნების გარეთაა... მოდერნიზმი კი საწამლავია, რადგანაც ის ხელოვნებასთან მჭიდრო კავშირშია“. პოეზიას მოდერნიზმზე არანაკლებ სწამლავს მოვლენებისა და გრძნობების გაყალბება. მორის ფოცხიშვილის ყოველი ლექსი მართალი და ნათელია. პოეტი სიყვარულს აღიქვამს, როგორც სიცოცხლის აუცილებელ ნერვს. უბრალოებამ, მუსიკალობამ, გრძნობათა სინატიფემ პოეტს არა ერთი და ორი სიმღერა ათქმევინა:

მე ის პატარა ნაკადული ვარ,
შენ რომ ამღვრე და ასე ათრთოლებ.
შენ რომ ცრემლები წყალს გააყოლე,
მე ის პატარა ნაკადული ვარ.

მღერის პოეტი და... მღერის ახალგაზრდობა.

კრებულში ჩვენი სამშობლოს წარ-

სულს ეხმაურება ლექსები: „არმენის აკლდამის ქვაზე ამოკითხული“ ლექსი, „სულს ლისციხეში ნაპოვნი ლექსი“ ლექსი, „რომლებიც დიდი სიყვარულითა დაწერილი.“

სამწუხაროდ, მორის ფოცხიშვილის ამ კარგ წიგნს აქვს ცალკეული ნაკლოვანებებიც.

ალაგ-ალაგ გვხვდება გაუმართავი სტრიქონები: „რადგან სახელი ძლიერ ბევრია“, „როცა სტრიქონებს მიმღვრევენ ხელნი“, „მზე ჩემთან ერთად აღვინებს ვაზებს“, „ვაეიბიჭები ფიქრობენ — გამარჯვებულია ალბათ“, „შამპანურით იხუვლებს „დარიალი“ და ბოლოს ბორჯომის ბოთლივით დაიცლება“ და სხვ.

მორის ფოცხიშვილი ახალგაზრდა თაობის ერთ-ერთი ნიჭიერი წარმომადგენელია, რომლის შემოქმედებაც მკითხველმა სამართლიანად შეიყვარა. ამიტომ პოეტი მოვალეა თავის თითოეულ ლექსს უფრო მაღალი მოთხოვნილება წაუყენოს.

დავით ავაქიძე.

ყველაზე დიდი სიჩუმის შემდეგ...

ა. აბულაშვილი — „ლიმსიბი“. „ლიბერატორა და ხელოვნება“.

შეიძლება უცნაურადც მოგეჩვენოთ, მაგრამ ლექსების ამ წიგნის განხილვას მისი მხატვრული გაფორმების შეფასებით ვიწყებ. წიგნის ყდის უღიმღამო, მეტისმეტად უფერული გამოხედვა კრებულის შინაარსსა და პათოსს არ გამოხატავს. მხატვრის ხელრთვა ძნელად იკითხება. ერთი სიტყვივით, შეუხედავი გამოცემაა.

ახალგაზრდა მწერლის წიგნი როგორ მივიღეს მკითხველამღე, თუ იგი მიმზიდველად გაფორმებული წიგნების გვერ-


დით იჩქმალება და იჩაგრება? ეს უნდა თქმულიყო და არც თუ სხვათა შორის.

ანზორ აბულაშვილი არ არის აღტაცებული საკუთარი თავით (რამდენი ასეთი ახალგაზრდა პოეტი ვიცით!), იგი ზომიერად და მოკრძალებით გვთავაზობს თავის გამოჩენულ, სათუთ ფიქრებს, გვისახიერებს თავის უკეთეს „მეს“. ერთ ლექსში იგი წერს: „მე ვიდგამ ენას ყველაზე დიდი სიჩუმის შემდეგ“. ამ „დიდი სიჩუმის“ სადგურში წარმომობილი პოეტისეული მძაფრი, არსებითი განცდა, თავშეკავებული და გულწრფელი

საუბარი მკითხველთან მთელ წიგნს გას-
დევს.

სიმართლე, უპირველეს ყოვლისა, სა-
კუთარი თავისა და მკითხველის წინაშე
პასუხისმგებლობა, — ყოველ ნაბიჯზე
იგრძნობა. კაცთმოყვარეობა, „რწმენა,
ყველაფრის მიღწევის რწმენა“ ასულ-
დგმულებს ანზორ აბულაშვილის სტრი-
ქონებს. კრებულში ოცდახუთი ლექსი
და ერთი პოემაა დაბეჭდილი. ისინი სხვა-
დასხვა დროს დაიწერა და სრულიად
განსხვავებულ თემებსა და საკითხებს
ეხებიან. მაგრამ მთელი წიგნი ერთი
პოეტური სულითა და ენერჯითაა გამ-
თლიანებული და მოწესრიგებული. მექა-
ნიკურობისა და შემთხვევითობის ორი-
ოდე შემთხვევადა შეინიშნება (ამაზე
ქვემოთ). აქ არის საინტერესო ფიქრები
იმაზე, თუ რაზი ვართ და რანი ვიქნებით.
აქ არის მძიმე და გმირული წარსულის
ბურუსის გარღვევისა და წინაპართა
ღვაწლის პოეტურად გაცხადების ცდა.
პოეტის თქმით, ყოველ ჩვენგანში დგას
„ქსნის და არავგის ციხეთა ნისლი“, „და
ანანურის ციხე მაღალი“. ამ სიმალისა
და გმირობისადმი მოკრძალება გვიარ-
თებს. წარსულის სიყვარული და ცოდნა
კულტურის უპირველესი ნიშანთაგანიაო,
უთქვამთ. ანზორ აბულაშვილმა შეძლო
თავისებურად, შთამბეჭდავად გადმოე-
ცა ისტორიული ქართლისადმი თავისი
დამოკიდებულება, რაც ძნელი იყო, დი-
დად ძნელი, რადგანაც ეს თითქმის ყვე-
ლა პოეტმა სცადა. ა. აბულაშვილმა
თქვა: „...და ვფიქრობ ახლა, მე ვფიქ-
რობ ჩემთვის დალილ მუხლებზე, ხე-
ლებზე, სისხლზე... დგას ციხე, როგორც
უმწეო ღმერთი...“ და ეს — უმწეო
ღმერთის დალილი მუხლები, ხელები,
სისხლი — თავს არ დაგვაფიწყებს. ამ
მრავალსაუკუნოვანი ავბედითობის ტვი-
რთი კი არ გვთენთავს, კი არ გვანელებს,
პირიქით — გვაახლებს და გვაძლიერებს.
დღეს „უფრო კეთილი და საყვარელი“
ქართლი „მაისის წვიმებს მიჰყიყინებს“:

ახლა სავე ვარ ამ ქართლის ფერით
და ისახება მიზანიც ნათლად.

და, მძიმე ხელებს, ღონიერ ხელებს.
როცა ვწევთ ზევით: — შისაკენ, ცისკენ,
გულისოდენა სიმცირე ჩვენი 
უნდა წუხილად, განგაზად იქცეს.

სალამი ამ დღეს — ზრუნვის, ძიების,
იმ გზას გაკაფულს, რომელსაც მივდევთ,
და მთებზე მაღლა ავარდნილ ამბებს,
ახალ სართულებს, ქარხნებს, თუ მინდვრებს.

პოეტი საერთო-სახალხო შრომითი
ენტუზიაზმის გამოსახატავად არ მიმარ-
თავს შედარებით იოლ გზას — არ კმა-
ყოფილდება ახალი ქალაქების, ელსად-
გურების თუ სხვა ობიექტების ჩამოთ-
ვლით (თუმცა, ეს გაუმართლებელი პოე-
ტური საშუალება როდია და იგი ხში-
რად საოცარ ზემოქმედებას ახდენს ჩვენ-
ზე — უიტმენი, ვალაკტიონი, მაიაკოვს-
კი...). ეს მისი ბუნებიდან არ მოდის.
ა. აბულაშვილის ჩუმი და მშვიდი ტემ-
პერამენტი მიგვანიშნებს, ერთი შეხედ-
ვით, ნაკლებმოციურ, თითქმის „არა-
პოეტურ“ გარემოებებზე: „გზა სოფელს
თითქოს აღვიძებს, ანჭღრევს“ და „... ახ-
ლა შარას, ყვითლად გაწოლილს მოაქვს
შირაქის მინდვრების ღალა“, ან კიდევ:
„ჩრდილებს დაეძებს სამხარი ახლა“ და
სხვ. ამას იქით მკითხველმა ადამიანები
უნდა დაინახოს, შრომის პროცესი უნდა
წარმოისახოს...

კრებულში ერთ-ერთი საუკეთესო
ლექსია „უცნობი ჯარისკაცის საფლავ-
თან“. ეს ლექსი პოეტმა მამის ხსოვნას
უძღვნა. იგი ხალხის შეუხორცებელი
ჭრილობის გამოძახილია და, ამდენად,
პირადი ტკივილი საყოველთაო რეჰვიე-
მად ისმის. პოეტი იხსენებს კაცს, „გუ-
ნაც ვერ განვლო ბოლომდე ვიწრო გზა
ცეცხლის, სადღაც დაეცა... მეერ მიწად
ქცეული ვერავინ იცნო“. მილიონობით
უსახელო გმირის საფლავი უცნობია.
მათ მოსაგონარად გათხრილია სიმბო-
ლური საფლავები, ქალაქებსა და სოფ-
ლებში „ანთია ცეცხლი დღითა და ღა-
მით და ცეცხლს კი არ ჰგავს იგი — არა-
მედ სისხლში ამოსვრილ გათელილ ყვა-
ვილს, რომელიც იქცა ძეგლად, სამარედ“
და „რამდენიც ხარობს ყვავილი—ცეცხ-
ლი, გვარავს იმდენი სამარე ზუს-

ტად. ეს მწუხარებისა და უკვდავების ყვავილებია „და დედებს ახლაც ვერ გადუწურავს იმედებს მთლიან ვერც ეს საფლავი“... მაგრამ სიცოცხლე გრძელდება, ადამიანები ქმნიან, იღვწიან, სიმართლით, ნიჭითა და მოვალეობის შეგნებით იხვეჭენ სახელს „და სურათებში შერჩენილ მამებს ჩვენ გავასწარით ასაკით უკვე“.

ამ კრებულის რამდენიმე ლექსი სევდიანი, ნაღვლიანი განწყობილებისაა. არ არის საჭირო, რომ მათ მაინცდამაინც „პესიმისტური“ ლექსები დავარქვათ. ეს შინაგანად მართალი წიგნი ავტორის სულს გვაცნობს, მის სიხარულსა და გულისწუხილზე მოგვიტხრობს. ვგრძნობთ, რომ საოცრად მძიმეა „ყველა ტყვილის მოთმენა“ და უფრო ძნელია, ხშირად, გიყვარდეს ის, რაც გიყვარდა, ელტვოდეს იმას, რასაც ელტვოდი... აი, თუნდაც ლექსი „შენს ძველ სახლში“. კაცი მივიდა თავის ძველ მითრეველ სახლში, მამაპაპეულ სახლში. ამ ოთახმა, ამ ბინდმა, ბუხარმა საოცრად შეაერთო მისი სული. „...ვით სიჩუმის ხმა, ან თავის ქალა... და ვგრძნობ შიშსა და სიბრაღულს ერთად“, „და ვგრძნობ უცნაურ შიშსა და ცახცახს, ვგრძნობ, ვით ფათურობს შენს სულში შიში...“ სულისშემძვრელია შეხვედრა ადგილის დედასთან, რამეთუ იგი „მოჰგავს მეჩიჩხე გარიყულ ხომალდს, რომელიც თავის დამსხვრევას ელის“. პოეტი არ წარმოთქვამს სიცოცხლისა და რწმენის მეტად ჩვეულებრივ, კარგად ცნობილ პანეგირიკს. აქ იგი უადგილო იქნებოდა და ადამიანური სევდის გაცხადების გამო თვითდატუქსვას დაემგვანებოდა.

სხვა დროს და სხვა ვითარებაში პოეტმა უკეთ იცის, რომ „ცხოვრებას უნდა მიეზღოს თავისი“ და „ახლა ვპოულობ ჩემში როგორც განძს, ბაჯალლო ოქროდ ღირებულ რწმენას“. მეგობრისადმი მიძღვნილ გულთბილ, სალადობო ლექსშიც გამოსჭვივის ფერმკრთალი სევდა და სიმართლით ავსებს განშორების წუთებს:

ახლა წავალ და დიდი ხნით მართლაც მთელი ზაფხული დავრჩები კახეთს. მივდივარ მე ჩემს საკუთარ თაფლს, მკვლევარს კარგად იყავით, მშვიდობით განახტ.

ნადლი ლურწამი მეც მელის სადღაც. მეც მელის ჩემი სახლი და ეზო. ჩემი სალამი იმერეთს, ვაჟ, სულ ავგო კარგად მენახე — ვეჟო!

დინამიური, გამომეტყველია პოეტის მიერ შექმნილი სახეები: „და მდინარეებს მიაქვთ მინდვრები, დიდი მინდვრები, ვრცელი მინდვრები“, „მიიზმობა მდინარე უხმოდ და მისი გლუვი, მოქნილი ტანი, თითქოს ხელიდან უსხლტება ქალაქს, დიდი თევზივით უსხლტება მტკვარი...“. „და ცისარტყელას აწვდიან მთები, როგორც პირსახოცს ქრელსა და სუფთას“ და სხვა. პოეტს პათეტიკური, ამაღლებული თქმაც ეხერხება („ერთხელ ხოხობსაც ვესროლეთ და იგი იქცა თბილისად“, „ქმეყნად ერთია არაგვი და ერთხელ იქცა სამასად“, „სულ ერთი იყო კრწანისი და ერთხელ გატყდა ერეკლეც“ და სხვა) თავისი თაყვანისმცემელი, როგორც ვიცით, ამგვარ რიხიან თქმებსაც ჰყავს.

ზემოთ ვთქვი, წიგნის შინაგანი დისციპლინა ერთი-ორგან ირღვევა-მეთქი. ვფიქრობ, ამ კრებულში არ უნდა შესულიყო „გრიგოლ ორბელიანის დაბრუნება თბილისში“ და „ძველი თბილისის ცხოვრების სურათები“ და აი, რატომ: ირღვევა წიგნის მთლიანი სულიერი, თითქმის ავტობიოგრაფიული ქსოვილი და, თანაც, ეს სუსტი ლექსებია — ავტორს თავი ვერ დაუღწევია იმ ეპოქის მხატვრული ასახვის ჩვენში უკვე არსებული ფორმებისგან, ახალი, ფსიქოლოგიურად გამართლებული კოლორიტი ვერ შეუქმნია, ერთი სიტყვით, ახალი ლექსი ვერ დაუწერია.

პოეტს უნდა ვუსაყვედუროთ, რომ იგი არ ესწრაფვის რიტმულ-ინტონაციურ ნაირფეროვნებას. მთელი წიგნი, ერთადერთი გამონაკლისის გარდა, ათმარცვლიანი ლექსითაა დაწერილი, განსხვავებული თემები, განწყობილებები, ისტორიულად დაცილებული ეპოქები ბუ-

ნებრივად უნდა მოითხოვდნენ სხვა და სხვა ინტონაციას.

ა. აბულაშვილის რითმა მკითხველის ყურადღებას არ იქცევს. იგი ამას არც ესწრაფვის და ჩვეულებრივი, არაერთგზის გამოყენებული რითმებითაც აღწევს ლექსის მუსიკალობას, თანაც, მისი ლექსი უფრო განწყობილების სიმძრავით, უშუალოდ და სურათოვნებით გვიზიდავს, მაგრამ ქართული ლექსი მეტ სიფაქიზეს ითხოვს რითმისადმი. ზვირთებით — ჩიტები, ერთხელაც — მოგებდა, თავისი — შოშის, შენი ყვარელი — და საყვარელი, ღამეში — თვალეში — მეტად მდარე რითმებია. პოეტს უფლება აქვს მეტი ყურადღება მიაქციოს ლექსის რომელიც ნებავს კომპონენტს, მაგრამ, ვფიქრობთ, რითმის უგულვებელყოფა ტენდენციად არ უნდა იქცეს. ქართული ლექსი ყოველგვარ თავისუფლებას უშვებს, მაგრამ რითმის სიმდარეს კი — არა. არის დასახვეწი

ადგილებიც („მან რითაც შექმლო, როგორც შექმლო, ეფარა მკერდთა მსგავსად“). ლექსების უმეტესობა უსათაუროა და ეს, ჩემის აზრით. არ უნდა იყოს გამართლებული

ლირიკული პოემა „დიდი ქალაქი“ გარკვეულ სიუჟეტს შეიცავს. იგი ცხრა თავისაგან შედგება და სათაურების გადახედვაც საკმარისია იმისათვის, რომ პოემის ამბავი გავიგოთ: „გამგზავრება“, „პირველი წელი“, „შემოდგომის მონატრება“, „დიდი ქალაქი“, „დაბრუნება“ და სხვ. ვფიქრობთ, რომ პოემის უანრი ა. აბულაშვილის შემოქმედებით ბუნებას ნაკლებად ეგუება.

ა. აბულაშვილმა კარგა ხანია ახალგაზრდა მკითხველის ყურადღება მიიბყრო. ეს წიგნიც მეტად საყურადღებოა და, პოეტის თქმისა არ იყოს, „რწმენას, ყველაფრის მიღწევის რწმენას“ გვინერგავს.

ჯუშუბარ თითხვრია.

„სიყვარული გზად და ხილად“

ვიტალი კოროტიჩი. ემილ ლოტიანუს. „ნაკაღული“.

რუსთაველის მარადსახსოვარი სიტყვები აწერია ლექსების პატარა კრებულს. კრებულში ორი სხვადასხვა ერის, ორი განსხვავებული ხედვის პოეტია წარმოდგენილი. უკრაინელი ვიტალი კოროტიჩისა და მოლდაველი ემილ ლოტიანუს სახელები კარგადაა ცნობილი ჩვენი ახალგაზრდობისათვის.

ადამიანისა და სიცოცხლის სიყვარული, ჰუმანიტატი მეგობრობა და ძმობა, — ესაა უმთავრესი, რამაც ორი პოეტის ლექსები ერთ წიგნად შეკრა. სწორედ დიდმა სიყვარულმა გააკეთებინა ვიტალი კოროტიჩისა და ემილ ლოტიანუს ქართველ მეგობარსა და თანამოქალაქს — ჯანსულ ჩარკვიანს — ეს მისასაღმებელი საქმე.

მთარგმნელს საგანგებოდ შეურჩევია ისეთი ლექსები, რომლებიც დღესდღეობით ყველაზე ნათლად გამოხატავს კოროტიჩისა და ლოტიანუს შემოქმედების თავისებურებებს და, ამავე დროს, მკვეთრად განასხვავებს ამ ორ პოეტს ერთმანეთისაგან.

ვიტალი კოროტიჩი უფრო დინჯი ჰერეტის, ნაზი განწყობილების პოეტია, თუმცა მისთვის არც მძაფრი მოქალაქეობრივი პათოსია უცხო. იგი საქართველოს ხშირი სტუმარია და განსაკუთრებულად უყვარს ჩვენი მხარე. საქართველოს პეიზაჟები და განუმეორებელი ფერები თვალისმომჭრელად აელვარდა უკრაინელი პოეტის ლექსებში.

ერთი ასეთი ლექსი — „გელათი“ —

იღნიშნულ კრებულსაც ამშვენებს. ლექსში მინიშნებულია ჩვენს წარსულზე, ჩვენს დიდ ისტორიაზე, იმ საერთო ხვედრზე, რაც უძველეს მეფესა და მის მონას ათანასწორებს. აქ ჩანს ჩვენი ეროვნული სიამაყე, რაც მოძმე ხალხის პოეტს ყველასათვის საყვარელი ჭადრაკართველი კაცის, პეტრე ჭაბუკიანის სიტყვებით გადმოუცია. კაცი, რომელმაც თითოეული კენჭი ზეპირად იცის სათაფლიას გვირაბებში და ვინც ნათელმხილველის თვალით კითხულობს მილიონი წლების წინათ აღბეჭდილ დინოზავრის ნაკვალევს, გელათის განთქმულ ფრესკებზე ესაუბრება სტუმარს. და გიხარია, რომ ამ კაცის სიამაყეს ძველი და ახალი საქართველო უმაგრებს ზურგს. ერთ სტროფში ზედმიწევნით ოსტატურადაა დახატული პეტრე ჭაბუკიანის პორტრეტი და გადმოცემულია სპეტაკი ადამიანის ხასიათი:

ახლა ჩემს წინ დგას კაცი ძველი,
ვით ეკლესია,
ამბობს: ამნაირ ფრესკებს
ქვეყნად ბევრს ვერ დაითვლით,
ჩვენი გელათი მსოფლიოში უძველესია,
გარდა ამისა,
აქ მარხია, მეფე დავითი!

ასეთი შთაგონებული სტრიქონები საქართველოზე უზომოდ შეყვარებულ კაცს შეუძლია დაწეროს.

პოეტს ხიბლავს ამქვეყნიური სილამაზე. მთელი გატაცებით უმღერის დედამიწის ყველაზე უბრალო და ყველაზე დიდ მშვენებას — ბალახს. მწვანით შემოსილი მინდორი ბუნების სასწაულად მიაჩნია და პატარა, სუსტ ბალახში მთელი სიცოცხლის შინაარსს ხედავს:

მითხარ, ბალახო,
მითხარ, ბალახო,
დედამიწაზე როგორ მოდიხარ.
ვის უხარია შენი დანახვა,
ვისი სუნთქვა ხარ, ვისი ტოლი ხარ.

შენ სიცხეს უძლებ
და ყინვას უძლებ,
დიდი ლექსივით
ვერვინ დაგმარხოს,
მითხარ, ბალახო,

მზეს როგორ უშვებ —
ცხოვრების აზრი მითხარ, ბალახო...
კვამლისუფლი
ვერვინოთუქა

ვიტალი კოროტიჩის ერთ-ერთი საუკეთესო ლექსია „საათი“. ამ ლექსში ყველაზე მკაფიოდაა გამოვლენილი ავტორის მოქალაქეობრივი სულისკვეთება. აქ ვერ ნახავთ პლაკატურ, უსულგულო სტრიქონებს; მთელი ნაწარმოები მძაფრი ტრაგიზმითა და შთაბეჭდავი, საოცრად დინამიური პოეტური სახეებითაა სავსე. ესაა ლექსი ამერიკელ მფრინავზე კლოდ იზერლიზე, რომელმაც პირველი ატომური ბომბი ჩამოაგდო ხიროსიმაზე. თითქოს მძიმე ცოდვამ უწიო, კაპიტანმა იზერლიმ წლობით მოძალებულ საშინელ ზმანებებს ვერ გაუძლო და გაეიყდა. იგი ჭკუიდან შეშალა განწირული მილიონების შემზარავმა ხმამ, მის ყურთასმენას რომ არ შორდებო. გიგანტურ სოკოსავით აღმართულ ღრუბლებში იზერლი დაღუპულ ბავშვებს ხედავს, ადამიანთა ფერფლით დაფარულს საზარელი კოშმარი წამითაც არ ასვენებს. წარსული ომის მოლანდების ეს შემადრწუნებელი სურათი დიდი ფსიქოლოგიური და მხატვრული სიმართლით აღსახავს ვიტალი კოროტიჩის დამთარგმნელსაც ასევე ოსტატურად გადმოუღია:

...მას სამხრებზე
ნანგრევების ეციმა მტერი
და კლოდ იზერლი
თავს აფარებს ქვეყანას „ზლაპრულს“.
სამოთახიანს და ჩაკეტულ
ქვეყანას ზლაპრულს,
რომლის კედლებიც გაღურეცხავს
რადიოტალღებს,
სად ტელევიზორს გაუღია
ეკრანის თვალი,
ის თავს აფარებს
გიყებისთვის ნაცნობ ქვეყანას.

ვიტალი კოროტიჩის ეს ლექსი მრისხანე გაფრთხილებად გაისმის ომის გამჩალებელთა მიმართ. ესაა წრფელი და ღრმად ადამიანური მოწოდება დედამიწაზე საყოველთაო მშვიდობის დასამყარებლად.

კოროტიჩის ლირიკაში საკმაოდ მძლავ-

ვრია პატრიოტული ნაკადი. პოეტი აქაც ერიდება ზოგად, გაცვეთილ ფრაზებს, იცის, რომ სიყვარულს ბევრი ლაპარაკი არ უხდება და სათქმელს სადად ეუბნება მშობლიურ უკრაინას:

მე შენ არაფერს არა გთხოვ სხვას.
მე შენი მიწის სურნელით ვიწვი,
მაყურებინე შენს ლამაზ ცას,
დამალაღე შენი მხურვალე მიწით.

თბილი, ნათელი განწყობილებები ლექსებში — „ყვავილი“, „კივივი“, „ზღაპარი შენთვის“, „ლილილოების ქუჩა“ და სხვა. აქვე ჩანს პეიზაჟის ხატვის თავისებურება, გამოსახვის ახალი ხერხები, რაც ვიტალი კოროტიჩის პოეზიას განსაკუთრებულ ელფერს აძლევს.

პირველი, რასაც იგრძნობ და რაც თვალში გეცემა ემილ ლოტიანუს ლექსების კითხვისას, ესაა მღელვარე, დაუოკებელი პოეტური ტემპერამენტი. სიმშვიდე და უშფოთველი განწყობილება ამ პოეტისათვის უცხოა. იგი წუხს, ეტრფის, ჯავრობს, გახარებულია, გასაფრენად იწევს გაუკვალავი კოსმოსისაკენ, მუდამ დაძაბული და შემართულია. მისი განცდები თითქმის ყოველთვის უკიდურესობამდე მიყვანილი.

ემილ ლოტიანუს პოეტური ბუნება კარგადაა გამოკვეთილი კრებულში „შეტანილ მის პირველსავე ლექსში „მე ვსვამ ღვინოს“. პოეტი ბახუსის ენიანობით იყუდებს ლალისფერი ღვინით სავსე კათხას, მაგრამ ეს არის სიცოცხლის და არა ღვინით თრობის აპოლოგია. მორწმუნესავით ქუდმობდილმა კაცმა იცის, რა დიდი შრომის და სიყვარულის შედეგია მზეზე მოელვარე ზღაპრული სითხე. იგი ბუნების ძალთა სასწაულებრივ მოქმედებასაც ხედავს, როცა ამ ლამაზ კათხას ეწაფება:

მე გამკვირვალე
სალამოს ბინდს ვსვამ,
და მწვანე ფოთლის
ცვარ-ნამის ბრწყინავს,
მე ვსვამ ღვინოს და
შუადღის სიცხეს,
პირველ ცვარსა და
აგვისტოს წვიმას.

კიდევ უფრო მძაფრი, ენერგიული და სურათოვანია შემდეგი სტრიქონები:

მე ვსვამ მერხის
და ცეცხლის ნაყენს...
მადლობა მიწას,
ვინც იგი შექმნა.

ესენი
გინჯი

იღუმალების გაცნა და წვდომა პოეზიის ერთ-ერთი უმთავრესი თვისებაა. ეს ლამაზი, ყოვლისმომცველი გაცნა და მისგან აღძრული პოეტური ხილვები ჩანს ემილ ლოტიანუს საუკეთესო ლექსში — „ნურაფერს მალავ, შავო ტყეო“. რამდენი სიმღერა თქმულა ტყის სილამაზეზე, რამდენი პოეტი მოუჭადოებია ბუნების ამ პირველყოფილ მშვენიერებას. ძალზე ძნელია, რაიმე ახალი კუთხით მიუდგე ამ თემას, მაგრამ ემილ ლოტიანუმ შესძლო თავისი ჰიმნი ეთქვა შიშისმომგვრელად გარინდებული დამეული ტყისათვის. ლექსში მკვეთრად ჩამოქნილი ფერწერული სახეების გვერდით გვხვდება შეულამაზებელი, პირდაპირ ნათქვამი ფრაზები, სადაც შეგნებულად არ არის გამოყენებული რაიმე პოეტური სამკაული. ასეთ კონტრასტულ ხერხებზე აგებული სტრიქონები ბუნებრივად ერწყმის ერთმანეთს და უფრო მეტი ძალით გამოხატავს საერთო განწყობილებას:

ნუ გამაძეებ, შავო ტყეო, შლეგსა და
დალილს,
გაველურება შენმა მომკლა და დამამიწა,
შენი ირმების მაღალ რქებზე ირწევა ღამე
და ვურთღები შევ სიჩუმეს შენი ღამისას.

ემილ ლოტიანუ მაინცდამაინც ხშირად არ მიმართავს მეტაფორულ აზროვნებას, მაგრამ მის მიერ დახატული სურათი იმდენად ზუსტი და მკაფიოა, სამუდამოდ გამახსოვრდება:

როგორც ღობეში,
მზერას ვაძვრენ
გაფრენილ წლებში
და ჩემს ბავშვობას
თვალს ვერ ვაცილებ.

ბავშვობაზე, გარდასულ წლებზე მრავალი ლექსი დაწერია. დღეს განსაკუთრებით გახშირდა ასეთი ლექსები.

შათი დიდი ნაწილი ერთმანეთს ჰკავს; ავტორებს უჭირთ, თავიანთი პატარაობის სურათები რაიმე კონკრეტული, მხოლოდ მათთვის დამახასიათებელი ნიშნებით დაგვიხატონ. მოლდაველი პოეტის სასახელოდ უნდა ითქვას, რომ მან თავი დააღწია უსულგულო ტრაფარეტს და ცოცხალი პოეტური ფერებით დაგვიხატა თიკანთან მოთამაშე ბავშვის გუნემორებელი სამყარო.

სიახლის გრძობის გარეშე ნამდვილი პოეზია არ არსებობს. დღეს, როდესაც ბრძახულად გაფართოვდა ჩვენი წარმოდგენები სამყაროზე, კოსმოსზე პოეტის წინაე ახალი, მანამდე უცნობი პორიზონტები გადაიშალა. ჩვენ დღითიდღე მოწმე ვხდებით იმისა, თანდათან როგორ იზადება და ფრთებს ისხამს „კოსმოსის პოეზია“. ადამიანის მაძიებელი სული უფრო და უფრო მძლავრად ელტვის უკიდევანო ცის საიდუმლოს. სწორედ ამგვარი ამადლებული ლტოლვითაა გამსჭვალული ემილ ლოტიანუს ლექსი „ვარსკვლავები მეძახიან“. პოეტს სურს, დედამიწის სუნთქვა და ნაირფერი ყვავილები სუსტად მოციმციმე უშორეს პლანეტებზე წაილოს:

მოვალ და ცისფერ
სივრცეებში
დაგემგზავრებით,
მე გავადვიებ
დიდ სიჩუმეს —
მე მართლა მოვალ...
მე ავალ თქვენ!

ოქროს მთების
მაღალ ქედებზე
და თქვენს ველებზე
ჩემი მიწის
ყვავილებს დავრგავ.

უშუალობითა და თემებისადმი ორიგინალური მიდგომით გამოირჩევა ლექსები — „ბალადა უქმად გატარებულ დღეზე“, „გვიან ღამით“, „გიტარა“, „მარცხნივ, ჩემს მკერდში“.

ისევე როგორც ვიტალი კოროტიჩი. ემილ ლოტიანუც ხშირად ჩამოდის საქართველოში. გავიხსენოთ, რა მხურვალედ ლაპარაკობდა იგი საქართველოს მწერალთა VI ყრილობაზე, ქართული კულტურის რა დიდი სიყვარული ჩანდა მის სიტყვაში.

ვიტალი კოროტიჩისა და ემილ ლოტიანუს ლექსები ქართულად ისე თავისუფლად, ლაღად იკითხება, რომ თარგმანის შთაბეჭდილებას არც კი ტოვებს. ამასთანავე, ორივე პოეტს შენარჩუნებული აქვს როგორც საკუთარი სახე, ასევე ეროვნული კოლორიტი. ვიტალი კოროტიჩისა და ემილ ლოტიანუს ლექსებს საქართველოში ჟურნალმა „ცისკარმა“ დწულოცა გზა ამ რამდენიმე თვის წინათ. ჩვენმა მკითხველმა გულთბილად მიიღო ეს ლექსები, უფრო მეტად შეიყვარა ორი მოძმე ერის პოეზია. სიყვარული კი ის გზა და ხილია, რომელზედაც გაჩენის დღიდან უვლია და მომავალშიც მუდამ ივლის ქართველი ხალხი.

მეზარ კვიტიანიძე.



უიწყასი

ახალი წლის მიჯნაზე	3 გვ.
ახანაგ ლეონიდ ილიას ძე გრეშნევის ლ. ი. გრეშნევის დაჯილდოება	3 გვ. 4 გვ.
უიქრები ხეგელა	
გივი მიფისაშვილი — საქორწინო ეტლი	5 გვ.
გლადიმერ გაგუა — ახალგაზრდობა. მისთვის ნურაფარს დავიშურებთ!	11 გვ.
„ცისკარი“ ულოცავს	16 გვ.
სამოცი წელი	22 გვ.
პროზა და პოეზია	
როდინე ქოჩია — ნამდვილი მოთხრობები	17 გვ.
გურამ ფანჯიკიძე — მეშვიდე ცა (რომანი)	23 გვ.
გრიგოლ ცაცხლაძე — მთელი არსებით (ლექსი)	63 გვ.
ლადო სულაბერიძე — ოთხი ლექსი	64 გვ.
ჭაქარია შარაზადიშვილი — ახალი რვეულიდან (ორი ლექსი)	66 გვ.
ნინო აბაშიძე — საახალწლო სამზადისი (მოთხრობა)	106 გვ.
ჯურაბ რატიანი — ბიჭები (მოთხრობა)	110 გვ.
ახალი თარგმანები	
ანა ზევერსი — ლერწამი (მოთხრობა. თარგმნა დონარა თურმანიძემ)	123 გვ.
ახალგაზრდა მესენიკრები „ცისკარში“	
განტონ ზუაჩიძე — შაჰ პრემერის პოეზია	130 გვ.
ელიზბარ ჯაველიძე — სუფიზმისა და აღმოსავლური ლირიკის ერთი საკითხი	137 გვ.
ჩვენი ქალენდარი	
მამუკა წიკლაური — გაბრიელ ჯაბუშანური	147 გვ.
ნიგნების საყაროები	
დავით ავაქიძე — ტრადიცია და სიმღერა	150 გვ.
ჯუშუბარ თითხვარია — ყველაზე დიდი სიჩუმის შემდეგ	152 გვ.
მეზარ კვიციანიშვილი — „სიყვარული გზად და ხიდად“	155 გვ.

მთავარი რედაქტორი **ხუბა ბერულავა**

სარედაქციო კოლეგია: აკაკი ბაქრაძე, გურამ გვერდუითელი, მერაბ ელიო-
ზიშვილი, კარლო კალაძე, კონსტანტინე ლორთქიფანიძე, როინ მეტრეველი,
გურამ ფანჯიკიძე (პ/მზ. მღივანი), ვიორჯი ციციშვილი, ნოდარ წულუბსარი,
ვასტანგ ზელიძე, სერგი ვილანი, თამაზ ვილანი, ლაშა ჯანაშია.

გარეკანი და ტიტული ელ. ამაშუკელისა, ჟურნალი გააფორმა თ. სამხონაძემ.

ტექნიკური ხელმძღვანელი ს. გოდერძიშვილი

რედაქციოთა უფროსული მასალები ავტორებს არ დაუბრუნდებათ

რედაქციის მისამართი: თბილისი, პლესანოვის პრ.პ. № 91.

ბელეფონები: რედაქტორის — 5-08-85, პ/მზ მღივანის — 5-08-86, განყოფილებების
აკოეზიისა და პროზის, კრიტიკისა და ბიბლიოგრაფიის — 5-08-85, კულტურისა და
ხელოვნების 5-08-75

ხელმოწერილია დასაბეჭდად 20/XII-66 წ. ფიზიკურ ფორმათა რაოდენობა 10. პირობით
ფორმათა რაოდენობა 13,7 შეკვ. № 4348. უფ. 03405. ქაღალდის ზომა 70×108. ტირაჟი 11000.

საქ. კვ ცკ-ის გამომცემლობის პოლიგრაფკომბინატი, თბილისი, ლენინის ქ. № 14
Полиграфкомбинат издательства ЦК КП Грузия, Тбилиси, ул. Ленина № 14.

ფასი 80 კპ.

ბიბლიოთეკა
საქართველოს
საბავშვო ლიტერატურის
სამსახური

ЕЖЕМЕСЯЧНЫЙ ЛИТЕРАТУРНО-
ХУДОЖЕСТВЕННЫЙ ЖУРНАЛ

«ЦИСКАРИ»

издательство
«ЛИТЕРАТУРА ДА ХЕЛОВНԵԲԱ»

ИНДЕКС 76236